

THEOLOGIA

REDACTA
IN COMPENDIUM

PER INTERROGATA ET RESPONSA,
ad usum Examinandorum.

Auctore GASPARE JUENIN, Con-
gregationis Oratorii Galli-
cani Presbytero.

D I C A T A

Illustrissimo, ac Reverendissimo Domino

CASIMIRO ROSSI

PATRITIO NEAPOLITANO

Archiepiscopo Tarentino.




VENETIIS

Apud Joannem Coleti, Impensis Francisci Ricciardi.

M. DCCXXXV.





Illūe, ac Rūe Domine.



Ongo ; ac laudabili est
in more positum, insti-
tutoque majorum , ut
quicumque favorabilis tutelæ adoptio-
nem
a a

nem exquireret ; hanc non nisi humili
li , probatoque obsequiorum tributo de
mereretur . Hoc , quod omnibus in vo
tis est , iis præsertim , qui literariis fœti
bus tutelare veluti numen exoptant , non
omnes non minus elapsæ , quam recentis
ætatis experimento pari pro voto sortiri
comptum est . Arduus enim ad maje
statem , difficilis ad dignitatem , quæ hu
milia despicit , contingit accessus . Verùm ,
ut primùm Te noverim , cujus virtutem qui
novere , mirari non desinunt , tantus fuit
mei erga te animi motus , ut innumeris
ejuratis adoptionibus , ad Te unum humi
liter accessisse non dubitarim . Tantis e
nim Animi dotibus , humanitate tantà ,
tantàque in agendo lenitate illustraris , ut
faciles ad Te aditus , sive privatorum , si
ve publicorum aperias , omnes benignis
auribus , oculisque , & audias , & intuearis .
Soli fermè similis , qui non modo alto
rum cacumina montium , verùm & pro
fundas camporum valles suis illustrare ful
goribus non dedignatur . Hinc quis um
quam erit , aut toto terrarum Orbe pote
rit esse , qui Te non diligat , non admire
tur , non omni studio complectendum e
xistimet , cum in Te uno majestatem cum

amore, dignitatemque cum humilitate
conjunctam aspiciat? Quoad me, quid-
quid de cæteris sit, facere nullo modo
possum, quin officiosam cordis mei erga
te necessitudinem non exhibeam, & quo-
niam satis, superque mihi notum est,
non minus Te ad grandia, quàm ad mi-
nima mites oculos intendere non dedi-
gnari, idèd Compendium hoc de Theo-
logicis dissertationibus Tibi libenter offer-
re non erubesco: erubescerem, si quid
offerrem, sincero non proveniret ex ani-
mo, debito non adscriberetur obsequio.
Quis enim paveat, ubi tanta viget cle-
mentia? Quis confundatur, ubi comitas
tanta, tantus Amor, tanta cum Virtu-
te triumphat? Tuæ igitur erit benigni-
tatis, ac sapientiæ propemodùm singula-
ris levidensæ munusculum observantiæ, be-
nigno lumine inspicere, eo libentiùs, quia
Virtutis, & si eo licet Maximo exiguas
thuris glebularum evaporari minimè displicet,
exiguum debitæ significationis, gra-
tique animi monumentum Tibi placitum
esse velis. De reliquo vivas diu, Pastor
bone, diu, rogo, vivas, & ad commu-
ne Tarentini gregis beneficium, & ad ma-
jus Virtutis incrementum, & in me fa-
mu-

malum tuum tum honore meo, tum gaudio, quam habes authoritatem perpetuò exerceas.

Dominationis Tuz Ill. ac Rev.

Amillimūs, ac addictiss. famulus
Franciscus Ricciardi.

I N D E X

T O M I P R I M I.

PROOEMIUM. De *Essentia, Existentia, Objecto, & proprietatibus Theologia.* pag. 1.

P A R S P R I M A.

De Locis Theologicis.

Caput I. De *Scriptura Sacra generatim.* pag. 5.

Caput II. De *singulis in specie Libris Canonici.* 11.

Caput III. De *traditione.* 17.

Caput IV. De *Conciliis generatim.* 21.

Caput V. De *Conciliis generalibus in specie.* 28.

Caput VI. De *Ecclesia.* 40.

Caput VII. De *Romano Pontifice.* 52.

Cap. VIII. De *Episcopis, Patribus, & Scholasticis.* 54.

Cap. IX. De *Historia humana, & Ratione naturali.* 58.

Caput X. De *Censurarum notis quibus damnabiles propositiones affici possunt.* 60.

P A R S S E C U N D A.

De Deo Uno.

Caput primum. De *Dei Existentia.* 65.

Caput II. De *Essentia Dei.* 70.

Caput III. De *Attributis generatim.* 74.

Caput IV. De *Simplicitate Dei.* 78.

Caput V. De *infinite &*

Immutabilitate Dei. 81.

Caput VI. De *Visibilitate Dei.* 83.

Cap. VII. De *Dei tum eternitate, tum immensitate.* 98.

Caput VIII. De *perfectione, bonitate, & Omnipotentia Dei.* 102.

Cap. IX. De *Scientia Dei.* 106.

§. I. De *existentia & Essentia divina Scientia.* 107.

§. II. De *objecto Scientia Dei.* 112.

§. III. De *medio, in quo Deus cognoscit futura.* 12.

§. IV. De *divisione scientia Dei.* 116.

Cap. X. De *Voluntate Dei.* 121.

Cap. XI. De *Providentia.* 127.

Caput XII. De *Prædeterminatione.* 129.

§. I. De *natura & divisione Prædeterminationis.* *ibid.*

§. II. De *gratuitate Prædeterminationis ad gloriam.* 131.

§. III. De *Effectibus & Proprietatibus Prædeterminationis.* 142.

Caput XIII. De *Reprobatione.* 146.

P A R S T E R T I A.

De Deo Trino.

Caput I. De *personarum in Divinis multiplicitate.* 155.

Ca-

Index Capitum, &c.

| | | | |
|--|------|--|------|
| Caput XII. De Verbi Divi- nitate. | 160. | §. I. De Persona assumpte. <i>ibid.</i> | |
| Caput III. De Spiritus San- cti Divinitate. | 178. | §. II. De Natura assūpta. | 253. |
| Caput IV. De Processionibus Divinis. | 181. | §. III. De Unione. | 270. |
| Caput V. De Divinis Rela- tionibus. | 192. | De Essentia Unionis. <i>ibid.</i> | |
| Caput VI. De personis Di- vinis generatim. | 198. | De Proprietatibus Unio- nis. | 273. |
| Caput VII. De personis Di- vinis in particulari. | 201. | De Consequentibus Unio- nem. | 276. |
| PARS QUARTA. | | Caput VI. De Terminis In- carnationis. | 281. |
| De Deo Creatore. | | §. I. De Scientia Christi. | 282. |
| Caput primum. De Uni- versi Creatione. | 207. | §. II. De Sāctitate Christi. | 285. |
| Caput II. De Angelis. | 210. | §. III. De libertate Chri- sti. | 287. |
| §. I. De Angelorum Existētia, Natura, & Creatione. <i>ibid.</i> | | §. IV. De Merito Christi. | 289. |
| §. II. De Angelorum proprie- tatibus. | 216. | §. V. De Subjectione Chri- sti. | 291. |
| Caput III. De primo Homi- ne. | 223. | §. VI. De Adoptione Chri- sti. | 296. |
| PARS QUINTA. | | §. VII. De Prædestinatione Christi. | 301. |
| De Deo Incarnato. | | §. VIII. De dignitate Capitis, Regis & Judicis in Chri- sto. | 305. |
| Caput primum. De Pos- sibilitate Incarnatio- nis. | 230. | §. IX. De Sacerdotio Chri- sti. | 307. |
| Caput II. De Existētia In- carnationis. | 234. | §. X. De Oratione Chri- sti. | 312. |
| Caput III. De Necessitate In- carnationis. | 238. | §. XI. De Redemptione per Christum. | 315. |
| Caput IV. De Motivi Incar- nationis. | 244. | §. XII. De Sanctificatione à Christo exhibita. | 321. |
| Caput V. De essentia Incar- nationis. | 251. | §. XIII. De Christi Mediatio- ne. | 325. |
| | | §. XIV. De Adoratione Chri- sti debita. | 328. |

Finis Indicis primi Tomi.

THEO.

THEOLOGIA^I

R E D A C T A

I N C O M P E N D I U M

PER INTERROGATA, ET RESPONSA.

Ad usum Examinandorum :

PROOEMIUM.

*De Essentia, Existentia, Objecto;
& Proprietatibus Theologiae.*

1.
Quaestio.

QUID est Theologia ?
Resp. Theologia sumpta secundum
nominis etymologiam, est *Sermo de*
Deo. Sumpta vero secundum natu-
ram, est habitus mentis, quo co-
gnoscuntur res divinae, quae ex re-
velatis, sive mediatè, sive immediatè deducuntur.

2. *Q.* Quodnam est objectum materiale Theologiae ?

R. Est Deus ipse, necnon res ex quae ad Deum ali-
quo modo referuntur. Nempe Theologia (ut fert ipsa
nominis etymologia) agit de Deo, necnon de rebus
quae ad ipsum referuntur, vel tanquam effectus ad
causam, ut Angeli, Homo, Universum hoc aspe-
ctabile, vel tanquam media ad finem, ut sunt actus
humani: vel tanquam via, quae est Christus Domi-
nus, qua itur ad Patrem; vel tanquam instrumen-
tum inanimatum, ut sunt Sacramenta novae Legis,

A

quae

2. *Proœmium de Essentia, Existentia.*

quæ sanctificant hominem per gratiam quam significant & producant.

3. Q. Quodnam est objectum formale Theologia?

R. Est Divinitas ipsa: quia Theologia in suo objecto materiali, quod est Deus, primò & per se Divinitatem, seu Dei existentiam, essentiam, attributa & personas contemplatur.

4. Q. Quodnam est medium, seu motivum, per quod Theologia contemplatur Divinitatem in Deo?

R. Est revelatio: & in hoc differt à scientiis merè naturalibus, ut est Metaphysica. Illa autem revelatio non est immediata, hæc enim est proprium medium, seu motivum Fidei; sed mediata; hoc est, conclusio quæ ex revelatione per argumentationem deducitur: & in hoc Theologia differt à Fide.

5. Q. Existitne Theologia?

R. Existit: scilicet existit disciplina quæ contemplatur conclusiones, quæ ex Fide; seu ex rebus revelatis per argumentationem deducuntur. Hujusmodi est ista propositio: *In dubiis ad salutem spectantibus semitam debemus eligere tutiorem*; colligitur enim ex hac alia, quæ est immediatè revelata, cum in Scripturis contineatur: *Qui amat periculum peribit in illo*.

6. Q. Theologia ad quem mentis habitum reducitur?

R. Reducitur ad scientiam. Nam primò, certa est, cum revelatione nitatur. secundò, licet non habeat evidentiam consequentis: hoc est, quamvis veritas quam infert ex Fide, non sit evidens; Theologia tamen habet evidentiam consequentiæ: id est, evidenter cognoscit, propositionem quam infert, necessariò sequi ex Fide. Hæc autem evidentia, seu evidentia consequentiæ, satis est ad scientiam propriè dictam, quæ tamen non sit communis & naturalis ordinis. Scilicet illa evidentia summam confert veritati, quæ ex Fide colligitur, certitudinem; quam

Objecto, & Prop. Theologiae.

3

tamen certitudinem non habent scientiæ quarum principia sunt ordinis naturalis, nisi per evidentiam consequentis, hoc est, propositionis deductæ ex suis præmissis.

7. Q. Theologia estne speculativa, vel practica?

R. Est speculativa simul & practica: Speculativa quidem, eo quod sistat in contemplatione sui objecti primarii, quod est Deus: practica verò, cum hominis voluntatem per morum & disciplinæ regulas quas tradit, dirigat ad Deum, ultimum creaturæ rationalis finem.

8. Q. Theologia estne subalternata intuitivæ Dei visioni, qua Beati in cœlis fruuntur?

R. Non est propriè subalternata intuitivæ Dei visioni. Ratio est, quia, ut aliqua scientia sit propriè subalternata, duæ conditiones requiruntur. Necessè est primò, ut habeat principia diversa à principiis quæ habet scientia subalternans. Secundò, ut illius objectum sit inferius & contractius objecto scientiæ subalternantis. Atqui neutra ex his conditionibus reperitur in Theologia Viatorum respectu Theologiæ Beatorum. Scilicèt utraque Theologia, Viatorum nempe & Beatorum, habet pro principio divinam revelationem, obscuram quidem in terris respectu rei revelatæ, sed evidentem in cœlis: hic enim (ut Apostolus ait) videmus per speculum & in ænigmate, tunc autem facie ad faciem. Ultraque etiam habet objectum æquè extensum: quæcumque enim à Beatis clarè cognoscuntur in cœlis, possunt, si Deus revelaverit, à viatoribus per Theologiam cognosci: unde si hic non cognoscantur, per accidens est, defectu nimirum revelationis divinæ.

9. Q. Theologia estne scientia ordinis naturalis?

R. Est scientia ordinis naturalis. Ratio est, quia per actum naturalem, ratiocinationem nimirum acquiritur: hoc est, per actum, ad quem eliciendum opus non est gratia supernaturali. Nec obest, quod

4 *Proœmium de Essentia, &c. Theologia.*
habeat principium supernaturale, nempe Fidem: siquidem ordo in quo est, non sumitur ex principiis quibus utitur, sed ex modo, seu argumentatione qua utitur ad inferendas ex Fide conclusiones quas contemplatur.

10. Q. Theologia estne necessaria?

R. Scholastica, hoc est, quæ argumentatur ex regulis Logicæ, non est cuilibet homini ad salutem necessaria; quia Fides quæ per dilectionem operatur satis est ad consequendam salutem.

Non est quoque absolutè necessaria Ecclesiæ corpori; cum Patres in Conciliis Fidem sine ea plerumque explicuerint. Præterea suam originem debet Petro Lombardo qui XII. sæculo Præsul erat Parisiensis.

Est tamen valdè utilis, cum multum conferat ad faciliorem rerum quæ ex Fide sequuntur, intelligentiam, necnon ad detegenda vana Novatorum sophismata.

Quod tamen hæretici dialectica frequentius ad Fidem evertendam abuterentur, idè priorum sæculorum Patres, eam, per accidens, & non per se, noxiam esse prædicarunt.



PARS PRIMÆ

De Locis Theologicis.

Nota. **P**ER locos Theologicos intelliguntur fontes quidam ex quibus Theologia suas elicit conclusiones.

II verò Loci sunt decem præcipui : nimirum Scriptura, Traditio, Concilia, Judicium Romani Pontificis, Ecclesiæ Catholicæ consensus, Judicia Episcoporum, Authoritas Patrum, Scholasticorum, Historiæ testimonium, Humana ratio.

CAPUT PRIMUM.

De Scriptura Sacra generatim.

1. Quest. **S**cripturæ quæ dicuntur Sacræ, suntne libri veri, prout verum opponitur supposito?

R. Sunt libri veri: quia exaratae sunt ab his Scrip-
toribus, quibus tribuuntur, & his circiter tempo-
ribus, quibus feruntur conscriptæ: nempe historia
docemur & Judæos & Christianos quovis tempore
& continuata serie, pro authoribus sacrorum Codi-
cum agnovisse Scriptores illos quibus tribuuntur: via
autem illa est maximè certa: nec enim alia ratione
scimus res præteritas, quàm non intercepta traditio-
ne quæ illas ad nos usque perduxit.

2. Q. Libri, qui Bibliis continentur, suntne integri?

R. Integri sunt quoad partes substantiales. Siqui-
dem libri veteris Testamenti, qui sunt in Canone
Judæorum, depravati non fuerunt à Judæis ante
Christum; nec enim eam eis depravationem Chri-
stus

stus objecit: nec etiam post Christi tempora; tunc quoddam Judæi præ sua in illos libros religione, id nunquam audere potuerint: tum etiam quoddam præcipua de Christo vaticinia eodem modo in nostris Codicibus legantur, quo in Judaicis: tum denique quoddam Synagogæ per orbem universum dispersæ de illa depravatione, si à Judæis Jerosolymitanis tentata fuisset, minimè siluissent: *Anne* (inquit Augustinus lib. 15. de Civit. Dei, cap. 12.) *credibile est, ipsos Codicibus suis voluisse eripere veritatem, ut nobis eriperent auctoritatem, vel per totum orbem dispersos potuisse in hoc conspirare, nullo contradicente?*

Quæ mox pro integritate librorum veteris Testamenti prolata est ratio, valet quoque pro libris novi Testamenti. Nam 1. iidem sunt apud omnes Ecclesias licet communione diversas. 2. Cum per totum orbem statim dispersi fuerint, impossibilis fuisset, nullo reclamante, depravatio.

3. Q. Libri, qui Bibliis continentur, suntne auctoritatis divinæ?

R. Sunt. Scilicet ab Authoribus scripti sunt, qui ad eos conscribendos divinitus adjuti & missi sunt; suam enim divinam missionem, & speciale auxilium quo præventi sunt, innumeris miraculis confirmarunt, de quorum veritate nullus nisi demens dubitare potest: cum non intercepta serie ad nos usque pervenerint.

4. Q. Quis est præcipuus Bibliorum Author?

R. Deus: *Ipsè* (inquit Gregorius Magnus Præf. in librum Job) *qui hæc scribendo dictavit, ipse scripsit qui & illius operis inspirator extitit*. Scilicet sacrorum Scriptorum mentem, voluntatem & manum, multò perfectiùs quàm solent homines, quæ quædam scribis dictitant, affecit.

5. Q. Authores sacri scripseruntne liberè?

R. Scripserunt liberè: singulare nimirum, extraordinarium & efficax auxilium, quo afflati & adjuti fuerunt.

fuerunt; cum voluntatis libertate coherere potuit.

6. Q. Quot libri continentur in Judæorum Canone, seu Catalogo?

R. Complectitur viginti duos libros: nempe nec plus nec minus nunc in eo reperiuntur: nec plures etiam nec pauciores recenset Josephus lib. 1. contra Apionem. Aliqui tamen ex Patribus plures quàm viginti duos numerant: sed id contigit, quod nonnullos ex iis quos Josephus recensuerat, in duas partes, quasi in duos libros subdiviserint.

7. Q. Quis fuit Author Canonis Judæorum?

R. Esdras, illius est Author, testibus Irenæo libro 3. cap. 25. Tertulliano in libro de habitu mulierum, Clemente Alexandrino lib. 1. Stromatum, Theodoro Præfat. in Psalmos. Eo verò sensu Esdras Canonis est Author, quod sacros Codices in unum corpus redegerit, quod habita collatione suorum Codicum cum pluribus aliis, correxerit quæ per amanuensium oscitantiam irreperant.

8. Q. Quinam libri continentur in Canone Christianorum Catholicorum?

R. Hi recensentur in Concilio Tridentino sess. 3. libri Testamenti veteris, quinque scilicet Moyſis, Genesis, Exodus, Leviticus, Numeri, Deuteronomium, Josue, Judicum, Ruth, quatuor Regum, duo Paralipomenon, Esdræ primus, & secundus qui dicitur Nehemias, Tobias, Judith, Esther, Job, Psalterium Davidicum centum quinquaginta Psalmorum, Parabolæ Salomonis, Ecclesiastes, Canticum Canticorum, Sapientia, Ecclesiasticus, Isaias, Jeremias cum Baruch, Ezechiel, Daniel; duodecim Prophetæ minores, id est Osee, Joel, Amos, Abdias, Jonas, Michæas, Nahum, Habacuc, Sophonias, Aggeus, Zacharias, Malachias; duo Machabæorum, primus & secundus. Testamenti novi, quatuor Evangelia, secundum Matthæum, Marcum, Lucam & Joannem; Actus Apostolorum, à Luca Evangelista

conscripti; quatuordecim Epistolæ Pauli, ad Romanos, duæ ad Corinthios, ad Galatas, ad Ephesios, ad Philippenfes, ad Colossenses, duæ ad Theſſalonicenſes, duæ ad Timotheum, ad Titum, ad Philemonem, ad Hebræos; Petri Apoſtoli duæ; Joannis Apoſtoli tres; Jacobi Apoſtoli una; Judæ Apoſtoli una; & Apocalypſis.

Ubi autem ſacra Synodus relatum numerum re-
cenſuit, ſic loquitur: *Si quis autem libros ipſos integros cum omnibus ſuis partibus, prout in Eccleſia Catholica legi conſueverunt, & in veteri vulgata editione habentur, pro ſacris & canonicis non ſuſceperit, anathema ſit.*

9. Q. Quam regulam ſervarunt Patres, ut Canonem adornarent?

R. Accuratè expenderunt traditionem Patrum qui præceſſerant: deindè, factò illo examine judicarunt, communem illorum Patrum traditionem ferre, libros illos omnes ab Apoſtolis, ac primitiva Eccleſia habitos fuiſſe pro canonicis. Vide Auguſtinum de eo argumento differentem lib. 2. de Doctrina Chriſtiana, cap. 8.

10. Q. Qua lingua libri canonici primum conſcripti ſunt?

R. Qui continentur in Canone Judæorum, Hebraicè omnes, uno excepto Daniele, qui Chaldaicè, conſcripti ſunt. Id nimirum docet Hieronymus in Præſationibus in illos libros qui in Canone Judæorum continentur. Alii verò libri qui additi ſunt Canoni Judæorum aut Chaldaicè, aut Græcè, eodem Hieronymo teſte, ſcripti ſunt. Omnes verò libri novi Teſtamenti uno excepto Matthæi Evangelio quod Syriacè, ſed litteris Hebraicis Græcè (eodem Hieronymo teſte in Præſatione in Evangelia ad Damafum) editi fuerunt.

11. Q. Quot fuerunt veteris Teſtamenti Verſiones Græcæ?

R. Væ-

De Locis Theologicis.

5

R. Variæ : inter quas principem locum obtinuit quæ à Septuaginta duobus Judæis, ab Eleazaro Pontifice missis ad Ptolomæum Ægypti Regem, qui eos à laudato Pontifice petierat ad exarandam versionem librorum, qui apud Judæis Sacri habebantur. Hac versione usa est olim, & nunc etiam utitur Ecclesia Græca : ea quoque usi sunt Apostoli, cum vetus Testamentum in suis Epistolis ad gentes ad fidem conversas laudarent.

12. Q. Quot fuerunt Latinæ Bibliorum versiones?

R. Existerunt variæ. Inter eas verò præcipuum obtinet locum quæ *Vulgata Latina* dicitur, quæ nunc utuntur Occidentales Catholici. Eam Concilium Tridentinum sess. 3. declaravit *Authenticam*; hoc est immunem à quolibet errore qui circa Fidem sit, aut mores. Eam tamen non prætulit fontibus Græcis aut Hebraicis, quia cum illis eam minimè contulit, sed tantèmm prætulit ipsam variis versionibus Latinis quæ circumferebantur; *Ex omnibus, inquit, Latinis editionibus, quæ circumferuntur, quænam pro Authentica habenda sit.* Licet illius correctioni adornandæ plures Romani Pontifices incubuerint: non est tamen, etiam nunc ita mendis omnis expurgata, ut nulla supersint: sed ea menda nec dei, nec morum dogmatis obsunt: unde rejici non potest, cum aut de Fide aut de moribus agitur.

13. Q. Unde versiones tum Græcæ, tum Latinæ suam habent auctoritatem?

R. Non habent ex suis interpretibus: nempe hoc cæ interpretes inter & vates est discrimen, quod illis non autem isti, labi potuerint, ut docet Augustinus in Epistola 10. veteris editionis. Sed eam habent, & habuerunt olim ab auctoritate Ecclesiæ, quæ eas originalibus Codicibus conformes in iis quæ ad fidem & mores spectant, judicavit.

14. Q. Suntne plures Scripturarum sensus?

R. Sunt plures; litteralis nimirum, mysticus, & accom-

accomodatitius? Primus est ille quem verba; sive propriè, sive metaphoricè sumpta, immediatè, significant. Alter est ille qui significatur per sensum litteralem. Tertius denique, qui nec Scripturæ verbis, nec sensu illorum litterali continetur, sed ad aliud aut à Theologo, aut à quovis alio applicatur?

15. Q. Unus Scripturæ locus habetne aliquando plures sensus litterales?

R. Habet. Sic hæc verba Geneseos. 1. *In principio creavit Deus cælum & terram*, significant ad litteram, aut idem cum istis, *in principio temporis*, & *mundi*; aut idem cum his aliis, *ante omnia*.

16. Q. Quotuplex est Scripturarum mysticus sensus?

R. Triplex est, Allegoricus, Tropologicus, Anagogicus. Primus est ille, per quem res credendæ significantur: secundus, per quem res agendæ designantur: ultimus, per quem adumbrantur quæ speranda sunt. Triplex ille sensus reperitur in iis quæ Paulus in Epistola ad Galatas dicit de duobus Abrahami filiis, Isaaco & Ismaele. Mysticus sensus confert ad Fidem & mores adstruendos, cum ad id ab aliquo Scriptore canonico adhibitus est.

17. Q. Quot conditiones requiruntur ut aliquis Scripturæ textus patiatursensum accommodatitium?

R. Tres requiruntur. Necessè est 1. ut ad res pias applicetur; nec enim Scripturas ad faceta, aut prophana, & à fortiori ad turpia convertere licitum est. 2. Ut non anteponatur litterali aut mystico: scilicet id vetat Hieronymus in Epistola ad Paulinum. 3. Ut sensus falsus textui sacro non tribuatur.

18. Q. Accomodatitius sensus valetne ad probanda Fidei, aut morum dogmata?

R. Non valet, quia non est Spiritus sancti, sed hominis illum ad aliquid, propter quandam cum eo similitudinem, applicantis.

19. Q. Ad quem spectat tradere germanum Scripturæ

pturæ sensum, cum dubius est?

R. Ad eos quos (ut ait Apostolus in actis) Spiritus sanctus posuit Episcopos regere Ecclesiam Dei. Scilicet 1. id muneris Deus ipse antiquæ legis Sacerdotibus commiserat: *Si difficile aliquid, atque ambiguum apud te iudicium esse perspexeris, (Deuteronomii 17.) venies ad Sacerdotes Levitici generis, & facies quodcumque dixerint qui præsumt loco, quem elegerit Dominus.* 2. Christus Matthæi decimo octavo jubet ut Ecclesia audiat, eique Fideles auscultent: *Si Ecclesiam non audierit, sit tibi sicut ethnici & publicani.* 3. Si non esset aliqua externa autoritas quæ lites quæ circa Fidem oriuntur, posset dirimere, hoc est, dubium Scripturarum sensum determinare, Deus non satis Electorum saluti consulisset: tum quod plures sint qui præ linguarum imperitia varios inter sese Scripturarum textus conferre non possunt, ut ex mutua illa collatione verum illarum sensum assequantur: tum etiam quod hominibus etiam peritis Diabolus sese in lucis Angelum transformando, ut in hæreticis patet, sæpius illudere solitus sit.

C A P U T II.

De singulis in specie Libris Canonicis.

I. *Quæst.* **Q**uomodo dividuntur libri veteris Testamenti?

R. Dividuntur in Legales, Historicos, Sapientiales, & Propheticos.

Legales Legem continent Judæis per Moysen datam, suntque in Pentateucho; hoc est in quinque libris quos Moyses scripsit, Genesi nimirum, Exodo, Numeris, Levitico, Deuteronomio.

Historici varios recensent eventus, qui à Moysis morte in Judaica Republica contigerunt: complectuntur verò libros Josue, Judicum, Ruth, quatuor

Re-

Regum, duos Paralipomenon, Esdræ primum & secundum, Esther, Judith, duos Machabæorum.

Sapientiales, ii sunt in quibus morum regulæ traduntur: sunt autem Tobias, Job, Psalmi, Proverbia, Ecclesiastes, Canticum Canticorum, Sapientia, Ecclesiasticus.

Propheticæ, ii sunt quibus futuri rerum eventus prædicuntur, iique præsertim qui ad Christum, & Ecclesiam Christianam pertinent. Ex Prophetis alii dicuntur Majores, quod conscripti ab eis libri majus volumen efficiant; alii vero propter oppositam rationem, Minores. Illi, quatuor sunt tantum, Isaias, Jeremias, Ezechiel & Daniel; Isti duodecim, Ozeas, Joel, Amos, Jonas, Abdias, Michæas, Nahum, Sophonias, Habacuc, Aggæus, Zacharias, Malachias: Alium habent in Bibliis nostris ordinem, sed hunc servavimus, quod ordinem temporis quo scripsere, contineat.

2. Q. Quæ tradi potest divisio librorum novi Testamenti?

R. Eadem, qua libri veteris Testamenti; ratione dividuntur. Alii enim sunt Legales, qui quatuor Evangeliiis continentur; unus Historicus, Acta nimirum Apostolorum; alii Sapientiales, Epistolæ scilicet canonicæ, unus Propheticus, Apocalypsis nempe Joannis.

3. Q. Quo tempore conscripta sunt quatuor Evangelia?

R. Matthæus omnium primus, æræ vulgaris 39. scripsit Evangelium, Hieronymo teste: idque Jerusalemis, ac Syriaco sermone quo utebantur Judæi. Id autem operis exarasse putatur ad Christianorum preces, qui præcipua Christi facta, traditaque ab eo Fidei, & morum regulas præ oculis habere cupierant.

Marcus eadem serè, quæ jam Matthæus, litteris consignavit, sed contractius. Romæ scripsit anno
Christi

Christi 43. & quidem paulò antequam Roma Alexandriam à Petro mitteretur.

Lucas, Antiochia Syriæ oriundus, à Paulo ad Fidem conversus, ejusque individuus comes, anno Christi 56. scripsit Evangelium, prout ipsum ab eodem Paulo, cæterisque Apostolis audierat. Id autem eo consilio ipsum fecisse tradunt, ut comprimeret pseudo-Apostolorum ausum temerarium qui ut Pauli prædicationi obessent, aliter quàm ipse prædicabant.

Joannes, reversus ex exilio, in quod deportatus fuerat imperante Domitiano, æræ vulgaris anno 96. Evangelium scripsit, ut hæreticos, Ebionem præsertim & Cérinthum, Christi Divinitatem negantes confutaret.

4. Q. Quid de Actis Apostolorum scitu necesse est?

R. Actus Apostolorum à Luca conscripti sunt. Continent historiam annorum ferè triginta: scilicet à morte Christi & æræ vulgaris 33. ad biennium illud quod in libera custodia Paulus Romæ consumpsit. Lucas in eo libro, Ecclesiæ Christianæ infantiam ob oculos ponit: describit illius in omnes ferè gentes propagationem per Apostolos, & præcipuè per Petrum & Paulum cujus comes fuit individuus.

5. Q. Quis est ordo temporis inter canonicas Epistolas?

R. Is est ordo. Prima Petri, æræ vulgaris anno 52. Romæ conscripta est ad advenas Ponti, Galatiæ, Cappadociæ, Asiæ & Bithyniæ. Altera ad eosdem data est paulò ante Petri mortem, æræ vulgaris anno 66. tota est sicut & prima in tradendis vitæ Christianæ præceptis.

Pauli ad Thessalonicenses epistola prior quæ, teste Chrysostomo, omnium Paulinarum Epistolarum est prima, scripta est æræ vulgaris anno 52. In ea Paulus, 1. laudat Thessalonicenses quod in tradita sibi Fide constantes essent. 2. Docet eos futuram corporum

rum

rum resurrectionem, quam nonnulli pseudo-Apostoli negare ausi fuerant. 3. Tradit eis veram de extremo iudicio doctrinam. 4. Plura subiungit Moralis Christianæ præcepta.

Ad Thessalonicenses secunda, eodem, quo prior, anno scripta est. Paulus in ea explicat 1. quæ in prior de die Iudicii quasi instante dixerat, docetque, Christum non prius venturum quam Anti-Christus apparuerit. 2. Excommunicationem, nisi resipiscant, iis minatur, quos in prima Epistola tanquam otiosos & inquietos arguerat.

Ad Galatas Epheso scripsit Paulus æræ nostræ anno 56. Docet Legalia à gentibus ad Fidem conversis servari non debere, contra quod quidam pseudo-Apostoli Galatis post sui ad ab illis discessum traderant.

Ad Corinthios prima, Epheso scripta est, æræ vulgaris anno 57. in ea Epistola Paulus, 1. componit contentiones apud Corinthios ortas ex nimio erga Magistros studio. 2. Profert excommunicationis sententiam in Corinthium, quem Corinthii publico in incestu viventem toleraverant. 3. Eucharistiæ institutionem, requisitalve ad eam recipiendam dispositiones recenset. 4. Varia tradit tum disciplinæ, tum morum præcepta.

Ad Corinthios secunda, ex Macedonia labente vulgaris æræ anno 57. scripta est. Apostolus in ea. 1. Gratulatur Corinthiis de sincero erga seipsum studio. 2. Incestuoso pœnitenti communionem reddit. 3. Respondet pseudo-Apostolorum sibi invidentium obtreccationibus.

Quæ ad Romanos est Epistola, scripta est Corintho, anno Christi 57. Epistolæ occasione fuit quaestio Judæos inter & Gentiles ad Fidem conversos orta. Contendebant illi, se per observationem Legis Mosaicæ venisse ad Christi Fidem, & consecutos fuisse justificationem; isti verò per Legis Moralis obser-

vationem. Utrisque silentium Apostolus imponit, probans, & Judæos & Gentiles peccatis oneratos fuisse, cum annuntiatum est eis Evangelium. Hincque concludit, justificationem, utrorumque respectu, fuisse gratuitum donum; ac proinde nec ex observatione Legis, nec ex operum meritis, sed ex Christi Fide proficisci: id autem ut probet, de altissimo prædestinationis & gratiæ mysterio fuse differit.

Ad Philippenſes; æræ nostro anno 62. Paulus Roma scripsit ex primis ſuis vinculis, quæ (ut conſtat ex Actis 29. (biennio perdurarunt. 1. Gratias agit de ſubſidio ſibi in vinculis per Epaphroditum à Philippenſibus miſſo. 2. Hortatur eos, ut conſtantes ſint in Fide, quam ab ipſo audierant, nec obſequantur pseudo-Apoſtolis judaizantibus, quos vocat *canes* & *inimici Crucis Chriſti*. 4. Tandem docet non ex Legge, ſed ex Chriſti Fide veram juſtitiam proficisci.

Ad Philemonem eodem anno 62. Roma per Oneſimum ejusdem Philemonis ſervum ſcripsit. Epiſtolæ occaſionem dedit Oneſimi furtum, cujus cum pœnituiſſet, & poſtquam Romæ baptizatus fuiſſet, ab eodem Paulo cum hac Epiſtola ad herum ſuum Pauli diſcipulum remiſſus eſt.

Ad Ephēſios, Roma ex vinculis quorum ter meminit, ſcripsit Paulus æræ noſtræ anno 62. In ea Epiſtola tractat de juſtificatione, & hominis prædeſtinatione gratuita. 2. Ephēſios hortatur ad unitatem ſpiritus. 3. docet, quarum rerum ſibi invicem officia debeant vir & mulier; quid filii parentibus, & parentes filiis debeant.

Ad Coloſſenſes eodem anno 62. ſcripsit Apoſtolus. 1. Coloſſenſes deterret à Simonianis qui docebant, nos acceſſum habere ad Deum, non per Chriſtum, ſed per Angelos. 2. Docet, Judaicas & Philoſophicas obſervationes à Chriſtianis contemni debere.

3. Tan-

3. Tandem in tertio & quarto capite ejusdem Epistolæ totus est in tradendis vitæ Christianæ præceptis.

Ad Hebræos scripsit Paulus ex iisdem vinculis, æræ nostræ anno 62. sub finem biennii, quo Romæ primum commoratus fuerat. In hac Epistola duo potissimum agit. Docet enim 1. quantum Christi Sacerdotium supra Leviticum emineat. 2. Hebræos consolatur, hortaturque ut sint perseverantes in Fide quæ est in Christum.

Ad Timotheum Paulus priorem Epistolam scripsit, cum jam primis suis vinculis solutus iterum Orientem peragraret, æræ vulgaris anno 66. Explicat in ea fusè omnes omnino Episcopatus partes, Timotheique virtutes, quem consecraverat Ephesiorum Episcopum, mirificè commendat.

Ad eundem Timotheum secundam Apostolus ex suis secundis vinculis Roma scripsit paulò antequam martirium subiret: ac proinde anno vulgaris æræ 66. Iltius idem argumentum, ac præcedentis.

Ad Titum Epistola ejusdem est cum duobus præcedentibus argumenti. Nam 1. Titum, quem Cretensium Episcopum creaverat, admonet de Presbyteris & Episcopis ordinandis. 2. Acriter adversus judaizantes insurgit. 3. Multa tradit morum præcepta. Scripta verò est Philippis, cum Paulus post prima vincula Orientem peragraret æræ vulgaris anno 66.

Jacobi Epistolæ scopus est. 1. Ut Christianos ad modestiam erudiat; à vana confidentia revocet, & ad petendam à Deo sapientiam hortetur. 2. ut contra quosdam, qui tunc Ecclesiam vexabant, probet fidem operibus destitutam nihil omnino ad salutem prodesse.

Judæ fratris Jacobi Alphæi Epistola, non argumento tantum, sed etiam verbis secundæ Petri similis est.

Joannis prior Epistola scripta est, juxta veterum

tra-

traditionem, ad Parthos. Explicatur in ea 1. Incarnationis veritas & œconomia. 2. Traduntur varia, quæ tum ad fidem, tum ad mores spectant documenta.

In Epistola secunda Joannes, 1. impugnât Basilidem, ejusque sectarios, qui tunc temporis docebant, Christum non fuisse verum hominem, sed phantasma; ac proinde eum verè nec aliquid aut egisse, aut passum fuisse. Gratulatur Electæ & natis ejus, quòd seductores illos non audiissent 3. Vetat omnes cum eis societatem, in iis etiam quæ ad vitam civilem spectant.

In tertia Epistola Joannes, 1. idem quòd in secunda, sibi proponit argumentum. 2. Gaium ad quem scripsit monet ne Diotrephen imitetur. Scriptæ verò putantur tres illæ Joannis Epistolæ anno vulgaris æræ 98.

6. Q. Qui de Apocalypsi dicendum est?

R. Apocalypseos liber scriptus est à Joanne in exilio quod passus est in insula Pathmos, citra æræ vulgaris annum 94. hincque patet scriptam eam fuisse ante ejusdem Joannis Evangelium, & tres illius Epistolas canonicas. Prædicat in eo libro Ecclesiæ persecutiones, multaque alia ad illam spectantia, sed tot ænigmatibus involuta, ut vix ab aliquo expositore quidquam certi ac clari traditum sit.

C A P U T III.

De Traditione.

I. Quæst. Quid est Traditio?

R. Est Dei verbum; aut ex ipsius Christi ore, aut ex sancti Spiritus inspiratione ab Apostolis exceptum, & viva voce, non autem scripto, Ecclesiis traditum.

2. Q. Ubiqum reperitur Traditio?

B

R. Non

R. Non reperitur in libris Canonicis ut sic, sed tantum aut in Conciliis, aut in Partibus, aut in unanimi Ecclesiarum consensu: & in hoc differt à Dei verbo, quod Scriptura dicitur.

3. Q. Quotplex est Traditio?

R. Dividitur in divinam & humanam. Prior, à Dei revelatione aut per Christum, aut per Spiritum sanctum Apostolis facta, originem suam ducit, versaturque circa Fidei aut morum regulas. Altera vero initium sumit ex Ecclesie auctoritate, & est circa disciplinam & externos usus.

4. Q. Extiterunt tum in Lege naturæ, tum in Mosaica divinæ quædam Traditiones?

R. Extiterunt. Adamus nimirum posteros suos docuit quæ ex Dei revelatione didicerat de Fidei in Mediatorem necessitate ad justificationem consequendam. Moyses quoque Judæis iussit ut filiis suis narrarent tum quæ ex ipso audierant, tum quæ oculis conspexerant, *Narrabis (inquit Exodi cap. 13.) filio tuo in illa die, dicens hoc est quod fecit Dominus.*

5. Q. Divina Traditio fuitne Ecclesie Christianæ pluribus annis absolute necessaria?

R. Fuit, antequam Scripturæ novi Testamenti conscriberentur: non enim revelationes particulares quæ cuilibet Christiano fierent, neque Scriptura (cùm nondum extaret) poterant esse Fidei ac morum regula: Ergo sola Traditio.

6. Q. Divine Traditiones suntne, his etiam temporibus, Christianorum Ecclesiis necessariae?

R. Sunt; & quidem 1. ad discernendos libros Canonicos ab apocryphis: nec enim in sacris Codicibus docetur quinam, & quot sint libri Canonici: *Ex traditione (inquit Origines apud Eusebium hist. libro 6. cap. 18.) didici de quatuor Evangeliiis quod hæc sint, &c.* 2. Ut cognoscatur quinam ex pluribus sensibus qui Textibus sacris tribui possunt, verus sit ac germanus, 3. Ut credantur plura Fidei dogmata

mata; quæ nec implicite quidem, in sacris Codicibus continentur, ut sunt quoddam Deipara, etiam post partum, virginitatem servaverit; quoddam valeat datum ab hæreticis Baptisma; necnon illud quod infantibus mox natis confertur. Hinc Apostolus Thessalonicenses monet, ut Traditionibus firmiter adhæreant: *Tenete* (inquit cap. 2.) *Traditiones quas accepistis sive per sermonem, sive per Epistolam nostram.*

Obicies 1. Moyses Deuteronomii 4. Paulus in Epistola ad Galatas, Christus Matthæi 15, prohibent Traditionum usum tum in Fide, tum in moribus.

Resp. Moysen prohibere tantum Traditiones quæ sunt additio ad Dei verbum: *Non addetis*, inquit, *ad verbum quod ego precipio vobis*: at divinæ Traditiones non sunt additiones humanæ ad Dei verbum, sed sunt ipsummet Dei verbum, licet non scriptum in libris Canonicis. Paulus de Traditionibus quoque ad Dei verbum additis loquitur: nempe de Traditione conjungendi legalia cum Evangelio, quæ quidem contraria erat doctrinæ quam Paulus Galatas docuerat: *Sed*, inquit, *licet nos, aut Angelus de cælo evangelizet vobis, præterquam quod evangelizavimus vobis, anathema sit*. Tandem Christus non de divinis traditionibus loquitur, sed de Pharisaicis quæ adversæ erant Dei Legi: *Irritum*, inquit, *fecistis mandatum Dei, propter Traditionem vestram.*

Obicies 2. Patres (ut patet ex Augustino in libro 2. de Doctrina Christiana cap. 9.) passim docent omnes tum Fidei, tum morum regulas Scripturis contineri.

Resp. Iis in locis Patres loqui de iis tantum Fidei mysteriis, quorum explicita cognitio est ad salutem necessaria; & de præceptis quæ in Decalogo continentur, quæque sunt communia morum principia: at non loquuntur de aliis omnibus mysteriis, nec de conclusionibus quæ ex Decalogo colligi debent.

7. Q. *Traditio divina estne locus ex quo peti pos-*

sin argumenta quæ certo adstruant & Fidei & morum dogmata ?

R. Est. Nam 1. est (ut superius dictum fuit) Dei ipsius verbum. 2. Plures credimus articulos (ut mox fuit observatum) sola nixi Traditione. 3. Patres & in Conciliis , & in suis operibus quovis sæculo Traditione tanquam certissimo medio usi sunt ad adstruenda tum Fidei tum morum dogmata . Id nimirum videre est apud Irenæum lib. 3. adversus hæreses, cap. 4. apud Tertullianum qui totum de præscriptionibus librum impendit, ut divinam Traditionibus auctoritatem conciliet; apud Augustinum qui eo solum medio utitur , ut libro 5. de Bap. cap. 23. probet valere datum ab hæreticis Baptisma ; apud Vincentium Lirinensem qui toto libro quem *Commonitorium* , inscripsit , demonstrat Traditioni non minus firmiter quàm scripto Dei verbo inhærendum esse in iis quæ ad Fidem & mores spectant .

Obj. 1. Cyprianus rationem non habuit Traditionis quam illi Stephanus Papa pro dato ab hæreticis Baptismate objecerat . Traditio mutationis est obnoxia: scilicet ferebat duodecim priorum sæculorum Traditio ; ut Fideles omnes sub utraque specie reciperent Eucharistiam ; ab aliquibus tamen sæculi desinit usus ille .

Resp. ad 1. Cyprianum non divinam, sed humanam tantum judicasse (licet falsò) Traditionem quam ei Papa Stephanus objecerat , ut patet ex ejusdem Cypriani ad Pomponium Epistola , in quâ vellicat Stephani de hæreticorum Baptismate doctrinam . Ad 2. usus de Communionem sub utraque specie pertinet ad Traditionem disciplinæ, non autem ad Traditionem quæ juris sit divini : Illa , non autem ista, est obnoxia mutationi .

8. Q. Quibus regulis Traditio divina discerni potest ab humana ?

R. Traditio non est divina , 1. cum illius initium repe-

reperitur aut in Conciliis, aut in aliquibus humanis statutis, ita Vincentius Lirinensis Commonitorio lib. 1. cap. 6. docet. 2. Doctrina quæ in una tantum Ecclesia particulari reperitur, non est tradita, sed inventa. 3. E contra dogma quod universa Ecclesia amplectitur, non est humanitus inventum, sed traditum divinitus. Id nimitum expressè docent Irenæus lib. 1. adversus hæreses cap. 2. Tertullianus in libro de Præscriptionibus, Hieronymus adversus Vigilantium scribens; Augustinus passim in suis contra Pelagianos operibus. Idem dicendum est de dogmate aliquo, quod in aliquo sæculo tota tenuerit Ecclesia, nec enim cum sit columna & firmamentum veritatis, errare potest in Fide, aut in moribus: *Id teneamus* (inquit Vincentius Lyrinensis in Commonitorio) *quod ubique, quod semper, quod ab omnibus creditum est.* In eundem sensum hæc ante Vincentium Tertullianus scripserat in libro de Præscriptionibus: *Quod apud multos unum invenitur, non est erratum, sed traditum.*

C A P U T IV.

De Conciliis generatim;

1. *Quæst.* Quid est Concillium?

R. Est Ecclesiæ Præsulum Convēntus, in quo de rebus ad Ecclesiam spectantibus agitur; hoc est, aut de Fide, aut de moribus, aut de disciplina.

2. *Q.* Quot sunt Conciliorum genera?

R. Quatuor: Generalia nimirum, quæ universam Ecclesiam repræsentant; Nationalia, quæ regni alicujus; Provincialia, quæ alicujus provinciæ; & Diocesana, quæ cujusdam diocesis particularis exhibent Ecclesiam.

3. *Q.* Quinam octo prima Concilia generalia convocarunt?

B 1

R. Imo.

R. Imperatores; sed non sine Romanorum Pontificum consensu: scilicet Patres expressè in eorundem Conciliorum actis testantur se ab Imperatoribus ad Concilium vocatos fuisse: *In nomine Domini nostri Jesu Christi* (verba sunt Calchedonenſis Concilii, Acti-
one 1.) *in Calchedonenſi civitate facta est Synodus ex decreto piſſimorum, & fideliffimorum Imperatorum Valentiniani & Marciani.*

4. Q. Quinam convocarunt Concilia generalia, quæ in Occidente poſt octavum (quod eſt quartum Conſtantinopolitanum) habita ſunt?

R. Pontifices Romani: idque probant eorundem Pontificum Bullæ quæ illorum Conciliorum editis actis præfixæ ſunt.

5. Q. Ad quem, ſtricto jure, pertinet generalium Conciliorum convocatio?

R. Ad Pontifices Romanos. Ratio eſt, quia Pontifices Romani divinitus ſingulis totius orbis Episcopis præpoſiti ſunt; ad eos tanquam Chriſti Vicarios Eccleſiarum regimen ſpectat: illis igitur divinitus datum eſt, ut Episcopos (cùm id Eccleſiæ utilitas expoſcit) ad Synodos vocent: iſſque poteſtate ſibi à Chriſto tradita præcipiant, ut iis ſeſe præſentes ſiſtant.

Obj. Cur Romani Pontifices paſſi ſunt, ut Imperatores octo prima Concilia Generalia convocaverint, ſi juſ illud ad ipſos Romanos Pontifices, ſtricto jure pertineat?

R. Paſſi ſunt quod Imperatores Episcopis alimenta & vehicula præberent; quod tunc Lex civilis vetaret, ne inconſultis Principibus, aliqua hominum ſaltem frequens, congregatio fieret. Prætereà non niſi ex Romanorum Pontificum aut petitione aut conſilio Imperatores Synodos Episcoporum convoca-
runt: unde Ruſſinus hiſt. lib. 3. cap. 1. ſcribit Ni-
cænam primam à Conſtantino Magno, *ex ſententia Sacerdotum* coactam fuiſſe.

6. Q. Quinam jure divino possint in Conciliis ferre suffragium?

R. Episcopi jure divino id juris habent: ii enim ad Concilia generalia coacti, jurisdictionem habent in omnes orbis Ecclesias: ii, Pastores sunt & Principes quos posuit Spiritus sanctus regere Ecclesiam Dei. Hinc factum est, ut Episcopi soli in Conciliis generalibus quæ per quatuordecim prima secula aut in Oriente, aut in Occidente celebrata sunt, suffragium decisivum tulerint in iis quæ ad Fidem, aut mores, aut disciplinam pertinent.

Dices. In Concilio quoddam ab Apostolis Jerosolymis celebratum est, Seniores qui erant homines laici tulerunt suffragium: *Convenerunt*, inquis, *Lucas, Apostoli, & Seniores videre de verbo hoc*. Præterea causa Fidei & morum non minùs ad laicos fideles, quàm ad Episcopos pertinet, par igitur est, ut cum de eà agitur, suffragium ferant.

R. Ad 1. Seniores, de quibus Lucas, fuisse ex numero septuaginta duorum Discipulorum: septuaginta autem Discipuli non erant homines laici, sed Presbyteri, quos Apostoli Episcopos consecraverunt: unde licet vox *Senior* in antiquo Testamento nonnumquam pro Senioribus ætate sumatur: in novo tamen nunquam sumitur nisi pro Senioribus dignitate, Presbyteris nimirum aut Episcopis: hinc factum est ut Joannes licet Apostolus, se Seniore vocaverit *Senior Electus*. Ad 2. dicendum est, non eodem modo ad laicos fideles, quoad Episcopos Fidei & morum causam pertinere: ad illos enim pertinet tanquam ad Discipulos qui audiant & obtemperent: ad illos vero tanquam ad Pastores, qui doceant ac præcipiant. Hinc factum est, ut ipsi Imperatores testati sint non licere sibi sese Ecclesiæ causis immiscere: *Illicitum est* (inquit Theodosius junior in Epistola ad Ephesinam Synodum) *eum qui non sit in ordine sanctissimorum Episcoporum Ecclesiasticis immisceri tractatibus*.

7. Q. Quinam humano jure possint in Conciliis ferre suffragium?

R. Abbates ac generales Ordinum Præpositi. A tempore nimirum Concilii Basileensis Ecclesia illis hoc privilegium indulgit, ut suffragium in Conciliis ferrent.

8. Q. Quis debet generalibus Conciliis præesse?

R. Romani Pontifices vel per se, vel per legatos quibus partes suas commiserint. Nam 1. præfuerunt omnibus generalibus Conciliis quæ hucusque habita sunt, uno & altero exceptis, Secundo nimirum & Quinto, quæ ab eis postea confirmata sunt. 2. Cum Papa divinitus in tota Ecclesia primatum habeat, par est igitur, ut congregationibus præsit, quæ (ut Concilia generalia) universam Ecclesiam repræsentant.

Obj. Leo II. hæc scribit ad Imperatorem Constantinum Pogonatum: *Sancta universalis Sexta Synodus, quam nutu Dei studiosè vestra clementia convocavit, & cui pro Dei ministerio præfuit.* Præterea Imperatores in Conciliis plerumque in honoratiore loco sedisse leguntur. Ergo, &c.

R. Textum ex Leone II. laudatum intelligi de præfidentia quæ unicè tenderet ad pacem inter Episcopos conciliandam; & ad curandum, ut omnia ordinatè & pacificè fierent; non autem ad ferendum suffragium in causis, quæ ad Fidem aut mores pertinerent: unde Constantinus Magnus (Eusebio teste in libro 4. de vita Constantini, cap. 24.) sic Nicænos Patres affatus est: *Vos quidem in iis quæ intra Ecclesiam; Ego verò in iis quæ extra geruntur, Episcopus à Deo sum constitutus.* Locus honoratior materialis Imperatoribus nonnunquam in Conciliis concessus, non arguit in eis jus suffragii, sed signum est honoris quem Episcopi Imperatoribus deferre voluerunt.

2. Q. Concilia generalia suntne infallibilia in definiendis fidei aut morum dogmatibus?

R. Sunt

R. Sunt infallibilia, hoc est, errare non possunt. Ratio est 1. quia Apostoli definitionem primi Concilii (quod quidem forma fuit cæterorum) Spiritui sancto tribuerunt: *Visum est: (inquiunt Actorum cap. 15.) Spiritui sancto & nobis.*

2. Concilia generalia repræsentant universam Ecclesiam, quemadmodum Comitia generalia totum regnum exhibent: Atqui Ecclesia in controversiis de Fide & moribus est omnino infallibilis: est enim ex Apostolo, columna & firmamentum veritatis: unde Christus Matthæi 8. jubet sub anathematis pœna, ut eam audiamus: eius quidem præcepti hanc rationem reddit, quod ipse per Spiritus sancti inspirationem, & auxilium in medio eorum sit qui eandem Ecclesiam repræsentant: Si inquit, *duo vel tres* (ponet determinatum numerum pro indeterminato qui totam Ecclesiam repræsentet) *fuert congregati in nomine meo, ibi sum in medio eorum.*

3. Id etiam ostenditur ex Traditione, quâ docemur, eos pro hæreticis habitos fuisse semper, qui editis per Concilia generalia definitionibus in rebus Fidei & morum, verè, & sincerè, tanquam articulis à Deo revelatis adhærere detrectarunt. Unde in eisdem Conciliis anathema eis dictum est semper.

Obj. 1. Scripturæ testantur, omnes omnino Pastores errare posse: *A Prophetâ usque ad Sacerdotem* (ait Jeremias cap. 6.) *cuncti faciunt dolum.*

Resp. Scripturam solitam esse omnes arguere, quamvis non omnes, sed plures tantum sint mali. Sic licet Apostolus ad Philippenses capite 2. dicat: *Omnes quarunt quæ sua sunt, non quæ Jesu Christi;* postea tamen iasserit, nonnullos, ex Christi charitate Evangelium annuntiare. Præterea non Pastorum meritis, sed authoritati annexa est infallibilitas.

Obj. 2. Concilium generale Judæorum erravit definiens, Christum Jesum non esse Messiam in Lege pro-

promissum : Ergo à pari Concilium generale Ecclesiæ Christianæ errare potest in definiendis morum aut Fidei controversiis , non enim Ecclesia Judaica minùs debuit esse infallibilis , quàm Ecclesia Christiana .

Resp. 1. Concilium Judaicum de quo agitur , non fuisse generale : neque enim ad illud vocati fuerunt Sacerdotes , qui in variis Judæorum provinciis , populorum fidelium regimini præpositi fuerant .

Resp. 2. Dato quòd illud Judæorum Concilium fuerit generale ; & concesso quòd erraverit in juris controversia omnium maxima , nego consequentiam : Ratio est , quia illud Concilium habitum est eo tempore , quo Synagoga desierat esse infallibilis : scilicet (quod maximè advertendum est) Synagogæ Judaicæ , ad tempus tantùm , hoc est , usque ad adventum Christi , infallibilitas concessa fuerat .

Nec id mirum est : tunc enim Ecclesia Judaica desinere debebat , ut Christianæ daret locum . Tunc , hoc est , tempore quo Ecclesia Christiana cœpit in Christo , infallibilitas non erat Judæis necessaria ad judicandum , an Christus esset verè Messias in Lege promissus : quilibet enim licèt planè plebeius & literarum expers , certò cognoscere poterat , Jesum Nazarenum esse Messiam à Prophetis prædictum & prænunciatum : quia id manifestè demonstrabant infinita ac evidentia miracula , quæ Christus in suæ missionis confirmationem operabatur .

Obj. 3. Ephesinum II. Concilium erravit in fide : nempe probavit Euthichetis de Christo impietatem , hoc est , definiit unam tantùm in Christo naturam , post unionem remansisse : Ergo , &c.

Resp. Concesso anteced. nego consequens : quippe deliit esse œcumenicum & liberum . Omnia nimirum per summam vim , advocatis etiam militibus , qui Episcopis in eo Concilio sedentibus violentas manus inferrent , peracta sunt ; id verò contestati sunt

sunt iidem Episcopi, cum postea ad Calchedonense Concilium vocati fuere.

Obj. 4. Concilium Ariminense erravit circa Verbi Consubstantialitatem cum Deo Patre: de illo nimis mirum Concilio hæc habet Hieronymus in suo adversus Luciferianos Dialogo: *Tunc Nicæna Fidei damnatio conclamata est. Ingenuis totum orbis, & Arianum se esse miratus est.* &c.

Resp. Dist. ant. Nicænæ Fidei damnatio conclamata est apparenter & in specie, conc. ant. verè & realiter, neg. ant. Scilicet nihil definitum fuit in eo Concilio contra Verbi consubstantialitatem, sed hoc unum actum est, quod consenserint Episcopi, ut vox ista, *Consubstantialem* eraderetur è Symbolo cui Patres Nicæni eam inseruerant: decepti perverò fuerant ab Arianis, qui pollicebantur sese rem ipsam quæ verbo illo *Consubstantialem* significabatur amplexuros esse, *Putavimus*, inquiunt, soluto jam Concilio, apud Hieronymum, *sensum Arianorum congruere cum verbis.*

Obj. 5. Concilium generale VI. erravit, damnavit enim tanquam hæreticas Honorii Papæ Epistolas ad Sergium, licet essent Catholicæ.

Respondet Bellarminus damnatas fuisse Honorii Epistolas, non quod hæresim continerent Monothelitarum, sed quod prohiberent usum vocabulorum unius, aut duplicis in Christo operationis: idque donec enucleatius quæstio de duplici in Christo voluntate explicaretur.

Obj. 6. Concilium Francofordiense, cui aderant Hadriani Papæ legati, erravit: nempe definiit idolatriæ favere Nicæni II. Concilii Decretum de imaginibus colendis: Ergo, &c.

Resp. 1. Concilium illud non fuisse generale; nullus enim ei adfuit, qui Orientalem Ecclesiam representaret, nec quisquam ex Orientalibus ad ipsum vocatus est.

Resp.

Resp. 2. Concilium Francofordiense non damnaſe legitimum cultum imaginum, ſed idololatriam tantum, quàm, malè intellectis vocabulis græcis Nicænæ Synodi, putaverat ab illo Concilio imaginibus aſſertam fuiſſe. Hinc factum eſt, ut Occidentales meliùs poſtea intellecto ſenſu Nicæni ſecundi Concilii, illud pro œcumenico & Catholico ſemper habuerint.

Obj. 7. Poſeſt fieri, ut in Conciliis generalibus ſint plures Epiſcopi mundi dilectores: cur ergo fieri non poterit ut errent?

Resp. Id fieri, quodd Chriſtus iis, qui Eccleſiam univerſalem repræſentarent, pollicitus ſit Spiritum ſanctum quoad lumen neceſſarium, ut veritas cognoscatur, & directionem & præſidium ut cognita doceatur: *Ubi duo vel tres congregati fuerint in nomine meo, ibi ſum in medio eorum.*

C A P U T. V.

De Conciliis generalibus in ſpecie 7.

1. Quaſt. **Q**uodnam eſt Concilium generale primum?

Resp. Eſt Nicænum 1. quod quidem habitum eſt anno 325. Sylveſtri Papæ temporibus. Definivit verò 1. contra Arrium, Verbum eſſe Deum, & ejuſdem eſſentiæ cum Deo Patre. Ut autem Verbi divinitas exprimeretur vocabulo, quod Arrianorum cavillis non pateret, laudata Synodus inferuit Symbolo vocem, *Conſubſtantialem*. Definivit 2. contra Quarto-decimanos, Paſcha Chriſtianum celebrari non debere Luna 14. Martii in quamcumque ſeptimanæ diem incideret, quodd fiebat à Judæis, ſed tantum die Dominica quæ occurreret poſt diem Lunæ 14. Martii. Definivit 3. inaniter ac ſine cauſa conſtatum fuiſſe in Egypto adverſus Eccleſiam Alexandrinam ſchiſma à Mele-

Meletio, quem Petrus Alexandrinus, quod idolis sacrificasset, ex Episcopatu dejecerat. Tandem ea in Synodo nec plus nec minus quam viginti Canones ad disciplinam spectantes editi sunt. Arabici nimirum Canones, sic appellati quod ex Græco in linguam Arabicam versi sint, non sunt Nicænæ Synodi, licet illos ei nonnulli postremis hisce temporibus tribuerint: scilicet non reperiuntur in antiquis Concilii Nicæni exemplaribus: unde nusquam à Veteribus laudati sunt.

2. Q. Quodnam est Concilium generale Secundum?

Resp. Est Constantinopolitanum: quod habitum est anno 381. Damasi Papæ temporibus. Assuerit verò divinitatem Spiritus Sancti adversus Macedonium Constantinopolitanum Episcopum, qui eam aperte negaverat: edidit præterea Symbolum illud quod intra Missarum solemnia decantatur, adjecitque totum articulum de Spiritu Sancto, de quo nihil statuerat Nicæna prima Synodus, utpote tota adversus Arrium habita. Condidit præterea septem Canones, qui ad disciplinam pertinent.

Concilium istud, convocatione quidem non fuit generale: neque enim ad illud vocati sunt Occidentales Episcopi; sed postea evasit generale per Occidentalium consensum: à quibus tamen dogma tantum à Concilio definitum, non autem editi Canones probati sunt.

3. Q. Quodnam est Concilium generale Tertium?

Resp. Est Ephesinum 1. quod anno 431. imperante Theodosio juniore, & Romæ sedente Cælestino Papa celebratum est. Definivit unam tantum esse in Christo personam; ac Mariam esse verè Deiparam contra Nestorium Episcopum Constantinopolitanum, qui utrumque illud caput negaverat. Edidit præterea sex Canones, in quibus aut Nestoriani à suis sedibus deponuntur, aut à Nestorianis depositi restituantur;

illi Concilio non adfuerunt quidem Episcopi Patriarchatus Antiocheni ; imò aliquandiu Authore Joanne Antiocheno , illud rejecerunt , quodd sensum Anathematismorum Cyrilli adversus Nestorium , non intelligerent : sed postea , eorumdem anathematismorum quos Ephesina Synodus probaverat , intellexit & legitimo sensu , illud Concilium pro legitimo & œcumenico habuerunt ; sicque ab omnibus ubique fidelibus habitum.

4. Q. Quodnam est Concilium œcumenicum Quartum ?

Resp. Est Calchedonense , anno 451. celebratum , Imperante apud Orientales Martino , & Romæ sedente Leone Magno . Definiit 1. contra Eutychetem Archimandritam , hoc est , Abbatem Constantinopolitanum , duas esse Christi naturas in una hypostasi , Verbi nimirum convenientes . Definiit irritam ac impiam esse contrariam definitionem quæ in pseudo Synodo Ephesina secunda lata fuerat . 3. Ex Episcopatu dejecit Dioscorum Patriarcham Alexandrinum , qui latrocinio Ephesino adversus Flavianum Episcopum Constantinopolitanum pro errore Eutychetis iniquè præfuerat 4. Restitutæ sunt sedes Theodoreto & Iba Edesseno dejectis in latrocinio Ephesino , quodd Nestorio favisse visi fuissent ; ille in suis anathematismis contra anathematismos Cyrilli ; istè verd in sua ad Marim Persam Epistola . 5. Editi sunt quidam Canones ad disciplinam spectantes : quos & probavit postea Ecclesia Romana , uno excepto vigesimo octavo , quo Præsuli Constantinopolitano primum post Episcopum Romanum locus (contra quodd statuerat Concilium Nicænum I.) concessus est .

5. Q. Quodnam est Concilium generale Quintum ?

R. Est Constantinopolitanum secundum , quod quidem indistinctum est ab Imperatore Justiniano , anno 549. cuiusque centum & sexaginta quinque Episco-

pi adfuerunt . In eo Concilio, intactis Theodoretis & Ibae personis, quas Concilium Chalcedonense admiserat, sub anathematis poena damnati sunt qui defendere auderent tria famosa Capitula, Theodoretis nimirum Anathematismos adversus Cyrillum editos, Theodori Mopsuesteni opus adversus Apollinarem, & Ibae ad Marim Persam Epistolam. Scilicet judicarunt Quintae Synodi Patres, tribus illis Capitulis contineri impiam Nestorii de duplici in Christo persona blasphemiam.

6. Q. Quodnam est Concilium generale Sextum?

R. Est Constantinopolitanum III. Cœpit verò die 7. Novembris anno 680. Agathonis Papæ tertio, tertio quoque Constantini Pogonati Imperatoris. Definivit contra Monothelitas, duas esse in Christo voluntates, & duas operationes; humanæ nimirum naturæ unam, & alteram divinæ.

7. Q. Quodnam est Concilium generale Septimum?

R. Est Nicænum II. quod quidem habitum est anno 787. Imperante in Oriente Irene & filio ejus Constantino: Romæ verò sedente Hadriano Papa.

Definitum fuit in ea Synodo retineri debere tum Christi, tum Deiparæ, tum Angelorum, tum sanctorum virorum imagines; iis imaginibus deberi *honorariam adorationem*; eam autem adorationem non esse latræam quæ soli Deo debetur; non esse cultum qui ad figuras terminetur, sed qui referatur ad earum prototypa: Non tamen (inquit Actio-
ne 7.) *ad veram latræam qua secundum Fidem est, quæque solam naturam divinam decet, impertinendam: itaque istis sicuti figuræ, pretiosa ac vivifica Crucis, & sanctis Evangeliiis & reliquis sacris monumentis, incensorum & luminum oblatio ad harum honorem efficiendum exhibeatur.* Editi sunt postea viginti duo Canones ad disciplinam spectantes, & in sedes suas restituti sunt Episcopi, quos Iconoma-
chi,

thi, hoc est, imaginum effractores, in suo Conciliabulo Constantinopoli habitò ex eis dejecerant.

8. Q. Quodnam est Concilium œcumenicum Octavum?

R. Est Constantinopolitanum IV. quod quidem habitum est anno 869. Basilio imperante Constantinopoli, & Hadriano II. Romæ sedente.

9. Q. Quæ fuit causa celebrandi Concilium œcumenicum Octavum?

R. Celebratum est ad deiciendum Photium ex sede Constantinopolitana quam per vim invaserat, & ad restituendum sanctum virum Ignatium iniquè à Photio detrusum. Utrumque verò illud caput executioni mandatum est à sacra Synodo, & pax Latinos inter & Græcos confirmata: tum editi sunt varii Canones qui ad disciplinam spectant.

10. Q. Quodnam Concilium est generale Nonum?

R. Est Lateranense I. quod Romæ anno 1123. Calisto Papa II. & imperante in Germania Henrico V. celebratum est.

11. Q. Quæ fuit causa celebrandi Concilium Lateranense I?

R. Celebratum fuit duplici de causa. Scilicet habitum est 1. ut Investiturarum abrogatio, secundum pacta inter Callistum & Henricum conventa, confirmaretur. Investiturarum autem nomine intelliguntur jura quædam eligendi Præsules, confirmandi Electos, & mittendi eos in possessionem; quæ quidem jura Imperatores sibi sumpserant 2. ut Palæstina & Hispania ab infidelium tyrannide, qua tunc opprimebantur, liberari possent, 3. Tandem ut restitueretur collapsa in Ecclesiis disciplina,

12. Q. Quis fuit exitus Concilii Lateranensis I?

R. Henrico duo concessa sunt. Primum, ut fisteret se præsentem electionibus quæ in illius Imperio fierent. Alterum, ut intrâ imperii Henriciani limites,

Ele-

Electi Regalia, hoc est fructuum percipiendorum potestatem per Sceptri regii contractum acciperent.

13. Q. Quodnam est Concilium generale Decimum?

R. Est Lateranense II. quod anno 1139. habitum est sub Innocentio Papa II.

14. Q. Quotuplex fuit causa celebrandi Concilium Lateranense secundum?

R. Fuit triplex. Prima, ut constatum à Petro Leonis schisma comprimeretur: altera ut damnarentur errores Petrobusianorum & Arnoldistarum: tertia, ut in integrum restitueretur collapsa Ecclesiæ disciplina.

15. Q. Quinam fuerunt errores Petri de Bruys ac eorum qui ab ipso dicti sunt Petrobusiani?

R. Docuerat 1. inutile esse ad salutem datum parvulis Baptisma. 2. Everti debere Templorum ædificia 3. Cruces confringi, non autem adorari debere. 4. Eucharistiā non continere realiter verum Christi corpus. 5. Mortuos nec Presbyterorum sacrificiis, nec Fidelium præcibus juvari. Arnoldus, à quo Arnoldistæ nomen traxere, in eosdem ferè errores in quos Petrus de Bruys, lapsus fuerat: *De Sacramento Altaris*, inquit Otho Frisingensis, *de Baptismo parvulorum, non sanè dicitur sensisse.*

16. Q. Quodnam est Concilium generale XI.

R. Est Lateranense III. quod imperante in Germania Friderico I. & Romæ sedente Alexandro Papa III. anno 1179. habitum est.

17. Q. Quid causæ fuit celebrandi Concilium Lateranense tertium?

R. Triplex fuit. 1. Ut eligerentur media ad schisma deinceps vitandum. 2. Ut damnarentur Valdensium de Ecclesia & Sacramentis errores. 3. Ut reformarentur mores, usura, simonia, aliisque vitiis corrupti.

18. Q. Quodnam est Concilium generale Duodecimum?

C

R. Est

R. Est Lateranense IV. quod anno 1215. sub Innocentio Papa III. celebratum est.

19. Q. Quid actum est in Concilio Lateranensi Quarto?

R. 1. Damnatus fuit liber Abbatis Joachimi, quo impugnavat Petrum Lombardum qui in Sententiis asseruerat, rem unam esse in Trinitate essentiam, nimirum, quæ nec generet, nec generetur. 2. De coercendis ac puniendis hæreticis nonnulla decreta sunt. 3. Amplissimæ indulgentiæ iis concessæ sunt qui adversus Saracenos arma laturos essent. 4. Varii editi sunt Canones ad Ecclesiæ reformationem spectantes.

20. Q. Quodnam est Concilium generale Decimum tertium?

R. Est Lugdunense primum, quod quidem anno Christi 1245. celebratum fuit, Innocentio Papa IV. & in Germania imperante Friderico II.

21. Q. Quid actum est in Concilio primo Lugdunensi?

R. Innocentius Papa IV. excommunicationis & depositionis sententiam protulit in Fridericum II. propter excessus varios, & scelera quæ idem Innocentius coram Concilio sigillatim recensuit. Exau-
torationis verò decretum sic habet: *Sacro præsentis Concilii, ad memoriam sempiternam, &c. cum è contra alia decreta sic inscripta sint: Ex communi Concilii approbatione sancimus, &c.* Actum quoque fuit de mediis per quæ Saracenis, qui Jerosolymorum urbem expugnaverant, & Tartaris, qui in Hungariam irreperant, obviam iretur.

22. Q. Quodnam est Concilium generale Decimum quartum?

R. Est Lugdunense II. quod habitum est anno 1274. Illi per seipsum præfuit Gregorius Papa X. Præter Patriarchas Constantinopolitanum & Antiochenum adfuere quingenti Episcopi: adfuerunt pa-
 riter

riter Jacobus Aragoniæ Rex, Michaelis Palæologi Græcorum Imperatoris, Regum Franciæ, Germaniæ, Angliæ, Siciliæ, Tartariæ Oratores. Vocatus & fuerat sanctus Thomas Aquinas, sed obiit in itinere, verum adfuit sanctus Bonaventura, quem Gregorius Lugduni S. R. E. Cardinalem & Episcopum Albanensem creavit.

23. Q. Quæ sunt Acta præcipua Concilii Lugdunensis secundi?

R. Statutum est 1. ut Decimæ bonorum Ecclesiasticorum conferrentur ad subsidium Terre sanctæ, quam Saraceni opprefferant. 2. Pax inita est Latinos inter & Græcos, qui antea schismate divisi erant. 3. Probata est additio particulæ *filioque*, quæ à Latinis facta fuerat Symbolo, quo quidem cum ejusmodi additione ter Græcè intra missarum solemnia decantatum est. 4. Græci & suarum Ecclesiarum & Michaelis Palæologi nomine, concessum divinitus Romanæ Sedi in singulas orbis Ecclesias Primatum profecti sunt. 5. Promulgati sunt varii Canones ad disciplinam spectantes.

24. Q. Quodnam est Concilium generale Decimum quintum?

R. Est Viennense in Galliis habitum sub Clemente Papa V. anno 1311. licet indictum esset anno 1307.

25. Q. Quænam acta sunt in Viennensi Concilio?

R. Multa. Nam. 1. Templariorum Ordo, *sacro approbante Concilio*, extinctus est, eorumque bona Equitibus sancti Joannis Jerosolymitani tradita sunt. 2. Promulgata fuit Clementina *de Summa Trinitate & Fide Catholica*, ubi damnantur errores Petri Olivi, qui asseruerat Christi adhuc viventis latus lancea fuisse perforatum; animam rationalem non esse formam corporis; Fidem & virtutes in Baptismate non infundi. 3. Promulgata est altera Clementina: *Ad nostrum*, qua Beguardorum & Beguinorum errores damnati sunt.

26. Q. Quodnam est Concilium generale decimum sextum?

R. Est Constantiense, quod quidem cœpit anno 1415. absolutum est verò anno 1418.

27. Q. Quid causa fuit celebrandi Constantiense Concilium?

R. Triplex fuit. *Prima*, ad extinctionem Schismatis quo jam diu laborabat Ecclesia: nempe tres se pro veris Romanis Pontificibus jactabant, Joannes XXIII. Gregorius XII. Benedictus XIII. Cuique nonnulla regna, nonnullæ provinciæ parebant: cuique pariter sui erant Cardinales. *Secunda*, ad stabiliendam Fidem adversus Wicleffum, Joannem Hus & Hieronymum de Praga. *Tertia* ad universalis Ecclesiæ tam in capite, quàm in membris reformationem.

28. Q. Quæ præcipua sunt Acta Concilii Constantiensis?

R. Plura. Nam 1. prolata est depositionis sententia adversus Joannem Papam XXIII. tanquam in contumacem (se nimirum subduxerat è Concilio) Schismatis fautorem, reum perjurii (se se enim dato sacramento obstrinxerat ad deponendum Pontificatum, si ita Concilio videretur) & conscium Simoniae, pluriumque aliorum gravium criminum; eam autem sententiam idem Joannes postea ratam habuit ac confirmavit scripto. 2. Admissa est unanimi consensu Gregorii XII. cessio. 3. Petrus de Luna, Benedictus XIII. in sua obedientia nuncupatus dejectus est, & in eum tanquam in contumacem & schismaticis fautorem prolata est excommunicationis sententia. 4. Damnati sunt quadraginta quinque articuli Fidei contrarii, quos Joannes Wicleffus, Presbyter Anglus protulerat in medium. 5. Damnati sunt quoque triginta alii articuli Joannis Hus. 6. Hieronymus de Praga tanquam fautor articulorum, tum Wicleffi, tum Joannis Hus, excommunicatione mul-

mulctatus, traditus est sæculari brachio, cujus iussu vivus exultus est. 7. Electus est in summum Pontificem Martinus V. à quo in eodem Constantiensi Concilio plures Constitutiones promulgatæ sunt.

29. Q. Quodnam est Concilium generale decimum septimum?

R. Est Basileense convocatum à Martino Papa V. quæ quidem convocatio ab Eugenio IV. qui Martino successit, confirmata est. Cœpit anno 1431. & desistit anno 1442.

30. Q. Quid causæ fuit celebrandi Concilium quoddam Basileense dicitur?

R. Triplex fuit. *Prima*, ad tentandam Bohemorum cum Ecclesia Catholica unionem: perdurabant nimirum adhuc in Bohemia Joannis Wicleffi & Joannis Hus errores in Concilio Constantiensi solemniter damnati. *Secunda*, ad conciliandam pacem inter Christianos Principes, qui tunc Rempublicam Christianam bellis lacerabant. *Tertia* ad Cleri reformationem, quæ in Concilio Constantiensi tentata quidem, sed ad exitum perducta non fuerat.

31. Q. Quid actum est in Concilio Basileensi?

R. Plura fuerunt acta. 1. Concilii generalis potestas sessionibus 2. 3. 18. 29. & 33. explicata & confirmata fuit. 2. Probata sunt pacta Bohemos inter & Concilii legatos in Ægra oppido conventa. 3. Damnatus fuit libellus fratris Augustini de Roma, Archiepiscopi Nazareni, in quo præter cætera continebatur hæc propositio: *Christus quotidie peccat, & ex quo fuit Christus, quotidie peccavit*, idque, quamvis, ut ait Concilium, idem Archiepiscopus diceret, se eam non intelligere de Christo capite, sed de membris ejus, quæ unà cum ipso unum Christum efficiunt. 4. Probata est consuetudo communicandi sub una tantum panis specie. 5. Sessione 26. actum est de Conceptione Beatæ Mariæ Virginis, declaratumque fuit, doctrinam qua immunis à peccato as-

seritur, amplectendū esse, tanquam *piam & consonam cultui Ecclesiastico, Fidei Catholica, rectæ rationi & Scripturæ*. 6. Sessione 34. lata fuit de positionis sententia in Eugenium Papam IV. quod post iteratas monitiones Concilii translationem ab ipso factam rescindere detrectasset & tandem probata est Amedæi Sabaudia Ducis electio in Papam, facta à Cardinalibus & aliis ad id specialiter à Concilio deputatis.

32. Q. Concilium Basileense estne œcumenicum?

R. Fuit œcumenicum usque ad sessionem 24. inclusive: quoad cæteras verò non fuit œcumenicum. Scilicet Eugenius Papa IV. priores 24. sessiones habuit pro actis œcumenici Concilii, ut patet ex Bulla ab ipso promulgata 18. Kalendas Ianuarii, anno 1433. Verum sessione 25. sanior Concilii pars iudicavit valere translationem Concilii in urbem Florentiam, aut in alium Italiae locum, quem Eugenius IV. elegisset. Ab eo tempore pauci Præsules remanserunt Basileæ, majorque ac sanior pars ad Eugenium accessit.

33. Q. Quodnam est Concilium generale decimum octavum?

R. Est Florentinum; quod quidem Ferrariæ incepit die 9. Aprilis anno 1438. Præfuit illi Concilio Eugenius Papa IV.

34. Q. Quid actum fuit in Concilio Florentino?

R. Post multas collationes & disputationes Græcos inter & Latinos habitas promulgatum est, sacro approbante Concilio Eugenii de Fide decretum, quo quidem sancitum est, Spiritum Sanctum à Patre & Filio procedere. 2. Rectè particula *Filioque* additam fuisse Symbolo. 3. Valere consecrationem sive in azymo, sive in fermentato pane. 4. Animas piorum qui plenè pro peccatis in hac vita non satisfecerint, purgari in altera purgatoriiis pœnis, antequam Dei visione fruantur. 5. Romanum Pontifi-

cem

cem jure divino habere primatum in tota Ecclesia :
6. Servari debere jura quæ Canones aliis Patriarchis concesserunt .

35. Q. Quid actum est Florentiæ post Græcorum discessum , & soluto jam Concilio ?

R. Promulgatum est Florentiæ decretum Eugenii Papæ pro instructione Armenorum , qui quarto post Græcorum discessum mense Florentiam advennerant , ut cum Ecclesia Romana unionem ac societatem inirent .

36. Q. Quodnam est Concilium generale ultimum ?

R. Est Tridentinum ; quod quidem ab anno 1545. usque ad annum 1563. sub tribus Pontificibus Romanis , Paulo III. Julio III. & Pio IV. celebratum est .

37. Q. Quid causæ fuit celebrandi Tridentinum Concilium ?

R. Duplex fuit . Coactum est scilicet . 1. ad stabiliendam Fidem contra Lutheri , Calvini ac aliorum hæreticorum , qui tunc grassabantur , errores . 2. Ad restituendam Ecclesiæ disciplinam , quam hæreses & bella plurimum labefactaverant .

38. Q. In quibus præsertim Fidei capitibus , Lutherus , Zuinglius & Calvinus erraverant ?

R. In capitibus de Libris Canonicis , de Justificatione , de Sacramentis , de Indulgentiis , de pœnis purgatoriis , de invocatione Sanctorum . Ii verò errores proscripti sunt in Concilio Tridentino ; quoddam quidem 25. sessiones completitur . Ubique receptum est illud Concilium in iis , quæ ad Fidem spectant , sed ubique nondum obtinuit quoad capita , quæ pertinent ad reformationem . Sæpius in Galliis à Rege Christianissimo postularunt Cleri Gallicani generalia Comitia , ut Episcopis liceret ejusdem Concilii capita ad reformationem spectantia promulgare ; sed nondum id eis concessum est ; quibus autem

de causis, hic non est dicendi locus.

39. Q. Suntne præter enumerata, aliqua genera-
lia Concilia?

R. Numerantur quidem & aliqua alia. Sed cum
in Galliis nec promulgata, nec recepta fuerint, ideo
hic ea non duximus esse recensenda.

C A P U T VI.

De Ecclesia.

1. Quæst. Quidmodò definitur Ecclesia?

R. Definitur *Cætus Sanctorum*, hoc est
hominum qui vocati sunt ad sanctitatem *sub uno ca-
pite Christo, & ejus in terris Vicario Romano Pontifi-
ce, Deo servientium.*

2. Q. Soli prædestinati suntne Ecclesiæ membra?

R. Non sunt: ad eam enim etiam pertinent homi-
nes reprobi, qui sub legitimis Pastoribus Fidem
exteriùs profitentur.

3. Q. Quibus argumentis probari potest reprobos
qui sub legitimis Pastoribus Fidem exteriùs profi-
tentur, esse Ecclesiæ membra?

R. Probari potest. 1. ex Matthæi 3. cap. in quo Ec-
clesia comparatur aræ in qua sunt paleæ, quæ igne
inextinguibili comburendæ sunt. 2. Ex Matthæi 22.
cap. ubi eadem Ecclesia comparatur cum convivio,
in quo erat qui ejectus fuit in tenebras exteriores. 3.
Ex Matthæi 25. ubi Ecclesia comparatur decem vir-
ginibus, inter quas fuerunt quinque fatuæ, qui-
bus sponsus dixit, *Nescio vos.*

Obj. 1. Augustinus sæpiùs asserit, reprobos ad Ec-
clesiam non pertinere: Ergo, &c.

R. Augustinum loqui iis in locis de Ecclesia sum-
pta quoad esse finale, hoc est, docet reprobos nun-
quam consecuturos esse finem ultimum propter
quem instituta est Ecclesia, scil. visionem beatifi-
cam

tam in patria: sed non loquitur de Ecclesia secundum esse materiale, quod habet in via, hoc est, quoddam conjunctionem cum Christo aut per Fidem mortuam, aut per Fidem quæ per dilectionem, licet cum perseverantia minimè conjunctam, operatur. Hinc est quod idem Augustinus comparet Ecclesiam cum lilio quod est inter spinas, indeque concludat quod sicut spinæ inter quas est lilius, sunt in horto: ita etiam reprobi sint in Ecclesia, quæ in Cantico Canticorum horto cuidam comparatur.

Obj. 2. Ecclesia comparatur cum Arca Noe: Ergo quemadmodum in Arca Noe non fuerunt nisi qui ab aquis diluvii salvati sunt; ita & in Ecclesia sunt ii tantum, qui prædestinati sunt ad salutem æterno Dei decreto.

Resp. neg. conf. In hoc enim valet illa comparatio, quoddam sicut extrà Arcam Noe nullus salvatus est ab aquis diluvii: ita nemo extrà Ecclesiam salutem æternam consecuturus sit, ita Augustinus lib. 5. de Bapt. cap. 18.

3. Q. Infideles suntne in Ecclesia?

R. Non sunt: foris enim eos esse testatur Paulus 1. ad Corinth. 5. *Quid enim, ait, mihi de iis, qui foris sunt, judicare?*

4. Q. Cathecumeni suntne in Ecclesia?

R. Non sunt. Nam 1. per solum Baptismum homines aggregantur Ecclesiæ, juxta illud Actorum 2. *Qui ergo receperunt verbum, baptizati sunt, & apposita sunt in die illa circiter tria millia:* ubi vox hæc apposita, ingressum in Ecclesiam significat. 2. Patres semper distinxerunt fideles a cathecumenis: at soli fideles sunt in Ecclesia. 3. Cathecumenis non convenit tradita superiùs Ecclesiæ definitio.

Obj. 1. Cathecumeni, etiam in cathecumenatu morientes, salvari possunt. 2. Nonnumquam habent Ecclesiæ formam, charitatem nimirum, per quam sanctificentur: Ergo sunt in Ecclesia.

R. Con-

R. Concesso antecedente, nego conseq. Ratio est, quia ut quis salvetur, non est necesse ut actu sit in Ecclesia, sed satis est, ut in ea sit per sincerum cordis desiderium; non satis est quoque ut habeat esse formale Ecclesiæ, sed requiritur præterea, ut habeat esse materiale, quod quidem positum est in eo quod quis Baptismum actu receperit.

5. Q. Soli homines iusti qui sunt baptizati, suntne Ecclesiæ membra?

R. Non sunt. Nam 1. homines in statu peccati mortalis jacentes continentur in tradita superius Ecclesiæ definitione. 2. Impii possunt ejici ex Ecclesia, ut habetur Matthæi, & reverà Corinthius incestuosus, ut habetur ad Cor. cap. 5. ex ea ejectus est: Ergo in ea sunt, antequam ejiciantur. 3. Constans fuit semper traditio peccatores non dñm excommunicatos esse in Ecclesia: id nimirum docent Tertullianus, Cyprianus, & alii qui licet rejicerent datum ab hæreticis Baptisma, admittebant tamen datum ab iniquis qui Fidem exteriorius profiterentur, quod censerent eos esse in Ecclesia, cum è contra hæretici in ea minimè sint.

Obj. 1. Qui sunt in statu peccati mortalis non pertinent ad Christum, cum spiritum illius, hoc est, charitatem non habeant; juxta illud Apostoli, *Qui spiritum Christi non habet, hic non est ejus.*

R. Dist. ant. Non pertinent ad Christum quantum ad esse formale, quod est charitas, conc. ant. quantum ad esse materiale, quod est externa Fidei professio, nego antecedens. Solutio patet ex dictis superius.

Obj. 2. Paleæ non sunt panis partes: Ergo nec impii sunt partes Ecclesiæ, cum Apostolus eos qui sunt in Ecclesia comparet cum pane, primæ ad Corinth. 10. *Unus panis & unum corpus multi sumus.*

R. Conc. ant. nego conseq. & dico in eo valere Pauli comparationem quoddam sicut multa frumenti

gra-

grana unum panem efficiunt : ita Baptismus societatem unam ex multis hominibus constantem efficiat .

Obj. 3. Ecclesia sancta est ; id nimirum in Symbolo profitemur .

Resp. Quoad plura membra , conc. quoad omnia nego . Nec mirum quod Ecclesia sic appelletur cum denominatio ex nobiliori parte sumi debeat .

Obj. 4. Impii Diabolum habent pro patre , juxta illud Christi : *Vos ex patre Diabolo estis* : Ergo Ecclesiam pro matre habere non possunt .

R. Dist. ant. quoad aliqua , seu quoad peccatum , conc. ant. quoad omnia , nego ant. Impii enim non a Diabolo , sed à Christo Baptismum habent & quoad hoc , non autem quoad illud Ecclesiam habent pro matre ; per Baptismum enim tanquam ex Christi semine eos genuit .

4. Q. Infideles occulti , qui permanent exterius in Fide , suntne in Ecclesia ?

R. Sunt . Nam 1. Ecclesia in eos jurisdictionem habet . 2. Ab ea per excommunicationis decretum , ubi suam hæresim prodiderint ejici possunt : Ergo sunt in ea , donec suam hæresim prodant .

Obj. 1. Nihil est in occultis infidelibus per quod uniantur Ecclesiæ . 2. Hæretici , licet occulti , sunt ipso facto excommunicati .

R. Ad 1. Infideles occultos uniri Ecclesiæ per Baptismum , & per externam quam legitimis Pastoribus exhibent obedientiam . Ad 2. Sunt excommunicati *interius* , conc. ant. *exterius* , nego ant. Sola excommunicatio externa homines projicit ex Ecclesiæ sinu : unde qui interius tantum sunt infideles , si Pastores sint , sua non excidunt jurisdictione .

7. Q. Publici hæretici , manifesti schismatici suntne in Ecclesia ?

R. Non sunt . Ratio est 1. quia nullus Christianus per sexdecim prima sæcula credidit homines de quibus

bus agitur esse in Ecclesia. 2. Veteres, quoties verbum hoc *Ecclesia*, simpliciter ac sine addito protulerunt, semper intellexerunt societatem in qua non essent hæretici publici, aut Schismatici manifesti. Vide Irenæum lib. 3. cap. 4. Tertullianum in lib. de Præscriptionibus; Hieronymum sub finem dialogi adversus Luciferianos; Canonem 9. Concilii Laodicensi; Canonem 6. primi Concilii Constantinopolitaneæ generalis Synodum actione tertia. 2. Patres veram Ecclesiam vocarunt Catholicam, hoc est, societatem ubique diffusam: at hujusmodi non sunt hæreticorum sectæ.

Obj. 1. Publici hæretici & manifesti schismatici in pluribus articulis conjuncti sunt cum Ecclesia: Ergo in ea sunt. 2. Hæretici per Baptismum, Ecclesiæ filios generant: Ergo sunt in Ecclesia, cum vera Ecclesia (utpote sola Christi sponsa) Christo filios generare possit.

R. Ad 1. satis non esse conjunctionem cum Ecclesia in aliquibus articulis: requiritur enim conjunctio in omnibus articulis qui expressè ab Ecclesia definiti sunt. Ad 2. dist. ant. Hæresis Christo per Baptismum filios generat, tanquam Ecclesiæ ancilla: conc. ant. tanquam Christi sponsa, nego ant. In Baptismate quod habent hæretici, reperitur sacrum semen Christi qui sponsus est Ecclesiæ: unde cum Baptismum parvulis conferunt societates hæreticæ, Christi semine quod in suo veluti utero exceperunt, non sibi, sed Ecclesiæ filios pariunt. Ita Augustinus in libro 1. de Bapt. cap. 15.

Obj. 2. Si hæretici non essent in Ecclesiæ corpore, explicari non posset quomodo Ecclesia sit ubique diffusa: scil. constat nullam particularem societatem, nè Romanam quidem, ubique esse diffusam.

R. 1. Ubique reperiri fideles qui Catholicam Fidem profitentur ac præterea, hæreticorum infantes bapt.

baptizati, ad Ecclesiam pertinent tanquam quæ eos per Christi semen in ancillarum utero genuerit.

R. 2. Eo sensu vera Ecclesia est ubique diffusa, quod licet supponatur in omnibus Terræ provinciis non reperiri, semper sua amplitudine superet alias omnes societates Christianas seorsim sumptas: ita Augustinus libro 3. contra Cresconium cap. 66.

Obj. 3. Homines in Schismate constituti possunt consequi salutem æternam: Ergo sunt in Ecclesia.

Probatur ant. 1. Multi viri pii reperti sunt in Schismate decem Tribunalium sub Jeroboamo. 2. Reperti sunt in Schismatibus, quæ sæpius lacerarunt Ecclesiæ vestem.

Resp. Dist. ant. Si Schismati non consentiant, conc. ant. si è contra consentiant, nego ant. Viri pii qui in Jeroboami Schismate reperti sunt, nusquam illi consensere. Qui vixerunt in Schismatibus quæ in Ecclesia Catholica contigerunt, nusquam adhæserunt Schismati, imò uniti erant Ecclesiæ, mediante legitimo Concilio, cui sese ex animo subiciebant.

8. Q. Quænam certæ notæ sunt veræ Ecclesiæ;

R. Sunt quatuor præcipuæ, ad quas cæteræ reducuntur; Unitas nimirum, Sanctitas, Catholicitas & Apostolicitas; hoc est, vera Ecclesia est una, sancta, catholica, apostolica.

9. Q. Unde probatur veram Ecclesiam esse Unam;

R. Ex Scriptura Joannis 10. vocatur unum ovile. Canticorum cap. 6. sub unius columbæ figura exhibetur: *Vna est columba mea*. Ad Ephesios cap. 2. dicitur una domus, una ædificatio. Primæ ad Corinth. 12. dicitur Unum Christi corpus.

Idem quoque probatur ex Patribus: ii enim Ecclesiam compararunt cum Arca Noe; cum domo in qua Agnus paschalis ab una familia comedi debebat: cum inconsutili veste Christi; cum domo Raab: Atqui non multiplex, sed una tantum fuit

Ar-

Arca Noe, una non multiplex domus in qua comedi debet Agnus Paschalis; una & indivisa fuit Christi vestis, &c.

10. Q. Est ne momenti alicujus quaestio de Unitate Ecclesiae; seu Doctrina qua asseritur Ecclesiam esse unam, estne scitu maximè necessaria?

R. Est: quia extra unam illam Ecclesiam nemo potest consequi salutem. Id enim docet 1. Hieronymus: *Quicumque*, ait Hieronymus epist. 17. *extra hanc domum agnum comederit, profanus est*. Si quis in Arca Noe non fuerit, peribit regnante diluvio. Docet 2. Augustinus, Enchiridii cap. 63. eum qui praeter illam est, nec cum Deo esse. 3. Extra unam illam Ecclesiam vera charitas non reperitur. Nec id mirum est: haereticis enim formalis, seu quae est cum contumacia, varia crimina necessariò secum importat: voluntatem nimirum rebellem in Ecclesiam, calumniae crimen quod impingitur Ecclesiae, cum erroris insinulatur; furtum; haeretici enim ministerium usurpant quod soli Ecclesiae proprium est; & tandem gravissimi scandali peccatum: scilicet haeretici aperta sua in Ecclesiam rebellionem sunt offendiculo populis fidelibus; mirum igitur non est quòd nec haeretici, nec schismatici salutem, si in suis impiis cœtibus moriantur, consequi minimè possint.

11. Q. In quibus posita est Unitas Ecclesiae?

R. In tribus, in Fide nimirum, *Una Fides*, *unum Baptisma* in Sacramentis, unde si plus aut minus admittantur, quàm admittit Ecclesia, non est unitas; & tandem in Pastoribus non quidem numero, sed missione, sed successione.

12. Q. Quodnam est centrum unitatis Ecclesiae?

R. Sedes est Romana: ipsa enim jure divino primum habet in omni Ecclesia: *Navigare autem*, inquit Cyprianus epist. 55. *ad Petri Cathedram, atque ad Ecclesiam principalem, unde unitas sacerdotalis exhorta est*, &c.

13. Q.

13. Q. Sedes Romana, & Ecclesia Romana suntne unum & idem?

R. Non sunt, propriè loquendo: nempe Sedes Romana est particularis illa Ecclesia, singularis illa Cathedra quæ à Petro Romæ constituta est: Ecclesia verò Romana, est non solum Cathedra quæ à Petro Romæ constituta est, sed aliæ omnes particulares Ecclesiæ quæ per totum orbem diffusæ, cum illa Cathedra tanquam in qua sedeat primus visibilis Pastor, cui totius gregis dominici cura credita est, qui primatum habeat à Christo, à quo & habent quoque suam auctoritatem alii Episcopi, sed Romano Pontifici subordinatam.

14. Q. Vera Ecclesia est ne Sancta?

R. Sancta est 1. vocatione: tota quippe vocatur ad sanctitatem. 2. Sanctitate professionis: quippe Fidem sanctam, hoc est integram, & sanctos mores, seu sanctas morum Regulas profitetur. 3. Interna iustitia in pluribus membris, licet non in omnibus: in multis enim est charitas illa, quæ, ut ait Apostolus, diffusa est in cordibus nostris per Spiritum sanctum qui datus est nobis. Vide de eo argumento Augustinum in lib. 2. de moribus Ecclesiæ cap. 33.

Obj. Ecclesia identidem indiget reformatione: Ergo non est sancta.

R. Dist. ant. Quoad disciplinam quæ sæpiùs in non paucis languescit, conc. ant. in Fide & morum regulis quas profitetur, nego ant.

15. Q. Ecclesia vera, estne Catholica?

R. Est: sola nimirum per totum est orbem diffusa unde Augustinus in lib. de vera religione cap. 7. sic loquitur: *Tenenda est nobis Christiana Religio, & ejus Ecclesiæ communicatio, quæ Catholica est & Catholica nominatur.*

16. Q. Cuinam Ecclesiæ convenit Catholicæ nomen?

R. Ei tantum cujus centrum est Petri Cathedra: ea enim

enim sola per totum orbem est diffusa : *Ecclesia Catholica appellatur quòd*, inquit Augustinus epist. 107. *per totum terrarum orbem diffundatur.*

Obj. Multæ sunt orbis provinciæ in quibus Ecclesia quæ cum Petri Cathedra communionem habet, minimè reperitur : nec enim est in Moscovia & in aliis regnis, ubi aut hæreses, aut schismata dominantur : Ergo non est ubique diffusa.

R. Dist. conseq. Physicè, conc. conseq. moraliter, neg: conseq. Scilicet Ecclesia, quæ cum Petri Cathedra communionem habet, præ Sectis omnibus eminet in præcipuis Europæ partibus, nec in aliqua ditione particulari est coartata sicut hæreticorum, aut schismaticorum societates. Unde diffusior est qualibet secta seorsim sumpta : idque satis est, ut appelletur Catholica ; nempe Irenæi & antiquorum Patrum temporibus id ei nominis jam conveniebat, quamvis multò pauciores quàm nunc essent provinciæ, in quibus emeretur.

17. Q. Vera Ecclesia estne Apostolica ?

R. Est : Et quidem 1. secundum doctrinam : nihil enim credit quòd ab Apostolis non acceperit : nullas habet morum regulas, quas iidem Apostoli non tradiderint. 2. secundum authoritatem : scilicet à Pastoribus regitur, qui non intercepta serie Apostolis successerunt.

18. Q. Sola Ecclesia quæ cum Petri Cathedra communicat, estne Apostolica ?

R. Sola. Nam 1. ipsa est, quæ sola profitetur doctrinam quam Apostoli tradiderunt. Impossibile enim est ostendere eam passam fuisse aliquam in Fide aut morum regulis mutationem. 2. Sola est, quæ sit Apostolica secundum authoritatem : sola etiam ab Apostolorum temporibus continuam & non interceptam successionem Pastorum habet, & habuit semper : cum è contra aliarum Societatum ministri ostendere non possint quibus successerint : unde ipsa sola Romana Eccle-

Ecclesia habet missionem ad docendum, ad conferenda Sacramenta: ad jurisdictionem exercendam: quam enim missionem sibi divinitus extraordinarie concessam jactitant hæretici, fictitia est: tum quod nulla sit divina missio, nisi quæ per successionem Apostolicam recipitur: tum quod extraordinaria missio, si quæ foret, miraculis confirmari deberet, ut suam ipse Christus & Apostoli confirmarunt.

Obj. Apud Græcos Schismaticos remansit integritas ordinationis. Ergo & accepta quondam divinitus ordinaria missio.

R. Conc. ant. dist. conseq. Quoad aliqua Pastortus officia, conc. quoad omnia, nego. Nempe possunt Græci validè consecrare Corpus Christi, sed non possunt regere Ecclesiam Dei: avulsi nimirum à capite, unde omnis unitas sacerdotalis exoritur, non possunt Christi fidelibus præesse.

19. Q. Vera Ecclesia estne Visibilis?

R. Est. Idque probatur 1. ex eo quod quoties Scripturæ de Ecclesia mentionem faciunt, eam exhibeant tamquam visibilem quemdam cœtum: Actorum 28. Paulus gregem visibilem, utpote qui ab Episcopis cognosci possit, intelligit, cum hæc habet: *Attendite vobis, & universo gregi, in quo vos Spiritus sanctus posuit Episcopos regere Ecclesiam Dei.* Domum quoque quæ oculis pateat idem Paulus intelligit: Ecclesiæ nomine, primæ ad Tim. 3. *Hæc tibi scribo, fili Timothee, ut scias quomodo oporteat in domo Dei conversari, quæ est Ecclesia Dei vivi.*

Probatur 2. ex sanctis Patribus, qui omnes ad unum, civitatem illam, quæ ex Evangelio est supra montem posita, Ecclesiam interpretati sunt: *Nulla est* (inquit Augustinus in libro 3. contra epistolam Parmeniani, cap. 5.) *securitas unitatis, nisi ex promissis Dei, Ecclesia declarata, qua supra montem constituta abscondi non potest.* 2. Ecclesia est hominum societas: at societas hominum vilibilis est. Eccle-

fiam audire jubemur, & ad eam redire; si per schisma ab ea discefferimus: at quomodo id exequi poterimus, si Ecclesia non sit visibilis?

Obj. 1. Apostolus ad Hebræos cap. 12. scribit Ecclesiam non esse montem tractabilem.

R. Apostolus eo in loco non de Ecclesia in terris militante, sed de Ecclesia in cælis triumphante loquitur; unde subdit: *Et multorum millium Angelorum frequentiam & spiritus iustorum & perfectorum.*

Obj. 2. Lex nova & Ecclesia idem sunt: at Lex nova non est visibilis, cum (ut patet ex Jeremiæ capite 31.) scripta sit in hominum cordibus: *Dabo legem meam in cordibus eorum*: Ergo, &c.

R. Nego ant. Ecclesia enim est illa congregatio hominum, qui legem novam profitentur.

20. Q. Ecclesia estne Indefeſtibilis?

R. Est. Scilicet 1. est semen illud cui Deus benedixit, & cum quo (ut habetur Isaïæ 6.) Deus ſædus inijt perpetuum. 2. est regnum illud, quodd (ut prædicitur Danielis cap. 2.) in æternum non dissipabitur. 3. est (ut habetur Matthæi 2.) area in qua ad finem usque sæculorum triticum & paleæ reperiuntur. 4. Pastores à Christo constituti non deficiunt donec (ut ait Apostolus ad Ephesios 4.) *occurramus omnes in unitatem Fidei, & agnitionis filii Dei*: ergo & visibilis grex cui præerant Pastores illi. 5. Augustinus totus est in suis adversus Donatistas operibus, ut probet nec Ecclesiam unquam defecisse (quodd afferbant Donatistæ) nec deficere posse: idque probat ex his Christi verbis: *Ecce ego vobiscum sum usque ad consummationem sæculi.*

Obj. 1. Ecclesia in solo Ella quondam remanserat: *Derelictus sum* (inquit 1. Regum 19.) *Ego solus.* Ergo, &c.

R. Nego ant. Nam 1. dato quodd Ecclesia tota perisset in regno Israel, in quo erat Elias, non sequitur

tur eam ubique periisse: erat enim integer Dei cultus in Regno Juda cui tunc Asa, & postea Josaphat, optimi Principes, præsuerunt. 2. Eliæ querenti, quodd in regno Israel solus Dei cultor remansisset; sic Deus ipse respondit: *Reliqui mihi septem millia virorum in Israel quorum genua non sunt incurvata ante Baal* 3. Quamvis daretur Ecclesiam in tota Judæorum Republica nonnunquam visibiliter periisset: idem tamen dici non deberet de Ecclesia Christiana: Ratio est, quia Deus Ecclesiæ Judaicæ perpetuam stabilitatem non promiserat, quam tamen Christianæ expressè pollicitus est.

Obj. 2. Apostolus secundæ ad Theſſalonienſes 2. prædicit generalem apostasiam esse futuram in Ecclesia, anti-Christi tempore.

R. Apostasiam illam futuram separationem à trunco: truncus igitur superstes erit. Hinc Christus ait quodd propter Electos, qui tunc supererunt, breviandi sint dies illi.

Obj. 3. Ecclesia Christiana defecit Arianorum tempore: Tunc (ait Hieronymus in dialogo adversus Luciferianos) *Nicana Fidei damnatio conclamata est: ingemuit totus orbis, & Ariannum se esse vitratum est.*

R. Loqui Hieronymum de Concilio Ariminensi, quod quidem scandalo fuit Ecclesiæ, tum quodd consenserit ut vocabulum, *Omoousion* è Symbolo deleteretur, tum quodd cum Arianis communicasset. Sed id actum est pacis causa: Ariani nimirum palam testabantur se amplexuros esse Nicænam Fidem, si vox illa, quæ, ut aiebant, in Scripturis non reperitur, eraderetur ex Symbolo: unde in specie tantum, non autem re ipsa, conclamata est Nicænæ Fidei damnatio. 2. Dato (quodd tamen falsum est) Ariminense Concilium Ariannæ hæresi patrocinitum esse; inde tamen non sequitur ubique tunc Ecclesiam periisse, scilicet tum in Oriente plures Ecclesiæ, &

in Occidente ferè omnes palàm profitebantur Nicæ-
ram Fidem.

21. Q. Ecclesia Catholica, hoc est cætus Pasto-
rum, quibus præest Romanus Pontifex, estne in-
fallibilis?

R. Est infallibilis: & quidem 1. prout in Pasto-
ribus ad Concilium generale congregatis, repræsen-
tatur; nempe (ut superius dictum est) Concilia
generalia sunt in Fidei & morum regulis defini-
endis omnino infallibilia. 2. Infallibilis est etiam in
unanimi omnium particularium Ecclesiarum in
unum dogma consensu: scilicet per orbem diffusa,
non minus quam in Conciliis generalibus est
sponsa illa, de qua hæc habet Apostolus: *Despondi
vos uni viro virginem castam exhiberi Christo; non
minus est domus Dei, quæ ex Apostolo est columna
& firmamentum veritatis.*

Hinc factum est ut dogma in quod omnes Ec-
clesiæ unanimiter consentirent, non minus habi-
tum sit dogma Fidei, quam quod in Conciliis gene-
ralibus definitum fuerat.

Hinc etiam factum est, ut illum unanimem Ec-
clesiarum consensum Patres quovis sæculo Nova-
toribus opposuerint: id nimirum videre est apud
Eusebium historiæ lib. 4. cap. 7. Hieronymum
in suo contra Vigilantium opere, Augustinum li-
bro 4. ad Bonifacium cap. ult. & tandem Vincen-
tium Lyrensem in Commonitorio: *In ipsa inquit,
Catholica Ecclesia magnopere curandum est, ut id re-
neamus, quod ubique, quod semper, quod ab omni-
bus creditum est.*

C A P U T VII.

De Romano Pontifice.

1. Quæst. R. Romanus Pontifex estne legitimus Pe-
tri successor?

R. Est

R. Est: cum habeat Cathedram in qua Petrus sedet, & mortuus est. Nam 1. nullus unquam Episcopus alius à Romano se Petri successorem prædicavit. 2. Tota traditio asseruit Pontificem Romanum esse Petri successorem: ita enim docent Tertullianus in libro de præscriptionibus cap. 36. Irenæus lib. 3. cap. 3. Cyprianus lib. 1. epist. 3. Epiphanius hæresi 27. Augustinus, qui libro 2. contra litteras Petilianæ cap. 52. sic loquitur: *Cathedra tibi quid fecit Ecclesia Romana in qua Petrus sedet, & in qua nunc Anastasius sedet?*

2. Q. Ex eo quodd Romanus Pontifex sit legitimus Petri successor, colligiturne eum divinitus habere primatum in omni Ecclesia?

R. Rectè colligitur: is enim qui succedit alteri, jura habet omnia, quæ habebat ille cui succedit: Atqui Petrus primatum divinitus habuit in omni Ecclesia: *Tues Petrus* (inquit Christus Matthæi 16. & *super hanc petram edificabo Ecclesiam meam.* 2. Petro non in agnos tantum, hoc est in fideles, sed & in oves, hoc est in Pastores, qui fideles per Sacramenta tanquam fœtus Christo generant, Pastoratus à Christo creditus est: *Pasce* (ait Christus ipsum alioquens, Joannis cap. 21.) *agnos meos, pasce oves meas.*

Primatum illum Petro divinitus concessum agnovit tota Traditio; hinc satis sit laudare Cyprianum in epistola ad Quintum; Leonem Magnum sermone de sua ad Pontificatum assumptione; Concilium Constantinopolitanum 1. can. 2. Concilium Calchedonense.

Hinc meritò in Concilio Constantiensi damnatus est hic Wicleffi articulus: *Non est de necessitate salutis credere Romanam Ecclesiam esse supremam inter alias Ecclesias.*

Hinc etiam meritò facta est hæc definitio in Concilio Florentino: *Definimus, sanctam Apostolicam*

eam Sedem & Romanum Pontificem, in universum orbem tenere Primatum; & ipsum Pontificem Romanum successorem esse Beati Petri Principis Apostolorum, & verum Christi Vicarium.

3. Q. Romani Pontificis de aliqua controversia iudicium, estne Locus Theologicus?

R. Est. Cum enim Romanus Pontifex (ut superius dictum fuit) primatum habeat in orbe universo, jus sibi divinitus concessum habet, docendi eos omnes, quibus à Christo præpositus fuit, seu solvendi dubia quæ circa Scripturarum sensum nasci possunt, proponendi traditionem Patrum, præcipiendi ut ubique terrarum canones observentur: imò & per censuras, ipsam etiam excommunicationem, servatis servandis, compellendi singulos fideles, ipsos quoque præcipuarum Sedium Episcopos, ut sanam Fidem profiteantur, & ut ad Evangelii & Canonum normam suos mores componant. Jus de quo hætenus, in Pontifice Romano quovis sæculo ubique gentium venerata est Ecclesia Catholica.

C A P U T VIII.

De Episcopis, Patribus & Scholasticis.

1. Q. *Quæst.* Quisquis Episcopus estne jure divino iudex controversiarum, quæ circa Fidem aut mores oriuntur?

R. Est. Et quidem. 1. in Conciliis, ut superius dictum est. 2. etiam extra Concilia, damnare nimirum possunt falsam doctrinam, & veram probare, eos enim *Spiritus sanctus posuit Episcopos regere Ecclesiam Dei.*

2. Q. Iudicium Episcoporum estne Locus Theologicus?

R. Est: *Neque enim* (ait Cyprianus epist. 55.) *aliunde hæreses obortæ sunt aut nata sunt schismata, quam*

quàm inde quod Sacerdoti Dei non obtemperatur: Irrefragabile tamen non est privatorum Episcoporum, nisi aliorum consensus accesserit, iudicium: idque patet tum ex eo quòd à latis ab Episcopo privato sententiis ad Metropolitanum, & postea ad Romanum Pontificem provocare liceat: tum ex eo quòd Episcopi privati aliquoties erraverint, ut in Cypriano circa Baptismum ab hæreticis datum; Macedonio, Nestorio, ac pluribus aliis videre est.

3. Q. Unius & alterius Patris de rebus Theologicis sententia, aliis de ea silentibus, efficitne fir-
mum argumentum?

R. Non efficit: non enim satis est, ut certò judicetur articulum aliquem traditione contineri: ita censet Augustinus lib. 3. de peccatorum meritis cap. 7. & epistola cxi.

4. Q. Plurium Patrum in unum dogma consensus, aliis ex altera parte reclamantibus, cujus generis præbet argumentum?

R. Probabile tantum: efficit nimirum, ut sit probabile aliquem articulum esse à Deo revelatum. Cum autem ille casus occurrit, Theologus expendere debet 1. quid antiquiores Patres de eo articulo docuerint. 2. quid de eo major Ecclesiarum pars doceat: si autem id assequi non possit, neutri parti certò adherere debet, sed humiliter Ecclesiæ definitionem expectare?

5. Q. Unanimis Patrum in unum dogma consensus præbetne Theologo in iis, quæ ad Fidem auctores spectant, certissimum argumentum?

R. Præbet: nam 1. ille unanimis consensus certissimum est divinæ Traditionis testimonium. 2. Concilium Tridentinum sess. 4. vetat, ne quis Scripturam audeat exponere contra unanimem Patrum consensum.

6. Q. Patres alioquin probatissimi, suntne æqualis authoritatis in Fidei aut morum controversiis?

R. Non sunt : quia Deus nonnullos Patres specialiter elegit , ut præ cæteris certas Fidei aut morum veritates adversus hæreticos & Novatores defenderent : sic Athanasius adversus Arium, Augustinus contra Pelagianos & Semipelagianos ; Cyrillus Alexandrinus adversus Nestorium, Leo Magnus contra Eutychetem , specialiter electi sunt. 2. Ecclesia nonnullorum Patrum scripta expressè probavit , declaravitque iis contineri fidem , quam Apostoli suis discipulis commendarunt . Ejus generis sunt libri, quos Augustinus contra Pelagianos & Semipelagianos de prædestinatione & gratia exaravit .

7. Q. Suntne servandæ quædam cautiones in legendis, aut laudandis Patribus?

R. Servandæ sunt. 1. Si quis ex sanctis Patribus dogma defenderit quod postea tanquam unanimi aliorum Patrum consensui contrarium rejectum fuerit ab Ecclesia , non ipsum Patrem , sed errorem , & quidem cum præfatione veniæ , consutare oportet, ita se gerit August. in lib. 6. de Baptismo , cap. 2. ubi Cypriani de hæreticorum Baptismo rejicit errorem .

2. Cavendum est Theologo, ne temerè aliquem ex Patribus aut Episcopis erroris insimulet : unde si quæ ambiguè dicta in illius libris legantur , exponenda sunt , & germana illius sententia eruenda ex aliis illius dictis , quæ aut præcedunt , aut subsequuntur . Ita docet Facundus Hermianensis libro 9. de tribus capitulis cap. 5.

3. Theologus plurimum Patrum sententiam paucorum opinioni debet antepone : ita ut quantum fieri potest , sequatur semper universitatem , antiquitatem , consensionem . Regula est , quam Vincentius Lyrinensis tradit in Commonitorio.

4. Observare debet (quod & observavit Augustinus libro de dono perseverantiæ cap. 20.) Patres qui ante exortas hæreses scripserunt, plerumque simplicius

De Locis Theologicis.

57

cius ac minùs cautè locutos fuisse, quàm qui post exortas hæreses: unde benignè accipienda sunt eorum dicta.

5. Aliqui ex sanctis Patribus in impugnandis hæresibus quæ suo tempore vexabant Ecclesiam, nonnunquam usi sunt terminis, qui in speciem quidem erroribus oppositis faverent, sed reverà & secundum sensum ab eis intentum ab oppositis illis erroribus omninò differrent. Sic qui tertio sæculo Sabellianos impugnarunt, aliquando visi sunt destruere personarum divinarum consubstantialitatem, quam tamen reipsa propugnabant.

6. Inter eos Patres qui in errorem ei oppositum quem impugnabant, declinare visi sunt, numerari non debet sanctus Augustinus, cum de prædestinatione & gratia contra Pelagianos & Semipelagianos differit, ipse enim in lib. 4. contra duas epistolas Pelagianorum cap. 3. expressè asserit, se cautè admodum & multa cum circumspectione locutum fuisse cum duplex illud argumentum pertractavit.

8. Q. Habendane est ratio Scholasticorum, si qui sint, qui non solent res Theologicas ad Scripturarum aut Traditionis normam exigere?

R. Habenda non est: quia sola Scriptura & Traditio sunt fontes à quibus, ut ait concilium Tridentinum, hauriri debent argumenta ad adstruendam Fidem & regulandos mores.

9. Q. Cujus ponderis est argumentum, quod petitur ex autoritate Scholasticorum, qui solent suam doctrinam ad Scripturam & Traditionem exigere?

R. Distinguendum est. Si alii Scholastici dissentiant, non majoris est ponderis argumentum, quàm rationes quibus Scholastici, de quibus agitur, nituntur: unde expendendæ sunt & ponderandæ rationes quibus utuntur. Econtra si omnes Scholastici in unum dogma consentiant, maximi roboris est

est eorum authoritas: quia plusquam probabile testimonium est sic ferre Traditionem, juxta illud Tertulliani: Quod apud omnes unum est, non est erratum, sed traditum. Unde sententia ab iis omnibus probata, absque temeritate, rejici non potest.

10. Q. Quam rationem Theologus habere debet judiciorum, quibus Facultates Theologicæ quasdam propositiones aut approbant, aut rejiciunt?

R. Theologus diligenter attendere debet ad rationes, quibus nititur doctrinale judicium de quo est quæstio: quod enim eæ rationes majoris fuerint ponderis, eò etiam majoris momenti erit doctrinale judicium à Facultatibus Theologicis latum.

Præterea secluso etiam examine rationum, quibus Facultatis Theologicæ judicium doctrinale fulcitur, in pretio apud Theologum esse debet judicium latum ab iis Facultatibus quæ sapientiæ & eruditionis fama commendantur, quæque solent Fidelium ac morum quæstiones, non ad rationis per peccatum corruptæ momenta, sed ad Scripturæ & Traditionis normam expendere.

C A P U T IX.

De Historia humana, & Ratione naturali.

1. Quæst. **C**ognitio historię, sive Ecclesiasticę, sive profanę, estne Theologo perutilis?

R. Perutilis est. Nam 1. doctrina temporum, seu chronologia multum confert ad librorum sacrorum intelligentiam. 2. Cognitio historię sacrę juvat ad intelligendum doctrinam Patrum, Canonum sanctum, Ecclesiasticorum Decretorum mentem: ipsa enim est quæ continet facta quæ Patribus ad scribendum, Conciliis ad ferendos Canones, Pontificibus ad condenda Decreta, occasione fuerunt.

2. Q. Sunt

2. Q. Suntne quædam regulæ quibus veræ historiæ à falsis dignosci possint?

R. Sunt. Et quidem 1. vera est, & minimè ficta historia, quæ asserit factum aliquod contigisse coram ingenti multitudine, quæ licet illius interesset ostendere illa facta reverà non contigisse, ea tamen admisit tradiditque posteris tanquam certa 2. Historia, quæ factum aliquod enarrat multis post annis postquam accidisse scribitur, non meretur fidem. 3. Veritas factorum quæ secreto hoc est coram uno teste contigisse dicuntur, pendet ab illius hominis fide coram quo ejusmodi facta contigisse narrantur. Unde de iis factis non habetur certitudo, nisi in quantum est, eum hominem nec deceptum fuisse, nec voluisse ceteros decipere.

3. Q. Quodnam argumenti genus aliqui sive prophani, sive ecclesiastici Historici, qui non sunt è numero canonicorum Scriptorum, Theologo sufficiunt?

R. Multum probabile, si alioquin illi Historici fide digni passim habeantur, narrentque factum cuius se fuisse testes oculos, aut ab oculatis testibus accepisse, profitentur.

4. Q. Cujus generi, est argumentum quod petitur ex omnibus historicis, nullo contradicente, factum aliquod narrantibus.

R. Certum est: insipiens nimirum esset qui ejusmodi testibus fidem auderet detrachere. Sic nemo nisi stultus dubitare potest quin Nicænum I. Concilium tempore Constantini magni celebratum fuerit.

5. Q. Quid facto opus est ad judicandum an historicus aliquis sit fide dignus?

R. Expediendum est 1. an sit cœtaneus rei quam enarrat: si enim multo post tempore vixerit, tantam fidem non meretur, quantam illi qui antea vixissent. 2. An in rebus etiam non multum intricatis nonnumquam deceptus sit, nempe qui in rebus facil-

cillimis labuntur, plerumque fidem non merentur in gravioribus 3. Utrum ipsius inter sit facta sic extitisse, quemadmodum ab eo referuntur: scilicet qui Parti addictus est alicui, ea sæpè dicit quæ Parti illi, repugnante veritate, faveant.

6.Q. Ratio naturalis consuliturne utiliter à Theologo?

R. Consulitur; eo quod ratio data sit homini tanquam medium quo utatur ad comparandam veritatis cognitionem, juxta illud Psalmistæ, *Signatura est super nos lumen vultus tui Domine.*

7.Q. In rebus Theologicis ratio naturalis habetne se se per modum principii?

R. Non sic se habet. unum enim est tantum Theologiæ principium, divina scilicet revelatio quæ aut Scriptura, aut unanimi Patrum Traditione continetur: eo igitur tantum sensu ratio naturalis ad Theologiam confert, quod ex principiis revelatis conclusiones eliciat, aut exponat motiva credibilitatis, quibus fit, ut prudenter judicetur, Scripturam & Traditionem esse Dei ipsiusmet verbum.

C A P U T X.

De censurarum notis quibus damnabiles propositiones affici possunt.

1. *Quæst.* Q uot sunt notæ, quibus propositiones damnabiles affici possunt?

R. Septem in Concilio Constantiensi, sessione 8. recensentur: scil. inter Wicleffi articulos qui in ea sessione damnantur, alii dicuntur hæretici, alii erronei, alii scandalosi, alii blasphemii, alii piarum aurium offensivi, alii temerarii, alii seditiosi.

2.Q. Suntne quædam aliæ notæ propositionum, præter eas quæ in Concilio Constantiensi innotuerunt Wicleffi articulis?

R. Præ-

R. Præter notarum species quarum Concilium Constantiense meminit, est octava quæ reperitur in Bulla Pii Papæ V. adversus Bani articulos: ait enim laudatus Pontifex quosdam ex iis articulis esse *suspectos*.

3. Q. Suntne aliæ notæ præter octo illas quæ in responcionibus ad duplicem priorem quæstionem recensentur?

R. Sunt aliæ quibus Pontifices maximi postremis hisce temporibus nonnunquam in suis decretis usi sunt. Alias enim propositiones dixerunt hæresi proximas, quasdam quæ sapiant hæresim, quasdam suspectas de hæresi, quasdam improbables, nonnullas malè sonantes, aliquas in praxi perniciosas, alias tandem damnabiles, alias inducentes in hæresim; quin & præter eas omnes quæ præcipuè sunt, nihil prohibet alias admitti, & quædam reipsa leguntur in Censuris: quæ verò hic ponuntur, sunt quali capitales, ad quas aliæ quæque possunt revocari.

4. Q. Quomodo definitur hæretica propositio?

R. Rectè definitur: Propositio quæ adversatur aut expresso Dei verbo, aut expressæ definitioni Ecclesiæ: hinc ista propositio: *Interiori gratiæ in statu naturæ lapsæ nunquam resistitur*, meritò tanquam hæretica, damnata fuit ab Innocentio X. & Alexandro VII. in suis contra Jansenium Constitutionibus, contradictoriè nimirum opponitur huic expressæ Scripturarum sententiæ. *Vos semper Spiritui sancto resistitis*. Hinc etiam hæc alia, *Baptismus qui etiam datur ab hæreticis in nomine Patris & Filii & Spiritus sancti: cum intentione faciendi quod facit Ecclesia, non est verus Baptismus*, est hæretica; quia contraria est expressæ definitioni Ecclesiæ, in Concilio Tridentino sess. 7. Can. 12.

5. Q. Quid est propositio erronea?

R. Est ea quæ negat veritatem, quam communis sensus

sensus Ecclesiæ judicat esse mediatè revelatam, quamvis eadem Ecclesia id nondum expressè declaraverit. Hinc patet opinionem Cypriani de invaliditate Baptismatis ab hæreticis collati, erroneam fuisse, antequam Ecclesia definiisset eam repugnare veritati quæ continebatur verbo Dei non scripto, seu traditione, quæ docebat internas dispositiones baptizantis non nocere validitati Baptismatis. Verum post Ecclesiæ definitionem est formaliter hæretica.

6. Q. Quid est propositio scandalosa?

R. Est ea, quæ per se nata est parere spirituales proximi ruinam. Hujusmodi est Wicleffi articulus 35. in Concilio Constantiensi damnatus: *Ingressus religionem sunt inhabiles ad observandum divina precepta, & per consequens ad perveniendum ad regnum cælorum, nisi apostataverint ab eisdem.* Per se nimirum deterret ab ingressu religionis, & inducit ad apostasiam eos etiam, qui (ut ait Gregorius Magnus ad Mauritium Imperatorem scribens) salvari non possunt, nisi militiæ regulari nomen dederint.

7. Q. Quid est propositio blasphemæ?

R. Est ea quæ aliquod aut in Deum, aut in Sanctos convicium continet: id est, quæ Deo aut Sanctis aliquid tribuit quod eos dedecet, vel quæ ab eis detrahit perfectionem quæ eis debetur. Propter eam rationem hic articulus qui inter Wicleffi articulos à Concilio Constantiensi sessione 8. damnatus num. 6. legitur: *Deus debet obedire Diabolo*, non solum erroneus est, sed etiam blasphemus: scilicet plurimum detrahit ex infinita Dei potentia; multumque injuriosus est supremo rerum omnium Domino, cum illum creaturæ nequissimæ subijciat.

8. Q. Quid est propositio malè sonans?

R. Est ea quæ, cum duplicem habeat sensum, unum bonum & alium malum, absolute tamen & sine distinctione profertur.

9. Q.

9. Q. Quid est propositio piarum aurium offensi-
va?

R. Est ea quæ ratione modi quo exprimitur, continet aliquid absonum, & erga subiectum de quo fertur, non satis honorificum. Hinc fit ut cavendum sit Theologo, cum de partu beatæ Mariæ Virginis loquitur, ne circumstantias explicet quæ exprimi non possunt, nisi terminis qui minimè decessant.

10. Q. Quid est propositio temeraria?

R. Est ea, quæ in materia Fidei, aut morum profertur absque Scripturæ aut traditionis autoritate. Hinc autem colligitur, hoc quorundam axioma, *Honor potior est quàm vita*, non solum esse scandalosum & perniciosum, sed etiam temerarium: siquidem licet sit tanti in moribus momenti; profertur à quibusdam recentioribus sine ullo aut Scripturæ aut Traditionis, aut Patrum testimonio.

11. Q. Quid est propositio seditiosa?

R. Est ea, quæ ex se apta est populos ad seditionem movere, hincq; patet eam tamquam speciem ad genus ad scandalosam posse reduci: nempe seditio contingere non potest absque spiritali multorum ruina, & admissione plurium peccatorum lethalium.

12. Q. Quid est propositio suspecta de hæresi?

R. Est ea quæ probabiliter, non tamen certò, judicatur hæretica.

13. Q. Quid est propositio quæ sapit hæresim?

R. Est ea quæ multò majori cum probabilitate quàm de hæresi suspecta, hæretica judicatur, hincque patet propositionem suspectam de hæresi, & eam quæ hæresim sapit, à se invicem non differre, nisi secundum magis & minus.

14. Q. Quid est propositio hæresi proxima?

R. Est ea, quam major & sanior Doctorum pars ex Scriptura aut Traditione judicat esse hæreticam; licet tamen non audeat absolutè ac-
sim.

simpliciter eam dicere hæreticam, quod aliqui non infimi nominis Theologi contendunt ipsi censuram aded gravem inuri non debere.

Ex iis quæ mox dicta sunt, patet, propositionem hæresi proximam idem esse omnind cum propositione suspecta de hæresi, & cum propositione sapiente hæresim: non enim aliud dicit quàm summam probabilitatem, quodd reverà sic hæretica.

15. Q. Quid est propositio improbabilis?

R. Est ea, quæ nullo Scripturæ aut Traditionis testimonio, aut nulla Theologica ratione nititur. Hinc patet hanc notæ Theologicæ speciem à propositione temeraria vix differre.

16. Q. Quomodo definitur propositio damnabilis?

R. Est ea, quæ prohiberi debet, abstrahendo à speciali censuræ nota, qua affici potest. Hinc colligere licet, propositionem damnabilem se habere per modum generis respectu omnium propositionum quibus aliqua censura debetur.

17. Q. Quas ob causas aliqua propositio dicitur damnabilis?

R. Dicitur damnabilis 1. quoties adest fundamentum ei inurendi aliquam ex censuris quarum species hucusque relatæ sunt: 2. cum inurit censuram alteri propositioni, quæ licet sit falsa, non meretur tamen censuram. 3. cum oppositam propositionem licet falsam, rejicit nimis injuriosè.

18. Q. Quid per adverbium *Respective* significatur cum reperitur in decreto in quo dicitur has & illas propositiones esse *respectivè* hæreticas, erroneas, temerarias, scandalosas, perniciosas, blasphemias, &c.

R. Ille loquendi modus, quem Summi Pontifices mutuati sunt ex Concilio Constantensi, significat aliquam ex recensitis notis afficere debere unamquamque ex propositionibus *disjunctivè*, ita ut nulla sit, in quam cadere non debeat una saltem ex notis quæ in condemnationis decreto apponuntur.

PARS

PARS SECUNDA.

De Deo uno.

IN Deo prout Unus est, seu prout abstrahit à multiplicitate personarum, considerari possunt Existencia, Essentia & Attributa tum in genere, tum in specie.

CAPUT PRIMUM.

De Dei Existencia.

1. *Quaest.* **E**Xistencia Dei potestne demonstrari à priori?

R. Non potest, quia demonstratio à priori est ea quæ fit per causas: Atqui Deus nullam habet: cum nihil sit Deo prius.

Obj. Existencia Dei rectè infertur ex illius essentia tanquam ex causa saltem virtuali: scilicet valet hoc argumentum: *Essentia dicit ens, quo nullum perfectius potest cogitari: Atqui ens ejusmodi inducit existentiam: alioquin posset cogitari aliquod ens illo perfectius; ens nimirum quod haberet existentiam.*

Resp. Nego ant. Ratio est quia, id ex quo aliud concluditur, debet esse ab eo, saltem per mentem distinctum, cum præmissæ se habeant per modum causæ respectu conclusionis: at essentia Dei nullo modo ab illius existentia distinguitur; cum ens à se, ut est Deus, sine existentia concipi non possit. Hinc fit, ut hæc propositio, *Deus existit*, non sit illatio, sed explicatio istius, *Deus est ens à se.*

2. *Q.* Dei existentia potestne demonstrari à posteriori?

E

R. Po-

R. Potest; quia demonstrari potest per effectus, creaturas nimirum: si quidem creature habent necessariam connexionem cum Deo: neque enim existerent, si Deus non existeret: unde demonstrativum est hoc argumentum: *Creaturae existunt: Ergo Deus existit.*

Obj. 1. Essentia Dei non potest demonstrari, etiam à posteriori: ergo nec illius existentia cum qua est unum & idem.

Resp. Dist. ant. Quid & qualis sit, conc. ant. quod sit seu existat, nego ant. Hinc licet demonstrari non possit in quo posita sit essentia Solis, rectè ex Solis effectibus demonstratur illius existentia.

Obj. 2. Existentia Dei est articulus Fidei: *Credo in Deum*: ergo non potest demonstrari, cum sit de essentia articuli Fidei ut sit obscurus; Fides enim est de obscuris, cum è contra scientia sit de evidentibus.

Resp. Conc. ant. nego conseq. Ratio est, quia existentia Dei delinit esse articulus Fidei in illo homine, qui de ea demonstrationem habet. Neque enim (ut suo loco dicitur) de eodem possunt esse simul Fides, & scientia.

3. Q. Existentia Dei potestne demonstrari ex motu qui in rebus creatis reperitur?

R. Potest: sic enim confici potest argumentum. Datur motus sive ad substantiam, sive ad qualitatem, sive ad locum, ut experientia compertum est: Ergo datur quoque primum movens immobile: scilicet nulla res à se ipsa moveri potest: quidquid enim movetur ab alio movetur: non movetur quoque ab alia quæ ab alia & alia, in infinitum moveatur: deberet enim pertransiri infinitus numerus causarum, antequam ad illam, quæ est proxima causa motus, deveniretur; at id dici non potest: scilicet infinitum minimè potest pertransiri: at primum ens immobile est Deus: habet enim omnes omnino perfectiones, quia, si ei deesset aliqua, posse ad eam moveri: sicque non esset ens omnino immobile: Ergo si existit motus, existit etiam & Deus.

4. Q.

4. Q. Dei existentia potestne demonstrari ex ente contingenti & necessario?

R. Potest. Sicque conficitur syllogismus: Ens summè necessarium est Deus, qui est ens à se: Atqui existit ens summè necessarium; existunt enim entia contingentia; seu quæ potuerunt esse, aut non esse: Ergo existit quoque ens summè necessarium, seu quod ita existit, ut non potuerit non existere, siquidem supponatur entia contingentia non existere, & non esse ens summè necessarium à quo produci possint (ut revera supponi potest, cum sit de contingentium natura ut possint esse, aut non esse) erunt omnino impossibilia, neque enim à se ipsis produci poterunt: cum nihilum non possit sibi ipsi dare esse, neque etiam ab alia causa contingente; quippe supponitur, nullum ens contingens existere; neque etiam ab aliqua causa necessaria, quia ut supponitur, nulla existeret, ac proinde contingentia essent impossibilia: igitur & Mundus ipse cum non aliud sit, quàm compositum quoddam & aggregatum ex contingentibus.

5. Q. Dei existentia potestne demonstrari ex Dei idea quæ inest humanæ menti?

R. Potest. & sic proponitur argumentum. Inest hominibus idea Dei: sæpe nimirum cogitant de ente quod sit ens à se, & quod sit causa omnium aliorum entium: Atqui idea Dei quæ inest humanæ menti, supponit Dei existentiam; solus enim Deus potest esse ejusmodi ideæ causa, nempe ideam quæ objectum infinitum repræsentet, creatura cum sit finita, non potest ex seipsa haurire: Ergo necesse est, ut eam habeat ab ente infinito, ens autem infinitum non aliud est quàm Deus ipse.

6. Q. Existentia Dei potestne ex specie, ordine & administratione Universi demonstrari?

R. Potest; ea nimirum Universi species, ille Mundi ordo; ea rerum administratio, non possunt esse ni-

si ab infinita potentia , à summa sapientia , à causa summè efficaci ; illa au tem infinita potentia, ea summa sapientia , ea causa summè efficax est Deus : Ergo Deus existit .

7. Q. Hæc propositio: *Deus existit*, estne per se nota?

R. Est . Ratio est , quia in illa propositione prædicatum ità immediatè est connexum cum subiecto, seu existentia cum Deo, ut nullum sit inter illa medium.

8. Q. Hæc propositio : *Deus existit*, estne per se nota quoad nos?

R. Est . Ratio est , quia sola terminorum penetratione indigemus , ut intelligamus prædicatum propositionis de qua agitur , convenire ejusdem propositionis subiecto: siquidem si probè noverimus quid vox illa , *Deus* , significet , sine ullo medio percipiemus existentiam Deo convenire : nempe Dei nomine intelligemus ens quo nullum perfectius cogitari potest , ac proinde & ens quod habet realem existentiam : si enim eam non haberet , aliud eo perfectius cogitari posset , ens nimirum cui realis existentia conveniret .

Obj. 1. Hæc propositio , *Deus existit* , potest demonstrari : Ergo non est per se nota quoad nos .

Resp. Nego conseq. Potest enim fieri (ut revera in hac specie contingit) quod subiectum propositionis per se notæ quoad nos , habeat aliquos effectus : ac proinde ut illius existentia per eos demonstrari possit .

Obj. 2. Tam Deus concipi potest sine existentia quàm sine providentia , sine simplicitate & sine immensitate : Atqui Deus sine iis perfectionibus concipi potest , & revera sic fuit conceptus à quibusdam Philosophis & ab Antropomorphitis. Ergo , &c.

Resp. Nego maj. Idè enim Deus sine providentia , sine simplicitate , sine immensitate concipi potest ; quòd aliquis , licèt per errorem , existimare possit providentiam qua Deus sese ad rerum maxime vilium

lium curam demittat , simplicitatem per quam careat corpore , & immensitatem per quam loca etiam obsœna , repleat , veras non esse perfectiones ; sed nemo potest id fingere de existentia , cùm omnibus omninò hominibusevidens sit , eam esse primam omnium perfectionum , aliarumque radicem & fundamentum .

9. Q. Dei existentia potestne invincibiliter & inculpate ignorari ?

Resp. Non potest . Nam 1. Apostolus ad Rom. 1. asserit Dei existentiam sic per creaturas manifestari , ut qui eam ignorent , non sint excusabiles : *Invisibilia enim ipsius à creatura mundi , per ea quæ facta sunt , intellecta conspiciuntur , sempiterna quoque ejus virtus & divinitas , ita ut sint inexcusabiles , &c.* 2. Deus iis omnibus qui illius existentiam ignoraverint , summam pœnam minatur : *Effunde* (Verba sunt Psalmi 78.) *iram tuam in gentes , quæ te non noverunt , & in regna quæ nomen tuum non invocaverunt .* 3. Patres asseruerunt Dei ignorantiam , in omnibus gravissimum esse scelus : *Et hæc est* (inquit Tertullianus in Apologetico , cap. 27.) *summa delicti , nolentibus recognoscere , quem ignorare non possunt*

Obj. 1. Multi sunt apud Barbaros , qui ex creaturis Dei existentiam colligere non possunt , eaque impotentia oritur aut ex ingenii tarditate , aut ex prava educatione , aut ex eo quod hominum illorum mens tota sit sensibus immerfa : Ergo in iis hominibus invincibilis est Dei ignorantia .

Resp. Nego ant. Ratio est quia nec ingenii tarditas , nec educatio prava , nec vita sensibus immerfa , impedire possunt , ne mens eliciat operationes maximè faciles , ut est ea quæ requiritur , ut intellectus existentiam Dei ex creaturis colligat . Resp. 2. Dato ant. nego conseq. Ratio est , quia in eo casu ignorantia de qua agitur , esset voluntaria in causa , in vita nimirum sensibus immerfa : ac proinde non esset ab-

solutè invincibilis, & inculpabilis?

Obj. 2. Dei ignorantia viribus naturæ superari non potest: Ergo plerumque est invincibilis in iis in quibus reperitur: cùm non omnibus adsit auxilium quo possit superari.

Resp. 1. Nego ant. quia Dei cognitio ex creaturis, aut ex innata nobis illius idea, est actus maximè facilis: at actus maximè faciles, præsertim qui ex intellectu oriuntur, elici possunt naturæ viribus, etiam in statu naturæ lapsæ. *Resp. 2.* Dato ant. nego conseq. quia illud non dicitur absolutè ac simpliciter invincibile quod superari potest Dei auxilio, etiam quod non adsit in pœnam præcedentium facinorum ac flagitiorum, ut dicetur in Tractatu de Gratia.

10. *Q.* Suntne plures, an verò unus Deus tantùm?

R. Unus est tantùm: quia ens quo perfectius cogitari non potest, excludit æquale quia longe perfectius est non habere æqualem, quam habere: *Dico ergo summa magna* (inquit Tertullianus libro 1. contra Marcionem cap. 3.) *quomodo consistent? cùm hoc sit summum magnum par non habere.*

Obj. Tres sunt in Divinitate personæ: Ergo & tres Dei.

Resp. Conc. ant. nego conseq. quia ad Deorum multiplicatam satis non est multiplicitas personarum, sed præterea requiritur naturæ in pluribus personis multiplicatio, at hæc in Deo non est, ut dicetur in Tractatu de Trinitate.

C A P U T II.

De Essentia Dei.

1. *Quæst.* Quid intelligitur per Dei essentiam?

R. Intelligitur ea perfectio, ex qua concipimus oriri ac fluere alias, sicut qualitates in creatis fluunt ex sententia.

2. *Q.*

2. Q. Quot sunt Theologorum circa Dei essentiam sententiæ?

R. Quatuor: *Prima*, quæ passim tribuitur Nominalibus; docet essentiam Dei positam esse in aggregatione; seu cumulo omnium perfectionum. *Secunda*, quæ est Scoti & ejus discipulorum, asserit constitutivum essentiæ divinæ esse infinitatem radicalem; hoc est; exigentiam omnium perfectionum. *Tertia*, cui subscribunt plures Thomistæ, docet essentiam Dei esse positam in intellectione. *Quarta* denique; vult eam esse positam in aseitate, seu in independentia; ita ut Deus sit Deus præcisè, quod sit ens à se & independens à quolibet alio.

3. Q. Essentia Dei estne posita in aggregatione, seu cumulo omnium perfectionum?

R. Non est in eà aggregatione, aut in eo cumulo posita: Siquidem essentia alicujus rei est id quod primum in ea concipitur: at ejusmodi non sunt perfectiones in Deo: nempe ante perfectiones aliquid est in Deo, ex quo illæ perfectiones fluant: unde (ut aiunt Logici) non prædicantur *in quia* sed *in quale* tantum.

Obj. Essentia actus purissimi consistit in cumulo & aggregatione omnium perfectionum: si enim concipitur sine aliqua particulari perfectione, erit in potentia ad ipsam; ac proinde non erit actus purissimus, quod est falsum.

R. Ad 1. nego ant. Ad 2. dist. ant. Erit in potentia ad ipsam, & id orietur ex eminentia essentiæ divinæ; conc. ant. & non orietur ex eminentia; sed ex defectu essentiæ divinæ; nego ant. Quod Deus à nobis concipiatur sine attributis, quæ passim Dei perfectiones dicuntur; oritur ex eminentia divinæ essentiæ in eo posita; quod essentia concipi debeat tanquam radix & fundamentum perfectionum, tanquam principium à quo perfectiones fluant secundum nostrum concipiendi modum.

4. Q. *Essentia Dei estne posita in infinitate radicali?*

R. Non est posita in infinitate radicali: quia aliquid in Deo concipi debet prius infinitate radicali, seu exigentia omnium perfectionum: concipi nimirum debet id quod est causa huiusmodi exigentiae seu id ratione cuius Deus potius quam creatura, exigit habere omnes omnino perfectiones.

5. Q. *Essentia Dei estne posita in intellectu actuali?*

R. Non est posita in intellectu actuali: quia cum intellectio actualis per modum operationis concipiatur, supponit essentiam jam praeexistentem: Esse nimirum praesupponitur operationi. 2. Ex essentia fluere debent omnes divinae perfectiones: at non fluunt ex intellectu actuali: neque enim valet istud argumentum *Deus actu intelligit: ergo est bonus, ergo est immensus*.

Obj. Intellectio actualis est gradus perfectissimus substantiae spiritualis, ergo in intellectu actuali posita est essentia divina.

R. Dist. ant. est gradus perfectissimus, accidentalis, conc. ant. essentialis nego ant. Neque enim est id quod primum in substantia spirituali concipitur, non est radix & fundamentum aliarum perfectionum quae in eadem spirituali substantia concipiuntur.

6. Q. *Essentia Dei estne posita in Aseitate; hoc est, constituitur ne per ens à se?*

R. Posita est in Aseitate: nam 1. est id primum quod in Deo concipitur: 2. est ita Deo propria, ut creaturae communicari non possit: 3. est fundamentum & radix omnium quae in Deo concipiuntur: ens enim quod à seipso habet *esse* seu *existere*, habet necessario ea omnia, quae sunt ipso esse substantiali minora; hoc est, habet perfectiones quae sunt modi ipsius esse substantialis: 4. Deus ipse suam essentiam per
Asei-

Aseitatem expressit : querenti nimirum Moyse *quis esset Deus*, ipse respondit ; *Ego sum qui sum* : sic dices filiis Israel : *Qui est misit me ad vos*.

Obj. 1. Esse à se prædicatur de omnibus ac singulis Dei perfectionibus : siquidem veræ sunt istæ propositiones : *Bonitas est ens à se, Justitia est ens à se* : Ergo non potest Dei essentiam constituere : essentia enim non debet posse prædicari de iis, quæ ea sequuntur.

R. Ad 1. nego ant. Ad 2. dist. ant. Bonitas est ens à se, implicite, qui à parte rei est idem cum essentia divina, conc. ant. est ens à se explicitè, nego ant. quia nec bonitas, nec alia attributa in sua idea explicita significant ens à se, sed tantum quandam perfectionem, quæ enti à se advenire concipitur.

Obj. 2. Esse à se vel constituit Dei essentiam prout est negatio esse ab alio tanquam à causa, vel prout est negatio esse ab alio tanquam à principio : atqui neutrum dici potest : siquidem 1. non esse ab alio tanquam à causa, non minus convenit attributis quam essentiæ Dei : 2. Non esse ab alio tanquam à principio non convenit Verbo, de quo tamen Dei essentia prædicatur, cum verè sit Deus, utpote Patri consubstantialis.

R. Nego maj. Datur enim medium inter esse ab alio tanquam à causa, aut tanquam à principio; nempe inter utrumque, medium locum tenet esse ab alio tanquam à radice ; hoc est, esse ab alio quod ex natura sua aliud exigit ac importet : hujusmodi verò est Aseitas ; quamvis enim divinarum perfectionum nec causa sit, nec principium, cum eis non det esse : exigit tamen ut omnes omnino perfectiones in Deo reperiantur.

CAPUT III.

De Attributis generatim:

1. *Quaest.* Quomodo definitur Attributum?

R. Definitur; forma quædam absoluta quæ secundum suum esse proprium existit in Deo; & ab illius essentia tamquam proprietas emanat.

2. *Q.* Estne aliqua distinctio inter Dei essentiam & illius attributa?

R. Est aliqua: idea enim essentiae non sufficit ideam attributorum; nec idea attributorum ideam essentiae; scilicet essentia concipitur tamquam radix attributorum; & vicissim attributa concipiuntur tamquam proprietates essentiae:

Obj. 1. Si quæ foret distinctio inter essentiam & attributa; in Deo esset compositio; saltem rationis: in eo enim esset distinctorum unio: sed hoc est absurdum; cum Deus sit ens ita simplex, ut nullum illo simplicius cogitari possit: ergo; &c.

Resp. Ad 1. nego ant. Ad 2. dist. ant. In eo esset unio distinctorum quæ sese non excluderent; cont. ant. quæ sese excluderent; nego ant. Licet essentia & attributa sine se invicem concipiantur; sese tamen etiam per mentem non excludunt; hoc est; intellectus ea non concipit tamquam partes sibi invicem oppositas: ac proinde illorum unio non efficit compositionem etiam mentalem: est enim de ratione compositi ut partes ex quibus constat, concipiantur tamquam partes sese invicem excludentes, seu tamquam sibi invicem oppositæ:

Obj. 2. Si intellectus concipiat essentiam sine attributis; errabit: ea enim aliter concipiet; quam sint à parte rei: ergo; &c.

Resp. Nego ant. Ratio est; quia conceptus ille fieret

ret

ret per simplicem abstractionem unius ab alio: at in simplici abstractione, nec veritas, nec mendacium locum habent, cum in ea nihil affirmetur, aut negetur de objecto. Se habet simplex apprehensio sicut se habet visio: ergo sicut non est mendacium in visione quæ unam tantum objecti partem intuetur: ita nec in abstractione simplici.

3. Q. Distinctio quæ reperitur inter essentiam & attributa Dei, estne distinctio realis?

R. Non est realis distinctio, alioquin enim in Deo foret compositio realis, unio nimirum rerum realiter distinctarum, sicut in Deo non est realis compositio: cum (ut suo loco dicetur) sit ens maximè simplex.

4. Q. Distinctio quæ reperitur inter essentiam divinam & attributa, estne distinctio formalis ex natura rei?

R. Non est formalis ex natura rei. Siquidem distinctio illa præcedit mentis operationem, ob idque à Scoto dicitur *ex natura rei*, & reperitur inter varias formas, seu perfectiones ejusdem objecti, ob idque ab eodem Scoto dicitur *formalis*, atqui ea distinctio non reperitur inter essentiam & attributa: nempe cum præcedat mentis operationem, debet esse distinctio realis: at inter essentiam & attributa non est aliqua distinctio realis: ea enim distinctio efficeret realem compositionem in Deo, nempe unionem, si non rerum, saltem formarum, seu perfectionum quæ ab essentia, & à se invicem realiter distinguantur.

5. Q. Distinctio quæ reperitur inter essentiam & attributa, estne distinctio rationis?

R. Est. Nempe illa distinctio (ut mox distiguit fuit) non est realis, seu independens ab operatione mentis: ergo est distinctio rationis.

6. Q. Distinctio quæ reperitur inter essentiam & attributa, estne distinctio rationis ratiocinantis, an verò distinctio rationis ratiocinata?

R. Est

R. Est distinctio rationis ratiocinatae: nempe distinctio rationis ratiocinatae est ea, quae fit cum fundamento ex parte obiecti: cum è contra distinctio rationis ratiocinantis fiat ex mero libito mentis, & sine ullo prorsus fundamento ex parte obiecti: Atqui distinctio quae in Deo reperitur inter essentiam & attributa, fit cum fundamento ex parte obiecti: cum enim Deus sit infinitus, æquivalet multis entibus realiter distinctis: ac proinde præbet fundamentum intellectui, ut essentiam concipiat, perinde ac si ab attributis distingueretur, & attributa, perinde ac si distinguerentur ab essentia.

7. Q. Quid fides docet de natura distinctionis quae in Deo reperitur inter illius essentiam & attributa?

R. Fidem docere, eam distinctionem non esse quasi inter rem & rem, seu quasi inter plures entitates: scilicet in Concilio, quod Remis contra Gilbertum Porretanum Episcopum Piétaviensem duodecimo sæculo celebratum est, damnata fuit hæc propositio: *Magnitudo qua magnus est Deus, bonitas qua bonus, sapientia qua sapiens, iustitia qua iustus, divinitas qua Deus est, non sunt Deus.*

Obj. 1. Essentia & attributa diversas habent definitiones: ergo & diversas naturas, cum ea sit definitionis proprietas, ut rei naturam explicet.

R. Ad 1. conc. ant. nego conseq. Ad 2. dist. ant. Ut rei naturam vel varios illius respectus explicet, conc. conseq. naturam tantum, nego ant. Unde cum natura divina quae infinita est, habeat plures respectus, mirum non est, quod per varias definitiones explicetur.

Obj. 2. Attributa nec de se invicem, nec de essentia prædicari possunt, neque enim dici potest quod in Deo misericordia sit iustitia, alioquin dici quoque posset, Deum punire per misericordiam & parcere per iustitiam: quod tamen dictu planè absurdum est.

Resp.

Resp. Attributa de se invicem prædicari, ac proinde admitti debere hanc propositionem: *Misericordia in Deo est iustitia*: sed falsum est inde sequi quoddam admittenda sit hæc alia: *Deus punit per misericordiam, & parcit per iustitiam*: siquidem cum hoc nomen, *iustitia*, profertur, non intelligitur natura divina absolute & in se sumpta, sed cum hoc addito, *prout castigat*. Sic etiam cum hoc aliud attributum, *misericordia*, profertur; non intelligitur quoque natura absolute sumpta, sed sub hoc respectu, *prout parcit*: Natura autem divina licet sit realiter actu idem cum iustitia & cum misericordia, non est tamen parcens prout est puniens: ac proinde *Dei* non potest quoddam Deus puniat per misericordiam, & parcat per iustitiam.

Obj. 3. Essentia divina & relationes distinguuntur ante operationem mentis: ergo eadem ratione essentia & attributa distinguuntur: non enim est potior ratio de uno quam de alio. Probatur ant. Ea distinguuntur ante operationem mentis, de quibus dicuntur contradictoria: de una enim & eadem redici non possunt contradictoria: Atqui contradictoria dicuntur de essentia Dei & de relatione: nempe essentia communicatur divinis personis, & tamen relationes seu personæ minimè communicantur: nimirum Pater qui Verbo suam propriam essentiam communicat, ei tamen non communicat paternitatem.

Resp. Ad 1. nego ant. Ad 2. dist. ant. De una & eadem redici non possunt duo contradictoria, si non sit virtualiter multiplex, conc. ant. si sit virtualiter multiplex, ut sunt in Deo essentia & relationes, quia propter infinitatem suam æquivalent pluribus rebus actu distinctis, nego ant. Vide illud argumentum futurè pertractatum inferiùs, ubi dicemus de Deo Trino,

A P U T IV.

De Simplicitate Dei.

1. *Quæst.* **Q**ua ratione potest explicari simplicitas Dei?

R. Per negationem compositionis : unde si quaeratur quid sit Dei simplicitas, dicendum erit esse negationem compositionis.

2. *Q.* Quotuplex esse potest compositio in aliquo objecto?

R. Triplex, Physica, Metaphysica, & Logica. Prima, dicit unionem partium physicarum, materiae nimirum & formæ; Secunda, dicit unionem essentialis cum existentia, aut suppositi, seu personæ cum natura; Tertia denique, dicit unionem generis cum differentia, quæ quidem sunt partes Logicæ.

3. *Q.* Compositio physica habetne locum in Deo?

R. Non habet 1. quia non constat ex materia & forma; cum sit substantia merè spiritualis: *Spiritus est Deus* (inquit Christus ipse Joannis 4.) & *eos qui adorant eum in spiritu & veritate oportet adorare*:

2. Non constat ex substantia & accidente; cum sit immutabilis.

Obj. 1. Scriptura Deo nonnunquam corporea membra tribuit; illi quoque (Job. cap. 2.) quantitatem adscribit; ergo, &c.

R. 1. Dist. ant. Tribuit metaphoricè, conc. ant. propriè, nego ant. hoc est, per membra quæ Scripturæ Deo tribuunt, intelligendæ sunt virtutes & operationes ad quas homines membris utuntur: sic brachium cum Deo tribuitur, significat vires & potentiam; in eo enim hominis membro residet illius fortitudo.

Obj. 2. Tertullianus libro contra Praxeam cap. 7, videtur asserere Deum esse corpus: ergo &c.

R. 2.

R. 2. Dist. ant. prout corpus opponitur nihilo, conc. ant. prout opponitur spiritui, nego ant. 2. Distinguo iterum idem antecedens; prout corpus significat substantiam, & opponitur accidenti, conc. ant. prout est ens constans ex materia & forma, nego ant. Ita Tertullianum Augustinus interpretatur in libro de hæresibus, cap. 86.

4. Q. Compositio metaphysica habetne locum in Deo?

R. Non habet; quia in eo locum non habet compositio metaphysica, in qua partes metaphysicæ, essentia nimirum & existentia, ne per mentem quidem distinguuntur; Atqui ne per mentem quidem in Deo distinguuntur; essentia enim Dei concipi non potest sine existentia, scilicet (ut superius dictum est) existentia a se & independens, est formale constitutivum essentiae Dei.

5. Q. Estne in Deo compositio Logica?

R. Non est: quia in Deo genus locum non habet; genus enim concipitur per modum potentiae perfectibilis per differentiam; at in Deo concipi non potest ejusmodi potentia, repugnat enim actui purissimo, qualis est Deus, non tantum à parte rei, sed etiam secundum nostrum concipiendi modum; quia est actus quo perfectior cogitari non potest.

Obj. 1. Deus & creatura conveniunt genericè in ratione entis; ens enim non aliud dicit quàm esse extra nihilum; ergo, &c.

R. Nego ant. quia est de ratione generis, ut illius differentiae sine eo concipi possint; sic rationale concipitur sine animali; at nec Deus, nec creatura concipi possunt sine ente; ergo ens non est genus respectu Dei & creaturarum.

Obj. 2. Substantia est genus respectu Dei & creaturarum, in eo enim conveniunt quod sint entia per se substantia, seu quæ non indigeant, ut indigent accidentia, subjecto in quo recipiantur; ergo, &c.

Resp.

Resp. Ad 1. nego ant. quia esse substantiale Dei concipi non potest sine existentia: nam (ut dictum est) existentia est de essentia Dei: unde substantia non significat idem in Deo quod in creaturis: in creaturis enim significat esse indifferens ad existendum, aut non existendum; in Deo è contra significat esse cui existentia est essentialis. Ad 2. dist. ant. Deus & creatura conveniunt æquivocè in eo quoddam sint entia per se subsistentia, conc. ant. conveniunt univocè (quod tamen ad genus requiritur) nego ant. Nampe subsistere Dei & subsistere creaturarum non continentur sub una idea communi, quia subsistere quod abstrahat ab existentia, non est subsistere Dei, licet sit subsistere creaturarum, quæ cum sint entia contingentia, indifferentia sunt per se, ad existendum, & non existendum.

Obj. Deo non repugnat compositio mentalis ex essentia & attributis: ergo neque compositio ex genere & differentia.

Resp. Conc. ant. nego conseq. Ratio disparitatis est, quia compositio mentalis ex essentia & attributis, non est compositio propriè dicta, quia essentia non concipitur tanquam potentia respectu attributorum; seu tanquam subiectum quod per attributa perficitur, sed tantum sicut radix ex qua attributa nascuntur: è contra compositio ex genere & differentia, est compositio propriè dicta, quia genus essentialiter concipitur tanquam potentia quæ per differentiam perfici possit, quemadmodum in Phisicis materia per formam perficitur.

6. Q. Deus potestne esse compositus extrinsecè?

R. Potest: quia compositio extrinseca, est ea per quam res uniri potest alteri, & sic unita tum ea totum aliquod efficere: Atqui Deus sic uniri potest, & sic de facto Verbum cum humana natura se coniunxit, ut ex utriusque unione quoddam substantiale compositum, Christus nimirum resultet.

CA-

CAPUT V.

De Infinitate & Immutabilitate Dei :

1. *Quæst.* Quid est infinitum ?*R.* Id quod caret termino :2. *Q.* Quot modis res aliqua potest esse infinita ?*R.* Tribus modis ; secundum essentiam nimirum, virtutem , & quantitatem .3. *Q.* Deus estne infinitus secundum essentiam ?*R.* Est. 1. quia alioquin cogitari posset ens Deo perfectius : illud nimirum quod secundum essentiam foret infinitum. 2. Deus non esset actus purissimus : possit enim aliqua perfectio addi divinæ illius essentiae : quia ex suppositione quod Deus non esset infinitus secundum essentiam , illius essentia non haberet actu omnes perfectiones possibiles .*Obj.* Essentia creaturarum non est infinita : ergo nec essentia Dei .*Resp.* conc. ant. nego conseq. 1. Ratio disparitatis est, quia essentia Dei est essentia independens, & quæ, cum ex se ipsa habeat existere , habeat etiam ex se id quod minus est ipso existere , hoc est habet omnes existendi modos , ac proinde omnes omnino perfectiones possibiles ; cum perfectiones non aliud sint quam quidam existendi modi .4. *Q.* Deus estne infinitus secundum Virtutem ?*R.* Est : scilicet infinitas secundum virtutem non aliud est quam omnipotentia , quæ haud dubiè (ut suo loco dicitur) convenit Deo .*Q.* Deus estne infinitus quantitate ?*R.* Non est infinitus quantitate molis , quia cum sit ens omnino spirituale , non est extensus in longum , latum & profundum : sed est (ut mox dictum fuit) infinitus quantitate virtutis .6. *Q.* Quid est immutabilitas ?*R.**R.* Est

Resp. Ad 1. nego ant. quia esse substantiale Dei concipi non potest sine existentia: nam (ut dictum est) existentia est de essentia Dei: unde substantia non significat idem in Deo quod in creaturis: in creaturis enim significat esse indifferens ad existendum, aut non existendum; in Deo è contra significat esse cui existentia est essentialis. Ad 2. dist. ant. Deus & creatura conveniunt æquivocè in eo quoddam sint entia per se subsistentia; conc. ant. conveniunt univocè (quod tamen ad genus requiritur) nego ant. Nempe subsistere Dei & subsistere creaturarum non continentur sub una idea communi, quia subsistere quod abstrahat ab existentia, non est subsistere Dei, licet sit subsistere creaturarum, quæ cum sint entia contingentia, indifferentia sunt per se, ad existendum, & non existendum.

Obj. Deo non repugnat compositio mentalis ex essentia & attributis: ergo neque compositio ex genere & differentia.

Resp. Conc. ant. nego conseq. Ratio disparitatis est, quia compositio mentalis ex essentia & attributis, non est compositio propriè dicta, quia essentia non concipitur tanquam potentia respectu attributorum; seu tanquam subiectum quod per attributa perficitur, sed tantum sicut radix ex qua attributa nascuntur: è contra compositio ex genere & differentia, est compositio propriè dicta, quia genus essentialiter concipitur tanquam potentia quæ per differentiam perfici possit, quemadmodum in Phisicis materia per formam perficitur.

6. Q. Deus potestne esse compositus extrinsecè?

R. Potest: quia compositio extrinseca, est ea per quam res uniri potest alteri, & sic unita tum ea totum aliquod efficere: Atqui Deus sic uniri potest, & sic de facto Verbum cum humana natura se conjunxit, ut ex utriusque unionem quoddam substantiale compositum, Christus nimirum resultet.

CAPUT V.

De Infinitate & Immutabilitate Dei.

1. *Quæst.* Quid est infinitum?

R. Id quod caret termino.

2. *Q.* Quot modis res aliqua potest esse infinita?

R. Tribus modis; secundum essentiam nimirum, virtutem, & quantitatem.

3. *Q.* Deus estne infinitus secundum essentiam?

R. Est. 1. quia alioquin cogitari posset ens Deo perfectius: illud nimirum quod secundum essentiam foret infinitum. 2. Deus non esset actus purissimus: possit enim aliqua perfectio addi divinæ illius essentiae: quia ex suppositione quod Deus non esset infinitus secundum essentiam, illius essentia non haberet actu omnes perfectiones possibiles.

Obj. Essentia creaturarum non est infinita: ergo nec essentia Dei.

Resp. conc. ant. nego conseq. 1. Ratio disparitatis est, quia essentia Dei est essentia independens, & quæ, cum ex se ipsa habeat existere, habeat etiam ex se id quod minus est ipso existere, hoc est habet omnes existendi modos, ac proinde omnes omnino perfectiones possibiles; cum perfectiones non aliud sint quam quidam existendi modi.

4. *Q.* Deus estne infinitus secundum Virtutem?

R. Est: scilicet infinitas secundum virtutem non aliud est quam omnipotentia, quæ haud dubiè (ut suo loco dicetur) convenit Deo.

Q. Deus estne infinitus quantitate?

R. Non est infinitus quantitate molis, quia cum sit ens omnino spirituale, non est extensus in longum, latum & profundum: sed est (ut mox dictum fuit) infinitus quantitate virtutis.

6. *Q.* Quid est immutabilitas?

R. Est

R. Est

R. Est negatio mutationis: unde quærenti quid sit immutabile, respondere solemus, esse id quod mutari non potest, hoc est, quod non potest se aliter habere quam haberet antea.

7. Q. Quotuplex est mutabilitas?

R. Duplex; substantialis nimirum, & accidentalis. Prior fit aut per accessum, aut per recessum formæ substantialis, ut cum lignum mutatur in ignem: posterior è contra fit per accessum, aut recessum formæ accidentalis, ut cum paries ex albo fit niger.

8. Q. Deus estne omnino immutabilis?

R. est. Id enim ipse testatur, Malachiæ cap. 3. *Ego Dominus, & non mutor.*

9. Q. Deus estne immutabilis secundum substantiam?

R. Est: quia illius substantia desinere non potest: cum necessariò, & non contingenter existat: esse enim Dei est essentialiter idem cum existere, hoc est existentia est essentialis substantiæ Dei.

10. Q. Deus estne immutabilis etiam accidentaliter?

R. Est; quia cum omnes omnino perfectiones habeat, utpote infinitus, nullam potest aut amittere, aut acquirere.

Obj. 1. Deus ex non producent Mundum, factus est eum produciens: ergo mutatus est.

R. Conc. ant. nego conseq. Quia Deus non factus est volens producere Mundum per actum aliquem novum, sed per actum quo ab æterno eum in tempore producere voluit. Ita Augustinus in lib. 2. de Civit. Dei cap. 17.

Obj. 2. Deus per Mundi productionem acquisivit dotem supremi rerum omnium domini, quem ab æterno non habuit: ergo mutatus est.

R. Dist. ant. Acquisivit extrinsecè, conc. ant. intrinsecè, nego ant. hoc est, Deus in tempore cœpit habere relationem ad res existentes, quam ab æter-

no non habuit : eam autem relationem acquisivit : non aliquid interiùs recipiendo , sed tantum exteriùs agendo , ut cum sol lucem suam in angulum terræ diffundit , in quem antea eam non diffundebat.

Obj. 3. Pœnitentia Deo tribuitur : *Pœnituit eum* (inquit Scriptura Genesis 6.) *quod hominem fecisset in terra* : ergo est mutabilis .

R. Dist. ant. Pœnitentia metaphoricè sumpta ; Deo tribuitur , conc. ant. quia Deus exteriùs se gessit , sicut solent homines , quos alicujus operis pœnitet : quemadmodum enim isti destruunt suum opus : ita & Deus hominem quem creaverat , destruxit aquis diluvii : pœnitentia propriè sumpta , nego ant.

C A P U T VI.

De Visibilitate Dei .

1. *Quest.* Quid est Dei visibilitas ?

R. Est potentia passiva quam habet ut videatur , vel oculo corporeo , vel oculo mentis .

Q. Quotuplex est Dei cognitio ?

R. Duplex , abstractiva & intuitiva . Prima est cognitio Dei in creaturis , de qua hæc habentur ad Rom. 1. *Invisibilia ipsius à creatura mundi , per ea quæ facta sunt , intellecta conspiciuntur* . Secunda verò est cognitio Dei immediatè in se ipso : hinc fit ut hæc cognitio sit distincta & clara ; illa è contra , sit confusa & obscura .

3. Q. Possibilitas intuitivæ Dei visionis potestne ex Scripturis demonstrari ?

R. Potest : siquidem Matthæi 5. hæc habentur : *Beati mundo corde , quoniam ipsi Deum videbunt* . Apostolus primæ ad Cor. 13. scribit nos Deum in cœlis clarè visuros esse : *Videmus nunc per speculum in ænigmate , tum autem facie ad faciem* .

Obj. Deus primæ ad Timoth. 6. non minùs dicitur invisibilis , quàm immortalis : *Regi sæculorum*

immortali, & invisibili, soli Deo honor & gloria?

R. Textus ille intelligitur de visibilitate, comprehensiva, non autem de visibilitate non comprehensiva: licet intuitiva: vel de visione corporea, seu per oculos corporis, non autem de visione spirituali, quæ sit per oculos mentis.

4. Q. Possibilitas intuitivæ Dei visionis potestne demonstrari ex Traditione?

R. Potest. 1. Irenæus lib. 4. contra hæreses cap. 37. asserit futuram in cœlis Dei visionem, quam opponit visioni, qua Patriarchæ hic in terris fructi sunt: ergo cum ista fuerit abstractiva, illa è contra debet esse intuitiva. 2. Id expressè definitum fuit in Concilio Florentino in decreto unionis.

Obj. 1. S. Joannes Chrysostomus variis in locis & præsertim Orat. 3. de incomprehensibili, asserit Deum intuitivè à creatura non posse videri: ergo, &c.

R. Chrysostomus in iis locis loquitur de visione quæ sit comprehensiva, non autem de visione quæ non sit comprehensiva. Ratio est, quia sanctus Doctor iis in locis agit adversus Anomæos, qui comprehensivam Dei visionem sibi arrogabant, juxta illud Epiphaniî hæresi 76. *Audacissimus ille* (de Aetio loquitur) *dicebat tam Deum novi, quam meipsum: unde non tam novi meipsum, quam Deum.*

Obj. 2. Theodoretus in dialogo 1. qui *Immutabilis*, inscribitur, asserit Angelos ante incarnationem non vidisse Dei essentiam. Asserit iterum impossibilem esse & Angelis & hominibus divinæ naturæ contuitum, ergo, &c.

R. Ea loca non intelliguntur de visione per oculum mentis, sed de visione per oculum corporis. Ratio est, quia Theodoretus in laudato dialogo vult probare, Christo post unionem fuisse verum ac reale corpus: id autem hocce probat argumento: *Divina essentia, cùm sit spiritualis, oculo corporeo videri non potest: ergo cùm Christus oculo corporeo visus sit, ali-*
quid

quid aliud, præter divinam essentiam, verum scilicet corpus, in eo fuit.

Obj. 3. Intellectus creatus nullam habet cum Deo proportionem; finiti enim ad infinitum nulla est proportio: ergo Deum videre non potest: siquidem propter eam rationem oculus non potest videre sonum, nec auris audire colorem.

R. Dist. ant. Nullam habet cum Deo proportionem entitatis, conc. ant. habitudinis, nego ant. Ista posita est in eo quod res aliqua contineatur intra obiectum alicujus potentie; ac proinde cum Deus contineatur intra verum, quod est obiectum intellectus, merito intellectus dicitur habere cum eo proportionem habitudinis, non habet proportionem entitatis: neque enim illa in ista fundatur.

5. Q. Fueruntne aliqui qui in terris positi divinam essentiam clarè & intuitivè viderint?

R. Non fuerunt. Nam 1. Deus Exodi 33. generatim asserit neminem in hac vita constitutum, visurum esse Dei essentiam: *Non videbit me homo & vivet.* 2. Joannes, Evangelii cap. 1. sine ulla exceptione scribit, neminem unquam vidisse Deum, *Deum nemo vidit unquam.* 3. Apostolus primæ ad Timot. 6. hæc de Deo loquens, ait: *Quem nullas hominum vidit.*

Obj. 1. Deus Exodi 33. Moyfi pollicitus est visionem omnis boni: *Ego ostendam omne bonum tibi.* 2. Ibidem dicitur quodd Dominus Moyfi locutus sit *facie ad faciem, sicut solet homo loqui ad amicum suum.* 3. Numerorum: 12. Deus in hoc opponit Prophetas Moyfi: *Ore ad os loquar ei, & palam, & non per anigmata & figuras Dominum videt.* Ergo, &c.

Resp. Ad primum, eam omnis boni visionem non intelligi de visione intuitiva Dei; cum eam Deus hisce verbis immediatè post excluserit: *Faciem autem meam videre non poteris:* intelligitur itaque tantum de portentis quæ Deus per Moysem operaturus erat, ut Israël ab Ægyptiaca servitute liberaret,

Ad secundum, verba illa *facie ad faciem*, eò loci non intelliguntur quoque de visione intuitiva: tum quodd certum sit eam Israelitis nusquam concessam fuisse, quamvis Deuteronomii 5. dicantur. Deum vidisse *facie ad faciem*: tum quodd Stephanus Actuum 7. expresse asserat, quodd Deus ipse Moyse non apparuerit, sed Angelus, qui legati adinstar, ejus nomine loquebatur. Dicendum est igitur, verba illa *facie ad faciem*, eo in loco significare familiare colloquium, quod Deus cum Moyse per interpositam Angeli personam habere voluit.

Ad tertium. Eo sensu Deus ore ad os cum Moyse locutus est, quod non quidem per seipsum immediate, sed per Angelum, suam in omnibus voluntatem ei manifestè aperuerit, cum è contrà (ut ibidem dicitur) ænigmaticè tantum & in somniis, Prophetis aliis eam declaraverit.

Obj. 2. Apostolus primæ ad Corint. 13. asserit, se raptum, fuisse ad tertium cælum, audiisse arcana verba quæ non licet homini loqui: ergo, &c.

Resp. Eas Apostoli sententias intelligi de rerum arcanarum revelatione sibi facta in extasi, seu in raptu mirabili, quem, Deo sic volente, passus fuerat. Non intelligi verò de visione intuitiva ostenditur, tum ex eo quodd Apostolus non dicat *se vidisse, sed audivisse*: tum etiam quodd scribat, se nescire an extasim illam in corpore, an extrà corpus passus fuerit.

6. Q. Sancti plenè purgati videntne Deum statim post mortem?

R. Vident. Nam 1. Apostolus secundæ ad Cor. 5 scribit, Sanctos post mortem, in cælos habituros esse domum æternam & non manu factam: nullum autem tempus interponit inter mortem & possessionem æternæ illius habitationis.

2. Patres id asserunt. Ignatius in Epistola ad Romanos scribit, se per martyrium proficisci de Mundo ad Deum, de terris ad Patrem. Vera autem non foret

foret illa sententia, si Sancti nonnisi post extremam iudicii diem fruituri essent beatifica visione. Cyprianus in libro de exhortatione martyrii asserit, martyres statim post mortem cælum conscendere, & statim oculos aperire, ut Deus & Christus videantur. Augustinus Tractatu. 124. in Joannem, docet Joannem statim post mortem consecutum fuisse quod Paulus hisce verbis concupierat: *Desiderium habeo dissolvi, & esse cum Christo.*

3. Concilia idem definierunt: Florentinum in decreto unionis docet Sanctos plenè purgatos, in cælum mox recipi, & intueri clarè ipsum Deum, Trinum Unum, sicuti est. Tridentinum sess. 25. apertè supponit Sanctos de quibus agitur, statim post mortem frui visione beatifica: illos (inquit) qui negant Sanctos æterna felicitate in cælo fruente, invocandos esse, &c.

Obj. 1. Apocalypseos cap. 6. Sancti dicuntur esse non in cælis, sed sub altari. Draco (ut dicitur cap. 20.) per mille annos ligatur, ne sanctis qui mortui sunt, noceat. 3. Ibidem asseritur, quod Sancti per mille annos ante secundam mortem, hoc est, publicam reprobatorum condemnationem, cum Christo in terris regnaturi sint: ergo, &c.

Resp. Ad primum, altare cuius fit mentio, non aliud esse quàm cælum ipsum: nempe Joannes cap. 67. scribit se Sanctos, quos cap. 6. dixerat esse sub altari, vidisse stantes ante thronum & in conspectu agni.

Ad secundum, Augustinus lib. 2. de Civit. Dei cap. 7. docet ejusmodi mille annis designari totum tempus quod à primo Christi adventu usque ad Antichristi tempora futurum est.

Ad tertium dicendum est, mille annos de quibus Joannes, completi totum illud tempus, quod à primo Christi adventu fluere debet usque ad alterum. Eo autem tempore Sancti cum Christo regnabunt,

aut in cœlis per gratiam & gloriam, aut in terris per gratiam tantum.

Obj. 2. Denarius cujus Matthæus cap. 20. meminit, non nisi post diei finem operariis per solutus est. Idem Matthæus cap. 25. innuit Sanctos Deo fruituros esse tantum, cum in extremo judicio prolata fuerit sententia: *Venite benedicti patris mei, possid. &c.* Apostolus ad Hebræos 11. asserit Sanctos veteris Testamenti statim post mortem fruitos non fuisse cœlesti beatitudine: *Non acceperunt* (inquit) *repromissionem*: ergo nec Sancti qui vixerunt tempore novi Testamenti.

R. Ad primum, diei finem cujus apud Matthæum fit mentio, esse ultimum diem vitæ cujusque privati hominis, non autem diem extremi & publici judicii. Ad secundum Gregorius Magnus libro 35. Moralium, cap. 9. respondet, intelligi eum debere de beatitudine completa, quæ & animæ, & corpori post extremam tantum judicii diem Sanctis rependetur. Ad tertium, negari debet paritas: scilicet Christus per suam ascensionem reseravit cœlorum aditum, qui hominibus ante Christum mortuis clausus fuerat.

Obj. 3. Multi ex sanctis Patribus docuerunt, Sanctos post resurrectionem, in terris cum Christo mille annis regnuros esse, antequam intuitiva Dei visione in cœlis potiantur. Ita enim expresse asserunt Papias, Irenæus, Tertullianus, Lactantius, & postea Bernardus qui in Sermones 3. de omnibus Sanctis, scribit tres esse Sanctorum post mortem status: *Primum* (inquit) *in corpore incorruptibili*; *secundum sine corpore*; *tertium in beatitudine consumpta*. *Primum in tabernaculis*; *secundum in atriis*; *tertium in domo Dei*: Ergo, &c.

R. Ad primum, majorem ac saniozem Patrum numerum primis Ecclesiæ sæculis contrarium docuisse. Ad secundum, dicendum est Bernardum metaphorice locutum fuisse, ut varios beatitudinis

gradus explicaret : nempe sanctus Doctor censuit visionem beatificam minus intensam esse in animabus separatis à corpore, quàm ubi cum eo iterum per resurrectionem conjunctæ fuerint.

Obj. 4. Joannes Papa XXII. docuit, animas Sanctorum non visuras esse Deum intuitivè ante diem universalis judicii : id nimirum testantur Ochamus, Adrianus VI. in quartum Sentent: & plures alii: ergo, &c.

R. Dist. ant. tanquam author privatus, conc: ant. tanquam Summus Pontifex, nego ant. Nam Benedictus Papa XI. in Bulla quæ incipit, *Benedictus Deus*, testatur quod cum Joannes XXII. cui immediatè successit, pararet se ad conciliariter definiendam opinionem, quam privatus defenderat, morte præventus, vota sua ad optatum finem perducere non potuerit.

Obj. 5. Saltem non est de fide quod Sancti plenè purgati, statim post mortem Deum videant. Nam 1. unanimis non est ea de re traditio. 2. Sententia quæ id negat valdè distat à Millenariis quos Patres suis scriptis confutarunt.

R. Ad 1. articulum de quo agitur non fuisse articulum fidei ante definitionem quæ de eo facta est in Concilio Florentino, & postea in Tridentino. Ad 2. dicendum est Papiæ, quorundamque aliquorum veterum opinionem in hoc differre à doctrina hæreticorum Millenariorum, quòd isti post Cerinthum, Sanctos per mille annos in terris post resurrectionem regnuros observationi legalium adstringerent, ac præterea contenderent eos omni voluptatum carnalium genere explendos esse.

7. Q. Quot sunt principia intuitivæ Dei visionis?

R. Tria fingi possunt, scilicet species quæ Deum repræsentet; lumen gloriæ quo intellectus creatus corroboretur; & tandem oculus corporeus a quo ejusmodi visio eliciatur.

8. Q. Species, hoc est, idea, seu imago objecti, concurratne ad Dei visionem?

R. Non concurrit. Nam 1. cum sit aliquid finitum perfecte Deum non repræsentat? cum sit quidpiam creatum, non magis reddit intellectum proportionatum cum Deo, quàm per se ipsum sit intellectus. 3. impedit intimam ac immediatam animæ cum Dei conjunctionem, quæ tamen ad intuitivam visionem requiritur: hincque fit ut, etiam de potentia Dei absoluta, Deus intuitivè videri non possit in aliqua specie creata.

9. Q. Lumen gloriæ concurratne ad Dei visionem intuitivam?

R. Concurrit. Nam 1. in Concilio Viennensi Clemens Papa V. definit, illud de quo agitur lumen gloriæ requiri ad Deum ut in se est, videndum. 2. intellectus creatus nimis debilis est ut sustineat Dei, ut in se est, contuitum: ergo quemadmodum oculus corporeus ad videndum solem ut in se est, indiget auxilio quo corroboretur: ita & intellectus ad Deum intuitivè videndum. 3. luminis gloriæ concursus ad Dei visionem innui videtur Psalmo 35. ubi hæc habentur: *Apud te est fons vitæ, & in lumine tuo videbimus lumen.*

Obj. Explicari non potest qua ratione lumen gloriæ ad Dei visionem concurrat: ergo, &c.

Resp. Concurrit per modum habitus permanentis, & per modum causæ efficientis, seu extraordinarii concursus quo intellectus creatus adjuvatur & elevatur ad actum supernaturalem; hoc est, qui naturales illius vires superat, eliciendum.

10. Q. Deus potestne videri oculo corporeo?

R. Non potest. Nam, Scripturæ loca quæ docent Deum esse invisibilem, explicari debent de visibilitate quæ fiat oculo corporeo. 1. Quoties eadem Scripturæ de Dei visibilitate loquuntur, semper mentis, non autem corporis, visionem intelligunt.

3. Deus

3. Deus, cum non sit coloratus, est extra objectum adæquatum oculi corporei: ergo oculus non magis ad Dei visionem potest elevari, quam ad audiendum sonum; non enim Deus magis quam sonus est objectum oculi corporei.

Obj. 1. Scripturæ textus, quibus asseritur, Moysen vidisse Deum *facie ad faciem*, intelligi debent de oculo corporeo: ergo, &c.

Resp. Dist. ant. quantum ad aliqua, conc. ant. quantum ad omnia, neg. ant. Moyses vidit Deum oculo corporeo in Angelo qui (ut putatur) in humana specie cum Moysæ locutus est: at divinam essentiam eodem oculo minimè vidit, sed nec videre potuit.

Obj. 2. Job hæc ait cap. 19. *In carne mea videbo Deum Salvatorem meum.* Cap. 49. hæc etiam habet: *Auditu auris audivi te, nunc autem oculus meus videt te:* Ergo, &c.

Resp. ad 1. aliud esse videre Deum in carne; aliud verò per carnem. Illud, omnibus post resurrectionem concedetur: istud è contra non concedetur, nec concedi potest. Ad 2. dicendum est, oculum de quo Job loquitur, esse mentis, non autem corporis, oculum.

Obj. 3. Augustinus in libro 12. de civit. Dei, cap. 29. docere videtur, Deum in cœlis oculo corporeo videndum esse. Asserit enim 1. oculum corporeum magis perspicacem in cœlis fore, quam sit in terra; 2. vim illius tunc extendendam esse ad res etiam omninò spirituales. 3. habiturum illum esse nonnihil quod reddat eum similem mentis oculo.

Resp. Eos, ac similes loquendi modos non sumi debere propriè, sed impropriè tantum: hoc est, significant, mentem ad cœlorum pulchritudinem quam oculus corporeus intuebitur, statim contemplaturam esse Dei potentiam, sapientiam, aliæque attributa, quæ in cœlorum creatione, ornatu, & administratione.

tionem refulgent. Nempè S. Augustinus ibidem asserit quòd oculus in cœlis eodem modo sit Deum visurus, quo nunc in terris ad conspectum hominum, videt illorum vitam. Quemadmodum igitur oculus corporeus eo tantum sensu videt hominum vitam, quòd humani corporis conspectus occasio sit animæ ad cogitandum de hominum vita; ita etiam conspectus rerum sensibilium, anima cum corpore post resurrectionem jam unita, movebit hominem, ut Dei mirabilia in iis rebus sensibilibus contempletur. Vide eundem Augustinum Epistola 6. quæ est ad Italicam, necnon Epist. 111. & 112. ubi argumentum de quo agitur, fusè pertractat.

Obj. 4. Ignis tartareus elevatur ad cruciandas damnatorum animas: aqua in baptismo elevatur ad producendam gratiam: ergo à pari oculus corporeus elevari potest ad intuitivam Dei visionem.

Resp. Conc. ant. nego consequ. Ratio disparitatis est, quia intuitiva Dei visio est actus vitalis; non autem combustio animarum in inferis, aut productio gratiæ in baptismo: ut ad operationes vitales, non autem combustio animarum in inferis, aut productio gratiæ in baptismo: ut ad operationes vitales, non autem ad eas quæ non sunt huiusmodi, necesse est, ut sint intra objectum adæquatum potentiarum à quibus eliciuntur, ed quòd necesse sit ut potentiæ ad eas vitales operationes se se moveant.

11. Q. Quotuplex est objectum intuitivæ Dei visionis?

R. Duplex; primarium & secundarium. Prius, est illud quod per se & ratione sui videtur: Posterius è contra, est illud quod tantum ratione alterius videtur.

12. Q. Quodnam, secundum nostrum concipiendi modum, est primarium objectum intuitivæ Dei visionis?

R. Sunt Essentia divina, Attribute, & Relationes.

Sci-

Scilicet videntur in Deo ratione sui, & quidem per unum & eundem actum: nam cum sint idem actu cum essentia divina, necesse est, ut simul cum ea videantur.

Obj. 1. Attributa quæ sunt in Deo sunt infinita numero: ergo videri non possunt ab intellectu creato, cui virtus infinita communicari non potest.

Resp. Nego ant. Ratio est, quia quamvis intellectus noster Deum in varios conceptus dividat: unica tamen est realiter in Deo entitas, quæ tota quidem, cum sit indivisibilis ac maximè simplex, sed modo finito, à mente creata videtur.

Obj. 2. Quædam sunt attributa quæ relationem dicunt ad creaturas, ut dignitas creatoris: sed ea saltem attributa non cognoscuntur eodem actu, quo essentia Dei cognoscitur: ergo, &c.

Resp. Conc. maj. dist. min. non cognoscuntur secundum suum terminum, conc. min. Illi enim termini sunt infiniti, ut patet in omnipotentia quæ se se extendit ad omnes creaturas possibiles: non cognoscuntur secundum suum esse absolutum, neg. min. sic enim sumpta, sunt unum & idem cum essentia divina.

13. Q. Essentia Dei potestne, saltem de potentia absoluta & extraordinaria, videri sine attributis siue absolutis, siue relativis?

R. Non potest. Nam 1. Christus Joannis cap. 14. ex visione Verbi concludit visionem Patris: *Philippe, qui videt me, videt & Patrem*: at ea ratio non valeret, si una persona posset sine alia videri. 2. Cum duo sunt unum & idem realiter cum tertio, non possunt sine se invicem videri, ubi tertium videtur: atqui relationes sunt idem cum essentia divina: ergo nec relationes sine se invicem, aut sine essentia, nec essentia sine relationibus videri possunt.

Obj. 1. Essentia Dei virtualiter distinguitur ab attributis tum absolutis, tum relativis: ergo sine eis

cognosci potest: virtualis enim distinctio satis est ut unum sine alio terminet actum intellectus.

R. Ad 1. neg. conf. ad 2. dist. ant. Ut terminet actum intellectus abstrahentis, conc. ant. intuitivè videntis, nego ant. quia à parte rei essentia non est ab attributis separata: at intuitiva visio versatur circa objectum prout est à parte rei.

Obj. 2. Personæ in divinis à se invicem realiter distinguuntur: ergo sine se invicem videri possunt.

R. Conc. ant. nego consequ. quia personæ licet inter se distinctæ, sunt unum & idem cum essentia divina, quæ à beatis primario videtur: unde hæc videri non potest, quin illæ simul cum ea videantur.

Obj. 3. Una persona potuit incarnari sine alia: neque enim Pater, & Spiritus sanctus incarnati sunt, sed solus filius: ergo pariter una persona potest à beatis videri sine alia.

R. Conc. ant. nego conf. ratio disparitatis est, quia unio non postulat, ut res quæ unitur, adequatè conjungatur alteri, hoc est, secundum id totum quod est idem cum ipsa: unde Verbum potuit incarnari, quamvis id omne quod est idem cum essentia divina, humanitati conjunctum non fuerit, hoc est liquet unaquæque persona propriam suam subsistentiam humanitati non contulerit. E contra intuitiva visio postulat ut id omne simul & semel videatur, quod est realiter idem cum divina essentia, quæ (ut dictum fuit) est objectum primarium intuitivæ visionis.

14. Q. Quodnam est secundarium objectum intuitivæ Dei visionis?

R. Sunt creaturæ quæ cum essentia divina tanquam in speculo repræsententur, à beatis videntur.

15. Q. Quænam creaturæ in Deo non videntur à beatis, quænam è contra videntur?

R. Beati non vident 1. Omnes creaturas quæ in aliqua temporis, præteriti, præsentis, aut futuri dis-

ferentia existunt, eo quod essentia divina non sit speculum necessarium ejusmodi creaturarum: tum etiam quòd cum tanta extensivè cognitio ad beatorum statum minimè pertineat, Deus illis eam non tribuit. Beati cognoscunt in Deo omnia singularia quæ spectant ad statum in quo, cùm in terris degerent, vixere. Hinc Gregorius Magnus lib. 12. Moral. cap. 17. scribit, beatos videre, amare, & curare de salute fratrum suorum in terris adhuc periclitantium.

Obj. S. Augustinus in lib. *de cura pro mortuis gerenda* scribit, mortuos ea omnia latere quæ hic in terris aguntur. Docet enim 1. eos rebus viventium non interesse, Docet 2. pro magno beneficio regi Josæ (Paral. cap. 34.) promissum fuisse, quòd moriturus esset, ne videret mala quibus ejus regnum erat à Deo castigandum. Docet 3. illuc trahi debere hæc verba Psalmi 26. *Quoniam pater meus, & mater mea dereliquerunt me, Dominus autem assumpsit me.*

R. Nego ant. ad cujus probationem dist. ant. Per conversationem, conc. ant. simpliciter & absolute, nego ant. Afferit enim ibidem Augustinus mortuos posse res quæ hinc fiunt, cognoscere aut ex eorum relatione qui hinc ad illos transeunt; aut ab Angelis, aut ex peculiari Dei revelatione.

16. Q. Beati videntne in Deo omnes creaturas possibles?

R. Non vident, quia alioquin comprehenderent Dei omnipotentiam: vident enim eam tùm secundùm substantiam, tùm secundùm omnes terminos ad quos se se potest extendere; si autem comprehenderent omnipotentiam, comprehenderent & alia omnia attributa; non enim potior esset ratio de uno quàm de altero.

17. Q. Ubinam videntur creaturæ quæ à beatis videntur?

R. Videntur in Verbo, videntur & in se ipsis:
Ver-

Verbum enim est speculum rerum omnium : Nempè Pater habet in Verbo, quod quidem ob id dicitur sapientia Patris., ideas rerum omnium sive existentium, sive possibilium. Eo principio nixus S. Augustinus duplicem in lib. 4. de Genesi ad litteram cap. 19. distinguit in beatis rerum creaturarum cognitionem, matutinam nimirum & vespertinam. Prior est cognitio creaturarum in verbo, in quo perfectè repræsentantur : altera, est earundem creaturarum cognitio in se ipsis, quæ ob id est imperfectior, & (ut ait S. Doctor) est decoloratio, quia creaturæ minus sunt in se ipsis perfectæ, quam sint in Verbo.

Obj. 1. Creaturæ non sunt similes Verbo : ergo in eo non repræsentantur : 2. cùm Verbum repræsentet creaturas omnes, non erit ratio cur una potius quàm alia in Verbo videatur. 3. ea creaturarum visio non esset intuitiva : esset enim in alio, nimirum in Verbo.

R. Ad 1. nego ant. nimirum creaturæ factæ sunt ad ideas quæ de iis in Verbo fuerunt semper. Ad 2. Una creatura potius in Verbo videtur quàm alia, quodd Deus adjuvet intellectum ad unius potius quàm ad alterius cognitionem. Ad 3. dist. Effet in alio in quo repræsentatur perfectè, conc. repræsentatur imperfectè, nego. Hic cognitionis modus repugnat quidem intuitivæ visioni, non autem ille.

18. Q. Quot sunt proprietates intuitivæ Dei visionis?

R. Duæ præcipuè ; incomprehensibilitas nimirum, & inæqualitas.

19. Q. Beati comprehenduntne divinam essentiam?

R. Non comprehendunt : quia non cognoscunt omnia, ad quæ Dei virtus se se potest extendere : sunt enim numero infinita : ac proinde vim intellectus quæ finita est, omnino superant.

Obj. Beati vident totam Dei essentiam : ergo illam comprehendunt.

R. Dist.

R. Diff. ant. vident totam & non totaliter , conc. ant. totam & totaliter nego ant. Ratio est, quia non vident omnes terminos ad quos divina essentia se potest extendere .

20. Q. Intuitiva Dei visio estne æqualis in omnibus beatis ?

R. Non est æqualis . Nam 1. Christus Joannis 14. de sua domo cœlesti (Gregorio Magno teste lib. 4. Moral. cap. 31.) sic loquitur : *In domo Patris mei mansiones multe sunt.* 2. Primæ ad Corinth. 15. Beati stellis comparantur : *Stella enim differt à stella in claritate.* 3. Lumen gloriæ , quod est principium intuitivæ Dei visionis , non est in omnibus beatis æquale , sed inæquale , pro meritum nimirum diversitate .

Obj. 1. Deus est infinitè simplex : ergo non potest inæqualiter videri. 2. Qui minùs perfectè Deum videret , minùs esset beatus , ac proinde alteriùs magis beati statum optaret ; quod tamen paci , quæ est beatitudini essentialis , planè repugnat. 3. Matth. cap. 20. Paterfamilias æqualem mercedem operariis omnibus , licèt inæquali tempore laborassent , rependit : ergo Deus , quem ille Paterfamilias adumbravit , æqualem mercedem omnibus ac singulis beatis rependet .

R. Ad 1. nego conf. quia inæqualitas aut æqualitas visionis non petuntur ex objecto , sed ex majori , vel minori virtute potentix quæ circa illud objectum versatur , sic qui lincæos habet oculos , perfectiùs videt aliquod objectum , quàm qui communes tantùm . Ad 2. dicendum est , beatos omnes tantùm intuitivæ Dei visionis habere , quantum capere possunt : unde cùm omnes planè sint exsaturati , aliorum perfectiorem statum non ambiunt . Ad 3. dici potest cum Augustino Serm. 9. de verbis Domini cap. 2. denarium de quo parabola loquitur , non significare intuitivam Dei visionem , sed vitam æternam

quæ in omnibus beatis erit æqualis . Dicitur potest ite-
rùm cum Gregorio Nazianzeno Oratione 40. eos qui
extrema diei hora in vineam missi fuerant , suo fer-
vore, ac sua diligentia affectos fuisse eorum merita,
qui summo mane conducti , in vinea Patris-familias
laboraverant .

CAPUT VII.

De Dei tum æternitate , tum immensitate .

1. *Quæst.* **Q**uomodo definitur æternitas ?

R. Definitur à Boetio : *Interminabi-
lis vita tota simul & perfecta possessio* . Primò dicitur
possessio , quia est stabilis . 2. *Tota simul* , quia in æ-
ternitate non sunt , sicut in tempore , partes quæ si-
bi invicem succedant . 3. Dicitur , *possessio vitæ* , eo
quod non tantum ad rei substantiam , sed etiam ad
illius operationem se se extendat . 4. Tandem dici-
tur *interminabilis* , quia æternitas nec initium ha-
bet , nec finem .

2. *Q.* Æternitas convenitne Deo ?

R. Convenit . Nam 1. Deus ipse sic loquitur cap.
31. Deuteronomii : *Vivo ego in æternum* . Deus est
ens quo melius cogitari non potest est ens à se , est
ens infinitum : est ens immutabile . Sed enti quo
melius, &c. æternitas (ut patet) convenit : ergo, &c.

3. *Q.* Æternitas estne ita Deo propria , ut nulli
creaturæ communicari possit ?

R. Est . Nam 1. Patres ex æternitate Verbi proba-
runt illius divinitatem adversus Arianos . 2. Ter-
tullianus asseruit contra Hermogenem , materiam
non esse æternam , eò quod æternitas Dei soli con-
veniat . 3. Creatura debet , ut existat , educi ex ni-
hilo : ergo nihilum præcedit essentialiter existentiam
creaturæ : at id quod ab aliquo præceditur , non est
æternum : cum æternitas non minùs initio , quàm
fine careat .

4. *Q.* Quid est immensitas ?

R. Est

R. Est virtus, seu perfectio, per quem ens ali-
quod potest esse in omnibus rebus, & in omnibus
locis.

5. Q. Deus estne ubique substantialiter præsens?

R. Est. Nam 1. id expresse Scriptura testatur:
Nunquid (ait Deus ipse, Jeremiæ 23.) *Cælum & ter-
ram ego impleo, dicit Dominus?* Psalm. 138. *Quòd* & ait
Psalmes regius) *à facie tua fugiam? si ascendero in cæ-
lum, tu illic es: si descendero in infernum, ades*, ergo
cùm Deus sit in cælo substantialiter, sic etiam est in
aliis locis. Actorum 17. Paulus hisce verbis: *Non
longè est ab unoquoque nostrum*, substantialem Dei
præsentiam significat: his autem aliis: *In ipso enim
vivimus, movemur & sumus*, eam ex Dei operatio-
ne probat. 2. Idem quoque ratio demonstrat: siqui-
dem Deus est ubique secundùm suam operationem:
ergo etiam & secundùm substantiam: Dei enim ope-
ratio & substantia realiter à se invicem non distin-
guntur.

Obj. 1. Scriptura passim asserit, Deum in cœlis es-
se, non autem in terris: *Cælum teli Domino, terram
autem dedit filiis hominum*. 2. Augustinus libro 83.
quæstionum scribit, Deum *nusquam* esse. Chryso-
stom. hom. 9. in Epist. ad Coloss. asserit, eum *nullibi*
esse. 3. Absurdum est dictu, Deum esse substantiali-
ter in damnatis, & locis maximè sordidis.

Resp. Ad 1. Scripturæ loca, de quibus agitur, in-
telligi de modo substantiæ, non autem de ipsa se-
cundùm se substantia: hoc est, licet Dei substantia
sit in terris, eadem tamen ibi non operatur quæ in
cœlis agit ac facit.

Ad 2. Laudati Patres intelligi debent aut de præ-
sentia definitiva quæ convenit Angelis, hoc est per
quam ens ita est in loco, ut non sit alibi: aut de
præsentia circumscriptiva, quæ solis corporibus est
propria.

Ad 3. Non est periculum ne Deus contrahat dam-

natorum malitiam, aut locerum sordes; quemadmodum enim lumen solis nulla ratione læditur sordidis locis: ita nec Dei sanctitas demonibus, quamvis in eis sit substantialiter præsens.

6. Q. Per quid Deus constituitur formaliter in loco?

R. Per solam operationem ad extrà. Et sanè 1. quoties Scripturæ de Dei in rebus præsentia loquuntur, semper eam exprimunt per Dei operationem ad extrà: *Non longè est ab unoquoque nostrum: in ipso enim vivimus, movemur & sumus*. 2. Patres asserunt idè Deum esse ubique præsentem, quòd operetur ubique: *Cæterum* (inquit Tertullianus libro contra Praxeam cap. 22.) *scimus, Deum etiam intra abyssos esse, & ubique consistere, sed vi & potestate*.

3. Se habet operatio in rebus spiritualibus sicut quantitas in corporeis: ergo quemadmodum corpora formaliter constituuntur in loco per quantitatem, seu per dimensionem: ita & spiritualia per suam operationem ad extrà.

Obj. 1. Deus est in loco per id per quod est immensus: sed non est immensus per operationem ad extrà: ergo, &c.

Resp. Nego maj. Ratio est, quia immensitas non consistit in actuali præsentia in rebus, sed tantum in aptitudine, quam habet ut in illis existat: unde si immensitas non reducatur ad actum per operationem ad extrà, non reddet Deum substantialiter ubique præsentem.

Obj. 2. Prius est rem esse in loco, quàm eam in illo operari: ergo Deus non constituitur in loco per operationem ad extrà.

Resp. Dist. ant. in rebus corporeis, conc. ant. in spiritualibus, nego ant. Ratio est, quia res corporeæ non agunt nisi mediante quantitate; ac proinde prius est quantitatem esse in loco, quàm ut agens corporeum in eo loco operetur; è contra verò sub-

stan-

stantiæ spirituales agunt per se ipsas immediatè: unde loco extrinseco per suam operationem conjunguntur, ipsique per eam constituuntur formaliter præsentés.

Obj. 3. Fieret in ea suppositione, ut Deus posset ubique non esse præsens: potest enim si velit, ubique non operari ad extrà: ergo, &c.

Resp. Non esse præsens actu, conc. ant. aptitudine; nego ant. Id enim exigit divina illius immensitas.

7. Q. Deus estne substantialiter præsens in spatiis imaginariis?

R. Non est: quia illis non cõexistit, cùm sint mera errantis imaginationis figmenta, ut Augustinus lib. 7. Confess. cap. 1. docet. 2. Deus non operatur in spatiis imaginariis: ergo eis non est substantialiter præsens: nempe (ut jam observatum est) operatio ad extrà est forma per quam res spiritualis formaliter in loco constituitur.

Obj. 1. Deus hoc Mundo non continetur: ergo est extrà ipsum; ac proinde in spatiis imaginariis.

Resp. Conc. ant. dist. conseq. Est extrà ipsum in potentia, quia extrà Mundum potest operari, conc. conseq. actu & formaliter, nego conseq.

Obj. 2. Si Deus operando extrà hunc Mundum, constitueretur actu extrà Mundum, non esset extrà Mundum nisi per sui mutationem: acquireret nimirum novam denominationem, loci nimirum, quam prius non habebat.

R. Dist. ant. denominationem extrinsecam, conc. ant. intrinsecam nego ant. scilicet forma, seu operatio, per quam Deus denominaretur de novo præsens, non in ipso Deo reciperetur, sed in creatura quæ illius actionem terminaret.

8. Q. Quot modis Deus est ubique præsens?

R. Tribus: per essentiam nimirum, per potentiam, per præsentiam. Nam 1. Dei substantia (ut supersuperius dictum fuit) est ubique. 2. Deus operatur

actu in quocumque loco reali, & potest operari in imaginario. 3. divinæ cognitioni nuda sunt omnia & aperta: ergo ubique adest per præsentiam.

9. Q. Deus estne, etiam aliis modis alicubi præsens?

R. Est: in justis nimirum est præsens per gratiam sanctificantem, & in humanitate Christi per hypostaticam unionem.

CA P U T VIII.

De Perfectione, Bonitate & Omnipotentia Dei.

1. *Quæst.* Quid est perfectio?

R. Est rei integritas: unde res perfecta dicitur, cum integra est partibus & dotibus sibi debitis.

2. Q. Deus estne simpliciter & absolutè perfectus?

R. Est 1. quia in eo est plenitudo totius esse, cum sit ens à se, & quo melius cogitari non potest. Igitur in eo quoque sunt omnes omninò perfectiones, perfectio enim, est aliqua ipsius esse participatio. 2. Deus est infinitus in omni genere: ergo omnes omninò continet modificationes entis; ac proinde & omnes perfectiones; quæ nihil aliud sunt quàm entis modificationes. 3. Deus totus est in actu, cum sit actus purissimus: ergo omnem omninò actum includit: ergo & perfectiones omnes; perfectiones enim, cum sint formæ quædam, non aliud quoque sunt, quàm actus varii ac diversi.

3. Q. Perfectiones quotuplicis sunt generis?

R. Duplicis: alia enim est *simpliciter simplex*, alia *secundùm quid*. Prior est ea, quæ in suo conceptu non includit aliquem defectum, & quæ aliam nobiliorem perfectionem non excludit; hujus generis sunt sapientia, bonitas: posterior, est ea quæ aut aliquem defectum includit in suo conceptu, aut ali-

quid

quid aliud perfectius excludit, hujusmodi sunt motus discursus, necnon omnes creaturarum differentiarum tum specificarum, tum numericarum.

4. Q. Quot modis aliqua perfectio potest in aliquo subiecto contineri?

R. Tribus: formaliter, eminenter, virtualiter. Ea continetur in subiecto *formaliter*, quæ in eo continetur secundum propriam suam formam: sic rationale formaliter continetur in homine. Ea verò continetur *eminenter*, quæ est in aliquo subiecto, nobiliori modo, quàm si in eo effet secundum propriam formam. Tandem ea est *virtualiter* in subiecto, quæ ipsa quidem non inest, sed inest alia illi æquivalens.

5. Q. Perfectiones *simpliciter simplices* quomodo continentur in Deo?

R. Formaliter: illarum enim entitas propria non dicit in suo conceptu defectum, nec excludit alium æquè nobilem existendi modum: hinc fit, quod illæ perfectiones formaliter de Deo prædicantur.

6. Q. Perfectiones simplices *secundum quid*, quomodo continentur in Deo?

R. Eminenter: nempe sunt in Deo nobiliori modo quàm in subiecto in quo sunt formaliter; hoc est secundum propriam formam. Sic motus localis in Deo reperitur eminenter, quia reperitur secundum id quod perfectionem dicit, nempe in variis locis operari. Vide Augustinum libro 1. de Trinitate capite 1.

7. Q. Deus simul cum creaturis conceptus, estne perfectior quam conceptus sine creaturis?

R. Non est perfectior: quia perfectiones creaturarum non augent numerum divinarum perfectionum: siquidem finitum in aliquo genere additum infinito in eodem genere, non facit majorem numerum; quia illud finitum continetur in infinito.

8. Q. Quid est bonitas?

R. Bonitas vel est physica, vel moralis. Prima, est

conformitas rei cum idea, quæ debet illius naturam constituere. Altera verò est conformitas voluntatis cum regulis morum.

9. Q. Bonitas sive physica, sive moralis, quotuplex est?

R. Duplex: bonitas per essentiam, & bonitas per participationem. Prima, est ea quæ rei per se convenit, & independenter ab alia causa extrinseca; secunda è contra, est ea quæ est dependens ab aliqua causa extrinseca.

10. Q. Deus estne bonus bonitate physica essentiali & independente?

R. Est: quia esse Dei, conforme est ideæ quæ debet constituere naturam divinam; esse nimirum Dei, est esse quo melius ac perfectiùs cogitari non potest, est enim esse à se & independens à quocumque alio.

11. Q. Deus estne bonus bonitate morali?

R. Est: quia est infinitè sanctus: *Sancti estote* (inquit ipse in Scripturis) *quia ego sanctus sum*. Unde immunis est à quacumque peccati labe: imò est prorsùs impeccabilis; nempe potestas peccandi oritur in subiecto, ex eo quodd eductum sit ex nihilo, ut docet Augustinus lib. 1. contra Julianum cap. 1. at Deus cum sit ens à se, non est eductus ex nihilo; ac proinde deficere minimè potest.

12. Q. Deus estne bonus bonitate relativa?

R. Est: quia est bonum quod creatæ voluntati maximè convenit; est enim ultimus finis, qui solus potest omnem creatæ voluntatis appetitum explere.

13. Q. Deus estne omnipotens?

R. Est, quia cum contineat omnes omninò perfectiones, necesse est ut omnipotentiam quoque, quæ maxima est perfectio, contineat.

Obj. 1. Deus nec mori, nec peccare potest. 2. facere non potest ut quæ præterita sunt, reverà non fuerint; ergo sunt nonnulla, quæ Deus non potest facere.

Resp.

Resp. Ad 1. posse mori , posse peccare , & posse deficere non sunt perfectiones : tantum enim abest ut potestas deficiendi necessaria sit ad omnipotentiam , quin potius illam plane destruit . Ad 2. dist. ant. Deus facere non potest in sensu composito ut præterita , non fuerint , conc. ant. quia non potest facere ut verum sit falsum . In sensu diviso , nego ant. scilicet potuit non decernere futuritionem rerum præteritarum antequam acciderent .

Obj. 2. Deus ex quolibet non potest facere quodlibet : v. g. non potest facere ut lapis videat : ergo non est omnipotens .

Resp. Dist. ant. in sensu composito , conc. ant. quia non potest facere ut inanimatum quandiu inanimatum remanet , sit animatum , & eliciat viventis operationes : in sensu diviso , nego ant. quia potest mutare lapidem in animal vivens .

14. Q. Deus potestne facere alia ab iis quæ facit & vult facere ?

R. Potest : quia Deus est omnino independens à qualibet creatura , à quolibet opere ad extrà : ergo ita creaturam producit , ut possit non producere : ita opus aliquod agit ad extrà , ut illud possit non agere . Patres eo principio nixi constanter asseruerunt Deum alia via quam per incarnationem Verbi potuisse homines à peccato liberare , ipsosque redimere .

Obj. Genesis 19. Deus hæc ait , alloquens Loth Abrahæ nepotem : *Non potero facere quidquam, donec ingrediaris illuc* : ergo &c.

R. Dist. in sensu composito : quia nempe cum Deus statuisset non operari , nisi Loth ingrederetur , non poterat conjungere operationem cum decreto non operandi : in sensu diviso , nego ant. quia potuerat aliud statuere & aliud velle , hoc est , potuerat statuere se opitulaturum esse Loth , etiamsi à Sodomitis non discederet .

15. Q. Deus potestne facere meliora iis quæ a se facit ?

R. Po-

R. Potest : nempe Deus potest producere creaturas in infinitum perfectiores, quas actu producit .

Obj. 1. Augustinus in libro 4. de Genesi ad lit. cap. 16. sic loquitur : *Si bona facere posset Deus , nec faceret , magna esset invidentia , ergo , &c.*

R. Illam Augustini sententiam ex iis esse, quas sanctus Doctor lib. 2. Retract. cap. 24. fatetur non satis à se expensas fuisse .

Obj. 2. Patres non semel asseruerunt ea, quæ Deus actualiter facit , esse semper meliora . Ita Augustinus libro 19. contra Faustum cap. 1. Damascenus lib. 2. de fide orthodoxa cap. 19. ergo , &c.

R. Dist. ant. secundum modum , conc. ant. secundum substantiam : nego ant. hoc est, cum Deus sit sapientissimus , quæcumque facit , semper facit optimo modo : sed non facit semper optima , tum quoddam non convenient ad finem, quem sibi proponit; tum etiam quoddam nullum sit opus ad extrinsecum, quod omittere non possit , cum sit à quacumque re extrinseca prorsus independens .

C A P U T IX.

De Scientia Dei .

§. I.

De Existentia & essentia divinæ Scientiæ .

1. *Quæst.* Estne scientia in Deo ?

R. Est , & quidem simplex , certa & evidens ; quia huiusmodi scientia est maxima perfectio ; & Deus aliunde (ut superius probatum est) omnes omnino perfectiones habet . Unde Esther cap. 14. dicitur : *Domine qui habes omnium scientiam .*

2. *Q.* Scientia Dei estne per discursum ?

R. Non est , quia discursus est imperfectio , tum quia dicit multiplicationem actuum , actum nimirum

rūm per quem præmissæ cognoscuntur & actum per quem cognoscitur conclusio : tum etiam quia dicit progressum à noto ad ignotum .

Obj. Deus cognoscit effectus tanquam qui sequantur ex causa : ergo illius scientia est discursiva .

R. Conc. ant. quia Deus videt effectuum connectionem cum suis causis , sed nego conseq. tum quia effectus non minùs Deo noti sunt quàm illorum causæ : tum etiam quia non cognoscit causas & illarum effectus per actus distinctos , sed per simplicissimum intuitum .

3. *Q.* Quot modis Dei scientia differt à scientia, quæ reperitur in creaturis ?

R. Variis : Nam 1. scientia in Deo non est accidens : juxta illud Augustini epist. 102. *Non aliud est esse, aliud intelligere.* 2. Non est habitus qui sine actu esse possit , quia Deus (ut supra dictum est) est actus purissimus , ac proinde totus est semper in actu . 3. Non versatur tantùm circa esse, quod creaturæ in semetipsis habent ; sed etiam , & quidem præcipuè , circa esse quod habent in Dei sapientia , quæ rerum omnium est artifex . 4. Non habetur (ut dictum est) per discursum . 5. Non est præcisiva ; quia non attingit naturam sine differentiis , ut solent homines, sed simul & semel naturam & omnes illius differentias attingit . 6. Tandem est omninò immutabilis , cum nec augeri , nec minui possit .

§. II.

De Objecto Scientiæ Dei :

1. *Quæst.* Quidnam est objectum divinæ scientiæ ?

R. Id omne quod potest cognosci : scilicet scientia Dei est cognitio tum intensivè , tum extensivè perfectissima .

2. Q. Deus cognoscitne semetipsum?

R. Cognoscit: tum quia cum sit objectum maxime verum, maxime est cognoscibilis: tum etiam, quia res omnes creatas in semetipso cognoscit: *Novit* (inquit Augustinus libro 15. de Trin. cap. 14.) *omnia Deus pater in se ipso, novit in Filio: sed in se ipso tanquam seipsum: in Filio tanquam verbum suum, quod est de his omnibus quæ sunt in se ipso.*

3. Q. Cognitio, quam Deus habet de seipso estne comprehensiva?

R. Est! tum quodd cognoscat res omnes ad quas illius omnipotentia sese potest extendere; tum quodd cum infinita sit illius cognoscendi virtus, tam perfecte seipsum cognoscat, quam cognoscibilis est.

4. Q. Deus cognoscitne entia rationis?

R. Cognoscit; nempe cognoscit id omne quod potest esse objectum creatæ cognitionis: at ens rationis cadit in creatam cognitionem.

Obj. Cognoscere entia rationis, est illa facere, cum non aliud esse habeant quam in operatione cognoscentis: atqui Deus non facit entia rationis:

R. Dist. maj. Cognoscere entia rationis per modum rerum possibilem, est illa facere, conc. maj. per modum rerum impossibilem, nego maj. Hoc, non autem illo modo Deus cognoscit entia rationis; ac proinde ea minimè facit.

5. Q. Deus cognoscitne mala pœnæ?

R. Cognoscit, quia illorum est causa, juxta illud Amos. 3. *Si erit malum in civitate, quod non feceris Dominus,*

6. Q. Deus novitne mala culpæ?

R. Novit: tum quodd mala culpæ, peccata nimirum, puniat, tum etiam quodd ea fieri permittat ut ex his bonum aliquod eliciat; juxta illud Augustini in Enchiridio ad Laurentium: *Melius judicavit de malis bene facere, quam mala nulla esse permittere.*

7. Q.

7. Q. Ubinam Deus videt mala culpæ, seu peccata?

R. Non videt in ipso peccato: quia peccatum, ut peccatum est, non habet esse positivum; est enim mera reëitudinis debitæ privatio: *Quid est* (inquit Augustinus in Enchiridio ad Laurentium) *aliud quod malum dicitur, nisi privatio boni?* Itaque dicendum est Deum cognoscere peccatum in forma, seu reëitudine, quæ est illi opposita.

8. Q. Deus cognoscitne omnes creaturas, sive possibiles, sive existentes in aliqua temporis differrentia?

R. Cognoscit, quia rerum omnium ideas habet; nimirum artifex ideas habet rerum omnium, quas aut facit aut facere potest: *Quoniam* (inquit Augustinus lib. 12. de Civit. Dei cap. 20.) *Deus non aliquid nesciens fecit; quod nec de quolibet homine artifice rectè dici potest. Porro si sciens fecit omnia, ea utique fecit, quæ noverat.*

Obj. Hieronymus in 1. caput Habacuc sic loquitur: *Absurdum est, ab hoc Dei deducere majestatem, ut sciat, per momenta omnia, quot nascuntur culices, &c.*

Resp. Dist. ant. Absurdum est ut ea cognitionis specie quæ eandem providentiam & eundem amorem importet, quàm scientia quam Deus de hominibus habet, conc. ant. cognitione simpliciter sumpta, nego ant. Unde subdit idem Hieronymus: *Non sumus tam fatui adulatores Dei, ut dum potentiam ejus ad ima detrahimus, in nos ipsos injuriosi simus, eandem irrationabiliorem quàm rationabiliorem providentiam dicentes.*

9. Q. Deus cognoscitne distinctè futura omnia necessaria?

R. Cognoscit: quia distinctè videt necessariam connexionem quam ejusmodi futura habent cum suis causis; nempe distinctè comprehendit virtutem cau-

causarum ; ac proinde & effectus ad quos illa virtus sese aut extendet actu , aut extendere potest .

10. Q. Deus cognoscitne futura omnia libera absoluta , seu quæ in aliqua temporis differentia fient à voluntate libera ?

R. Cognoscit . Nempe Deus aut per seipsum immediate , aut per Angelos , aut per Prophetas hujusmodi futura in Scriptura prædixit , ut sunt infidelitas Judæorum , negatio Petri , proditio Judæ , conversio gentium . Præterea alioquin tolli deberet de medio Dei providentia , nec Deus esset , si quidpiam ex futuris eum lateret , juxta illud Augustini contra Ciceronem agentis : *Qui non est præsciens futurorum , non est utique Deus .*

Obj. 1. Futura libera non habent determinatam veritatem ; cum sint indifferentia ad esse & ad non esse ; ergo determinatè à Deo cognosci non possunt .

Resp. Dist. ant. Non habent determinatam veritatem pro præsentī tempore , conc. ant. nempe (ut supponitur) illorum causæ nondum existunt ; pro tempore quo futura prævidentur , nego ant. tunc enim causæ ad se se determinabunt .

Obj. 2. Præscientia futurorum stare non potest cum eorum libertate : siquidem ex suppositione quidd prævideantur , necessariò erunt ; si enim possent non esse , falli posset Dei præscientia : quod quidem dictu impium est .

Resp. Nego ant. ad cujus probationem , nego falli posse , etiam in eo casu , Dei præscientiam ; quia cum futura libera prævidentur , jam supponuntur futura : non enim idèd futura sunt , quia prævidentur , sed idèd prævidentur quia in priori instanti naturæ jam futura sunt : *Non enim* (inquit Hieronymus in caput 2. Ezechielis) *quia illa ventura cognoscit , necesse est facere quod ille præsciuit , sed quod nos propria voluntate sumus facturi , ille novit futurum quasi Deus .*

II. Q. Deus cognoscitne libera futura sub conditione quæ nunquam ponetur, hoc est novitne ea quæ futura non sunt, sed quæ forent futura, si poneretur aliqua conditio?

R. Cognoscit. Ea enim in Scripturis prædixit; scilicet 1. Reg. 23. Davidi quærenti an Ceilitæ eum prodituri essent, si in eorum urbe remaneret, Deus respondit, *tradent*: quod tamen non contigit, ed quod post illud responsum David ex urbe Ceila, non expectato Saulis adventu, discesserit. 2. Christus Matthæi 11. prædixit Sidoniorum & Tyrriorum futuram conversionem, si ipse eadem apud illos miracula patraturus fuisset, quæ apud Judæos patrarat: *Væ tibi* (inquit) *Corozain, væ tibi Bethsaida, quia si in Tyro & Sidone factæ essent virtutes, quæ factæ sunt in vobis, olim in cilicio & cinere poenitentiam egissent.*

Obj. 1. Augustinus variis in locis Semipelagianos confutat, quod docerent Deum esse præscium futurorum quæ nusquam erant, quæ tamen revera forent si aliqua conditio poneretur, ergo, &c.

R. Dist. ant. In sensu Semipelagianorum, conc. ant. absolutè & simpliciter, nego ant. Pelagiani & Semipelagiani docebant futura de quibus agitur, nomine tantum tenus conditionatè prævideri, re ipsa verò contendebant ea absolutè prævideri: asserabant enim, ad ea futura Deum exigere suam erga homines providentiam: unde docebant Deum ideo permittere ut quidam infantes sine Baptismo morerentur, quod prævidisset eos abufuros fuisse Baptismate, si diutius vixissent.

Obj. 2. Conjecturalis tantum, non verò certa est cognitio, quam Deus habet de rebus quæ non erunt, sed futuræ essent, si poneretur aliqua conditio: unde dubitanter, & non certè in Scripturis prædicuntur: *Si forte* (inquit Deus Ezechielis 2.) *vel ipsi audiant.*

R. Dist. ant. Dubitanter ex parte hominum, conc. ant.

ant. ex parte Dei, nego ant. hoc est, illa futura dubitanter prædicuntur, ut ex parte hominum, non autem ex parte Dei, rei futuræ incertitudo significetur. Præterea illud adverbium *fortè*, adjectum est, ut (inquit, Hieronymus ad cap. 26. Jeremiæ) denotaretur, id de quo agitur, non futurum esse necessarium, sed liberè ex parte creatæ voluntatis.

§. III.

De Medio in quo Deus cognoscit futura.

1. *Quæst.* Quodnam est Medium, in quo Deus cognoscit futura libera ordinis naturalis, seu quæ fieri possunt sine gratiæ adiutorio.

R. Est certa voluntas. Ratio est, quia in eo tanquam in medio Deus ab æterno vidit futura de quibus agitur, quod secundum nostrum concipiendi modum, est à Deo prius cognitum, quodque est eorum causa: duæ nimirum illæ conditiones requiruntur, & satis sunt, ut res aliqua habere possit rationem Medii respectu alterius: atqui voluntas creatæ prius, secundum nostrum concipiendi modum, à Deo cognoscitur, quàm futura libera, de quibus est quæstio; & præterea est illorum causa: ergo, &c.

Obj. 1. Voluntas creatæ non habet connexionem necessariam cum futuris liberis, quæ sunt ordinis naturalis: alioquin enim illa futura, non essent libera: ergo non possunt esse Medium in quo certò à Deo cognoscantur.

R. Dist. ant. sed habent infallibilem connexionem, cum voluntate creatæ, conc. ant. & non habent infallibilem connexionem cum voluntate creatæ, nego ant. Eam autem infallibilem, quamvis minime necessariam, connexionem licet creatus intellectus non attingat, attingit tamen divinus, eò quò perfectissimè comprehendat causæ contingentis tum

na-

naturam, tum propensionem, ac proinde certò novit ad quid se se determinatura sit in his aut illis circumstantiis polita: nempè novit quid eam in his aut in illis circumstantiis magis eam delectatura sit: & consequenter certò novit quid eveniet: verum est enim illud Augustini principium: *Quod nos magis delectat, secundum id operemur necesse est*, id est, infallibile.

Obj. 2. Deus videt futura de quibus agitur in decreto absoluto de conferenda prædeterminatione physica; quæ, cum per se sit efficax, voluntatem determinatura sit ad actus liberos ordinis naturalis: ergo non in voluntate creata. Ita recentiores omnes Thomistæ ratiocinantur.

R. Nego ant. scilicet creata voluntas (ut dicemus in tractatu de grâtiâ) non indiget prædeterminatione physica ut se se ad actus ordinis naturalis determinet: ac proinde inutile est decretum absolutum, latum ab æterno, de conferenda in tempore prædeterminatione physica.

Obj. 3. Deus videt futura libera in reali eorum coexistentia cum æternitate: ergo ea non videt in voluntate creata tanquam in medio priùs, secundum nostrum concipiendi modum, cognito. Probatur ant. ex S. Patribus qui asserunt omnia æternitati realiter coexistere: & propterea, cum æternitas sit tota simul ac planè indivisibilis, omnia omninò tempora complectitur, ac proinde & res quæ futuræ sunt in aliqua temporis differentia.

Resp. Ad 1. Nego ant. quia si futura realiter æternitati coexisterent; jam non essent futura, sed præsentia: quod tamen dictu absurdum est, cum eorum causæ nondum (ut supponitur) existant.

Ad 2. Dist. ant. Ex Patribus, omnia sunt æternitati præsentia, cognitione, conc. ant. reali existentia, nego ant. hoc est, omnia quidem æternitati coexistunt objectivè, quia Deus habet in sua essen-

tia notiones seu ideas rerum omnium sive sint præteritæ, sive præsentæ, sive futuræ: sed non sunt ipsi præsentia per coexistentiam veram & realem: *In Dei sapientia* (ait Augustinus in libro ad Orosium cap. 8.) *omnium faciendorum rationes esse potuerunt, non tamen facta.*

Ad 3. Diit. ant. Æternitas omnia quæ reverà existunt, complectitur, conc. ant. quæ non existunt revera, sed objectivè tantùm, nego ant. at futura de quibus agitur nondum sunt, ac proinde mirum non est, quòd æternitas ea actu non complectatur.

Addi potest quòd licèt æternitas realiter actu complecteretur omnia futura libera; non sequeretur tamen quòd Deus ea in æternitate tanquam *in medio* videret. Nempè priùs supponuntur futura, quam sint in æternitate: ideo enim illa futura potiùs quàm non futura, sunt in æternitate, quòd revera futura sint: ac proinde æternitas, quæ non est causa futurationis illorum, non potest esse medium in quo à Deo prævideantur.

2. Q. Quodnam est medium in quo Deus ab æterno vidit Sanctorum Angelorum perseverantiam?

R. Medium illud est Angelorum voluntas: nullum enim aliud medium fingi aut cogitari potest.

Obj. Deus vidit ab æterno futuram Sanctorum Angelorum perseverantiam in decreto absoluto de conferenda illis in tempore gratia per se efficaci, quæ eos ad perseverantiam physice determinatura esset: ergo eam non vidit in creata Angelorum voluntate.

Resp. Nego ant. Ratio est, quia fictitium est illud decretum: scilicet falsum est quòd sanctis Angelis ad perseverandum necessarium fuerit, aut datum sit auxilium efficax quod eos ad perseverandum determinaret: satis enim fuit auxilium versatile, quod Augustinus passim in libro de correptione & gratia, vocat auxilium, non quidem *Quo*, perseveraverint, sed

sed tamen *sine quo* perseverare non poterant. Vide quæ de duplici illo adiutorio dicentur inferius in tractatu de Deo auctore gratiæ.

3. Q. Quodnam est Medium in quo Deus ad æterno vidit futura libera absoluta, quæ pertinent ad statum naturæ lapsæ, quæque sunt ordinis supernaturalis, hoc est quæ fieri non possunt sine gratiæ adiutorio?

R. Est decretum absolutum, latum ab æterno de conferenda in tempore gratia per se efficaci, quæ physicè voluntatem lapsam prædeterminatura est ad actus ordinis supernaturalis. Ratio est, quia illud decretum 1. est, secundum nostrum concipiendi modum, prius à Deo cognitum, quàm futura de quibus agitur: 2. est illorum futurorum prima causa & quidem efficax neque enim homo lapsus, aliquem actum vel minimum, hoc est, ipsam primam boni volitionem actu operatur, nisi ad illud physicè per gratiam per se efficacem prædeterminetur, ut dicitur in tractatu de Gratia; ac non prædeterminatur in tempore, nisi ab æterno latum fuerit decretum de conferenda in tempore gratia per se efficaci: ergo, &c.

4. Q. Quodnam est Medium in quo Deus vidit ab æterno futura conditionata libera, quæ revera futura essent, si poneretur aliqua conditio, sed tamen quæ revera nusquam erunt, ed quodd illa conditio nusquam ponenda sit?

R. Est essentia divina: quia futura de quibus agitur, sunt (ut mox dicitur) merè possibilia: atqui merè possibilia videntur in essentia divina: continet enim possibilitum omnium ideas, notiones, rationes in Deo immutabiliter (ut ait Augustinus libro 11. de Civ. Dei cap. 7.) *permanentes*.

§. IV:

De divisione scientiæ Dei:

1. *Quest.* Quotuplex est in Deo scientia?
R. Unica tantum realiter: scilicet ea omnia quæ sunt in Deo realiter, sunt idem cum essentia divina, quæ est unicus & simplicissimus actus: At verò scientia in Deo multiplex est secundum nostrum concipiendi modum: intellectus enim humanus totuplicem in Deo scientiam distinguit, quot sunt objecta circa quæ versatur: sed multiplicia sunt illa objecta: ergo, &c.

2. *Q.* Quotuplex est objectum circa quod scientia Dei versatur?

R. Duplex tantum: possibile nimirum, & existens in aliqua temporis differentia: quidquid enim concipitur ab intellectu, vel fuit, aut est, aut erit; vel nec fuit, nec erit aliquando. Si primum, est existens in aliqua temporis differentia: si verò secundum, est merè possibile.

3. *Q.* Quomodo vocantur scientiæ, quæ circa duplex illud objectum versantur?

R. Scientia quæ versatur circa ea, quæ existunt in aliqua temporis differentia, vocatur scientia *visionis*: quæ verò circa merè possible versatur, vocatur *simplicis intelligentiæ*: sic placuit scholasticis utramque illam scientiam & vocare & distinguere.

4. *Q.* Estne inter scientiam *visionis*, & scientiam *simplicis intelligentiæ*, tertia aliqua scientia quæ *Media* dicitur?

R. Circa eam quæstionem duplex est Scholasticorum sententia. Prima, quæ est Thomistarum opinio, docet inter duplicem allatam scientiam non esse tertiam, quæ *Media* dicitur. Altera, quam pro-

pugnant discipuli Ludovicæ Molinæ, afferit è contra præter scientiam visionis, & scientiam simplicis intelligentiæ dari tertiam scientiam, quæ *Media* dicitur.

Q. Potestne ratione probari admitti non debere illam scientiam, quæ *Media* dicitur?

R. Potest. Siquidem *Media*, inter scientiam visionis & scientiam simplicis intelligentiæ, scientia admitti non debet, si non datur objectum aliquod medium inter objectum scientiæ visionis, & objectum scientiæ simplicis intelligentiæ: scilicet Dei scientia non multiplicatur nisi ratione multiplicis objecti circa quod versatur. Atqui non datur tertium illud objectum: siquidem objectum circa quod Dei scientia versatur, vel existit in aliqua temporis differentia, vel non existit; cum inter existere & non existere non detur medium. Si primum, est res vel præterita, vel præsens, vel futura: si secundum, est res merè possibilis: ergo non datur tertium objectum inter objectum scientiæ visionis & objectum scientiæ simplicis intelligentiæ: illa enim habet pro objecto res omnes quæ existunt in aliqua temporis sive præteriti, sive præsentis, sive futuri, differentia: ista verò versatur circa res merè possibiles.

Dices. Inter existens, & non existens datur aliquod objectum medium: illud nimirum quod nec fuit, nec est, nec erit aliquando: sed futurum esset, si poneretur aliqua conditio; huiusmodi verò videtur esse Davidis per Ceilitas proditio, si in eorum urbe usque ad Saulis adventum remansisset.

Sed contra sic argui potest. Vel illa conditio aliquando ponetur, vel nusquam ponetur. Si primum, id quod pendet ab ea conditione, est aliquando futurum; ac proinde est objectum scientiæ visionis. Si secundum, est simpliciter possibile atque edèd est objectum simplicis intelligentiæ.

Obj. 1. Conversio Tyrionum & Sidoniorum, de qua

Christus loquitur Matthæi 11. Proditio Davidis per Ceilitas, cujus fit mentio 1. Reg. 23. non sunt merè possibiles: non enim dicitur, quod evenire potuissent, sed quoddà reverà futuræ fuissent, si posita fuisset conditio: non sunt quoquè absolutè futuræ: ergo datur medium inter objectum scientiæ visionis, & objectum scientiæ simplicis intelligentiæ.

R. ad 1. Conversionem & prodictionem de quibus agitur, esse merè possibiles. Ad 2. Non est habenda ratio modi illius loquendi, quo in locis laudatis utitur Scriptura: nempe Deum humano modo loquentem inducit: solemus enim quæ merè possibilia sunt, asserere futura sub conditione quæ numquam ponetur. Confirmatur ex eo quoddà si habenda foret ratio modi quo Scriptura nonnumquam Deum inducit loquentem, dicendum esset Deum de aliquibus dubitare: nempe dubitanter loquens inducitur in Scripturis, ut patet ex Genesi cap. 4. ubi Deus sic Cainum alloquitur: *Ubi est Abel frater tuus?*

Obj. 2. Proditio Davidis per Ceilitas, & conversio Tyrionum plus habent actualitatis, quàm alter mundus possibilis: si enim non plus haberent actualitatis, ut quid David Saulis adventum pertinuisset: cur in die judicii Corozaitæ, & Bethsaitæ gravius quàm Tyrri, & Sidonii castigandi sunt?

R. 1. Ideò David timuit, quia Deus ei non revelaverat, nùm Saul descensus esset in urbem Ceilam; undè non perpendit Saulis adventum tamquàm merè possibilem, licèt in se ipso merè possibilis esset, sed tamquàm dubium: ac proinde sapienter sibi per discessum ex urbe Ceila consuluit. 2. Non ideò Tyrri & Sidonii mitius quàm Corozaitæ, & Bethsaitæ excipientur in die judicii, quod istorum conversio magis futura fuerit, quàm res merè possibiles sed quod illi, in prava cordis dispositione magis obcecati & indurati fuerint.

6. Q. Augustinus, impugnavitne vanum Semipet-

la-

lagianorum de scientia Media usum ?

R. Impugnavit : scilicet Semipelagiani (Augustino teste in libro de prædestinatione sanctorum cap. 13.) docebant, Deum quibusdam parvulis ante mortem baptismum concedere & negare aliis ; quibusdam gentibus concedere Evangelii prædicationem , aliis vero negare , intuitu operum quæ nusquam futura erant , sed futura fuissent , si posita fuisset aliqua conditio : hoc est , contendebant idè parvulis quibusdam ante mortem non dari baptismum , quod Deus prævidisset parvulos illos abusu- rorum fuisse baptismatis Sacramento , si ad maturam usque ætatem vixissent ; idè nonnullis gentibus Evangelium non prædicari , quod Deus præviderit eos licet Evangelium prædicaretur , minimè convertendos esse . Quod quidem systema ostendit Augustinus repugnare Evangelio dicenti , Tyrios & Sidonios convertendos fuisse , si prædicatum fuisset illis Evangelium , quod tamen nusquam illis annuntiatum est ; repugnare & ei Sapientiæ effato , quo dicitur : *Raptus est , ne malitia mutaret intellectum ejus* . Repugnare & Apostolo , dicenti non de alio hominem judicandum esse , quàm de eo quod in suo corpore gesserit sive bonum sive malum .

7. Q. Scientia media sumpta etiam secundum substantiam , cohæretne cum germanis sancti Augustini principiis ?

R. Non cohæret . Siquidem scientia media secundum substantiam sumpta , est (ex illius defensoribus) ea per quam Deus , independenter à decreto absoluto de determinanda per gratiam per se efficacem voluntate , prævidet actus supernaturalis ordinis sub conditione quæ nusquam ponenda est , futuros : atqui id non cohæret cum Augustini principiis : ergo scientia Media etiam secundum substantiam sumpta , &c. Major propositio continet ipsam scientiæ mediæ ideam . Itaque probatur minor . Augustinus

docuit, Deum non prævidere actus supernaturales lapsæ voluntatis, siue absolute siue conditionatè futuros, independenter à decreto absoluto de determinanda per gratiam efficacem voluntate, si in his aut illis circumstantiis, ponatur: ergo &c.

Antecedens in quo cardo difficultatis vertitur, ostenditur ex hac celebri S. Doctoris sententia in libro de prædestinatione Sanctorum cap. 10. *Prædestinatione quippè (ac proinde absoluto decreto) ea, Deus, præscivit, quæ fuerat ipse factururus.* Præterea capite 9. ejusdem libri de prædestinatione SS. solvens argumentum, quod, ut scribit Hilarius, adversarii S. Augustini desumpserant ex ejusdem Augustini libro de sex quæstionibus Paganorum, ubi asseruerat, tunc voluisse hominibus apparere Christum, quando sciebat, *quii in eum fuerant credituri*, docet, id quod obiciebatur, ibi à se dictum fuisse *sine præjudicio latentis consilii Dei, aliarumque causarum*; addit, latens illud consilium non aliud esse, quàm æternam prædestinationem, seu absolutum decretum de conferenda per gratiam efficacem fide gentibus, quibus Christus appariturus erat: *Utrum tantummodò eos præsciverit, an etiam prædestinavit Deus credituros, querere ac differere tunc non putavi.* Tandem scientia media in eo posita est, quòd antequàm Deus ferat absolutum aliquod decretum de conferenda gratia, exploret ad quid creata voluntas se se determinatura esset, si in his aut illis circumstantiis, in hoc vel illo cordis & mentis affectu, daretur auxilium gratiæ versatilis: atqui dogma illud Augustinus impugnavit: id nimirum, non aliud est quàm voluntati creatæ primas partes dare in iis quæ ad salutem æternam pertinent, & discretionem operantis bonum à non operante refundere non in donum Dei, sed in lapsæ naturæ vires: quod quidem ejusdem Augustini principiis adversatur, &c.

8. Q. Scientia Dei estne causa rerum?

R. Est

R. Est rerum causa directiva, quia suppeditat ideas, ad quas exactæ sunt res quæ ex nihilo educatæ sunt: juxta illud Psal. 103. *Omnia in sapientia fecisti.*

9. Q. Quænam Dei scientia est causa rerum?

R. 1. Non est scientia visionis; quia futuritio rerum præcedit scientiam visionis: idè enim Deus videt res futuras, quia jam futuræ sunt, aut per absolutum Dei decretum de earum futuritione, sicut actus supernaturales creaturæ per peccatum lapsæ, vel per creatæ voluntatis determinationem, sicut actus ordinis naturalis, imò & supernaturalis in statu naturæ innocentis: in eo enim statu nusquàm aliquod decretum absolutum latum est de bonis operibus; in eo statu nusquàm locum habuit gratiæ per se efficacis necessitas ad operandum bonum, ut dicetur inferiùs in tractatu de Gratia.

R. 2. Sola scientia simplicis intelligentiæ est causa rerum: ipsa enim est sola quæ præcedit, secundùm nostrum concipiendi modum, rerum futuritionem; ipsa est quæ sola dirigit Deum, ut sua de rebus decreta ferat, quemadmodum idea artificis artificem ad suum opus dirigit.

C A P U T X.

De voluntatè Dei.

1. *Quest.* Estne in Deo voluntas?

R. Est. Quia voluntas semper reperitur in substantia cui inest intelligendi facultas; unde Scripturæ non semel voluntatem Deo tribuunt: *Voluntati ejus* (ait Apostolus ad Rom. 9.) *quis resistit?*

2. Q. Quotuplex est à parte rei in Deo voluntas?

R. Unica, quia quicquid est in Deo, in eo est tanquam actus purissimus & simplicissimus. Neque enim in Deo est, aut potest esse compositio, seu pluri-um distinctorum unio.

3. Q. Vo-

3. Q. Voluntas Dei quomodo dividitur ratione modi, quo Deus vult res aliquas?

R. Dividitur in voluntatem *Signi*, & in voluntatem *Beneplaciti*: siquidem vel Deus improprie tantum & metaphoricè vult rem aliquam; vel proprie & (ut loquuntur) formaliter. Si primum, constituitur voluntas signi: si verò secundum, constituitur voluntas beneplaciti; unde quærenti quid sit voluntas signi, respondendum erit esse eam per quam Deus rem aliquam vult metaphoricè tantum; quærenti verò quid sit voluntas beneplaciti, dicendum erit, esse eam per quam Deus proprie vult rem aliquam.

4. Q. Quot sunt species voluntatis signi?

R. Tot sunt quot sunt signa, quæ divinam Dei de re aliqua voluntatem indicant. Illa autem signa quinque passim numerantur; præceptum, consilium, prohibitio, permissio, operatio.

5. Q. Deus vultne voluntate beneplaciti ea omnia, quæ vult voluntate signi?

R. Non vult semper: nempè licet Abrahamo Isaac occisionem præceperit; eam tamen non voluit voluntate beneplaciti, imò prohibuit postea ne fieret. Verum licet Deus non velit semper voluntate beneplaciti id quod vult voluntate signi, vult tamen aliquid aliud voluntate beneplaciti, v.g. voluntate beneplaciti voluit, ut Abrahamus paratum exhiberet animum ad Isaac occisionem.

6. Q. Quomodo Dei voluntas dividitur ratione diversarum circumstantiarum, secundum quas idem objectum potest considerari?

R. Dividitur in antecedentem, & consequentem. Prior, ex S. Thoma, est ea per quam Deus vult objectum aliquod in se ipso & absolute consideratum. Altera, est ea per quam Deus vult objectum aliquod singulare, consideratum non tantum in se, sed etiam cum omnibus circumstantiis particularibus.

7 Q. An-

7. Q. Antecedens & consequens Dei voluntas possunt ne aliquibus exemplis explicari?

R. Possunt, ut videre est in hisce verbis quibus S. Thomas utramque illam voluntatem explicat 1. part. q. 19. art. 6. ad 1. *Ad cuius* (divisionis voluntatis in antecedentem & consequentem) *intellectum, considerandum est, quod unumquodque secundum quod bonum est, sic est volitum à Deo: aliquid autem potest esse in prima sui consideratione, secundum quod absolutè consideratur, bonum vel malum; quod tamen prout cum aliquo adjuncto consideratur, quæ est consequens consideratio ejus, è contrario se habet. Sicut hominem vivere est bonum, et hominem occidi est malum secundum absolutam considerationem; sed si addatur circa aliquem hominem, quod sit homicida, vel vivens in periculum multitudinis, sic bonum est eum occidi, et malum est eum vivere; unde potest dici, quod iudex justus antecederet vult hominem vivere, sed consequenter vult homicidam suspendi. Similiter Deus vult antecederet hominum salutem, sed consequenter vult quosdam damnari secundum exigentiam suæ justitiæ. Vide quæ inferius dicentur.*

8 Q. Voluntas antecedens estne propriè in Deo, an verò metaphoricè tantum? Estne voluntas signi tantum, an verò etiam beneplaciti?

R. Est propriè in Deo; & est voluntas beneplaciti. Ratio est 1. quia S. Thomas Lectione 1. in cap. 2. primæ Epistolæ Pauli ad Timotheum, antecedentem Dei voluntatem comparat cum voluntate quam mercator habet servandi merces, quas projicit in mare, ut leviente tempestate vitet naufragium: at ea mercatoris voluntas est propriè et formaliter in illo mercatore. 2. Deus vult formaliter & propriè id quod in se bonum est: atqui hujusmodi est objectum voluntatis antecedentis, ut ibidem docet mox laudatus S. Thomas.

Obj. S. Thomas docet Dei voluntatem antecedentem

tem dici potius debere velleitatem, quam simplicem voluntatem: *Unde (inquit) magis potest dici velleitas, quam simplex voluntas*; atqui velleitas non est proprie in Deo; ergo nec voluntas antecedens.

R. Disting. antecedens: debet magis dici *velleitas*, respectivè sumpta, hoc est, comparata cum voluntate consequente, quæ est efficax, conc. ant. Debet dici velleitas simpliciter & absolute, nego ant. hincque sequitur voluntatem antecedentem quam Deus habet de salute omnium in individuo hominum in statu naturæ lapsæ, esse sinceram & veram voluntatem, licet inefficacem, ut fusè dicetur inferius.

9. Q. Dei voluntas impletur ne semper?

R. Voluntas *signi* non semper impletur: quamvis enim Deus velit voluntate signi; hoc est, quamvis imperet, ut omnes eum super omnia diligant, id tamen non impletur. 2. Voluntas beneplaciti non semper quoque impletur; liquidem voluntas antecedens, quæ est voluntas beneplaciti, se habet in Deo, ex S. Thoma, sicut voluntas mercatoris respectu suarum mercium, quas se viēte tempestate, vult conservare, quasque tamen ut vitet naufragium, projicit in mare. E' contrà consequens Dei voluntas semper impletur: de ea nimirum intelligi debent hæc Dei ipsius apud Isaiam cap. 46. verba: *Omnis voluntas mea fiet*: necnon & illud Psalmi 123. *Omnia quacumque voluit Dominus, fecit*.

10. Q. De qua Dei voluntate intelliguntur hæc Apostoli verba 1. ad Timotheum 2. *Qui (Deus) vult omnes homines salvos fieri, et ad agnitionem veritatis venire?*

R. Ex S. Thoma intelligitur de voluntate antecedente: quæ quidem (ut superius dictum fuit) est vera, & sincera voluntas beneplaciti. Licet vi ejusmodi voluntatis omnibus hominibus præparentur media ad salutem sufficientia etiam in statu naturæ
la-

lapsæ: & licet quoad præparationem illam sit efficax, summi tamen præcipuum finem & primum, qui est omnium hominum salus, non assequitur: neque enim omnes homines æternam salutem consequuntur, & in hoc, est voluntas inefficax.

11. Q. Voluntas Dei prædefiniitne absolutè ab æterno actus omnes supernaturales creaturæ rationalis per peccatum in Adamo lapsæ.

R. Prædefiniit, quia id Deus ab æterno prædefiniit absolutè, ad quod in tempore physicè prædeterminat: atqui creaturam rationalem per peccatum in Adamo lapsam prædeterminat ad omnes omnino actus ordinis supernaturalis: neque enim (ut fuscè dicitur in nostro tractatu de Gratia) homo per peccatum Adami lapsus, quidquam boni, quod ordinis sit supernaturalis, aut incipit actu, aut perficit, nisi ad illud per gratiam ex se, seu ex sua natura efficacem determinetur: ergo, &c.

12. Q. Voluntas Dei prædefiniitne absolutè ab æterno perseverantiam sanctorum Angelorum?

R. Non prædefiniit: quia Angeli ad actu perseverandum non indiguerunt auxilio per se efficaci & prædeterminante: nempe satis eis fuit auxilium versatile, cujus efficacia penderet ex eorum voluntate: & reverà, Augustino teste in libro de correptione & gratia, illo solo auxilio adjuti, actu & de facto perseverarunt.

13. Q. Deus prædefiniitne, absolutè creatæ voluntatis per peccatum lapsæ actus liberos, qui sunt ordinis merè naturalis?

R. Non prædefiniit: quia creatura rationalis, etiam per peccatum Adami lapsa, non indiget divina prædeterminatione, ut actus liberos ordinis merè naturalis operetur. Unde actus illi non fuerunt ab æterno futuri vi decreti absoluti quod Deus de illorum futuritione tulerit, sed tantum vi prævisæ à Deo creatæ voluntatis electionis, ut suo loco dicitur.

14. Q. Vo-

14. Q. Voluntas Dei estne libera?

R. Est libera: quia libertas est perfectio: perfectiones autem omnes in Deo (ut superius à nobis dictum est) reperiuntur. Unde scriptura Deum nobis exhibet tanquam maximè liberum. *Omnia* (inquit) *quacumque voluit fecit.*

15. Q. Circa quæ objecta libertas propriè dicta convenit Deo?

R. Circa operationes omnes quæ sunt ad extrà: ita enim Deus operatur ad extrà, ut possit non operari: ita v.g. creavit mundum, ut potuerit non creare; ita mundum redemit, ut potuerit eum non redimere. E contra propriè dicta libertas, quæ & à S. Th. *libertas arbitrii* dicitur, Deo non convenit circa illius operationes ad intrà: quia Deus necessariò, licèt non coactè, operatur ad intrà; neque enim Deus ita se ipsum amat, ut possit non amare; non ita Pater Verbum generat, ut possit illud non generare. Hinc fit, ut licet circa res ad extrà electio propriè Deo tribuatur, non tribuitur tamen circa operationes ad intrà, neque enim ibi est electioni locus, ubi est necessitas. Nempe idea electionis essentialiter præsupponit in subiecto indifferentiam ad actum, seu potestatem eum eliciendi & non eliciendi.

16. Q. Quenam est forma per quam Deus constituitur liber?

R. Est ipsum Dei velle, non quidem prout ad Deum terminatur, quia sic est omninò necessarium; sed prout terminatur ad creaturas; sic enim consideratum ita habet creaturas pro termino, ut illas potuerit non habere.

CAPUT XI.

De Providentia.

1. *Quæst.* Quid est providentia?

R. Est ratio, seu idea, seu cognitio, præexistens in mente divina, per quam res creatæ in suum finem diriguntur. Hinc autem patet 1. providentiam in Deo esse quid practicum; 2. versari eam non circa finem ultimum, sed tantum circa media quæ ad eum tendunt.

2. Q. Daturne providentia?

R. Datur. Nam 1. anima in seipsa sentit ac experitur existere providentiam; sæpius enim, & quidem naturaliter (Tertulliano teste) in has erumpit voces: *Deus videt omnia: Deo commendo: Deus reddet: Deus inter nos judicabit.* 2. Scripturis docemur, omnia Dei oculis patere; subjacere omnia divino illius regimini; ipsum de omnibus judicare, at ea esse non possunt sine providentia: imò ipsamet sunt Dei providentia.

3. Q. Creaturæ quæ necessariò operantur, subjacentne divinæ providentiæ?

R. Subjacent. Nam 1. mirabilis & constans ordo qui elucet in Universi partibus, nec esse, nec cogitari potest absque suprema sapientia, quæ illis prælit, easque gubernet. 2. Christus Matthæi 6. aves & lilia, & humilia ac vilia quæque divinæ providentiæ subjicit.

4. Q. Creatura libera subjacetne providentiæ divinæ?

R. Subjacet. Nempe Scriptura testatur 1. creaturæ rationalis opera esse sub Dei potestate: *Cor regis* (Proverbiorum 21.) *in manu Domini quocumque voluerit, inclinabit illud.* Testatur 2. actiones liberas Deo subjacere: *Non est* (Jeremiæ 12.) *hominis via ejus;*

ejus: nec viri ut dirigat gressus suos. Testatur 3. Deum de actionibus liberis judicaturum esse: Reddet unicuique secundum opera eius: ergo, &c.

5. Q. Peccata subjacentne Dei providentiæ?

R. Subjacent, etiam secundum suum esse formale sumpta; in quantum scilicet Deus permittit ut fiant: hoc est, non impedit ne fiant, ut bonum inde eliciat: *Neque enim* (ait Augustinus in Enchiridio ad Laurentium cap. 31.) *ullo modo sineret mali esse aliquid in operibus suis, nisi usque adeò esset omnipotens & bonus, ut bene faceret etiam de malo.*

Obj. 1. Multa casu fiunt & fortuitò. 2. Multa frustrà fiunt in rerum natura. 3. Impii ut plurimum agunt prosperè; pii è contra adversis præmuntur: sed hæc cum providentiæ existentia stare non possunt: Ergo, &c.

R. Ad 1. dist. ant. Multa casu fiunt secundum opinionem nostram, conc. ant. plerumque enim ignoramus finem ad quem ex intentione Dei diriguntur: secundum rei veritatem, nego ant. Ad 2. dist. ant. Multa fiunt frustrà per respectum ad causas particulares, conc. ant. non rarò nimirum causæ particulares deficiunt per respectum ad provisorium generalem, nego ant. scilicet defectus causarum secundarum non accidunt nisi ex ordinatione provisoris generalis. Ad 3. conc. ant. nego cons. Ratio est, quia multæ sunt causæ, cur id Deus permittat: ita nimirum erga pios se gerit, 1. ut virtus variis probata casibus illustrior fiat. 2. ut pii hujusmodi miseriis cautiores fiant ac humiliores. 3. ut viri frugi doceantur, sæculum hoc tot asperum miseriis diligere non debere, sed alterum debere sollicitè ab eis desiderari, ad exemplum Apostoli: *Desiderium habens dissolvi & esse cum Christo.*

6. Q. Providentia assequiturne semper suum finem?

R. Assequitur, & quidem. 1. in causis necessariis quæ

quæ semper habent finem suæ naturæ, aut ordini Universi cuius sunt pars, convenientem. 2. in causis contingentibus: nempe quod deficient aliquando aut non deficient, est ex natura quam habent à Dei providentia.

7 Q. Providentia imponitne necessitatem rebus provisis?

R. Imponit aliquibus, necessariis nimirum; non autem liberis; nam Deus, cum sit provisor generalis, unicuique causæ secundum naturam & conditionem illi propriam providet: ergo cum causarum necessariorum natura exigit, ut necessariò agantur in suos fines, causarum verò liberarum conditio postulet, ut liberè in finem suum moveantur, Deus illas necessariò movet, istas verò liberè.

C A P U T XII.

De Prædestinatione.

§. I.

De natura & divisione Prædestinationis?

1. *Quæst.* **P**rædestinatio quomodo definitur?

R. Definitur *præscientia & preparatio beneficiorum Dei, quibus certissimè liberantur quicumque liberantur*. Ita Augustinus in libro de *Dono perseverantiæ* cap. 14.

2. Q. In Augustiniana prædestinationis definitione quid intelligitur nomine *præscientiæ*?

R. Intelligitur cognitio quam Deus habet tum de ultimo fine ad quem creaturæ per prædestinationem eliguntur; tum etiam de efficacia & virtute mediorum quibus creaturas prædestinatas, ad ultimum finem perducit. Nec id mirum est, qui enim vult alicui finem, debet illum præcognoscere; nec non

media quibus comparari possit.

3. Q. Quid in Augustini definitione prædestinationis, intelligitur nomine *præparationis*?

R. Intelligitur absoluta & efficax voluntas quam Deus habuit ab æterno conferendi tum gratiam tum gloriam quibusdam creaturis rationalibus; hincque patet qua ratione prædestinatio à gratia differt: *Inzer gratiam porro* (ait Augustinus in libro de Prædestinatione Sanctorum cap. 10.) *& prædestinationem hoc tantum interest, quod prædestinatio est gratiæ* (hoc est, & hujus & alterius vitæ beneficiorum) *præparatio; gratia verò, jam ipsa donatio.*

4. Quid intelligitur nomine *beneficiorum* quorum sit mentio in definitione Augustini de prædestinatione.

R. Intelliguntur 1. omnia alterius vitæ bona ad quæ Deus homines per prædestinationem eligit. Intelliguntur 2. Auxilia gratiæ quibus Deus usus est in tempore, ut electos ad alterius vitæ bona perducatur.

5. Q. Quid intelligi debet per hanc vocem *liberantur* quæ in definitione prædestinationis continetur?

R. Intelligi debet effectus prædestinationis. 1. in altera vita, ubi prædestinatus erit cuiuslibet expers miseriæ. 2. in hac vita, ubi jam per fidem, spem & charitatem incipit à iugo peccati liberari, sed non perfectè, quia remanet, etiam in iustificatis hominibus concupiscentia quæ illos ad agonem usque ad peccatum excitat & provocat.

6. Q. Quid significatur hac voce *certissime*?

R. Significantur vis & efficacia tum finis ad quem creatura à Deo eligitur, tum mediorum per quæ in hac vita liberatio electorum incipit.

7. Q. Quotuplex est prædestinatio, seu quomodo prædestinatio dividitur?

R. Duplex, quia duplex est terminus ad quem creatura

tura rationalis à Deo prædestinatur, gratia nimirum & gloria; igitur prædestinatio duplex est, prædestinatio ad gratiam & prædestinatio ad gloriam.

8. Q. Prædestinatio ad gratiam estne gratuita; hoc est, Deus prædestinatne homines ad gratiam independentem à prævisis meritis, quæ creatura rationalis per solas naturæ vires comparaverit?

R. Est omnino gratuita. Ita quondam Ecclesia definiit contra Pelagianos qui docebant, gratiam secundum merita dari. Ita quoque definiit contra Semipelagianos qui asseriebant gratiam dari dependentem à prævisione fidei, cujus initium à nobis esset. Ita etiam docuit Clerus Gallicanus, cum ad Comitia generalia anno 1700. coactus, declaravit Semipelagianismum instaurare, mutatis tantum vocibus; propositionem qua asseriebatur, Deum facienti quod in se est ex viribus naturæ, dare gratiam ex debito quodam, quod oriatur ex pacto quod inter Christum fideiussorem nostrum & Patrem æternum initum fuerit, ad conferendam gratiam iis, qui ex viribus naturæ bene moraliter se gesserint.

§. I I.

De gratuitate Prædestinationis ad gloriam.

1. *Quest.* **P**rædestinatio ad gloriam estne gratuita; hoc est, Deus prædestinavitne creaturas rationales ad æternam salutem independentem à prævisione meritorum, quæ etiam cum auxilio gratiæ in hac vita comparata fuerint?

R. Duplex est ea de re Scholasticorum sententia. Prima, est Ludovici Molinæ, qui docet prædestinationem ad gloriam non esse gratuitam; scil. asserit Deum neminem ad æternam salutem prædestinasse, nisi post prævisa merita, quæ in hac vita cum auxilio gratiæ comparaverit. Altera est Thomistarum om-

nium, quibus placet prædestinationem ad gloriam esse omnino gratuitam; hoc est, docent Deum eos omnes qui salvandi sunt, ab æterno elegisse independentem à prævisione meritorum, quæ per auxilium gratiæ in hac vita comparaturi sunt.

2. Q. Gratuita prædestinatio ad gloriam potestne probari ex Evangelio Lucæ.

R. Potest: Christus Lucæ 12. sic loquitur: *Nolite timere pusillus grex, quia complacuit Patri vestro dare vobis regnum.* Vox illa, *complacuit*, non obscure innuit, voluntatem quam Pater habet dandi regnum cœleste, oriri ex mero illius beneplacito. Id quoque non obscure innuit scopus quem Christus eo in loco sibi proponit; vult enim discipulos amovere à rerum temporalium cura ad eum verò finem, sic argumentatur à majori ad minus. Patri complacuit vobis gratuito dare cœleste regnum: ergo à fortiori providebit vobis de rebus ad hujus vitæ sustentationem necessariis. Nec valeret illud argumentum, si prædestinatio ad gloriam non foret gratuita: imo discipuli inde conclusissent, se de rebus temporalibus sollicitè curare debere: sic enim ratiocinari potuissent: Quemadmodum Pater neminem eligit ad regnum cœleste, nisi post prævisa illius merita; ita nemini statuit de necessariis providere, nisi post prævisam hominum in iis comparandis diligentiam, sollicitè igitur homines de iis curare debent.

3. Q. Gratuita prædestinatio ad gloriam potestne probari ex Evangelio Joannis?

R. Potest. Christus Joannis 6. ait electos sibi à Patre traditos fuisse; neminem ex iis qui sibi a Patre traditi sunt, periturum: *Hæc est voluntas Patris, ut omne quod dedit mihi non perdam, sed resuscitem in novissimo die.* Si prædestinatio non sit gratuita, Pater salvandos non tradidit Christo, sed ipsimet salvandi, per opera pietatis prævisa, seipsos & Patri & Christo tradiderunt.

4. Q. Gratuita prædestinatio ad gloriam potestne probari ex Pauli Epistola ad Ephesios ?

R. Potest . Epistolæ ad Ephesios cap. 1. Apostolus scribit, salvandos, fuisse à Deo electos, ut essent sancti & immaculati : *Elegit nos in ipso ante Mundi constitutionem, ut essemus sancti & immaculati in conspectu ejus* . Afferit eos ad eam sanctitatem electos fuisse, quod ad gloriam electi sint : *Secundum* (ait) *propositum voluntatis suæ* ; hoc est, ut firmum staret de gloria conferenda decretum : ergo ex Apostolo, prior est electio ad gloriam, quàm electio ad sanctitatem ; prædestinatio igitur ad gloriam est independens à prævisione sanctitatis, seu meritorum .

5. Q. Gratuita prædestinatio ad gloriam potestne probari ex capite 9. Epistolæ ad Romanos .

R. Potest . Apostolum in exemplum prædestinationis profert Jacobo pro fratre suo Esau electionem : sed Jacob electio præ Esau fuit omninò gratuita ; hoc est, independens ab omni operum prævisione : *Cum enim* (inquit Apostolus cap. 9.) *nondum nati fuissent ; aut aliquid boni egissent, aut mali, ut secundum electionem propositum Dei maneret, non ex operibus, sed ex vocante dictum est ei, Rebecca, quia major serviet minori, sicut scriptum est ; Jacob dilexi, Esau autem odio habui* .

6. Q. Prædestinatio gratuita potestne probari ex solutionibus ad objectiones quas Apostolus sibi proponit cap. 9. Epistolæ ad Romanos ?

R. Potest . Nam 1. sibi objicit, sequi ex gratuita illa electione locum in Deo habere crimen acceptionis personarum : *Quid ergo dicemus ? numquid iniquitas apud Deum ?* Ad illud argumentum non respondet non esse in Deo iniquitatem, eo quod opera præviderit, sed confugit ad merum beneplacitum Dei, ex duobus indignis unum præ alio eligentis : *Absit : Moyse enim dicit : Miserebor cujus misereor, & misericordiam præstabo, cujus miserebor* .

Objicit sibi 2. sequi ex hujusmodi electione quod Deus injustè conqueratur de non electis, cum, re-nuente divina illius voluntate, salvari non possint, *Dicis itaque mihi: quid adhuc quaritur? voluntati enim ejus quis resistit?* Ut eam objectionem Paulus solvat, non respondet electionem præsupponere electorum merita, sed confirmat id quod, aliud argumentum solvens, jam responderat, nempe electionem oriri ex mero Dei beneplacito, sicut quod lutum fiat vas in honorem, id unice petitur ex figuli beneplacito: *O homo tu quies, qui respondeas Deo? numquid dicit figmentum ei, qui se finxit. Quid me fecisti sic? An non habet potestatem figulus luti ex eadem massa facere aliud quidem vas in honorem, aliud verò in contumeliam?*

Objicit sibi 3. & quærit, cur Deus nonnullos potius quàm alios ad gratiam elegerit. Ad quælitum illud non respondet, Deum quosdam præ aliis elegisse ex meritorum prævisione, sed solum, ut suam gratuitam misericordiam in eis manifestam faceret: *Quod si (inquit) Deus volens ostendere iram, & notam facere potentiam suam, sustinuit in multa patientia, vasa iræ apta in interitum; ut ostenderet divitias gloriæ suæ in vasa misericordiæ, quæ præparavit ad gloriam.*

7. Q. Gratuita prædestinatio ad gloriam potestne probari ex cap. 11. Epistolæ Pauli ad Romanos?

R. Poteſt. Nam 1. Apostolus in eo loco non asserit, Deum ided non repulisse Judæos quosdam ex æterna hæreditate, quod eorum pia præviderit opera, sed tantum quod per suam prædestinationem eos præ aliis dilexerit: *Non repulit (inquit) plebem suam, quam (præscientia dilectionis) præsciivit.* 2. Sub finem ejusdem undecimi capitis redit ad argumentum, quod sibi capite 9. solvendum proposuerat, cur scilicet Deus nonnullos elegerit, alios verò minimè elegerit. Tantum autem abest, ut confugiat ad me-
rito-

ritorum per gratiam prævilionem, quin potius recurrat ad impenetrabilia Dei iudicia, asseritque se nescire, nec scire posse rationem, quæ Deum movit, ut gratuitò quosdam præ cæteris elegerit: O (inquit) *altitudo divitiarum sapientiæ & scientiæ Dei: quam incomprehensibilia sunt iudicia ejus, & investigabiles viæ ejus!*

8. Q. Numquid dici potest ea quæ tum Lucæ 12. tum Joannis 6. tum ad Romanos 9. & 11. de prædestinatione dicuntur, intelligi dedere de prædestinatione ad fidem, non autem ad gloriam?

R. Non potest dici. Nam 1. in sententia quæ legitur apud Lucam, expressa mentio sit *regni*, non autem gratiæ: *Complacuit Patri vestro dare vobis regnum*. Apud Joannem agitur de iis quos nemo potest rapere de Christi manibus; at ii non sunt homines ad solam gratiam electi; illi enim sæpè per peccatum mortale rapiuntur è Christi manibus 3. Apostolus de eadem electione loquitur capite 9. & 11. Epistolæ ad Romanos, de qua antea locutus fuerat cap. 8. Atqui cap. 8. locutus fuerat de electione ad gloriam: ibi enim locutus fuerat de electione, quæ est secundum propositum, propter quam omnia in bonum cooperantur; cujus executionem & scopum nulla creata potestas impedire valeat: at ea non conveniunt electioni quæ sit ad gratiam tantum, ac proinde intelligi debent de prædestinatione ad gloriam.

9. Q. Quid de prædestinatione ad gloriam censuit Augustinus?

R. Credidit gratuitam. Nam sanctus Doctor doctrinam de gratuita prædestinatione ad gloriam, nomine Massiliensium sibi à Prospero & Hilario propositam, pro sua agnovit: *Hoc autem propositum* (verba sunt Semipelagianorum in Prosperi Epistola ad Augustinum) *vocationis Dei, quo vel ante Mundi initium, vel in ipsa conditione generis humani eligendorum & rejiciendorum dicitur facta discretio, ut*

secundum quod placuit Creatori, alii vasa honoris, alii vasa contumeliae sint creati, &c. Cum autem nusquam Augustinus scripserit, sibi eo in capite impositum fuisse à Semipelagianis, evidens est quod re ipsa propugnauerit illud systema quod illi à Semipelagianis objectum fuerat.

Præterea sanctus Augustinus in gratuitam prædestinationem, tanquam in rationem unicam divinæ in electos providentiæ, refert ea omnia quæ in electis operatur. Nam 1. in Epistola ad Sixtum docet, prædestinationem illam esse causam, cur parvulis quibusdam Baptisma paulò antè mortem conferatur. 2. In libro de correptione & gratia capite 9. eidem & non alteri causæ adscribit rationem, cur ex duobus iustis uni præ alio detur singulare perseverantiæ donum. 3. Eodem cap. 9. libri de correptione & gratia tantum abest, ut præparationem gloriæ tribuat meritorum prævisioni, quin è contra docet prævisionem meritorum supponere prædestinationem ad gloriam, ait enim, merita esse effectum prædestinationis ad gloriam.

Idem sanctus Doctor in libro de Prædestinatione sanctorum, cap. 5. scribit idem ferri debere iudicium de hominum prædestinatione ad gratiam & gloriam, ac de prædestinatione humanitatis Christi ad unionem cum Verbo, ad sanctitatem, ad visionem intuitivam: atqui ex eodem Augustino planè gratuita fuit Christi humanitatis prædestinatio ad unionem cum Verbo; ad sanctitatem, ad visionem intuitivam: ergo, &c.

10. Q. Quid sanctus Thomas, & post eum insigniores Scholastici docuerunt de prædestinatione ad gloriam?

Q. Docuerunt esse gratuitam. Sanctus Thomas non in merita prævisa, sed in solam Dei voluntatem refundit rationem, cur Deus aliquos præ aliis ad gloriam æternam eligat: *Sed quare* (inquit 1. p.

q. 23. art. 5. ad 3.) hoc elegit in gloriam, & illos reprobavit, non habet rationem, nisi divinam voluntatem. Scotus in librum 1. Sent. dist. 41. sic loquitur: Ratio prædestinationis non in alio est quærenda, quàm in divina voluntate. Tandem vix unus aut alter alicujus nominis Scholasticus ante finem sæculi 16. asseruit, prædestinationem ad gloriam non esse gratuitam.

11. Q. Gratuita prædestinatio ad gloriam potest ne probari rationibus Theologicis?

Q. Potest. Nam 1. qui vult ordinatè, prius vult dare finem, quàm media ad illum finem necessaria conferre: ergo prius est secundum nostrum concipiendi modum, Deum ad gloriam, quam ad gratiam prædestinare. 2. Inscrutabile est omnino mysterium prædestinationis ad gloriam: ergo non est ex meritorum prævisione: nihil enim, in ea suppositione facilius est, quàm reddere rationem, cur unus præ alio sit ad gloriam prædestinatus.

Obj. 1. Matthæi cap. 25. Regnum cœlestè dicitur paratum ex prævisione bonorum operum: sic enim Christus in extremo iudicio loquetur: *Venite benedicti patris mei, possidete paratum vobis regnum à constitutione mundi, esurivi enim & dedistis mihi manducare*: Ergo, &c.

Resp. Nego ant. seu nego Regnum dici paratum ex prævisione bonorum operum: nempè hæc propositio causalis, *esurivi enim*, &c. non refertur ad vocem, *paratum*, sed ad vocem, *possidete*: ita ut sensus sit, in mercedem bonorum operum possidete regnum, quod antea gratuito vobis paratum fuerat.

Confirmari potest responsum illud ex opposita sententia, quæ reprobis à Christo iudice dicitur: *Discedite à me in ignem æternum, qui paratus est Diabolo, & Angelis ejus: esurivi enim & non dedistis mihi manducare*. Nempè in ea sententia, causalis hæc *Esurivi enim*, non refertur ad vocem *paratus*: neque

que enim Diaboli paratus est ignis, quod homines prævili sint non facturi opera misericordiæ, sed refertur ad hanc aliam vocem *discedite*, seu reprobi igne damnantur, quod opera misericordiæ non exercuerint.

Ex his patet, colligi quidem ex textu Matthæi, gloriam in tempore conferri propter opera, sed non colligitur quod propter opera prævili, ab æterno præparata sit in intentione divina.

Obj. 2. Scriptura passim æternam gloriam vocat mercedem, nonnumquàm bravium, aliquando coronam vitæ: ergo, &c.

Resp. Dist. ant. in ordine executionis, conc. ant. in ordine intentionis, nego ant. hoc est, illi & similes alii modi loquendi significant, Deum in tempore propter bona opere conferre vitam æternam, ad quam ab æterno gratis prædestinavit: nempe Deus vult ut homo per bona opera mereatur cæleste regnum, ad quod eum elegit gratuito.

Obj. 3. Præscientia præcedit prædestinationem: *Quos præscivit* (inquit Apostolus ad Rom. 8.) *et prædestinavit conformes fieri imagini filii sui*: ergo prædestinatio ad gloriam fit ex præscientia meritorum.

Resp. Dist. ant. præscientia seu præcognitio personarum quæ prædestinantur, conc. ant. neque enim Deus quemquam prædestinat, nisi eum, secundum nostrum concipiendi modum, antea distinctè novit: præscientia meritorum, nego ant.

Resp. 2. Nomine præscientiæ intelligi prædilectionem, non autem meram præcognitionem: ita ut sensus sit, Deum eos prædestinasse tum ad gratiam, tum ad gloriam, quos gratuito præ aliis dilexit. Eodem sensu nomen præscientiæ passim reperitur in Scripturis: *Non repulit Dominus* (ad Rom. 11.) *plebem suam quam præscivit*. Joannis 10. *Ego sum Pastor bonus, et cognosco oves meas*.

Obj. 4. Patres qui ante S. Augustinum vixere, docu-

cuerunt, prædestinationem ad gloriam non esse gratuitam: ut videre est apud Irenæum lib. 4. contra hæreses cap. 38. Chrysostomum hom. 15. in caput octavum Epistolæ ad Roman. Hieronymum in primum Malachiæ caput: ergo, &c.

Resp. Nego ant. nempe Patrum illorum textus intelligi possunt de prædestinatione in ordine executionis, non autem de prædestinatione in ordine intentionis; hoc est, de ipsa collatione gloriæ, non autem de illius præparatione. Nec mirum: cum enim nondum exorta esset hæresis aliqua circa gratiæ æconomiam, Patres hoc unum habuerunt præ oculis, ut fideles ad pietatis praxim moverent, eisque vitam æternam tanquam pietatis mercedem in tempore conferendam, propoherent. Petitum est responsum illud ex Augustino, libro de prædestinatione Sanctorum cap. 14.

Obj. 5. Homo non prædestinatur gratis ad justificationem: ergo nec ad gloriam.

Resp. Nego ant. scilicet Deus tum ad finem, tum ad media quæ ad illum comparandum necessaria sunt, gratuito prædestinat. Licet autem in executione quædam præparatio in adultis justificationem præcedat; in intentione tamen divina, prius prædestinata fuit justificatio, quam illa per actus fidei, & charitatis præparatio.

Obj. 6. Inter Augustinum & Semipelagianos solum quæstio fuit de initio fidei, & de perseverantia usque in finem, quæ à Semipelagianis liberi arbitrii viribus committebantur; nusquam, verò fuit quæstio de prædestinatione ad gloriam: ergo ex Augustini scriptis contra Semipelagianos, colligi non potest gratuita ad gloriam prædestinatio.

Resp. Dist. ant. solum quæstio fuit directe, conc. ant. indirecte, nego ant. Initio disputationis Augustinum inter & Semipelagianos quæstio quidem non fuit de gratuita prædestinatione ad gloriam; sed tamen

men orta est in progressu disputationis. Cùm enim Augustinus urgeretur à Semipelagianis, cur uni detur gratia fidei, alteri verò non detur: cur ex duobus iustis uni detur perseverantiæ donum, alteri verò negetur; coactus est in libris de correptione & gratia, de prædestinatione SS. & de dono perseverantiæ, differere de gratuita prædestinatione ad gloriam, eamque asserere, ut primam discretionis causam unius ab alio, quam ab eo Semipelagiani petierant, aperiret.

Obj. 7. Doctrina de gratuita prædestinatione ad gloriam videtur esse idem cum Prædestinatianorum hæresi, quæ pluribus in conciliis (ut Gennadius, Hincmarus, & Sigebertus testantur) damnata est: ergo, &c.

Respondent Thomasinus, Cabassutius, alique scriptores de Ecclesiastica historia optimè meriti, nusquam extitisse hæresim illam prædestinatianorum: addunt, dogmata quæ eis tribuuntur, ipsam esse Augustini doctrinam à Semipelagianis invidiosè & calumniosè S. Doctore objectam.

Respondemus nos, dato quod reverà extiterit Prædestinatianorum hæresis, non inde sequitur, quòd admitti non debeat gratuita prædestinatio ad gloriam. Scilicet ex ea non sequitur (quod volebant Prædestinatiani) Deum non minus ad malum culpæ, quàm ad malum pœnæ prædestinare, aut prædestinatione induci fatum, seu adstrui necessitatem quæ cum libertate non cohæreat.

Ambo illa Prædestinatianorum capita damnavit Arausicana II. Synodus: ne scilicet sibi gratuitam prædestinationem ad gloriam defendenti, impònerentur à Semipelagianis, quemadmodum antea ab iisdem Semipelagianis Augustino imposita fuerant. Hoc etiam (ait laudata Synodus capitulo 25.) secundum fidem catholicam credimus, quod acceptà per baptismum gratià, omnes baptizati, Christo auxiliante et

coope-

cooperante, quæ ad salutem animæ pertinent, possunt et debeant, si fideliter laborare voluerint, adimplere. Aliquos verò ad malum divinà potestate prædestinatos, non solum non credimus, sed etiam, **SISUNT**, qui tantum malum credere velint, cum omni detestatione illis anathema dicimus.

Obj. 8. Prædestinatio ad gloriam juvatur Sanctorum precibus; ed enim tendunt hæc verba Ecclesiæ in canone Missæ orantis: *In electorum tuorum grege nos jubeas numerari*: ergo, &c.

Resp. Dist. ant. juvatur quoad executionem, conc. ant. quoad præparationem, seu æternam Dei intentionem, nego ant. Solutio patet ex dictis superius.

Obj. 9. Si prædestinatio esset gratuita, prædestinatus non posset damnari; proindeque non esset liber; quod tamen est falsum.

Resp. Dist. ant. non posset damnari *in sensu composito*, hoc est, prædestinatus non potest conjungere damnationem actualem cum prædestinatione, conc. ant. quia prædestinatio dicit ex parte Dei, voluntatem efficacem dandi gloriam, & cōferendi media quæ per se & infallibiliter ad gloriam perducet. Non potest damnari *in sensu diviso*; hoc est, conjungere possibilitatem damnationis, quæ tamen nusquam erit actu, cum prædestinatione ad gloriam nego ant. quia prædestinatus semper habet potentiam non perseverandi in iustitia, nempe quandiu est in via, potest lethali peccare.

12. Q. Gratuita prædestinatio ad gloriam habuitne locum in Angelis, qui intuitiva Dei visione fruantur?

Resp. Non habuit locum, tum quia in Angelis de quibus agitur, locum non habuit gratuita prædestinatio ad perseverantiam: scilicet (ut dicetur in tractatu de gratia) Angeli non nisi post prævisum consensum quem gratiæ versatili, seu minimè efficaci, præbituri erant, ad perseverantiam prædestinati fuerunt.

runt . tum quia (ut docet Augustinus cap. 11. lib. de corrept. & gratia) æterna gloria nunquam Angelis tanquam gratia , sed solum tanquam merces , præparata fuit : tum denique quia nullibi in operibus Augustini , Angeli sancti dicuntur prædestinati , sed præsciti tantum .

Obj. 1. Deus hominem lapsum gratuitè prædestinavit ad gloriam : ergo sic quoque prædestinavit Angelum .

Resp. Nego consequ. sic enim Deus se gessit (ut ait Augustinus in libro de corrept. & grat. cap. 17.) quòd in homine lapso voluerit ostendere , quid possit medicinalis per Christum gratia ; & in Angelis Sanctis quid innocens liberum arbitrium versatili adjutum auxilio valuerit .

Obj. 2. Qui vult ordinatè , vult finem antequàm velit media : ergo Deus priùs secundum nostrum concipiendi modum , voluit Angelorum salutem , quàm præviderit consensum , quem erant gratiæ præbituri .

R. Dist. ant. si finem velit absolutè , conc. si velit conditionatè tantum : nego ant. hoc , non autem illo modo . Deus voluit salutem Angelorum : hoc est , voluit tantum ex suppositione quòd usuri essent versatili gratià quàm uti poterant , & quàm reverà usi sunt ad perseverandum .

§. III.

De effectibus & proprietatibus Prædestinationis ?

1. Quæst. Quilnam est adæquatus effectus prædestinationis ?

R. Hominis liberatio , quæ quidem incipit , in hac quidem vita per gratiam , & consummatur in alterà per gloriam .

2. Q. Quilnam est inadæquatus prædestinationis effectus ?

R. Vo-

R. Vocatio, & justificatio, quæ ambæ dantur ad executionem prædestinationis ad gloriam.

3. Q. Bona naturalis ordinis suntne prædestinationis effectus?

R. Non sunt *per se*, quia electis & reprobis communia sunt, sed *per accidens* tantum: quia Deus (ut ait Augustinus in libro de dono perseverantiæ cap. 4.) nonnumquam eis utitur, ut prædestinatos perducatur ad æternam gloriam.

4. Q. Mala naturæ, & mala pœnæ suntne in Electis effectus prædestinationis?

R. Sunt; nonnumquam enim Deus (ut dicitur Sapientię 4.) utitur quorundam præmaturâ morte, ut impediatur, ne malitia mutet eorum intellectum; hoc est, ne ex justis fiant impii.

5. Q. Malum culpæ, seu peccatum, estne prædestinationis effectus?

R. Non est: tum quod effectus prædestinationis à Deo causetur; tum etiam quod homo per peccatum non liberetur: at ea per quæ homo, saltem imperfectè & indirectè non liberatur, non sunt effectus prædestinationis.

Obj. Augustinus libro 14. de civit. Dei cap. 13. docet, Deum nonnumquam uti peccatis, ut electos suos perducatur ad gloriam: ergo peccata nonnumquam sunt effectus prædestinationis.

R. Dist. ant. utitur tanquam occasione, conc. ant. tanquam medio, nego ant. Quod electus fiat magis humilis post suum peccatum, non oritur ex ipso peccato, sed ex Dei gratiâ quæ electo qui lapsus est, peccati scditatem, & naturæ infirmitatem subjicit illius oculis.

6. Q. Permissio peccati estne in electis effectus prædestinationis?

R. Est, quia ex Dei intentione confert ad prædestinationis executionem: idè enim Deus peccata, per subtractionem gratiæ per se efficacia, in electis per-

mit-

mittit, ut ad intuitum sui casus, & humiliores, & cautiores fiant.

Obj. 1. Permissio peccati non est Dei beneficium : 2. non ex Christi meritis. 3. sapiens medicus non permittit morbum, ut sanitatem postea tribuat : ergo.

R. Ad 1. & 2. Dist. ant. Non est Dei beneficium, non est ex Christi meritis in se considerata, ant. considerata prout subest intentioni divinæ; nego ant. Ad 3. dist. ant. Ut sanitatem priori æqualem tribuat, conc. ant. robustiorem priorē, nego ant. *Nonne* (ait Bernardus Serm. 2. in enarratione Psal. 90.) *cooperatur nobis ille casus in bonum, unde & meliores efficiamur et cautiores.*

7. Q. Quænam sunt prædestinationis proprietates?

R. Tres sunt, certitudo, immutabilitas, prædestinatorum numerus.

8. Q. Prædestinatio estne certa in intentione divina?

R. Est, quia Deus certo novit numerum electorum in genere, & præterea personas omnes particulares, quæ sunt ex electorum numero, juxta illud 2. ad Tim. 2. *Novit Dominus qui sunt ejus.*

9. Q. Prædestinatio estne certa in executione?

R. Est, quia electi omnes, nullo excepto, infallibiliter consequentur gloriam ad quam ab æterno sunt prædestinati: cum enim Dei voluntas sit potentissima, id omne fit, quod vult fieri: juxta illud Psalmi: *Omnia quacumque voluit Dominus fecit: merito igitur Christus Joann. 10. de prædestinatis sic loquitur: Oves meæ vocem meam audiunt, & ego cognosco eas, & sequuntur me; & ego vitam æternam do eis, & non peribunt in æternum, & non rapiet eas quisquam de manu mea.*

10. Q. Prædestinatio estne immutabilis?

R. Est, tum ex parte Dei prædestinantis, quia
Deus

Deus prædestinans nunquam mutabit suum decretum de conferenda quibusdam hominibus gloria : tum etiam ex parte prædestinatorum : revera enim quilibet ex eis consequetur finem ad quem est electus ab æterno .

Obj. 1. Moyſes Exodi 32. ſupponit prædeſtinationem eſſe , ex parte Dei mutabilem , cùm ſic eum alloquitur : *Aut dimitte eis hanc noxam , aut ſi non facis , dele me de libro tuo , quem ſcripſiſti .*

R. Locum illum intelligi poſſe 1. de libro vitæ hujus temporalis : 2. de prædeſtinatione ad vitam æternam : ſi autem ſic intelligatur , dicendum erit eam Moyſis petitionem fuiſſe ex ſuppoſitione hujus conditionis , quam ipſe Moyſes impoſſibilem noverat ſi fieri poteſt . Unde ſenſus eſt : Si poſſes me delere ex libro prædeſtinationis , idque tutâ conſcientia optare poſſem , ego id rogarem , ut fratrum meorum ſaluti conſulereim .

Obj. 2. Apoſtolus 1. ad Cor. 9. timet , ne ipſe ex prædeſtinato fiat reprobus : *Ne fortè (inquit) cùm aliis prædicaverim , ipſe reprobus efficiar .*

Reſp. Textus ille non intelligitur de prædeſtinatione ſumptâ ſecundùm ſubſtantiam , ſeu pro decreto , quod Deus tulit de conferendâ quibusdam hominibus gloriâ ; ſed de prædeſtinatione ſumptâ ſecundùm effectum , qui quidem non alius eſt , quàm donum perfeverantiæ ulque in finem .

11. Q. Unde petuntur & certitudo , & immutabilitas prædeſtinationis ?

R. Petuntur ex Dei decreto abſoluto & efficaci de conferenda quibusdam hominibus cœleſti gloriæ : unde prædeſtinatione non eſt certa tantùm certitudine eventus & præſcientiæ , ſed etiam certitudine cauſalitatis .

12. Q. Quantus eſt electorum hominùm numerus ?

R. Quantus eſt numerus Angelorum qui lapſi ſunt : nem-

nempè constat ex Patribus, quod Christus carnem induerit, ut Angelorum ruinæ refarcirentur. Ita Augustinus in libro 2. de civit. Dei cap. 2.

C A P U T X I I I.

De reprobatione.

1. *Quest.* Quid est Reprobatio?

R. Est decretum de non præparandis & conferendis beneficiis, quibus quædam creaturæ rationales liberentur. Scilicet per eam definitionem reprobatio directe opponitur predestinationi; quæ quidem (ut superius dictum est) definitur, *Præparatio beneficiorum Dei, quibus certissime liberantur, quicumque liberantur.*

2. *Q.* Quotuplex est reprobatio?

R. Duplex; negativa nimirum & positiva. Prior est mera non præparatio beneficiorum, quibus certæ rationales creaturæ liberentur: posteriore contra, est actus quo ab æterno nonnullis præparatur pœna tum damni, tum sensus.

3. *Q.* Positiva reprobatio, præsupponitne ex parte Dei prævisionem peccati in eo qui reprobat?

R. Præsupponit: siquidem positiva reprobatio est maxima omnium pœna; at pœna, si iusta sit, præsupponit culpam, juxta illud Augustini in libro 3. de lib. arbit. cap. 18. *Omnis autem pœna, si iusta est, peccati pœna est & supplicium nominatur.* Simile est & hoc ejusdem Patris axioma lib. 11. de Genesi ad lit. cap. 17. *Numquid ille prius ultor, quam iste peccator?*

4. *Q.* Reprobatio negativa, præsupponitne peccati prævisionem?

R. Duplex est ea de re sententia. Prima, quæ est Estii, & aliquorum Thomistarum, negat: altera verò quæ est Augustini & plurimum aliorum Thomistarum, affirmat.

5. *Q.* Sen-

5. Q. Sententia Estii qui docet reprobationem negativam non præsupponere peccati prævisionem, sed pendere ex mero Dei beneplacito, potestne Calvinismi insimulari?

R. Non potest: longè nimirum ab Estii doctrina distat Calvinus de reprobatione systema. Nempe Calvinus docuit 1. Deum iudepender à prævisione cujuslibet peccati, quosdam Angelos & quosdam homines absoluto & æterno decreto damnasse tum damni, tum sensus pœna: docuit 2. nec Angelos, nec homines reprobos à Deo fuisse creatos ad cœlestem beatitudinem, sed ad æternam damnationem: docuit 3. Deum, ut latum à se decretum exequatur, reprobis imponere necessitatem ut peccent, imò & eos positivè ad peccatum impellere; ea expressè Calvinus tradit tum in caput 1. Epistolæ ad Rom. tum in libro 3. Institut. cap. 22. §. 6. At ab iis omnibus longè distat Estii aliorumque sententia, qui contendunt negativam reprobationem esse à cujuslibet peccati prævisione prorsus independentem.

6. Q. Estne vera sententia Estii contententis Angelos reprobatos fuisse negativè independenter à prævisione peccati?

R. Non videtur vera: 1. quia prædestinatio Sanctorum Angelorum facta, non fuit independenter à prævisione perseverantiæ, ut superius dictum est: ergo nec aliorum reprobatio, etiam negativa, independenter à prævisione non perseverantiæ: 2. Idèò reprobatio negativa ex Estio, facta fuisset independenter à prævisione non perseverantiæ, quòd ex vi hujusmodi reprobationis negativæ Deus statuisset non conferre Angelis, qui ceciderunt, auxilium efficax ad perseverantiam requisitum: sed illa ratio nulla est, quia Angeli apostatæ non indiguerunt auxilio, ex parte Dei efficaci, ad perseverandum: sed satis eis fuit auxilium versatile: hoc enim uno

adjuti, Angeli sancti actu perseverarunt.

7. Q. Quid Apostolus docuit de negativa hominis lapsi reprobatione?

R. Docuit factam non fuisse independentem à prævisione peccati: 1. quia præsupsit odium Dei in creaturam, quæ non electa fuit, juxta illud Apostoli ad Rom. 9. *Jacob dilexi, Esau autem odio habui*; Deus verò in sua creatura nihil præter peccatum odisse potest: Nihil *odisti* (Sapientia 11.) *eorum quæ fecisti*: 2. quia Deus in non electione ad cœleste regnum, suam in non electos iram manifestat: juxta illud ejusdem Apostoli ad Rom. 9. *Quod si Deus volens ostendere iram, & notam facere potentiam suam, sustinuit in multa patientia vasa iræ apta in interitum, ut ostenderet divitias gloriæ suæ in vasa misericordiæ.*

Obj. 1. Apostolus eodem modo demeritorum prævisionem excludit à reprobatione, quo meritorum prævisionem excludit à prædestinatione: Cum (inquit) *nondum nati fuissent, aut aliquid boni egissent aut mali.... Jacob dilexi, Esau autem odio habui*: ergo, &c.

Resp. Dist. ant. Excludit prævisionem demeritorum, quæ sumuntur ex peccatis actualibus, conc. ant. scilicet Apostolus loquitur de demeritis per proprios actus comparatis; utitur enim verbo *Egissent*: demeritorum, quæ sumuntur ex peccato originali, nego ant. Ita Augustinus Epistola 106. illum Apostoli locum interpretatur.

Obj. 2. Apostolus toto cap. 9. Epistolæ ad Romanos hominum reprobationem refundit in solam Dei voluntatem, nusquam verò in peccatum quod antè prævisum fuerit: ergo, &c.

Resp. Dist. ant. Refundit in solam Dei voluntatem tanquam in *causam proximam*, conc. ant. nempe cur Deus ex hominibus æqualiter reis hunc eligat, illum verò non eligat, sola causa proxima est

est absoluta Dei voluntas. Refundit tanquam in *causam remotam*, nego ant. scilicet ratio, cur Deus non eligat, est peccati saltem originalis prævisio.

Obj. 3. Apostolus Deum reprobantem comparat cum figulo, qui ex eodem luto facit aliud vas in honorem, aliud in contumeliam: ergo quemadmodum pendet ex sola figuli voluntate, quoddam aliud vas fiat in contumeliam; ita & ex sola Dei voluntate pendet, quoddam quis, etiam negativè reprobetur.

Resp. Dist. ant. cum figulo qui ex eodem luto jam *corrupto* facit aliud vas in honorem, aliud in contumeliam conc. ant. ex eodem luto *minimè corrupto*, nego ant. hoc est, quemadmodum figulus ex luto corrupto facit pro libito aliud vas in honorem, aliud in contumeliam, ita Deus ex hominum massa per Adami peccatum corrupta, pro libito alium prædestinat, alium verò reprobatur. Ita Augustinus lib. 15. de Civit. Dei cap. 21. ratiocinatur.

8. Q. Quid sentit Augustinus de hominum reprobatione negativa?

R. Docuit non fuisse factam independentem a prævisione peccati.

Ratio est 1. quia eadem hoc in capite, est reprobationis, ac prædestinationis ratio: atqui Augustinus supposuit prædestinationem præsupponere peccati prævisionem: tum quoddam dicat homines per prædestinationem liberari; libertas verò supponit miseriam pro termino, qui in scholis dicitur terminus *a quo*; tum quoddam scribat prædestinationem præsupponere prævisionem adventus Christi: *Elegit nos in ipso* (Christo) *ante mundi constitutionem*, ait Apostolus.

Ratio est 2. quia Augustinus omnes effectus reprobationis explicuit per non liberationem a massa perditionis: ergo censuit reprobationem non fuisse factam independentem a prævisione massæ per peccatum

adjuti, Angeli sancti actu perseverarunt.

7. Q. Quid Apostolus docuit de negativa hominis lapsi reprobatione?

R. Docuit factam non fuisse independentem à prævisione peccati: 1. quia præsupposuit odium Dei in creaturam, quæ non electa fuit, juxta illud Apostoli ad Rom. 9. *Jacob dilexi, Esau autem odio habui;* Deus verò in sua creatura nihil præter peccatum odisse potest: Nihil *odisti* (Sapientia 11.) *eorum quæ fecisti*: 2. quia Deus in non electione ad cœleste regnum, suam in non electos iram manifestat: juxta illud ejusdem Apostoli ad Rom. 9. *Quod si Deus volens ostendere iram, & notam facere potentiam suam, sustinuit in multa patientia vasa iræ apta in interitum, ut ostenderet divitias gloriæ suæ in vasa misericordiæ.*

Obj. 1. Apostolus eodem modo demeritorum prævisionem excludit à reprobatione, quo meritorum prævisionem excludit à prædestinatione: Cum (inquit) *nondum nati fuissent, aut aliquid boni egissent aut mali.... Jacob dilexi, Esau autem odio habui:* ergo, &c.

Resp. Dist. ant. Excludit prævisionem demeritorum, quæ sumuntur ex peccatis actualibus, conc. ant. scilicet Apostolus loquitur de demeritis per proprios actus comparatis; utitur enim verbo *Egissent*: demeritorum, quæ sumuntur ex peccato originali, nego ant. Ita Augustinus Epistola 106. illum Apostoli locum interpretatur.

Obj. 2. Apostolus toto cap. 9. Epistolæ ad Romanos hominum reprobationem refundit in solam Dei voluntatem, nusquam verò in peccatum quod antè prævisum fuerit: ergo, &c.

Resp. Dist. ant. Refundit in solam Dei voluntatem tanquam in causam proximam, conc. ant. nempe cur Deus ex hominibus æqualiter reis hunc eligat, illum verò non eligat, sola causa proxima est

est absoluta Dei voluntas. Refundit tanquam in *causa remota*, nego ant. scilicet ratio, cur Deus non eligat, est peccati saltem originalis prævisio.

Obj. 3. Apostolus Deum reprobantem comparat cum figulo, qui ex eodem luto facit aliud vas in honorem, aliud in contumeliam: ergo quemadmodum pendet ex sola figuli voluntate, quodd ali-quod vas fiat in contumeliam; ita & ex sola Dei voluntate pendet, quodd quis, etiam negativè reprobetur.

Resp. Dist. ant. cum figulo qui ex eodem luto jam corrupto facit aliud vas in honorem, aliud in contumeliam conc. ant. ex eodem luto *minimè corrupto*, nego ant. hoc est, quemadmodum figulus ex luto corrupto facit pro libito aliud vas in honorem, aliud in contumeliam, ita Deus ex hominum massa per Adami peccatum corrupta, pro libito alium prædestinat, alium verò reprobatur. Ita Augustinus lib. 15. de Civit. Dei cap. 21. ratiocinatur.

8. Q. Quid sensit Augustinus de hominum reprobatione negativa?

R. Docuit non fuisse factam independentè a prævisione peccati.

Ratio est 1. quia eadem hoc in capite, est reprobationis, ac prædestinationis ratio: atqui Augustinus supposuit prædestinationem præsupponere peccati prævisionem: tum quodd dicat homines per prædestinationem liberari; libertas verò supponit miseriam pro termino, qui in scholis dicitur terminus *a quo*; tum quodd scribat prædestinationem præsupponere prævisionem adventus Christi: *Elegit nos in ipso* (Christo) *ante mundi constitutionem*, ait Apostolus.

Ratio est 2. quia Augustinus omnes effectus reprobationis explicuit per non liberationem a massa perditionis: ergo censuit reprobationem non fuisse factam independentè à prævisione massæ per peccatum

tum corruptæ. Prob. tur ant. Tres sunt effectus reprobationis negativæ, infidelitas in aliquibus, in iustis non perseverantia usque in finem, & in omnibus non electio ad cœleste regnum: at Augustinus in libro de correptione & gratia cap. 7. tres illos effectus refundit in non liberationem a massa perditionis.

Ratio est 3. quia sanctus Augustinus Epistola 105. conceptis terminis asserit causam odii quo Deus ab æterno Esau persecutus est, ac proinde & causam reprobationis etiam negativæ, fuisse prævisionem peccati originalis: *Et quid (ait) oderat in Esau antequam fecisset aliquid mali, nisi originale peccatum?*

Obj. Augustinus reprobationem explicans, confugit ad inscrutabilia Dei iudicia: ad ea tamen confugere non debuisset, sed ad peccati prævisionem, si reverà illius causa fuerit.

R. Dist. ant. explicans reprobationem comparativam, conc. ant. absolutam, nego ant. Illius causa aperta est, peccatum nimirum, saltem originale, istius è contra, inscrutabilis est omnino: neque enim hic in terris reddi potest ratio, cur ex duobus hominibus æqualiter per peccatum originale reis, hunc Deus eligere voluerit ad regnum cœleste; illum verò eligere noluerit.

9. Q. Quid S. Thomas sensit de negativa hominum reprobatione?

R. Sensit pendere eam ex peccati prævisione. Scilicet 1. part. q. 23. art. 5. docet, Deum in prædestinatione suam manifestare misericordiam: in reprobatione verò iustitiam: at iustitia quæ vindex sit, locum in Deo non habet, nisi ex peccati prævisione: idem S. Doctor quest. 6. de veritate art. 2. ad 9. hæc ait: *Ratio autem reprobationis est peccatum originale, ut Augustinus dicit.* Vide Gonetum.

Obj. S. Thomas in 1. ad Annibal dist. 41. quest. uni-

unica, art. 2. sic loquitur: *Nec requiritur ratio quare non dem alicui, cui dare non debeo*: quibus quidem ex verbis patet S. Doctori persuasum fuisse, nullam esse causam reprobationis, præter absolutam Dei voluntatem.

R. S. Thomas de reprobatione comparativa loquitur, non autem de absoluta, ut denotant hæc ejus verba: *Quare HOS elegit in gloriam ILLOS reproboavit, &c.*

10. Q. Potestne rationibus theologicis probari reprobationem, etiam negativam, non fuisse factam independentem a prævisione peccati?

R. Potest. Nam, supposito statu in quo res sunt, hominis scilicet ad statum supernaturalem elevari, beatitudo cœlestis non potest non præparari independentem a prævisione peccati: scilicet ea non præparatio foret maxima pœna, at pœna non nisi reo, aut actu infligi, aut præparari potest: *Sub Deo iusto* (inquit Augustinus) *miser esse quisquam, nisi mereatur, potest.*

11. Q. Quæ res sunt effectus reprobationis?

R. Ex omnes quæ conferunt, ut quis excidat ex fine ultimo: quemadmodum enim ea quæ conferunt, ut electi finem ultimum assequantur, sunt effectus prædestinationis: ita etiam quæcumque conferunt, ut reprobi in æternum excidant ex eodem ultimo fine, sunt effectus reprobationis.

12. Q. Permissio peccati originalis estne effectus reprobationis?

R. Non est: quia est illius causa motiva, ut S. Augustinus & S. Thomas superius laudati docuerunt.

13. Q. Permissio peccati actualis fuitne in Angelis apostatis effectus reprobationis?

R. Non fuit, quia præcessit, etiam in intentione divina, reprobationem Angelorum. Scilicet (ut superius probatum est) Angeli non fuerunt à Deo re-

probati, nisi post prævisa eorum demerita.

14. Q. Permissio peccati actualis, quod nusquam debet remitti, estne in reprobis effectus reprobationis?

R. Est. Nam 1. permissio illa est à Deo. 2. Conferret ad finem reprobationis. 3. id habet ex intentione divina, juxta illud S. Thomæ 1. part. quæst. 14. art. 3. *Sicut prædestinatio includit voluntatem conferendi gratiam & gloriam: ita etiam reprobatio includit voluntatem permittendi aliquem cadere in culpam.*

15. Q. Hominis reprobi derelictio per denegationem specialis doni perseverantiæ, estne reprobationis effectus?

R. Est. Scilicet idem Deus justis quibusdam hominibus denegat speciale donum perseverantiæ usque in finem, quod sint ex reproborum numero. Ita enim expresse docet Augustinus in libro de Dono perseverantiæ, capite 8.

16. Q. Exccæcatio & induratio suntne in hominibus reprobis effectus reprobationis?

R. Sunt. Nempe idem Deus quosdam, non quidem *impertiendo malitiam* (ait Augustinus in Epistola 105.) *se non impartiendo misericordiam*, excæcat & indurat, quod sint ex reproborum numero.

17. Q. Ipsa peccata actualia, quoad malitiam sumpta, suntne effectus reprobationis?

R. Non sunt. Quia sic accepta, non possunt esse à Deo: effectus autem voluntatis reprobandi quosdam homines, debent esse à Deo.

18. Q. Præparatio pœnæ, tum damni, tum sensus, estne effectus reprobationis?

R. Est. Scilicet id expresse asseritur Matthæi 25. capite. Id quoque docet Concilium Valentinum, quod in Galliis habitum est sub Lothario: *Fidenter fatemur* (inquit laudata Synodus) *prædestinationem electorum ad vitam, & prædestinationem reproborum ad mortem.*

20. Q. Reproborum numerus estne certus?

R. Est Deo certus, non verò nobis viatoribus: nemo enim viator (ut Concilium Tridentinum definiit sess. 6. cap. 12.) certò scit, an sit è prædestinatorum numero; & an habiturus sit magnum illud usque in finem perseverantiæ donum.

21. Q. Reproborum numerus estne multò major numero prædestinatorum?

R. Est: quia (ut habetur Lucæ 13.) multi sunt vocati, pauci verò electi. Vel (ut habetur Matthæi 7.) pauci sunt, qui viam arctam inveniunt quæ ducit ad vitam.

22. Q. Cur Deus permittere voluit ut major esset reproborum quàm electorum numerus?

Respondet Augustinus libro 2. contra Julianum: Quare sint isti plures, quàm illi, consilium Dei velle nosse multorum est; nosse autem vel paucissimorum hominum.

23. Q. Quinam sunt fructus quos exiguus electorum numerum percipere potest ex ingenti reproborum numero?

R. Primò, reprobi electis operam suam conferunt ad ea, quæ mortali huic vitæ sustentandæ necessaria sunt: idque (ut ait Augustinus in Psalmum 104.) Deus providit, ne electi in terrenis bonis quærendis nimis anxie solliciti sint.

2. Reproborum rejectione & maledictione, electi docentur, quid possit hominis lapsi liberum arbitrium fractis suis viribus relictum. Ita Augustinus Epistola 106.

3. Docentur electi quid sibi fuisset debitum, nisi Deus eorum misertus fuisset. Ita idem S. Doctor, Enchiridii cap. 95.

4. Perutili timore concutiuntur: *Quòd* (ait Augustinus lib. 1. qu. 2. ad Semplicianum) *vasa eos reprobos facit perditionis, ad usum aliorum correctionis facit.*

5. Tanq̃

5. Tandem electi ex bello nusquam intercepto quo à reprobis vexantur, manifesti fiunt: Deus (inquit Augustinus in Epistola 141.) *etiam malis eorum (reproborum) bene utitur, non solum ad justitiam suam, quæ eis digna in finem retribuet, sed etiam ad exercitationem & profectum Sanctorum suorum, ut ex ipsa etiam malorum perversitate boni proficiant, & probentur & manifestentur, sicut Apostolus ait: oportet hæreses esse, ut probati, manifesti fiant inter vos.*



P A R S T E R T I A.

De Deo Trino.

Nota 1. **S**anctissimæ Trinitatis mysterium in eo positum est, quod una divina essentia in tribus personis realiter à se invicem distinctis subsistat.

Nota 2. Ea omnia quæ ad Augustissimum Trinitatis mysterium pertinent, reducuntur ad multiplicitem personarum; ad unitatem essentiæ in singulis personis, ad processiones, ad relationes, ad personas tum in genere, tum in specie consideratas.

C A P U T P R I M U M.

De personarum in divinis multiplicitate.

1. *Quæst.* **Q**uoniam negarunt olim & nunc etiam negant, personarum in divinis distinctionem & multiplicitatem?

R. Sabellius, in Libia tertio sæculo natus; nunc Judæi omnes, & Sociniani, apud quos hoc axioma est palmarium: Nihil est credendum quod creata ratio non capiat.

2. *Q.* Multiplicitas personarum in divinis, potest ne ex antiquo Testamento demonstrari?

R. Potest. Genesis 1. plures personæ de homine creando quasi inter se consultantes inducuntur: *Faciamus hominem ad imaginem, & similitudinem nostram.*

Genesis 19. non una sed plures personæ dicuntur in Sodomitis igne cœlesti animadvertisse: *Domini-
minus pluit super Sodomam & Gomorram sulphur & ignem, à Domino de cælo; in quo quidem textu Do-
mi-*

minus à Domino, hoc est, Pater à filio, quoad personam distinguitur, licet non distinguatur quoad operationem: *Pluit super Sodomam & Gomorram*.

Tanti roboris adversus Sabellianos visus est locus ille, ut Concilium Sirmii contra Photinum habitum, anathema dixerit iis, qui negare auderent eo adstrui distinctionem Patris à Filio.

3. Q. Multiplicitas personarum potestne ex novo Testamento demonstrari.

R. Potest. Joannis cap. 1. Verbum distinguitur à Deo Patre, nempè dicitur fuisse *apud Deum*: una autem persona non dicitur esse *apud semetipsam*: *In principio erat Verbum, & Verbum erat apud Deum*.

Joannis 14. apertè Pater, Filius, & Spiritus sanctus, seu Paracletus distinguuntur: *Non creditis (inquit Christus) quia ego, Filius, in Patre, & Pater in me est Ego rogabo Patrem, & alium Paracletum dabit vobis*.

In Christi baptismo, Matthæi cap. 3. fit expressa mentio trium personarum. 1. Pater de cœlis loquitur: *Hic est (inquit) Filius meus dilectus*: 2. Filius baptizatur: *Hic est Filius meus*. 3. Spiritus sanctus visus est in columbæ specie: *Vidit Spiritum Dei descendentem*, &c.

Eadem trium personarum existentia & distinctio expressè continentur primæ Joannis cap. 5. *Quoniam tres sunt qui testimonium dant in cœlo: Pater, Verbum, & Spiritus sanctus, & hi tres unum sunt*.

Obj. 1. Versiculus capitis 5. primæ Epistolæ Joannis, non est ipsiusmet Joannis, sed multis sæculis post Evangelistæ mortem illius textui insertus est. Siquidem nec Dionysius Alexandrinus qui Sabellium impugnavit, nec Athanasius, nec Augustinus, nec alii qui adversus Arianos egerunt, usi sunt eo versiculo, quamvis & trinitatem personarum, & unitatem naturæ & *hi tres unum sunt* apertè contineat: ergo, &c.

R. Ad

R. Ad 1. nego ant. Ad 2. Patres illos non laudasse versiculum illum adversus Arianos, tum quod integra non essent exemplaria quibus usi sunt: tum etiam fortè quod Ariani potuissent, licet immeritò, contendere eo non demonstrari consubstantialitatem Verbi: nempe cavillari potuissent asserendo verba ista: *Hi tres unum sunt*, intelligi de unitate testimonii, non autem de unitate naturæ, ita ut esset unum Patris, Filii, & Spiritus sancti de eadem re testimonium. Quod quidem Arianorum responsum (ut inferius dicitur) planè falsum est.

Obj. 2. Versiculus de quo agitur, in nullis quinque primorum sæculorum exemplaribus, sive Græcis, sive Latinis reperiebatur: ergo suppositicius est.

R. Nego ant. Nam 1. legebatur in Codicibus quibus tertio sæculo usus est Cyprianus; eum enim sanctus Martir laudat in libro de unitate Ecclesiæ: *De Patre, (inquit), & Filio & Spiritu sancto scriptum est: & hi tres unum sunt*. 2. Post quartum sæculum, Fulgentius in libro contra decem objectiones Arianorum: Idacius Clarus contra Varimadum; Victor Uticensis Episcopus in libro de Vandalica persecutione; Eugenius Carthaginensis Episcopus in fidei confessione, quam suo & aliorum Africanorum Præsulum nomine obtulit Hunnerico Vandalorum regi, versiculum de quo est quæstio, tanquam germanum Scripturæ textum laudaverunt.

Obj. 3. Versiculus de quo agitur reperitur tantùm in recentioribus Codicibus, & quidem paucissimis: ergo non est genuinus.

R. Nego ant. Scilicet 1. Stephanus Robertus si dem facit ex sedecim octogintorum & amplius annorum Exemplaribus Græcis ab Italia, Gallia, Hispania petitis, solummodò esse septem in quibus versiculus ille desideratur. 2. Constat lectum eum fuisse in Exemplaribus Latinis quibus Cyprianus tertio sæculo, & Africani Præsules quinto utebantur. 3. Jam

reperitur in omnibus recentioribus Codicibus sive Græcis, sive Latinis.

Obj. 4. Nulla alia potest proferri ratio, quod in omnibus antiquioribus Codicibus versiculus ille non legatur, quam quod genuinus non sit: ergo, &c.

Resp. Nego ant. Id nimirum contigit ex oscitantia & incuria amanuensium: oscitantibus nimirum facilis est omissio verborum, quæ secundò eadem, ac consequenter leguntur: qui enim à principio scribebant græca quædam novi Testamenti Exemplaria, postquam posuerunt in membranis: *Quia tres sunt qui testimonium dant*, ad exemplar quod præ oculis habebant; recurrentes, facile priora cum posterioribus sociare potuerunt, relictis omnibus intermediis; cumque sequi debuissent: *In cælo Pater, Verbum, & Spiritus sanctus: & hi tres unum sunt*, consequenter scripserunt: *In terra Spiritus, aqua & sanguis, & hi tres unum sunt*.

4. Q. Personarum in divinis multiplicitas potestne ex Præscriptione demonstrari?

R. Potest. Ubi primum enim Sabellius eam multiplicitem negavit; ubique statim oppugnatus est. In Ægypto nimirum adversus eum insurrexit Dionysius Alexandrinus, ut fidem facit Eusebius historiæ libro 7. cap. 6. In Occidente Xistus, Romanus Pontifex, ad quem Dionysius suum contra Sabellianos opus miserat, ejusdem Dionysii scripta probavit: nec aliæ orbis Ecclesiæ quidquam reclamarunt: ergo tunc ac proinde & antea persuasum erat toti Ecclesiæ Catholicæ, tres esse in sanctissima Trinitate personas.

Earundem personarum expressè quoque meminerunt Justinus in Dialogo cum Tryphone; Irenæus libro 3. adversus hæreses, Tertullianus qui in libro adversus Praxeam cap. 31. apertè docet, hoc esse Christianos inter & Judæos discrimen, quod illi Trinitatem in Divinis apertè profiteantur, non autem isti;

isti: *Ceterum* (ait) *Judaica Fidei ista res, sic unum Deum credere, ut Filium Dei adnumerare nolis, & post Filium, Spiritum. Quid enim erit inter nos & illos, nisi differentia ista?*

Obj. 1. Scripturæ asserunt Deum esse solum: *Hæc est autem vita æterna* (inquit Christus Joannis 17.) *ut cognoscant te SOLUM Deum verum, & quem misisti Jesum Christum; ergo, &c.*

Resp. Dist. ant. Deum esse solum solitudine naturæ, conc. ant. solitudine personæ, nego ant. nempe sic disponi quoad sensum debet sententia ex Joanne laudata: *Hæc est autem vita æterna, ut te, & quem misisti Jesum Christum, agnoscant solum Deum verum.*

Obj. 2. Deus Abraham, qui solus est verus Deus, in Scripturis opponitur pluribus personis, Filio præsertim: *Deus Abraham* (inquit Petrus Actorum 3.) *glorificavit Filium suum Jesum.*

Resp. Dist. ant. glorificavit Filium suum ut homo est, conc. ant. ut est Verbum, nego ant. Scilicet Deus Abraham glorificavit Filium suum suscitando eum à mortuis.

Obj. 3. Mysterium Trinitatis opponitur recepto huic apud Philosophos axiomati: *Quæ sunt eadem uni tertio, sunt eadem inter se.* Nempe si admittatur distinctio personarum, Pater, Filius, & Spiritus sanctus erunt idem cum natura divina, & tamen non erunt idem inter se, cum à se invicem realiter distinguantur.

Resp. Nego ant. Quia illud axioma intelligitur tantum, cum tertium est singulare & incommunicabile; non autem cum est commune & communicabile, ut est essentia in Divinis: sic quamvis Petrus & Paulus sint idem cum natura humana, non sunt tamen idem inter se, quia natura humana est communis & communicabilis; in Petro nimirum & Paulo reperitur.

Obj. 4.

Obj. 4. Primi Christiani non crediderunt pluralitatem personarum in Divinis: si enim illa credidissent, Gentiles ex ea desumpserunt argumentum pro Deorum pluralitate; aut saltem objecissent philosophicas difficultates, quæ ex ea personarum pluralitate sequuntur: ergo, &c.

R. 1. Nego maj. Potuit enim mysterium illud latere Gentiles, quemadmodum latuit eos Symbolum; quod tamen à catechumenis omnibus memoriter reddebatur, antequam Baptismum reciperent.

R. 2. Nego min. Nam 1. Justinus in prima sua Apologia solvit difficultates aliquas, quas Philosophi gentiles movebant adversus Trinitatis mysterium. 2. Tertullianus in libro contra Praxeam respondet argumentis quibus idem Praxeas ex mysterio Trinitatis conabatur Deorum pluralitatem adstruere. 3. Celsus gentilis totus est, apud Origenem libro contra Celsum, ut probet ex Trinitate sequi eandem Deorum pluralitatem. 4. Apud Lucianum in Dialogo qui *Philopatris* inscribitur, gentilis quidam sic irridet Christianum à quo mysterium Trinitatis docebatur; *non intelligo quid dicat: Unum tria, tria unum.*

C A P U T I I.

De Verbi Divinitate.

Nota. **A** Rius ineunte sæculo quarto apertè Verbi divinitatem impugnavit, blasphemavitque ipsum esse creaturam, quam Deus ante alia omnia entia eduxisset ex nihilo, & per quam tanquam per instrumentum quæcumque facta sunt, condidisset.

1. Q. Divinitas Verbi potestne ex primo capite Evangelii Joannis demonstrari?

R. Potest, Eo nimirum in loco, 1. per has voces:
(In

(*In principio*; hoc est ante omnia.) *erat Verbum*, eternitas Verbo tribuitur. Eadem eternitas ei adscribitur per hæc alia verba: *Omnia per ipsum facta sunt, & sine ipso factum est nihil*: demonstrant enim Verbum non esse factum. 3. De eo quoque apertè divinitas prædicatur: *Et Deus erat Verbum*. Sic verò habet integer textus: *In principio erat Verbum, & Verbum erat apud Deum, & Deus erat Verbum. Omnia per ipsum facta sunt, & sine ipso factum est nihil*.

2. Q. Divinitas Verbi potestne demonstrari ex 5. capite primæ Joannis Epistolæ?

R. Potest: scilicet in eo capite eadem quæ Patri convenit natura, de Verbo prædicatur per vocem; *Unum*: Unum enim in neutro genere naturam significat: *Tres sunt qui testimonium dant in cælo, Pater, Verbum & Spiritus sanctus: & hi tres unum sunt*.

Obj. Versu 8: voces istæ: *Hi tres*, spiritus, aqua & sanguis *unum sunt*, non intelliguntur de unitate naturæ: ergo neque hæ voces verliculi septimi: *Et hi tres unum sunt*.

R. Conc. ant. nego conseq. quia hæ voces, verliculi 8. *hi tres unum sunt*, corruptè irreperunt in Vulgatam nostram: scilicet in Exemplaribus Græcis (Estio teste) leguntur cum appositione præpositionis, *IN*, hoc modo: *hi tres unum sunt*: unde is est laudatæ sententiæ sensus, *in unum de Christo testimonium referuntur* hoc est, eandem de ipso rem confirmant, humanitatis nimirum à verbo assumptæ veritatem.

3. Q. Verbi divinitas potestne ex Psalmo 2. demonstrari?

R. Potest: scilicet eo in Psalmo Deus Pater Verbum vocat Filium à se genitum: *Filius meus es tu, ego hodie genui te*: atqui vera generatio non fit, nisi, per communicationem substantiæ generantis.

Q. Verbi divinitas potestne demonstrari ex iis

Scripturæ locis, in quibus Dei nomen Christo tribuitur?

R. Potest. Nam 1. Thomas Apostolus post resurrectionem sic Christum alloquitur: *Dominus meus, & Deus meus*: quæ quidem verba, non sunt dicta per modum exclamationis, quæ ad Deum Patrem referatur, nam ante ea, hæc alia leguntur: *Respondit Thomas, & dixit ei* (Christo nimirum cum quo loquebatur) *Dominus meus, & Deus meus.*

2. Actorum 20. Sanguis Christi dicitur sanguis Dei: *Attendite vobis* (ait Paulus) *& universo gregi in quo vos Spiritus sanctus posuit Episcopos regere Ecclesiam Dei, quam acquisivit sanguine suo.*

3. Apostolus in Epistola ad Romanos cap. 9. Christum vocat Deum: *Quorum Patres* (inquit) *& ex quibus est Christus secundum carnem, qui est super omnia Deus benedictus in sæcula. Amen.*

Nec audiendi sunt qui reponunt, vocem illam *Deus*, in textum irreplisse. Nam 1. textus cum eadem voce *Deus*, à Tertulliano in libro de Trinitate, & ab aliis antiquioribus legitur. 2. Textum illum laudat Cyprianus libro 2. contra Judæos, ut probet quod capite sexto probandum sibi proposuerat, nempe (ut fert superscriptio ejusdem capituli) *quid Deus Christus*: ac proinde quamvis vox *Deus* desit in citatione quam adhibet ad probandum quod sibi proposuerat, necessariò subintelligitur. 3. Soli Deo convenit quæ Apostolus dicit de Christo: *Qui est super omnia Deus benedictus in sæcula.*

4. Petrus Christum vocat Filium Dei: *Tu es* (inquit Matthæi 16.) *Christus filius Dei vivi*: ubi vox illa *vivi*; significat non adoptivam, sed naturalem filiationem, viventium enim tantum est generare sibi simile in natura. Unde in mercedem tam sublimis confessionis Petrus Ecclesiæ claves accepit à Christo: *Et ego dico tibi, quia tu es Petrus, & super hanc petram ædificabo Ecclesiam meam; & tibi dabo claves regni cælorum.*

Con-

Confirmatur illud argumentum ex aliis locis, in quibus nomina quæ conjunguntur huic voci, *Filius*, quam Petrus Christo tribuit, demonstrant Petri verba intelligi non posse de filio adoptivo. Scilicet Joannis 3. Christus dicitur, *Filius Unigenitus*. Ad Rom. 8. *Filius proprius*. Ad Hebræos 1. dicitur filius per oppositionem ad Angelos, qui haud dubiè filii sunt adoptivi: *Ad quem enim dixit aliquando Angelorum, Filius meus es tu, ego hodie genui te?* Joannis 19. Christus coram Judæis accusatus est, quod se Dei filium prædicasset: *Nos* (inquiunt Judæi) *legem habemus, & secundum legem nostram debet mori; quia filium Dei se fecit*: quæ quidem verba clarè indicant, Judæis persuasum fuisse Christum non adoptivum, sed naturalem Dei filium se fecisse; alioquin enim crimini id ei non vertissent, cum ipsi (ut habetur Joannis 8.) nomine filiorum Dei gloria- rentur: *Unum patrem habemus Deum*. Præterea alibi dicunt, Christum se fecisse æqualem Deo: *Patrem suum dicebat Deum, æqualem se faciens Deo*.

5. Q. Verbi divinitas potestne demonstrari ex iis Scripturæ locis, in quibus Dei attributa de Christo prædicantur?

R. Potest: de eo enim tantum essentialia Deo attributa prædicari possunt, qui verè, & substantialiter sit Deus. Operæ autem pretium est, ut hic exscribantur Scripturæ textus qui Dei attributa de Christo prædicant.

Ad Romanos 16. *Æternitas Deo soli tribuitur: Secundum præceptum æterni Dei*: at eadem æternitas tribuitur quoque Christo: Joannis 8. Christus ipse sic loquitur: *Antequam Abraham fieret, ego sum*: quæ quidem verba intelliguntur de existentia reali, non autem quæ fuerit tantum in typo: alioquin Christus non rectè respondisset ad hanc Judæorum objectionem: *Quinquaginta annos nondum habes, & Abraham vidisti?*

Omnipotentia Christo quoque tribuitur ; hæc enim Joannes de Christo loquens habet Apocalyp.4. *Sanctus, sanctus, sanctus Dominus omnipotens, qui erat, & qui est, & qui venturus est.* Illi quoque tribuitur cognitio motuum cordis: *Domine tu omnia nosti* (inquit Petrus Christum alloquens) *tu scis quia amo te.* Eandem virtutem (quæ Dei caracter est) sibi ipsi Christus adscribit Apocal.2. *Et scient omnes Ecclesie, quia ego sum scrutans renes, & corda.*

Apocalypseos 1. Christus seipsum vocat rerum omnium principium, & finem : *Ego sum Alpha, & Omega, principium, & finis, dicit Dominus, qui est, & qui erat, & qui venturus est, omnipotens.* Idem legitur cap.22. versu 13. *Ego sum Alpha, & Omega, primus & novissimus, principium & finis.* Ne quis autem alteri quàm Christo verba illa tribuat, obstant quæ ibidem post aliquot versus sequuntur, *Ego Jesus misi Angelum meum testificari vobis hæc in Ecclesiis.*

6. Q. Divinitas Verbi potestne demonstrari ex iis Scripturæ locis, in quibus opera quædam Christo tribuuntur ?

R. Potest. Ea nimirum opera sunt Deo ita propria, ut ab eo qui Deus non sit, prodire minimè possint.

1. Nemini dubium est quin rerum creatio Deo propria sit ; at creatio Christo tribuitur : *Unus Deus Pater* (inquit Apostolus primæ ad Corinth.) *ex quo omnia. Unus Dominus Jesus Christus per quem omnia.* Ad Hæbræos 1: *Per quem fecit omnia.* Ibidem sic idem Apostolus Christum alloquitur ; *Et tu in principio, Domine, terram fundasti, & opera manuum tuarum sunt cæli.*

2. Conservatio rerum creatarum Christo convenit. Ad Hæbræos 1. *Qui portat omnia verbo virtutis sue.* Ad Coloss. 1. *Omnia in ipso constant.* Joannis 3. ipse Christus rerum & creationem & conservationem tribuit sibi ; *Quacumque Pater facit, hæc & Filius*

lius similiter facit, Pater usque modò operatur, & ego operor.

3. Miracula tribuuntur quoque Christo: *Quis est hic, quia venti & mare obediunt ei?* Ad ipsiusmet Christi invocationem Apostoli patrarunt miracula, quæ in Actis leguntur: *in nomine Jesu Nazareni* (ait Petrus Actorum 3.) *surge & ambula.*

4. Scripturæ, cultum latriæ, seu adorationem Christo deberi testantur: *Et procidentes* (ait Matthæus cap. 1. de Magis loquens) *adoraverunt eum.* Paulus ad Hebræos 1. scribit, Angelis præceptum fuisse, ut Christo cultum adorationis exhiberent: *Ec cum iterum introducit primogenitum suum in orbem terra dicit: & adorent eum omnes Angeli Dei.*

7. Q. Divinitas Christi potestne demonstrari ex locis quæ docent, eum esse æqualem Patri?

R. Potest: quia Deus in antiquo Testamento non semel prohibuit, ne quis ipsi creaturam aliquam auderet cœquare: *Quis* (ait ipse apud Isaiam cap. 44.) *similis mei.* Eam tamen æqualitatem cum Deo Patre novum Testamentum tribuit Christo.

Primò, Joannis 5. hæc habentur: *Propterea ergo magis quarebant eum Judæi interficere, quia non solum solvebat Sabbatum, sed & Patrem suum dicebat Deum, æqualem se faciens Deo.*

Nec in hoc Judæi imponebant Christo. Nam 1. æqualitatem illam (quæ si Christus non esset verè Deus, maxima fuisset blasphemia) Christus non negavit, imò hocce argumento confirmavit: *Quæcumque ille (Pater) fecerit, hoc & Filius similiter facit...* Sicut enim Pater suscitavit mortuos, & vivificat, sic & Filius quos vult, vivificat. 2. Æqualitatem illam Joannis 10. confirmat argumento, quod vocant à minori ad majus: *Quem Pater (per unionem cum Verbo) sanctificavit, vos dicitis quia blasphematis: quia dixi Filius Dei sum.* 3. Paulò ante mortem ipsi sibi eandem æqualitatem asseruit: *Rur-*

sum (verba sunt Matthæi cap. 14.) *Summus Sacerdos interrogavit eum, & dixit ei, tu es Christus Filius Dei benedicti? Jesus autem dixit illi: ego sum.* Illud verò Christi responsum Judæi de vera ac naturali filiatione, ac proinde de reali & vera, non autem metaphorica æqualitate interpretati sunt, ob id enim contenderunt Christum esse reum blasphemiæ: *Audisti blasphemiam: quid vobis videtur?* ob id eum morte damnaverunt: *qui omnes condemnaverunt eum esse reum mortis.*

2. Paulus post Christi mortem eandem ipsi æqualitatem cum Patre tribuit; sed iis terminis qui demonstrent æqualitatem illam de substantiali ac reali intelligi debere: *Hoc enim* (ait ad Philippenfes 2.) *sentite in vobis, quod in Christo Jesu: qui cum in forma Dei esset, non rapinam arbitratus est esse se æqualem Deo.*

In eam autem Apostoli sententiam observare est. 1. proferri eam ab homine, cui perspecta erant Scripturæ loca, quibus Deus ipse vetuerat, ne quis creaturam Deo coequaret: *Quis similis mei.* 2. Sententiæ Author noverat, Christum apud Judæos audiisse tanquam blasphemum quodd se Deo æqualem fecisset. *Æqualem se faciens Deo?* 3. Prævidere poterat ac debebat, eum loquendi modum, si Christus verè Deus non sit, pluribus fore scandalo; ut quondam Judæis fuerat. 4. Non simpliciter æqualitatem Christo tribuit, sed contestatur, jure id fieri; hoc est, Christum non rem alienam, sed propriam vindicasse sibi, dum se ipsum dixit æqualem Deo: *Non rapinam arbitratus est esse se æqualem Deo.* 5. Rationem reddit cur æqualitas illa Christo debita sit; asseritque repeti debere ex eo quod Christus habeat Dei formam: *Qui cum in forma Dei esset.* 6. Tandem idè de illa æqualitate loquitur, ut Verbi per incarnationem factam exinanitionem commendat, seu ut ostendat quantum se ipsum deprefferit, cum nostri causa in sinu

Vir:

Virginis carnem induit: Sed semetipsum exinanivit, formam servi accipiens, in similitudinem hominum factus, & habitu inventus ut homo.

Obj. 1. Verbum, seu Sapientia opus est à Deo creatum: *Ab initio* (ait Sapientia ipsa Ecclesiastici 24.) & *ante sacula creata sum*: ergo, &c.

R. 1. Dist. ant. Opus à Deo creatum creatione improprie dicta, seu sumpta pro simplici productione, quæ non sit ex nihilo, conc. ant. nempe cum ea creationis specie ibidem æternitas conjugitur *ab æterno ordinata sum*. Creatione proprie dicta, seu quæ sit educatio ex nihilo, nego ant.

R. 2. Dist. ant. Sapientia ut incarnata, seu prout est homo, est opus à Deo creatum, conc. ant. Sapientia, ut Verbum est, nego ant. *Caro* (inquit Ambrosius lib. 1. de Fide cap. 7.) *Dominum agnoscit Divinitas Patrem*.

Obj. 2. Deus Pater, Verbo tanquam instrumento usus est ad rerum creationem: *Omnia* (inquit Joannes cap. 1.) *per ipsum facta sunt*: & (ut ait Apostolus ad Hebræos 1.) *per quem fecit & sacula*: ergo, &c.

R. Nego ant. Nimirum in iis locis præpositio *per* significat causam principalem, quia antea Joannes dixerat, Verbum esse Deum, & Apostolus ipsi æternitatem quæ Deo soli propria est, tribuerat.

R. 2. Nego iterum ant. quia præpositio *per*, iis in locis significat causam exemplarem non autem instrumentalem, hoc est, Deus Pater ad Verbi, seu Sapientie ideas, exegit rerum omnium creationem. Ita Augustinus & post eum multi Patres locum de quo agitur, interpretantur.

Obj. 3. Cum Judæi vellent lapidare Christum, quodd se Dei filium appellasset, respondit ipse, se non alio sensu Deum esse, quam ii qui in dignitate politica constituti jus aliis dicunt: sic enim blasphemiam libi à Judæis impetitam confutavit Joannes.

nis c. p. 10. Responderunt ei Judai : de bono opere non lapidamus te , sed de blasphemia , & quia tu homo cum sis , facis te ipsum Deum . Respondit eis Jesus . Nonne scriptum est in lege vestra : Quia ego dixi : Dii estis vos . Si illos dixit Deos , ad quos sermo Dei factus est , & non potest solvi Scriptura : quem Pater sanctificavit , & misit in Mundum , vos dicitis : quia blasphemas , quia dixi : Filius Dei sum : ergo , &c.

R. Nego ant. Ratio est , quia ea quæ objecta sunt ex capite 10. Joannis , non sunt explicatio locorum , in quibus Christum se Deum , & Dei filium vocaverat : scilicet sunt argumentum quod vocant à minori ad majus , quoque tantum abest , ut Christus naturalem suam filiationem infirmaverit , quin potius confirmaverit invictissimè : illius autem argumenti is est genuinus sensus : li , quibus Deus non nihil suæ authoritatis in terris concessit , in Scripturis Dei dicuntur : Ego dixi : Dii estis vos : ergo , non jam appellativo nomine (quod pluribus commune est , quodque participatam divinitatem metaphoricè significat ,) sed proprio nomine (quod singulare est & consequenter totam , essentialem & veram divinitatem significat .) Deus appellari debet homo ille quem Pater sanctificavit per divinæ suæ essentialis in persona Verbi realem communicationem .

Obj. 4. Quod Christus sit Deus , Scriptura non asserit *explicite* : quod tamen asserere debuisse , cum articulus de divinitate Christi , sit ad salutem necessarius . Non asserit quoque etiam *implicitè* : Siquidem Scripturæ loca ex quibus Christi divinitas infertur , facile solvi possunt .

Et sanè 1. Dei nomen quod nonnumquam Christo tribuitur , est nomen *appellativum* , quod in sacris Codicibus aliis à Deo entibus tribuitur , ut cum Moyses dicitur Deus Pharaonis : *Constituit te Deum Pharaonis* ,

2. Dei attributa quæ Christo aliquoties adscribi videntur, sunt attributa per quamdam participationem, sicut dignitas Regis, quæ (licet in Scripturis Deo tribuatur) sæpius etiam hominibus conceditur.

3. Opera Dei dicuntur quidem à Christo fieri, sed virtute, quæ ipsi, sicut & Apostolis à Deo communicata sit, juxta illud Joannis 5. *Non potest Filius à se facere quidquam*; necnon & istud Matthæi 28. *Dante est mihi omnis potestas in calo & in terra*: ergo, &c.

R. Ad 1. nego ant. Expressè nimirum (ut superius probatum est) Christi divinitas in Scripturis reperitur.

Ad 2. Dicendum est, nomen istud *Deus*, prolatum cum additione, seu restrictione, nonnunquam quidem tribui creaturis, ut cum Moyses dicitur *Deus Pharaonis*, sed absolutè, simpliciter, & sine additione prolatum, nusquam in Scripturis nisi soli Deo vero tribuitur.

Ad 3. Dicendum est, falsum esse quoddam Dei attributa, quæ Christo in Scripturis tribuuntur, aliquando tribuantur creaturis. Ubinam enim legitur creaturam aliquam dici, & appellari æternam, omnipotentem, æqualem Deo; Ubinam attributa, quæ in veteri Testamento dicuntur de Deo vero tanquam characteres, qui eum à creaturis distinguunt, alicui aut Angelo, aut homini concessa leguntur? Ubinam legitur creaturas scire quid sit in homine; scrutari renes & corda; eas operari quæcumque Deus operatur; eas cælos & terram creasse; portare eas omnia verbo virtutis suæ, quemadmodum in novo Testamento palam & apertè de Christo ea omnia asseruntur.

Ad 4. Dicendum est, Filium recepisse, & nunc etiam recipere *esse* suum à Patre: cum (ut inferius dicetur) à Patre procedat; at recipiendo *esse*, recipit
scien-

scientiam; omnipotentiam, æqualitatem, & alia attributa; cum (ut constat ex Tractatu de Deo Uno) in Deo esse, attributa, operari, sint unum & idem. Ex eo igitur quod Christus à Patre esse, attributa, & operari receperit, & nunc etiam per æternam generationem recipiat, inferri non potest quod in illo esse, attributa, operari, sint (sicut in creaturis) aliquid participatum: ac proinde inferri non debet, eum non esse propriè ac substantialiter Deum.

Obj. 5. Scripturæ loca quæ Christo, *Dei* nomen, attributa, & operari tribuunt, metaphoricè tantum accipienda sunt: si enim sumerentur ad litteram, Scripturæ loquendi modus esset aut præter, aut contra rationem, quod quidem est falsum: ergo, &c.

Resp. Ad 1. Falsum esse, quod Scriptura metaphoricè sumi debeat, quoties id significatur per sensum litteralem, quod est præter creatæ mentis captum. Ratio est, quia potentia Dei est infinita; è contra finitus est humanæ mentis captus; & proinde multò plura Deus potest operari, quàm ratio, etiam quæ per peccatum corrupta non fuisset, concipere possit.

Præterea si id tantum (ut volunt Sociniani) credi debeat quod ratio concipit, sequitur revelationem exigi debere ad rationis normam, non e contra rationis normam ad revelationis certitudinem & infallibilitatem, seu ad auctoritatem Dei revelantis. Sequitur iterum Paulum hæc immerito scripsisse primæ ad Corinth. 1. *Nam quia in Dei sapientia non cognovit Mundus per sapientiam Deum, placuit Deo per stultitiam prædicationis salvos facere credentes.*

Ad 2. Dicendum est, falsum esse quod loca, quæ Christo divinitatem tribuunt, si ad litteram sumantur pugnent contra rectam rationem: neque enim quidquam aut ex essentia divina, aut ex illius attributis detrahunt, aut eis labem inferunt vel minimam, ut hujusce libri parte secunda fusè probatum est.

8. Q. Verbi divinitas potestne ex Traditione Patrum Græcorum demonstrari?

R. Potest: & quidem unanimi traditione Patrum qui floruerunt ante Nicænum I. Concilium, in quo Verbi divinitas contra Arium expressè definita fuit.

1. Ignatius Martyr in Epistola ad Ephesios, dicit Christum *in carne Deum, & in morte veram vitam*.

2. Polycarpus Joannis Apostoli discipulus in oratione quam paulò ante mortem fudit, Christum (ut testatur Eusebius hist. lib. 4. cap. 15.) unà cum Patre glorificari; hoc est, ipsi eandem, quam Patri, gloriam tribuit: *Per quem, Christum tibi Patri, cum ipso in Spiritu sancto gloria nunc, & in sacula seculorum. Amen.*

3. Justinus Martyr in Apologia quæ secunda dicitur, scribit Filium esse Deum, idque probat ex eo quodd Verbum sit Dei primogenitum: *Filium*, inquit, *esse Patri universorum, qui, quodd Verbum Dei primogenitum sit, Deus etiam existit*. In Dialogo cum Tryphone, asserit Filium non per dispartitionem essentiae à Patre generari, Virtutem esse quæ gignitur à Patre, tanquam ignis ab altero igne. In jam laudata Apologia secunda scribit, Christianos falsò à gentilibus tanquam Atheos traduci, cum Deum Patrem, Filium, & Spiritum sanctum unà simul colant, & adorent: *Verum etiam ipsum, & qui ab eo venit, Filium & Spiritum sanctum, & adoramus cum ratione & veritate venerantes.*

4. Irenæus in libro 3. adversus hæreses cap. 6. scribit, solum Deum verum in Scripturis definitivè nominari Deum, additque, ob id Verbum esse Deum: *Nisi, inquit, qui dominatur omnium, Deum Patrem & Filium.*

5. Clemens Alexandrinus, initio admonitionis ad Græcos non minùs Verbo, quàm Patri omnia subjicit: non minùs quàm Patri adscribit immensitatem: *Unus quidem est universorum Pater. Unum est*

etiam Verbum universorum. Et Spiritus sanctus unus, qui & ipse est ubique. Ibidem cap. 8. Verbum dicit esse unum cum Patre Deum: Nihil odio habet Deus, sed, neque Verbum: utrumque enim unum est, nempe Deus.

6. Origenes libro 3. contra Celsum probat Christum esse Deum, quod sit Patris verbum: *Sciant ipsi criminatores hunc Jesum, quem ab initio Deum, Dei que Filium esse credimus, ipsum esse Verbum, ipsam Veritatem, ipsam Sapientiam.*

7. Dionysius Alexandrinus in Epistola ad Dionysium Romanum Pontificem Christum dicit Patri *consubstantialem*: negatque, se, cum adversus Sabellium scripsit, quidquam dixisse quod Verbi divinitati labem inferret, iis in locis in quibus personarum distinctionem ex professo stabilierat.

8. Patres Concilii Antiocheni, quod tertio saeculo contra Paulum Samosatenum habitum est, aperte definiunt, Christum, cujus divinitatem negaverat Samosatenus, *esse & Verbum, Virtutemque Dei ante saecula existentem, non sola praescientia, sed substantia & subsistentia Deum.*

Obj. 1. Justinus Martyr in Apologia secunda scribit Christianos Filium Dei in *secundo loco habentes cum ratione venerari*. At is qui est in secundo loco; non est Deus.

Resp. Dist. min. Secundo loco ratione originis, conc. min. ratione dignitatis, nego min. Scilicet Justinus eo in loco probat, plures in divinis esse personas: quod postea negarunt Sabelliani.

Obj. 2. Justinus in Dialogo cum Tryphone, de Filio dicit, quod sit *administer Dei, universorum creatoris*: ergo, &c.

Resp. Dist. ant. Administer *improprie*, conc. ant. *proprie*, nego ant. Christus est administer *improprie*, quia & esse, & operandi virtutem accipit à Patre, non est verò minister *proprie*, quia non ita agit nomine Pa-

Pa-

Patris, ut virtus per quam agit, non sit eadem cum virtute Patris: scilicet, ex eodem Justino, accipit esse à Patre sicut ignis accipit esse ab alio igne.

Obj. 3. Justinus in Dialogo cum Tryphone negat universorum Deum apparuisse Patriarchis, & tamen ibidem asserit, Filium eis se videndum præbuisse. Ibidem quoque docet, Deum esse Filio *causam ut sit*: ergo, &c.

Resp. Ad 1. Dist. ant. Et per Deum universorum intelligit solam personam Patris, conc. ant. Deum simpliciter, nego ant. Ratio est, quia per has voces, *Deum universorum*, Scriptores secundi & tertii sæculi per quendam loquendi modum, quem Theologi vocant *per appropriationem*, intellexerunt Deum Patrem, quemadmodum & nos eum intelligimus in primo Symboli articulo, ubi dicimus: *Credo in Deum Patrem omnipotentem*.

Resp. Ad 2. dist. ant. Et nomine causæ Justinus intellexit causam improprie sumptam; hoc est, pro eo omni à quo ens aliquod recipit esse, sive dependenter, sive independenter, conc. ant. intellexit causam proprie sumptam, seu principium à quo esse recipitur dependenter, nego ant. Nec id mirum est, cum (ut videre est in Concilio Florentino, in definitione Fidei) Græci dicant Patrem esse *causam* Filii, licet Latini non eo nomine, sed isto, *principium*, utantur.

Obj. 4. Irenæus libro 3. adversus hæreses cap. 8. scribit 1. Deum Patrem præcepisse Filio, ut Mundum conderet. 2. Filium vocat *ministerium* Patris 3. Concedit, Filium latuisse extremam iudicii diem: ergo, &c.

R. Ad 1. vocem *præcepisse* sumi improprie; hoc est, pro impulsu, quem Filius cum aliis suis attributis accepit à Patre, non autem pro præcepto proprie sumpto, quod sit domini ad subditum.

Ad 2. Dist. ant. Ministerium conpaturalem & internum,

num, ac proinde qui sit ejusdem cum Patre substantiæ, conc. ant. ministrum non connaturalem & extraneum nego ant. Scilicet Irenæus inde sumit argumentum, ut probet Deum, Angelorum ministerio non indignis, ut Mundum conderet.

Ad 3. dist. ant. latuit Filium ut est homo per incarnationem, conc. ant. ut est Verbum, nego ant. Scilicet Irenæus de eo Filio loquitur, qui (ut ait ibidem) nos exterius docuit.

Obj. 5. Clemens Alexandrinus Stromatum lib. 7. scribit Filium *servire* voluntati Patris; ipsum esse primò creatam sapientiam: ergo, &c.

R. Ad 1. Clementem loqui de Filio ut homo est: nempe de eo loquitur, prout est Mundi Salvator, & promovet hominum salutem: quo sanè sensu servit voluntati Patris, qui vult hominem fieri salvum.

Obj. 6. Origenes libro 6. contra Celsum scribit 1. Patrem esse primarium Mundi opificem, Filium verò proximum, seu secundum. 1. in lib. 3. contra eundem Celsum docet, Patrem & Filium esse duos *hypostasi*; hoc est natura, unum verò *concordia*. 3. Ibidem asserit, Verbum non esse universorum Deum. 4. Ibidem contendit Filium, ut filius est, esse minorem Patre, juxta illud Christi in Evangelio Joan. 14. *Pater major me est*.

R. Ad 1. dist. ant. ratione originis, conc. ant. ratione essentia, aut dignitatis, neg. ant. Ad 2. Jam Origenis tempore usus apud Orientales invaluerat, ut hypostasis, non pro natura, sed pro persona sumeretur. Addendum est unitatem concordia de qua idem Origenes loquitur, non excludere unitatem essentia. Ad 3. Veteres per hæc verba, *universorum Deum*, solam Patris personam, per appropriationem, intelligebant. Ad 4. Filius est minor Patre ratione originis, quia ab eo recipit esse: unde Pater dicitur fons totius divinitatis; sed non est minor ratione essentia. Ita hunc Evangelii textum: *Pater major*

major me est, Athanasius Oratione 2. contra Arianos, interpretatur.

Obj. 7. Dionysius Alexandrinus scribens adversus Sabellium, asseruit Deum Patrem se habere ad Filium, sicut se habet agricola ad vitem, sicut fabricator navis ad scapham: ergo quemadmodum agricola natura & substantia differt à vite quam colit; & fabricator navis à scapha, ita Pater natura & substantia differt a Filio.

B. Nego consequ. Non enim quoad omnia adhibitæ sunt à Dionysio similitudines illæ, sed quoad unum tantum, nempe quoad scopum quem sibi sanctus Præsul proposuerat: ostendendi nimirum contra Sabellium, personam Patris à persona Filii realiter distingui: cum Pater sit principium Filii, quemadmodum fabricator navis (remotis tamen imperfectionibus) est artifex scaphæ, & ab ea realiter distinguitur.

9. *Q.* Verbi divinitas potestne demonstrari ex traditione Patrum Latinorum, qui vixerunt ante primum Concilium Nicænum?

R. Potest. Tertullianus in Apologetico cap. 21. expressè docet 1. Dei filium vocari Deum: 2. eum esse unius cum Patre substantiæ: 3. utrumque ex eo colligi, quod ex Patre genitus sit: *Hunc* (inquit) *ex Deo prolatum dicimus, & prolatione generatum, & idcirco Filium Dei, & Deum dictum, ex unitate substantiæ.*

Dionysius Pontifex Romanus probavit literas, quas ad eum dederat Dionysius Alexandrinus, in quibus Christum (ut superius dictum est) Patri Consubstantialem asseruerat.

Cyprianus in libro 2. Testimoniorum adversus Judæos ad Quirinum, totus est ut probet è Scripturis Christum esse Deum: unde ei omnia tribuit, quæ soli Deo vero conveniunt.

Obj. Plura sunt in Tertulliano, quæ adversantur divi-

Divinitati Verbi. Nam 1. in libro contra Hermogēnem cap. 3. scribit Deum non fuisse semper Patrem : *Non tamen* (inquit) *ideo Pater semper , quia Deus semper* 2. In libro adversus Praxeam cap. 6. docet Sermonem , seu Verbum , seu Sophiam , à Patre procedere per quandam separationem : *Et hinc* (ait de Sophia loquens) *adstantem eam ipsa separatione cognoscit* : Ergo , &c.

Resp. Ad 1. dist. ant. Tertullianus scribit Patrem non semper fuisse Patrem extrinsecè , conc. ant. intrinsecè , nego ant. Nimirum Tertullianus eo loci respondet argumento Hermogenis contendentis materiam esse æternam , quod alioquin sequeretur Deum non fuisse semper Patrem , rerum scilicet extra se positarum .

Ad 2. Tertullianus non loquitur de separatione propriè dicta , per quam scilicet Filius sit à Patre separatus , quemadmodum res externæ , quæ ab eo creatæ sunt ; sed loquitur de separatione impropriè dicta , quæ nihil aliud est , quàm Filii à Patre missio , seu impulsus ad opera externa , quæ (ut ait Evangelium) per Verbum facta sunt . Nempè idem author in libro contra Valentinianos cap. 8. sic loquitur : *Filius in Patre semper , & nunquam separatus à Patre* .

10. Q. Verbi divinitas potestne demonstrari traditione Patrum qui ab ineunte sæculo quarto hucusque floruerunt ?

R. Potest . Concilium Nicænum 1. quod anno 325. habitum est , apertè definiit , Verbum esse Deum , quod quidem negaverat Arius : *Deum* , inquit , *de Deo , lumen de lumine , Deum verum de Deo vero* . Addit , ipsum esse ejusdem substantiæ cum Patre : *Genitum non factum , consubstantialem Patri* . Damnat insuper eos qui cum Ario asserebant , ipsum æternum non esse , dicentes : *Erat quando non erat , & priusquam nasceretur , non erat* . Patres qui

qui post laudatum Concilium floruerunt. Nicænæ Synodi de Verbo fidem ubique ad Socinianos usque semper amplexi sunt.

Obj. 1. Synodus Antiochena contra Paulum Samosatenum tertio sæculo celebrata, damnavit vocem *homousion*, seu *consubstantialem*, qua postea usi sunt Nicæni Patres: ergo, &c.

Resp. Dist. ant. Damnaverat quantum ad abusum, conc. ant. in se & absolutè sumptam, nego ant. Paulus Samosatenus ex voce, *consusubstantialem*, sumebat argumentum, ut probaret personas in divinis non esse realiter distinctas: unde meritò vox illa quoad usum illum rejecta fuit a Patribus Antiochenæ Synodi?

Obj. 2. Vox *homousi* in Scripturis non reperitur: ergo adhiberi non debuit a Patribus Concilii Nicæni I.

Resp. Conc. ant. nego conseq. Nimirum Ecclesia, ut impediatur hæreticorum cavillationes, potest adhibere, imò & præscribere usum vocum, quæ licet quoad syllabas in Scripturis non legantur, in eis tamen quoad sensum continentur.

* *Obj. 3.* Eusebius Cæsariensis ante & post Nicænum I. Concilium negavit Verbi divinitatem: ergo ea de re non fuit unanimis Patrum consensus.

Resp. Ea omnia quæ Eusebius scripsit, tum in libris Præparationis Evangelicæ, tum in libro quarto de Demonstratione Evangelica, tum libro 1. hist. cap. 7. benignè in sensum catholicum explicari possunt, verum subdola Nicænæ Fidei explicatio quam ad suos Cæsarienses misit, probat illum Arianismo laborasse: eo enim sensu exponit, *Verbum esse genitum ex substantia Patris*, quod Pater ipsum ita genuerit, ut retenta portione propriæ substantiæ, aliam ei tradiderit. Præterea nihil est in illa Eusebii explicatione, quod cum impio Arii dogmate conciliari non possit. Nempe contendit vocem, con-

substantiale, non aliud significare, quam quod dixerat significari per has voces, *Verbum esse genitum ex substantia Patris*; seu productum non fuisse per divisionem & separationem unius partis substantiæ divinæ ab altera, ita ut una remanserit in Patre, alia verò data fuerit Filio. Addit Concilium idèd tantum damnasse has Arii voces, *Erat quando non erat: Ex non extantibus factus est*; quod peregrinæ essent, seu quod in Scripturis minimè reperiantur.

Obj. 3. Osius Cordubensis subscripsit secundæ formulæ fidei quam Ariani Sirmii promulgaverant, quæque puro Arianismo scatet: ergo post Concilium Nicænum unanimis non fuit de Verbi divinitate Patrum traditio.

R. Dato ant. nego conseq. Nempe Osius (ut Athanasius testatur in Epistola ad Solitarios) paulò ante mortem recantavit quod Sirmii exul, & ærumnis ab Arianis oppressus probaverat.

Obj. 4. Liberius Papa subscripsit secundæ formulæ Sirmienti: ergo, &c.

R. Nego ant. Scilicet (teste Sozomeno historiæ lib. 4. cap. 15.) subscripsit tantum primæ Arianorum formulæ: in qua vox *homoousion*, non continebatur quidem, sed (Hilario teste in libro de Synodis) nihil erat quod in sensum catholicum explicari non posset.

C A P U T III.

De Spiritus Sancti Divinitate.

Nota. **N**icænum primum Concilium siluit de Spiritus Sancti divinitate, quod eam, apertè saltem, Arius contra quem convenerat, non impugnavit. Verum ii qui postea Semiariani dicti sunt, eam negarunt, & inter eos præcipuè Macedonius, qui ob eam blasphemiam in Concilio I. Con-

Constantinopolitano damnatus est.

1. Q. Divinitas Spiritus Sancti potestne ex Scripturis demonstrari?

R. Potest & quidem : 1. ex iis locis in quibus Dei nomen per oppositionem ad creaturas Spiritui Sancto tribuitur: *Non es mentitus hominibus*, (inquit Petrus, Actorum 5. de Anania, quem dixerat mentitum fuisse Spiritui Sancto) *sed Deo*.

2. Textus veteris Testamenti, in quibus Deus dicitur locutus, in novo non semel explicantur de Spiritu Sancto. Hæc verba *Audite audientes, & nolite intelligere*, quæ Isaia 6. Deo exercituum tribuuntur. Paulus ad Hebræos 3. dicit à Spiritu Sancto prolata. Psalmo 105. hæc habentur : *Tentaverunt Deum in iniquo*: at Deus ille quem Judæi tentarunt, ad Hebræos 12. vocatur Spiritus sanctus. Ubi Apostolus primæ ad Cor. 12. fideles, vocavit Dei Templum : *Nescitis quia Templum Dei estis vos*, pauld post eos vocat Templum Spiritus Sancti: *An nescitis, quoniam membra vestra Templum sunt Spiritus Sancti*.

3. Omnes qui Deo proprii sunt characteres, in Scripturis tribuuntur Spiritui Sancto : & quidem 1. Processio : *Qui* (inquit Christus Joannis 6. de Spiritu sancto loquens) *à Patre procedit*. 2. Æqualiter & eodem modo cum aliis personis invocatur in baptismatis formula : *Baptizantes eos* (ait Christus ipse) *in nomine Patris, & Filii, & Spiritus Sancti*. 3. Scrutatur hominum corda, primæ ad Corinth. 2. 4. Author est gratiæ qua sanctificamur : *Charitas Dei* (inquit Apostolus ad Romanos 5.) *diffusa est in cordibus nostris per Spiritum sanctum, qui datus est nobis*. 5. Non minùs ipsi, quàm aliis divinis personis tribuitur peccatorum remissio : *Accipite* (inquit Christus Joannis 20., *Spiritum Sanctum, quorum remisistis peccata, remittuntur eis*. 6. Adscribuntur illi constitutio, vocatio, & missio ministrorum. *Attendite vobis* (Actorum 20) *et universo gregi, in quo vès*

Spiritus sanctus posuit Episcopos regere Ecclesiam Dei
 7. Agabus Aetorum 21. suam prophetiam in Spiritum sanctum tanquam in illius authorem refundit:
Hæc dicit Spiritus sanctus.

Obj. 1. Ad Romanos 8. Spiritus Sanctus gemere dicitur: *Ipse Spiritus postulat pro nobis gemitibus innarrabilibus.* 2. A seipso non loquitur, ut habetur Ioannis 6. ergo, &c.

R. Ad 1. dist. ant. Dicitur gemere improprie, quia scilicet (ut exponit Augustinus Epist. 105.) nos facit gemere per gratiam, qua nos movet, conc. ant. Proprie, quasi ipse gemit, nego ant.

Ad 2. dist. A seipso non loquitur, per sapientiam quam ab aliis personis non receperit, conc. ant. quam receperit, nego ant. *Ab illo audiet* (inquit Augustinus Tractatu 99. in Ioannem) *à quo procedit.*

2. Q. Spiritus sancti divinitas potestne ex traditione demonstrari?

R. Potest: Nam. Tertullianus in libro de Pudicitia disertè proficitur, *Trinitatem unius divinitatis, Patrem, Filium, & Spiritum sanctum.* In libro adversus Praxeam cap. 13. ubi appellavit Patrem, Filium & Spiritum sanctum, sic loquitur: *Pater Deus, Filius Deus, & Spiritus sanctus Deus, & Deus unusquisque.*

2. Cyprianus in libro de Unitate Ecclesiæ, hæc habet cap. 4. *De Patre, Filio & Spiritu sancto scriptum est* (primæ Joannis 5.) *hi tres unum sunt.* Iis Patribus adjungi debent ii omnes, quos superius laudavimus pro divinitate Verbi: expressè enim meminerunt & Verbi, & Spiritus sancti simul.

3. Ubi Macedonius Spiritus sancti divinitatem impugnare cœpit, statim ab Ecclesia Catholica damnatus est. Scilicet Concilium Constantinopolitanum 1. quod est Generale secundum, Symbolo addidit integrum de divinitate sancti Spiritus articulum: *Et in Spiritum sanctum, &c.* Illud verò Concilium,

lium, quoad fidei definitionem, omnes ubique gentium Ecclesiæ amplexæ sunt.

Obj. Concilium Constantinopolitanum 1. Spiritui sancto Dei nomen non tribuit, quemadmodum Nicænum 1. Verbum expressè Deum nominavit, Deumque esse asseruit: ergo, &c.

R. Concilium Constantinop. definiit 1. Spiritum sanctum adorari unà cum Patre & Filio. 2. Definiit, Fideles non minùs in Spiritum sanctum, quàm in alias personas credere. 3. In Epistola Synodica quæ est ad Damasum, expressè eandem quam Patri & Filio divinitatem, & consubstantialitatem tribuit Spiritui sancto.

3. *Q.* Mysterium sanctissimæ Trinitatis, quod quidem in eo positum est, ut una & indivisibilis essentia in tribus Personis realiter à se invicem distinctis, Patre, Filio & Spiritu sancto subsistat, potestne cognosci?

R. Potest per revelationem quæ in Scriptura & Traditione continetur: non potest verò sola ratione naturali: nec enim per se aliquam tanti mysterii ideam habet; nec aliquod illius vestigium quod omninò simile sit, in rebus creatis reperitur.

C A P U T IV.

De Processionibus divinis.

1. *Quæst.* Quid est processio?

R. Est emanatio, seu origo unius ab alio: sic fluvius dicitur procedere à fonte, quod ab eo emanet, ac oriatur.

2. *Q.* Quotuplex est processio?

R. Duplex: transiens, & immanens. Prior, est ea, quæ habet pro termino rem positam extra potentiam quæ operatur. Altera è contrà, est ea cujus effectus

beatus in ipsa potentia recipitur: hujusmodi est processio visionis ab oculo.

3. Q. Estne aliqua transiens processio in Deo?

R. Est: siquidem Deus extrà se operatus est, cùm creaturas eduxit ex nihilo.

4. Q. Suntne in Deo processiones immanentes?

R. Sunt: scilicet una Persona emanat, seu suam originem ab alia trahit. Juxta illud Christi, Joannis.

8. *Ego ex Deo processi, & veni.* necnon & illud ejusdem Christi, Joannis 16. *Spiritus qui à Patre procedit.*

Obj. 1. Processio supponit priùs & posteriùs: at priùs & posteriùs & locum in Deo non habent, cùm omnes & singulæ personæ sint coæternæ & coexistentes.

Resp. Dist. min. Priùs & posteriùs ratione temporis, conc. min. ratione originis, nego min. Illud cum æternitate non cohæret; secus verò istud, ut patet in lumine quod quidem foret æternum, si Sol à quo oritur, extitisset ab æterno.

Obj. 2. Processiones Deo repugnant; Deus enim est ens à se: ergo, &c.

Resp. Dist. ant. Deus est ens à se, hoc est, non habet causam à qua pendeat, quia sic esse ab alio, arguit imperfectionem, conc. ant. hoc est, non habet principium à quo procedat, nego ant. quia sic esse ab alio, dicit receptionem ejusdem esse, quod in producente reperitur, ac proindè receptionem esse omninò independentis, si illud esse in principio producente (ut in divinis contingit) sit omninò independentens.

Obj. 3. Esse divinarum Personarum, non potest esse receptum: quia si hoc esset, una persona daret, & alia reciperet: at id dici non potest, alioquin enim una persona foret alia perfectior: cùm, ex Scriptura, Act. 20. *Beatius sit magis dare, quàm accipere;* ergo, &c.

Resp.

Resp. Dist. Beatius est magis dare, quàm recipere in creatis, conc. ant. quia receptio in creatis fit cum recipientis dependentia ab eo à quo recipitur: in divinis, nego ant. Scilicet persona quæ dat esse alteri, non aliud esse tribuit, quàm proprium suum esse, ac proinde esse independens, cum illud esse in persona dante, sit esse omnino independens.

5. Q. Quotuplex est in divinis processio immanens?

R. Duplex; activa scilicet & passiva. Prior, est actus quo datur esse alicui personæ: Altera, est receptio esse quod datur per activam processionem.

6. Q. Quot sunt in divinis processionibus activæ?

R. Duæ tantum: intellectiæ nimirum & volitiæ: quia per solos duos illos actus esse divinum personis communicatur, Verbo quidem per intellectionem, seu cognitionem, Spiritui verò sancto per volitionem, seu amorem.

Obj. 1. Una processio continet aliam, cum in genere processionis sit infinita, & infinitum in uno genere contineat omnia, quæ ad illud genus reducuntur: ergo una tantum, non autem multiplex est in divinis processio.

R. Conc. ant. dist. conseq. Ergo est una tantum actu processio, conc. ant. est una tantum virtualiter, nego ant. Ratio est, quia processio multiplicatur virtualiter ratione termini, qui producitur: ac proinde cum duplex in divinis terminus, Filius nimirum & Spiritus sanctus, producat, duplex quoque est virtualiter processio, licet sit una tantum realiter & actu.

Obj. 2. Ex potentia & bonitate non resultat aliqua processio: ergo neque resultare debet aliqua ex intellectu, & voluntate.

R. Conc. ant. nego conseq. Ratio est 1. quia actio potentia, habet pro termino rem quæ extrà Deum est, creaturam nimirum; processio verò habet terminos

minos qui non sunt extrà Deum, Filium scilicet & Spiritum sanctum. 2. Bonitas in sui idea non includit aliquam actionem : è contrà verò processio activa eam includit.

7. Q. Quot sunt in divinis processiones passivæ?

R. Duæ tantum : quia duæ sunt tantum receptiones esse divini, quod personis communicatur, scilicet receptio à Filio, & receptio à Spiritu sancto : à duabus enim illis personis tantum esse divinum recipitur : siquidem Pater, cum sit fons & origo totius divinitatis, à nullo alio principio recipit esse quod habet.

8. Q. Quomodo vocatur processio Verbi à Patre ?

R. Vocatur generatio, juxta illud Scripturæ *Isai. 53. de Verbo loquentis: Generationem ejus quis enarrabit?* necnon juxta illud Symboli Nicæni, *Genitum non factum.*

9. Q. Cur processio Verbi à Patre dicitur generatio?

R. 1. Quia habet pro termino filiationem, juxta illud Scripturæ *Pf. 2. Filius meus es tu, ego hodie genui te.* 2. quia illi processioni convenit idea generationis : sicut enim generatio definitur : *Processio viventis à vivente in similitudinem naturæ.*

10. Q. Quanam sequuntur ex illa generationis idea, quæ convenit processioni Verbi à Patre?

R. Sequitur 1. Verbum non esse aliquid exterius factum à Patre, quæ enim exteriora sunt, dicuntur fieri, non autem generari: *Genitum*, (ait Concilium Nicænum 1.) *non factum.*

Sequitur 2. Verbum esse de Patris substantia : nempe essentiale est genito, ut fiat ex substantia generantis: *Non est* (ait Augustinus libro 3. contra Maximinum cap. 14.) *degener ab uno Deo Patre Deus unicus Filius.*

Sequitur 3. Verbum esse omninò simile Patri: est enim de essentia generationis, ut genitum sit simile

generanti, ut patet in igne qui ab alio igne generatur.

Sequitur 4. Verbum esse Filium per communicationem divinæ naturæ, siquidem generatio est processio viventis à vivente tamquam à principio *conjuncto*: at generans non conjungitur genito, nisi per suæ naturæ communicationem.

Sequitur 5. Verbum esse Dei Filium per communicationem totius naturæ: nempe, cum natura divina sit indivisibilis; oportet, si communicetur, ut tota communicetur.

Sequitur 6. Verbum esse *Omoousion*, hoc est, Consubstantiale Patri: quia cum verè sit genitum à Patre, necesse est, ut sit ejusdem cum eo substantiæ.

Sequitur 7. Verbum esse verè ac substantialiter Deum; inest nimirum illi verè & propriè Dei natura.

II. Q. Quænam est specialis ratio, cur terminus processionis Verbi à Patre dicatur Filius?

R. Specialis ea ratio est, quod Verbum à Patre procedat vi actionis intellectus: *Cux Verbum dicitur?* (quæstio est quam sibi proponit Basiliius hom. in initium Evangelii Joannis) *ut ostendatur* (responsio est ejusdem Patris) *ex mente processisse*. Ea autem est vis actionis intellectus, ut efformet imaginem objecti, quod ab eo cognoscitur: ergo Pater æternus qui se ipsum perfectè cognoscit, perfectam sui imaginem efformat: ea verò imago dicitur Verbum; illud Verbum dicitur Filius, quia vi actionis per quam producit, recipit naturam quæ cum sit eadem, perfectè similis est naturæ, quæ inest principio à quo producit: Augustini est illud argumentum: scilicet Epistola 49. disertè scribit: *Christum dici Verbum Dei, per quod facta sunt omnia, & ided Filium quia Verbum, nec Verbum dictum atque transactum, sed apud incommutabilem Patrem incommutabile ipsum, atque incorruptibiliter manens*.

Obj.

Obj. 1. Esse quod per actum intellectus recipitur, non est esse verum & reale, sed fictum tantum & intentionale: ergo Verbum à Patre vi actionis intellectivæ non recipit esse verum per quod realiter filius esse possit.

Resp. Dist. ant. In creatis, conc. ant. in divinis, nego ant. Ratio disparitatis est, quia intellectus divinus, non verò creatus, est omninò perfectus in ratione intellectus: ergo necesse est ut exprimat efformetque perfectam imaginem objecti de quo cogitat. Cum autem id non sit imago perfecta, quod habet esse tantum fictum & intentionale, oportet quòd esse imaginis, quæ exprimitur à Patre, habeat esse verum & reale.

Obj. 2. Intellectio & volitio in divinis sunt omninò idem: ergo tam dici potest Verbum procedere per volitionem Patris, quam per illius intellectiorem.

Resp. Dist. ant. Sunt omninò idem actu, conc. ant. virtualiter, nego ant. hincque sequitur actionem quæ unica est, actu æquivalere multis actionibus realiter distinctis, ac proinde producere duos terminos realiter distinctos, unum quidem, prout est intellectio: alium verò, prout est volitio.

12. Q. Quænam est specialis ratio propter quam processio Spiritus sancti non dicitur generatio, ac proinde nec ipse Spiritus sanctus dicatur Filius?

R. Est, quòd Spiritus sanctus vi actionis per quam producit, non recipiat esse simile Patri & Filio, à quibus procedit: scilicet procedit ab utroque per actum voluntatis: & idèd vocatur charitas, Donum, Amor Patris, & Filii: actus autem voluntatis non efficit, ut objectum quod amat, sit amanti simile; imò efficit potius, ut amans reddatur ei simile: unde tritum est apud Augustinum axioma: Talis est animus, quale est objectum quod amat, cœlestis quidem, si objectum sit cœleste, terrenus è contra, si flu-

æ ac labentis naturæ rebus per affectum inhæreat ?

Obj. 1. Spiritus sanctus est perfecta imago Patris & Filii : eandem enim quàm ille, naturam habet : ergo tam debet dici Filius quàm secunda persona.

Resp. Conc. ant. nego conseq. Quia Spiritus sanctus non est, sicut Verbum, perfecta imago vi actionis per quam à Patre & Filio producitur : sed tantum ex eo quòd natura divina sit realiter idem cum amore, seu cum impulsu, per quem suum esse recipit. Hincque colligitur. 1. Spiritum sanctum non accipere immediatè esse Patris & Filii, sed mediatè tantum, nimirum mediante impulsu, cum quo esse Patris & Filii sunt unum & idem. Colligitur 2. quòd licèt Spiritus sanctus sit Deus, non procedat tamen formaliter ut Deus, quia non procedit per actionem, quæ per se & immediatè naturam divinam communicet. Ita Thomistæ omnes.

Obj. 2. Voluntas ex se tendit ad unionem objecti amati cum persona amante : ergo quemadmodum intellectus per se efficit similitudinem objecti de quo cogitat, ita & voluntas.

Resp. Conc. ant. nego conseq. Ratio disparitatis est, quia similitudo, si sit perfecta, ut est in divinis, est unitas per identitatem naturæ ; unio verò, remanens in linea unionis, est tantum unitas per identitatem affectus.

13. Q. Quomodo Spiritus sancti processio, quæ generatio dici non potest, vocari debet ?

R. Vocatur processio simpliciter : idque juxta illud Evangelii Joann. 15. *Spiritus qui à Patre procedit*. Si verò ulterius queratur, quare illa processio dicatur processio simpliciter, & sine additione speciei processionis, dicendum erit, sic appellari penuria terminorum : hoc est, licèt processionis nomen absolute & simpliciter prolatum, per se genericè sumatur, cum tamen de Spiritu sancto dicitur, sumitur speci-

ficè

ficè, seu pro certa processione specie, quam defet-
tu terminorum qui proprii sint, nomine generico
cogimur exprimere.

14. Q. Quomodo definitur principium divinarum
processionum?

R. Definitur, id quod dat esse divinis personis ;
seu à quo divinæ personæ oriuntur. Sic ignis est
principium alterius ignis, quia dat esse alteri igni;
sic fons est principium fluvii, quia fluvius oritur
à fonte.

15. Q. Quotuplex est principium divinarum pro-
cessionum?

R. Duplex: unum quod vocatur principium *Quod*,
& alterum quod appellatur principium *Quo*. Princi-
pium *quod*, est suppositum, seu hypostasis, seu per-
sona cui ultimè operatio tribuitur: tritum est enim
Axioma: *Actiones sunt suppositorum*. Principium
quo, est virtus per quam principium *quod* operatur:
sic calor est principium *quo* per quod ignis cale-
facit.

16. Q. Quotuplex est principium *quo* divinarum
processionum?

R. Duplex, proximum & remotum. Primum,
est illud per quod suppositum immediatè operatur:
alterum verò, est illud per quod operatur tantum
mediatè. Sic manus pictoris est picturæ principium
quo remotum: penicillus verò principium *quo* pro-
ximum.

17. Q. Admittine debet in divinis duplex prin-
cipium divinarum operationem *quod* & *quo*?

R. Admitti debet: scilicet admitti debent & per-
sona quæ producit, & virtus per quam producit. Sic
Pater est principium *quod* Filii, & intellectio est ex
iusdem principium *quo*.

18. Q. Quodnam est principium *quo* proximum,
divinarum processionum?

R. Sunt intellectio, & volitio, quia sunt virtus
per

per quam Pater, vel Pater & Filius, Immediate operantur: intellectu nimirum Pater immediate producit Filium; volitione vero Pater & Filius produxerunt Spiritum sanctum.

Obj. Principium *quo* proximum non debet esse commune omnibus personis, quia alioquin omnes & singulae producerent: atqui intellectio & volitio sunt communes omnibus personis Sanctissimæ Trinitatis: ergo, &c.

Resp. Dist. maj. Principium *quo* sumptum relative, conc. maj. sumptum absolute, nego maj. Intellectio & volitio absolute sumptæ non sunt principium *quo* proximum divinarum processuum, sed tantum sumptæ relative, hoc est prout sunt intellectio & volitio personæ Patris, aut Patris & Filii simul.

19. Q. Quodnam est principium *quo* remotum divinarum processuum?

R. Essentia divina: tum quia principium *quo* proximum, intellectio nimirum & volitio, in essentia divina continentur: tum etiam quia termini divinarum processuum, Filius & Spiritus sanctus assimilantur in essentia & natura personis producentibus.

Obj. Essentia divina nec generat, nec generatur. *Et illa res* (inquit Concilium Lateranense IV.) *nec est generans, neque genita, nec procedens*: ergo essentia divina non est principium *quo* remotum divinarum processuum: principium enim *quo* debet generare, vel producere.

R. Dist. ant. Essentia divina nec generat, nec generatur tamquam principium *quo*, conc. ant. tamquam principium *quo*, nego ant. Joachimus Abbas, contra quem lata est definitio Concilii Lateranensis, contendebat essentiam esse quid distinctum tribus personis: indeque concluderat essentiam generare tamquam principium *quod*. Confirmatur ex eo quod ubi Concilium asseruit, essentiam non genera-

re, asserat esse personas quæ generant, & quidem (ut superius dictum est) tamquam principium *quod*: *Sed est Pater qui generat, Filius qui gignitur, & Spiritus sanctus qui procedit.*

20. Q. Relationes, hoc est, Paternitas, Filiatio, & Spiratio activa, suntne principium *quo* remotum divinarum processionum?

R. Non sunt: quia non sunt virtus per quam genitum, aut productum, assimilentur generanti aut producenti: neque enim Filius assimilatur Patri in ratione Paternitatis, neque Spiritus sanctus assimilatur Patri aut Filio in ratione Paternitatis aut Filiationis: cum Filius non sit Pater; nec Spiritus sanctus Pater, aut Filius.

Obj. Principium productivum divinarum processionum debet esse aliquid distinctum ab illarum terminis: neque enim principium, & illius terminus possunt esse unum & idem: atqui solæ relationes in divinis distinguuntur à termino processionum: cum absoluta omnibus sint personis communia: ergo &c.

R. Dist. maj. Principium *quod*, debet esse aliquid distinctum à termino, conc. maj. principium *quo* nego maj. Ratio est quia termini in divinis perfecte personis producentibus assimilantur principio *quo* remoto, seu essentiae, ut superius probatum est: ergo non debent esse aliquid realiter distinctum à principio *quo* remoto. E contra non assimilantur principio *quod*, ac proinde ab eo debent esse realiter distincti: & revera sic se res habet: nam Filius non assimilatur Patri in ratione paternitatis, sed tantum in ratione essentiae & naturæ. Hinc patet formam per quam Pater constituitur Pater, non esse principium *quo* remotum filiatiois.

21. Q. Essentia divina, considerata prout abstracta à personis, estne principium *quo* remotum divinarum processionum?

R. Non est; sed tantum prout in obliquo connotat

tat paternitatem & filiationem. Ratio est quia essentia in abstracto sumpta, ex Concilio Lateranensi quarto, nec generat, nec generatur.

22. Q. Processiones in divinis suntne voluntariæ?

R. 1. Omnes processiones in divinis sunt voluntariæ voluntate concomitante: tum quia placent divinis personis: tum quia non fiunt ab invitis: *Si quis dixerit* (inquit Concilium Sirmiense apud Hilarium) *volente Patre natum Dei Filium, anathema sit:*

R. 2. Processio Verbi à Patre non est voluntaria voluntate antecedente, quia voluntas non se habet in generatione Filii tamquam principium produciens, sed solus intellectus.

Obj. Ex Augustino libro 15. de Trinitate, cap. 20. Verbum dicitur, *Concilium de Concilio, & voluntas de voluntate, sicut substantia de substantia: ergo, &c.*

R. Dist. ant. Dicitur voluntas de voluntate, tamquam ex causa materiali, conc. ant. tamquam à causa productiva, nego ant. Id quod objicitur, dicitur ab Augustino contra Arianos qui docebant Verbum esse ex nihilo tamquam ex causa materiali: cum è contra Catholici docerent illud esse de Patris substantia.

R. 3. Productio Spiritus sancti est voluntaria voluntate antecedente: quia voluntas est verè principium quo productivum Spiritus sancti: nempe produciitur per amorem, qui est actus divinæ voluntatis.

Obj. Quod est voluntarium voluntate antecedente est liberum: at dici non potest Spiritum sanctum liberè produci à Patre & Filio: ergo, &c.

R. Dist. maj. Si sit à voluntate antecedente eligente, conc. maj. non eligente, nego maj. Hoc autem, non illo modo, productio Spiritus sancti est à voluntate antecedente, nempe est ab ea tamquam à principio naturali, quod necessario dat illi esse, non autem

tem tanquam à principio quod possit dare, aut non dare esse.

C A P U T V.

De Divinis Relationibus.

1. *Quaest.* Quid est Relatio?

R. Est habitudo unius ad aliud: sic sic inter fontem & fluvium est relatio, quia fons dicit habitudinem, seu respectum ad fluvium qui ex illo oritur, & similiter fluvius ad fontem.

2. *Q.* Quotuplex est Relatio?

R. Duplex, Rationis nimirum, & Realis. Prior est ea quæ non existit nisi per operationem mentis, quæ efficit habitudinem unius ad aliud. Posterior è contrà, est ea quæ existit independentè ab operatione mentis, seu quæ existit, etiamsi nemo de illa cogitet.

3. *Q.* Suntne Relationes in Divinis?

R. Sunt: quia in Divinis existunt habitudines, seu respectus unius personæ ad aliam.

4. *Q.* Relationes in divinis suntne reales?

R. Sunt: tum quia habitudines quas personæ divinæ dicunt ad se invicem, existunt independentè ab operatione intellectus creati: tum etiam quia datur realiter in divinis id quod personas realiter multiplicat: sed relationes realiter multiplicant personas: *In relativis* (Inquit Concilium Toletanum XI.) *personarum nominibus, Pater ad Filium, Filius ad Patrem, Spiritus sanctus ad utrumque refertur. Quæ cum relativè tres personæ dicantur, una tamen naturalis substantia creditur.*

Obj. 1. Relationes reddunt terminos à se invicem dependentes; quod tamen de divinis personis dici non potest: ergo, &c.

R. Dist. ant. Dependentes, per modum simpli-

cis termini, quia important mutuam terminorum coexistentiam, conc. ant. per modum causæ, aut effectus, nego ant.

Obj. 2. Relationes reales præsupponunt terminos à se invicem realiter distinctos: at dici non potest de divinis, quia relationes in divinis sunt causa distinctionis quæ inter eorum terminos, seu personas reperitur: neque enim Pater & Filius ratione aliqujus formæ absolutæ distinguuntur: ergo, &c.

R. Dist. ant. In creatis, conc. ant. in divinis, nego ant. Ratio est, quia relationes in creatis sunt accidentia; proindeque præsupponunt objectum cui inhæreant, & terminos in quibus sit fundamentum mutue relationis: è contrâ verò in divinis relationes non sunt formæ distinctæ realiter ab essentia divina, neque illarum termini, seu personæ sunt aliud à divina essentia: & consequenter non est necesse ut præsupponatur subjectum prius existens, aut termini qui præexistant.

Obj. 3. Relatio est ordo unius ad aliud: atqui in Deo non est huiusmodi ordo: nempe (ut Concilium Lateranense IV. definiit,) personæ licet sint à se invicem distinctæ, non sunt aliud, & aliud: ergo, &c.

Resp. Vox hæc *Aliud* in definitione relationis posita, sumitur aut adjectivè, aut substantivè, pro ratione terminorum inter quos reperitur: unde cum in divinis sint tantum aliud & aliud, non autem aliud & aliud, vox, *aliud* sumitur adjectivè, non verò substantivè, hoc est non significat naturam, sed personam.

5. Q. Quot sunt relationes reales in divinis?

R. Quatuor: paternitas scilicet, filiatio, spiratio activa, & spiratio passiva: quia nec plus nec minus sunt, quam quatuor illæ formæ, per quas personæ ad se invicem referantur, & una dicat ordinem ad aliam.

Obj. Si essent quatuor relationes in Deo, foret
N qua-

quaternitas: esset enim spiratio activa ultra tres personas: sed in Deo non est quaternitas, ut definiit Concilium Lateranense IV. ergo, &c.

Resp. Nego maj. quia spiratio activa, quæ non aliud est, quàm actus voluntatis per quem produci-
tur Spiritus sanctus (qui quidem dicitur spiratio pas-
siva) non distinguitur realiter actu à Patre & Filio:
ac proinde quaternitatem non constituit.

6. Q. Relationes in divinis distinguuntur realiter à se invicem?

R. Distinguntur, quia sunt formæ per quas personæ à se invicem realiter distinguuntur: at propter quod unumquodque tale, & illud magis.

7. Q. Quæ distinctio reperitur inter essentiam divinam & relationes?

R. Non reperitur 1. distinctio realis actualis, qualis est inter rem & rem: eam enim distinctionis speciem damnavit Rhemense Concilium contra Gilbertum Porretanum: *Credimus* (inquit) *nullas omnino res, sive relationes, sive proprietates, sive singularitates sive unitates dicantur, adesse Deo, quas sint ab æterno, & non sint Deus.*

Non reperitur 2. distinctio Scotistica, seu distinctio quæ ex una parte dicitur realis, quia (ut vult Scotus) est independens ab operatione mentis; & ex alia dicitur formalis, quoddam reperiatur inter varias formas, seu respectus sub quibus Deus potest considerari. Scilicet (ut agentes de attributis in communi, diximus) ea distinctio Scotistica coincidere videtur in distinctionem Gilberti Porretani, & aliunde est omnino fictitia.

Non satis est tamen 3. mera distinctio rationis quæ sit sine fundamento in re: tum quoddam (ut de attributis differentes contra Nominales ostendimus) coincidere videatur in distinctionem, quam satis non esse Basilius adversus Eunomium ostendit: tum etiam quoddam posita illa sola distinctione, explicari non possit,

sit, quomodo essentia Patris quæ est idem cum paternitate, communicetur Filio, eadem paternitate minimè communicata.

Dicendum est igitur 4. requiri & satis esse distinctionem virtuale, seu (ut loquuntur Thomistæ) distinctionem rationis ratiocinatæ, quæ actu merè mentalis est, fundamentaliter verò est realis, eo sensu quoddam in objecto sit aliquid, illius nimirum eminentia, quæ efficit, ut pluribus rebus actu distinctis objectum ipsum æquivalet. Hincque patet 1. de ipso secundum essentiam & relationes accepto, dici posse duo contradictoria; si tamen contradictoria sint, quæ de eodem, sed non secundum idem prædicantur. Patet 2. quoddam licet essentia & relationes sint de mutuo conceptu reali, illa tamen sine istis, & istæ sine illa cum fundamento in re concipi possunt. Vide quæ huiusce operis parte 2. diximus agentes de distinctione attributorum ab essentia divina.

8. Q. Relationes divinæ suntne perfectiones?

R. Sunt: & quidem 1. si considerentur secundum esse IN, quia sic acceptæ sunt idem cum subiecto, seu essentia divina in qua, secundum nostrum concipiendi modum, recipiuntur: sunt 2. perfectiones, si considerentur secundum esse AD, seu præcisè prout sunt respectus, seu ordo unius ad alium: tum quia sic acceptæ constituunt in divinis personas, quæ haud dubiè sunt perfectiones: non enim personæ per aliquid absolutum constituuntur, cum ea quæ in divinis sunt absoluta, toti Trinitati communia sint: tum etiam quoddam essentia divina in Patre v. g. per relationem ad Filium perficiatur, juxta illud Cyrilli lib. 2. Thesauri cap. 1. *Non potest esse perfecta divinitas, nisi Filium habeat*.

Obi. Sequeretur 1. Trinitatem simul sumptam, esse perfectiorem singulis personis seorsim sumptis: cum Trinitas simul sumpta plures perfectiones,

quàm una tantùm persona, contineat. Sequeretur 2. unam personam non habere omnes omninò perfectiones; nempe Pater non habet filiationem, 3. tres essent res in Trinitate, tres nimirum reales perfectiones relativæ.

Resp. Ad 1. nego ant. quia singulæ personæ habent essentiam divinam, cum qua relationes omnes sunt unum & idem à parte rei: unde Augustinus libro 6. de Trinitate cap. 8. docet: *Tantum esse solum Patrem, vel solum Filium, vel solum Spiritum sanctum, quantum tres personæ simul sumptæ.*

Ad 2. Una persona non habet quidem actu omnes omninò perfectiones relativæ; sed habet eminentertum quia habet essentiam divinam; tum etiam quodd perfectiones relativæ non sint (ut loquuntur Scholastici) perfectiones simpliciter simplices, hoc est non sunt meliores ipsæ quàm non ipsæ: unde paternitas non est melior filiatione, nec filiatio paternitate.

Ad 3. Tres admitti debent res relativæ in Trinitate, non autem tres res absolutæ. Nimirum damnatus est Sabellius, quodd tres res relativæ non admiserit; Arius verd, quodd asseruerit esse in divinis tres res absolutas. Ita Augustinus libro 7. de Trinitate cap. 4. ratiocinatur.

9. Q. Suntne in Deo tres existentia relativæ; quemadmodum sunt tres relationes?

R. Non sunt; Scilicet nec Scriptura, nec Patres ejusmodi existentia relativæ meminerunt; imò quoties de existentia divinarum personarum locuti sunt, semper rem absolutam expresserunt: Ego (ait Deus ipse) *sum qui sum.*

O/j. In Deo sunt tres res relativæ: ergo etiam & tres existentia relativæ: nempe res quælibet cujuscumque t generis, existentiam sibi convenientem habere debet.

Resp. Nego conseq. quia multiplex esse relativum, dicit tantum plures terminos; plures verd terminis eadem

eadem existentia in divinis existunt . Unde singulæ relationes sunt extra causas per existentiam alienam, essentiæ nimirum, & cum producantur, ut filiatio & spiratio passiva, terminus productionis est existentia communis, ac proinde absoluta, non autem relativa.

10. Q. In essentia divina antè relationes concepta estne aliqua subsistentia absoluta?

R. Non est: quia subsistentia est certus quidam existendi modus essentiæ, jam in suo esse constitutæ adveniens: atqui modus ille admitti non debet in essentia divina ante relationes concepta: quia ex Patribus, nihil aliud, quam relationes advenire essentiæ divinæ contipitur: unde iidem Patres negarunt in divinis esse unum subsistentem antè relationes: *Non unus est subsistens* (ait Concilium Sirmiense) *sed una substantia non different.*

Obj. 1. Agatho Papa in Epistola quæ legitur in VI. Synodo, actione 4. sic loquitur: *Constituimur triuna subsistentiarum, sive personarum unam subsistentiam.* 2. hæc etiam habet Augustinus libro 7. de Trinitate cap. 4. *Omnes res ad se ipsam subsistit, quanto magis Deus.* ergo, &c.

R. Ad 1. Agatho nomine *subsistentia* intelligit *substantiam* seu dicere voluit, in tribus personis non multiplicem, sed unam esse tantum substantiam. Nec id mirum est: iis enim temporibus Patres non raro subsistentiam pro substantia sumpserunt, ut videre est apud Augustinum lib. 7. de Trinitate cap. 4.

Ad 2. Augustini dictum intelligi debet eo sensu, quod quælibet res absoluta, si in se ipsa consideretur, non dicat ordinem ad aliud, ut dicit res relativa: *Sicut etiam* (ait ibidem Augustinus) *ab eo quod est esse, appellatur essentia, ita ab eo, quod est subsistere, dicitur substantia.*

Obj. 2. Essentia sine relationibus concepta, operatur; creat nimirum, intelligit, & vult: ergo est

suppositum aliquod absolutum, cum ut fert tritum axioma, actiones sint suppositorum.

R. ad 1. Conc. ant. nego conseq. ad cujus probationem dico, valere illud axioma in causis quæ suppositum habent, seu substantiam: non autem in his quæ non habent, ut reverà in statu de quo hæc agitur, non habet essentia divina.

C A P U T VI.

De personis Divinis generatim.

1. *Quæst.* Quid est persona in genere?

R. Est substantia spiritalis quæ certo modo existit: seu certus existendi modus, quo res spiritalis ita existit, ut sit incommunicabilis alteri. Sic Pater est persona, quia ita existit, ut ratione paternitatis filio communicari non possit.

2. Q. Quibus nominibus usi sunt Patres Latini, ut personas Divinas exprimerent?

R. Usi sunt 1. nomine *substantia*, ut docet Augustinus libro 7. de Trinit. cap. 4. sed tunc substantiæ nomen opposuerunt essentiæ. Usi sunt 2. nomine *subsistentia*, ut videre est apud Ambrosium cap. 2. in Apostolicum Symbolum. Usi sunt 3. nomine *persona*; nempe sic loquitur Hieronymus in Epistola ad Damasum Papam: *Sufficiat nobis dicere unam substantiam, tres personas subsistentes perfectas, æquales, coæternas.*

3. Q. Quo tempore Latini Patres uti cœperunt nomine *persona*, ut relationes exprimerent?

R. Tunc primum adhibitum est, cum prodiit hæresis Sabelliana: ita Facundus Hermianensis lib. 1. pag. 19.

4. Q. Quibus nominibus usi sunt Græci Patres, ut esse relativum quod est in divinis, exprimerent?

R. Usi

R. Uti sunt frequentius *hypostasis* nomine. Ita Dionysius Alexandrinus in responsione ad propositionem quartam Pauli Samosatani, qui cum Sabellio personas in divinis confundebat. Ita etiam Alexandrina Synodus quæ sub Osio celebrata est anno 319.

5. Q. Quo tempore Latini admiserunt pro persona vocem *hypostasis*, quam Græci passim adhibebant?

R. Ab anno 362. tunc nimirum sub Athanasio habita est Alexandrina Synodus, in qua Latini cum Græcis eo in capite concordiam inierunt; existimaverant enim antea, *hypostasis* significare substantiam; sed ubi intellexerunt, Græcos per eam vocem non aliud intelligere, quam ipsi per personam, lis, Athanasio auctore, composita est. Postea tamen Hieronymus timens, ne venenum sub ea voce lateret, hæc ad Damasum Papam scripsit: *Aut si rectum putatis tres hypostases cum suis interpretationibus debere nos dicere, non negamus: sed mihi credite, venenum sub melle latet.*

6. Q. Personæ in divinis constituunturne per aliquid absolutum, an verò per aliquid relativum?

R. Per aliquid relativum: quia constituuntur per id quod numerum facit in divinis: sed id est relativum, non autem absolutum: *Hoc solo* (inquit Augustinus tractatu 39. in Joannem) *numerum insinuant, quod ad invicem sunt, non quod ad se sunt.*

Obj. 1. Ex Augustino libro 7. de Trinitate cap. 6: *Non aliud est Deo esse, aliud personam esse, sed omnino idem*: Atqui Deus constituitur in eis: per aliquid absolutum, ergo & in persona.

Resp. Dist. maj. non aliud a parte rei, conc. ant: nimirum essentia Dei, & personæ divinæ a parte rei non distinguuntur. Secundum nostrum concipiendi modum, quo in Deo unum sine alio concipimus cum fundamento in re, nego maj.

Obj. 2. Ex Augustino libro 7. de Trinitate cap. 6:

persona Patris non aliud, quàm ipse pater est: ad se quippe dicitur persona, non ad Filium vel Spiritum sanctum. Præterea, ex eodem Augustino personæ non dicuntur sicut tres amici, tres propinqui: ergo, &c.

Resp. ad 1. Dist. ant. Pater ad se dicitur persona, sumendo personam indirectè & in obliquo, conc. ant. Sumendo directè & in recto, nego ant. hoc est dicitur ad se, prout est idem cum essentia Patris non verò prout est præcisè persona. Ad 2. Totum esse vicini, amici, est ad aliud: non autem totum esse personæ divinæ, quia est idem cum aliquo absoluto, nimirum cum essentia divina.

7. Q. Quot sunt proprietates personarum divinarum?

R. Sunt quatuor, Appropriatio, Circumincessio, Notio, & Missio.

8. Q. Quid in Divinis est Appropriatio?

R. Est modus loquendi, quo quædam attributa, quædam operationes, licet a parte rei singulis personis communes, uni tamen potiùs quam alteri tribuuntur. Is autem loquendi modus fundatur frequentius in modo quo personæ ab aliis procedunt.

9. Q. Quid est Circumincessio in divinis?

R. Est mutua personarum inhabitatio, seu est proprietas, per quam personæ sunt invicem in se ipsis: juxta illud Christi in Evangelio Joan. 10. *Non creditis quia ego in Patre, & Pater in me est.* Nec id mirum est; cum singulæ tres personæ eandem omnino essentiam habeant, sintque realiter idem cum ipsa: ac proinde nullatenus ab invicem separari possunt.

10. Q. Quid in divinis est Notio?

R. Est nomen quo character alicui personæ proprius exprimitur: sic paternitas est Notio, quia est nomen quo exprimitur character primæ personæ ita proprius, ut alteri minimè conveniat: hinc verò sequitur nomina Notionalia semper aliquid relativum

eivum significare: ea enim quæ sunt absoluta, toti Trinitati communia sunt.

11. Q. Quot sunt Notiones in divinis?

R. Nec plus nec minùs sunt quàm quinque: Inz nascibilitas nimirum, paternitas, filiatio, spiratio activa, & spiratio passiva.

Ratio est, quia si soli characteres relativi ex divinis processionibus oriuntur; nam tria tantum in divinis processionibus considerari possunt, principium, terminus, negatio tum principii, tum termini: nempe Pater, cui convenit, nec habet principium a quo producat, nec est terminus alicujus productionis.

Ratio principii constituit paternitatem & spirationem activam, quia Pater est principium à quo Filius oritur; Pater & Filius sunt principium à quo Spiritus sanctus producit. Tandem terminus vel est respectu generationis, & sic constituit filiationem, vel spirationis activæ, & sic constituit spirationem passivam, seu personam quæ à Patre & Filio spiratur.

12. Q. Quid est Missio in divinis?

R. Est processio unius personæ ab alia in ordine ad aliquem effectum ad extrà, de novo producendum. Hinc Christus Joannis 8. missus dicitur: *Sed ego, & qui misit me Pater*. Sic etiam Spiritus sanctus dicitur mittendus à Christo Joan. 16. *Si autem abiero mittam ad vos*. Hinc patet missionem passivam non convenire Patri, quia ab alia persona non procedit.

C A P U T VII.

De personis Divinis in particulari

1. Quæst. Q uenam sunt nomina quæ primæ personæ specialiter conveniunt?

R. Sunt ista: *Principium, Auctor, Radix, Fons, Causa*.

Caput, Pater, Ingenitus, Prima Persona. Dicitur 1. *Principium*, quia aliæ personæ ab ea suum esse accipiunt. Dicitur 2. *Auctor*, quia aliis communicat proprium suum esse, seu propriam suam existentiam. Dicitur 3. *Radix* quia ex ea cæteræ personæ tamquam rami à radice oriuntur. 4. Propter eandem rationem dicitur *Fons, Origo, Caput*. Dicitur 5. *Pater*, quia producit per viam generationis Verbum. Dicitur 6. *Ingenitus*, quia caret omni prorsus principio, à nulla enim alia persona suam trahit originem. Tandem 7. dicitur *Prima Persona*, quia nullam aliam originem priorem supponit.

2. Q. Prima persona potestne dici *initium & Causa* aliarum?

R. 1. Dicitur non potest *initium*, quia vox, *initium* in suo conceptu proprio significat prioritatem temporis, quæ in divinis nulli personæ respectu aliarum convenit: 2. A Græcis vocatur *Causa*, ut patet ex Concilio Florentino, sed improprie tantum, quia causa proprie sumpta, importat dependentiam termini qui à causa producitur.

3. Q. Quenam sunt nomina secundæ personæ Santissimæ Trinitatis propria?

R. Vocatur 1. *Verbum*, quia Verbum, seu imago objecti, est terminus intellectionis per quam Secunda Persona à Patre producitur. Vocatur 2. *Filius*, quia est terminus actionis quæ proprie est generatio. Vocatur 3. *Sapientia* juxta illud Apostoli de Christo loquentis primæ ad Corinth. 1. *Virtus, & Dei sapientia*. Sed observandum est, nomen illud (cùm aliquid absolutum significet) non tribui Secundæ Personæ Santissimæ Trinitatis, nisi per appropriationem. Vocatur 4. *Imago Patris*: *Qui est* (ait Apostolus ad Colossenses 1.) *imago Dei invisibilis*. Illud verò nomen non est absolutum sed relativum: *Quid autem absurdum* (inquit Augustinus lib. 7. de Trinit. cap. 1.) *quàm imaginem ad se dici*. Sed idem S. Doctor loquitur

tur lib. 15. cap. 12. *Relative dicitur Filius, relative dicitur Verbum & Imago.*

4. Q. Quænam sunt nomina quæ Tertiæ Personæ Sanctissimæ Trinitatis propria sunt?

R. Sant, *Spiritus sanctus, Donum, Amor.* Primum nomen reperitur in forma baptismatis Matthæi 28. nec non pluribus aliis in locis. Alterius Christus ipse meminit Joannis 4. *Si scires donum Dei.* Tertium recenset Augustinus lib. 15. de Trinitate cap. 7. Ea verò nomina relative, ac consequenter propriè de Tertia Persona dicuntur, quia exprimunt voluntatis actum, per quem Spiritus Sanctus à Patre, & Filio procedit.

5. Q. Spiritus sanctus proceditne à Filio?

R. Procedit. Nam 1. mittitur à Filio: *Quem ego* (ait Christus Joannis 15.) *mittam vobis à Patre.* 2. Accipit esse à Filio: *Quia* (Joannis 6.) *de meo accipiet.* 3. Non ob aliud dicitur Spiritus Jesu: *Misit Deus* (ad Galatas 4.) *Spiritum Filii sui.* 4. Id ipsum asserit Epiphanius: *Filius* (inquit in Ancorato num. 72.) *à quo* (Spiritus) *procedit, & à quo accipit.* 5. Ex utroque (ait Cyrillus Alexandrinus in libro de lapsu & conversione hominis) *profluit.* 6. Tertullianus libro contra Praxeam hæc ait: *Tertius est Spiritus à Deo & Filio.* 7. Sic etiam Augustinus in libro 4. de Trinit. *Nec possumus dicere, quod Spiritus sanctus & à Filio non procedat: neque frustrà idem Spiritus, & Patris & Filii Spiritus dicitur.* 8. Articulus de quo agitur, definitus fuit in pluribus Conciliis generalibus, quibus aderant & Græci; Lateranensi nimirum IV. Secundo Lugdunensi, & Florentino in definitione fidei quæ anno 1439. probantibus etiam, Græcis, solemniter promulgata est.

6. Q. Processio sancti Spiritus potestne rationibus theologicis demonstrari?

R. Potest. Nam 1. Filio convenit actio, seu actus voluntatis, per quem Spiritus sanctus producit, juxta

juxta illud Christi in Evangelio Joan. c. 16. v. 13: *Omnia quaecumque habet Pater, mea sunt*. Spiritus sanctus à Filio realiter distinguitur: at in divinis distinctione realis non petitur nisi ex processione: *Hoc solo* (inquit Augustinus tractatu 20. in Joannem) *nummerum insinuant, quod ad invicem sunt, non quod ad se sunt*.

Obj. 1. Scripturæ, cum loquuntur de eo à quo Spiritus sanctus procedit, solius Patris meminerunt: *ergo, &c.*

R. 1. Nego ant. idque patet ex locis superius laudatis. 2. Idem plerumque solius Patris Scripturæ meminerunt, quod sit (ait Augustinus tractatu 99. in Joannem) aliarum personarum caput, fons, & origo.

Obj. 2. Patres Græci passim asserunt, Spiritum sanctum à Patre *Per Filium* procedere: ergo non crediderunt, eum *Ex Filio* procedere.

R. Conc. ant. nego consequ. Scilicet Patres Græci asseruerunt, Spiritum *ex Patre* procedere, quod Pater sit (ut dictum est) aliarum personarum fons & origo: & idem dixerunt *PER Filium* procedere, quod Filius eum producat per actionem à Patre cum sua essentia receptam.

7. Q. Si Spiritus sanctus per impossibile à Filio non procederet, essetne adhuc ab eo personaliter distinctus?

R. Non distingueretur. Ita S. Thomas. Nempe non esset fundamentum distinctionis: quia sola processio unius personæ ab alia, est distinctionis fundamentum.

Obj. 1. In suppositione de qua agitur, adhuc Spiritus sanctus alia via, quam Filius à Patre procederet, nimirum per actum voluntatis: cum è contra Filius per actum intellectus procedat: ergo, &c.

R. Conc. ant. nego consequ. quia unus & idem terminus diversis ac variis modis produci potest, Adamus v.g. qui per creationem à Deo productus est,

est, potuit ab alio homine per generationem produci.

Obj. 2. Spiritus sanctus adhuc Filio opponeretur: quia esset terminus à Filio disparatus: sicut duo fratres qui ab eodem Patre nascuntur: ergo adhuc à Filio distingueretur.

R. Conc. ant. nego conseq. Ratio est quia terminus disparatus in divinis non excludit alium, si ipsi relativè non opponatur: quia includit omnes omnino perfectiones quæ sibi invicem relativè non opponuntur: ac proinde Filius contineret id totum quod esset in Spiritu sancto.

Obj. 3. Spiritus sanctus in suppositione de qua agitur, foret persona distincta à persona Filii: quia ipsa persona Filii esset distincta à persona Spiritus sancti; terminaret nempe actum intellectus per quem Pater Filium generat: ergo, &c.

Resp. Dist. ant. Terminaret imperfectè actum intellectus, conc. ant. perfectè, nego ant. quia terminus generationis perfectè non terminat generationem, nisi fiat imago perfecta generantis: at Filius non sic fieret imago Patris: nec enim in virtute spirandi similis esset.

Obj. 4. Si per impossibile Spiritus sanctus à solo Filio procederet, adhuc esset à Patre distinctus: ergo à pari, si à solo patre procederet, esset distinctus à Filio.

Resp. Conc. ant. nego conseq. Ratio disparitatis est, quia in ea suppositione Pater, saltem mediatè daret esse Spiritui sancto: scilicet Filius non produceret Spiritum sanctum nisi per virtutem acceptam à Patre; ac proinde inter Spiritum & Patrem adhuc reperiretur oppositio relativa: at idem dici non posset, si solus Pater Spiritum sanctum produceret, hoc est, inter Filium, & Spiritum sanctum nulla foret oppositio relativa; ac proinde nec aliqua realis distinctio.

8. Q. Particula *filiusque* fuitne jure inserta Symbolo?

R. Jura inserta fuit. 1. quia continet necessariam ac veram hujusce textus. Scripturæ, *Qui ex Patre procedit*, expositionem: scilicet, cum nonnulli contenderent textum illum excludere Filium ab activa spiratione, opus fuit ut contrarium fideles in Symbolo docerentur. 2. Ecclesia potest integrum Symbolum condere: ergo à fortiori jam condito particulam necessariam potest inserere. 3. Nicænum I. Concilium potuit inserere Symbolo vocem, *homousion*: ergo & alia Concilia potuerunt inserere particulam *filiusque*. 4. Fides de processione sancti Spiritus à Filio distinguit catholicos ab hæreticis, ergo potuit inseri Symbolo.

Obj. 1. Ephesinum Concilium quod est Generale III. expresse prohibuit, ne quis aliam à Nicæna fidei formulam conscriberet; ergo, &c.

Resp. 1. Prohibitio illa intelligitur de compositione Symboli, quæ adornetur à viris privatis, non autem quæ fiat autoritate Ecclesiæ. 2. Dici potest eam prohibitionem intelligi de formula, quæ in additione aut detractone contingeret, efficeretque ut doctrina Symbolo Nicæno contraria proponeretur credenda.

9. Q. Quandonam, & à quibus particula *Filiusque* inserta fuit Symbolo?

R. 1. Hispaniarum Ecclesiæ labente sexto sæculo, particulam de qua agitur inseruerunt Symbolo; scilicet Toletanum III. Concilium, quod habitum est anno 589. Constantinopolitanum Symbolum cum ea additione recitavit: *Credimus & in Spiritum sanctum Dominum, & vivificantem, ex Patre & Filio procedentem*.

R. 2. Concilium Aquisgranense, quod Gallorum, & Germanorum Episcopi anno 809. celebrarunt, additionem de qua est quæstio, probavit, misitque

que Legatōs ad Leonem Papam III. ut additionem confirmaret, juberetque ut Romæ intra Missarum solennia Symbolum cum eadem additione caneretur.

R. 3. Ea additio licet primum à Leone III. rejecta, non multò post probata est à Romanis Pontificibus, scilicet desinente sæculo IX. hoc est, Nicolai Papæ I. temporibus Occidentales publicis scriptis Photium impugnarunt, quòd Ecclesiæ Romanæ tanquam summo crimini additionem de qua est quæstio, verteret, ut videre est apud Ratramnum libro 2. quem circa annum 858. pro Ecclesiâ Romanâ contra Photium, eique adhærentes Græcos conscripsit.

P A R S Q U A R T A

De Deo Creatore.

Nota. **D**Eus qui in se Unus est, ac Trinus, per Creationem ex se ipso aliqua ratione exiit: inter res autem quæ ab eo per creationem emanarunt, sunt. 1. Aspectabile hoc Universum. 2. Angeli. 3. Primus homo. De iis igitur in hac quarta hujusce Compendii Theologici parte differendum est.

CAPUT PRIMUM:

De Universi Creatione.

1. **Quæst.** **Q**uæ sunt opera primæ diei creationis hujus Universi?

R. Sunt Cælum, Terra, Lux, & divisio lucis à tenebris, scilicet Moyse Genesios cap. 1. scribit ea primo die à Deo facta fuisse.

2. **Q.** Quodnam fuit opus secundæ diei?

R. Non

R. Non aliud quam firmamentum : *Dixit quoque Deus* (ait Moyses Genes. 1. loquens de die secunda) *fiat firmamentum*. Trita verò est apud recentiores opinio, hìc firmamenti nomine intelligi immensum illud aeris spatium, quod à terris ad empyreum usque protenditur, & in quo sidera tanquam pisces in mari, postea collocata sunt, suosque stato tempore circulos agunt.

3. Q. Quid Deus egit die tertia?

R. Aquas in unum locum congregari iussit : Terra aquarum mole liberata apparuit, cœpitque recepta divinitus fecunditate, germinare, ut habetur Geneseos cap: 2. Locus autem in quo aquæ congregatæ fuerunt, fuit concavitas Terræ, in qua sunt maria, nec non subterranei meatus in quibus sunt fontes & flumina.

4. Q. Quodnam est opus quartæ & quintæ diei?

R. Deus die quarta (Geneseos cap. 1.) solem, Lunam & Stellæ effinxit; die verò quinta, pisces, & volucres ex aquis produxit.

5. Q. Quod est opus diei sextæ?

R. Animalia omnia quæ in terra à Deo producta aut reptant, aut saltitant, aut ambulant. Quæ autem ex putri materia nascuntur, ut pulices, ranæ, mures non sunt immediatè producta à Deo, sed tantùm mediatè, in putri nimirum materia, ex qua deinceps per calorem genita sunt. Idem quoque dici debet de animalibus heterogeneis, ut sunt muli, & leopardi: creatis enim animalium illorum duplicis speciei parentibus, mediatè creata censentur. Tandem homo eadem sexta die creatus est, qui Mundum tanquam paratum sibi palatium incoleret, dominareturque iis omnibus, quæ antequam produceretur, creata fuerant.

6. Q. Sex illi dies, quos Scriptura testatur Deum impendisse ad rerum omnium productionem suntne dies veri, qui viginti quatuor horis constarent, an verò

rò metaphorici & figurati tantum.

R. Fuerunt dies veri, non autem metaphorici: Ratio est 1. quia res quæ sex illis diebus productæ sunt, res sunt reales & veræ: ergo & dies, cum Scriptura de iis diebus eodem modo loquatur, ac de rebus quæ inter spatium illud productæ sunt. 2. Ex Augustino libro 1. de Civitate Dei cap. 7. Scriptura figuratè non est sumenda, cum nec scelus, nec flagitium jubere videtur: seu cum ad id nulla cogit necessitas. 3. Diebus de quibus agitur, successit (ut Exodi cap. 20. dicitur) die septima cessatio ab omni opere: at verè non successisset illis diebus, si metaphorici tantum fuissent. Augustinus tamen contrarium docuit in libro 1. de Civit. Dei cap. 7. Sed S. Doctore alii Patres non conveniunt.

7. Q. Dies fuitne prior nocte? an è contra nox diem præcessit?

R. Probabilior videtur opinio quæ asserit noctem præcessisse. Ratio est 1. quia cælum & terra facta sunt ante creationem lucis: ergo nox diem præcessit. 2. Tempore Regis Mosaicæ dies à vespera (quæ per Synecdochen pro nocte sumitur) incipiebant, ut patet ex Levitici cap. 23. ubi Deus jubet, ut à vesperà ad vesperam Sabbata celebrentur: at id, quod præceptum esse videtur, quod Deus Sabbatum die ab omni cessavit opere, inchoaverit à nocte quæ septimam diem immediatè præcessit. 3. Sententia est Hieronymi in Jonæ caput secundum.

8. Q. Qua anni tempestate conditus est Mundus, hoc est, in quo Zodiaci ligno Sol à Deo primùm constitutus est?

R. Theodoretus putat conditum fuisse verno tempore; alii verò, autumnò: tum quia ea anni parte fructus maturi sunt, & ad cibum apti: tum etiam quia ante Moysen autumnus anni civilis initium vocatur Exodi cap. 23. & 24. & exitus æstatis dicitur anni finis.

Nec est quidd quis opponat praxim Judæorum , qui annum sacrum à mense Nisan, seu æquinoctio verno incipiebant . Nempè constat , Id à Moyse primum constitutum fuisse , cùm annus antea ab autumno duceret initium .

C A P U T I I.

De Angelis :

§. I.

De Angelorum Existencia , Natura , & Creatione.

Nota. **A**ngelorum nomine intelligimus substantias , quarum species inter Deum & homines media sit : seu quæ Deo sit inferior , & superior homine .

1. *Q.* Existuntne Angeli ?

R. Existunt : Angelorum enim tum antiquum , tum novum Testamentum non semel meminerunt .

2. *Q.* Angeli suntne substantiæ cujuslibet corporis expertes ?

R. Sunt . Nam 1. Scriptura Angelos vocat *Spiritus* ? Ad Hebræos 1. *Nonne omnes sunt administratorii Spiritus* ? ad Ephesios 16. *Non est nobis colluctatio adversus carnem & sanguinem , sed adversus spiritualia nequitia in cælestibus* : quibus quidem locis vox *Spiritus* , opponitur substantiæ quæ corporea sit .

2. Id Patres docuerunt . Ignatius in Epistola ad Trallianos, Angelos vocat *incorporeas naturas* . Gregorius Nyssenus in libro 12. contra Eunomium , vocat eos *incorpoream creaturam* . Eusebius Cæsariensis libro 4. Demonstrationis Evangelicæ cap. 1. Chrysostomus hom. 22. in Genesim , necnon Theodoretus quæstione 20. in Genesim , eadem ratione loquuntur .

Eorum Patrum sententiam tanquam veram sup-
 posuit Concilium Lateranense IV. sic enim loqui-
 tur cap. 1. de fide Catholica: *Creator omnium qui
 sua omnipotēti virtute simul ab initio temporis utram-
 que de nihilo condidit naturam, spiritualem & corpo-
 ralem, Angelicam videlicet & mundanam, &c.*

Obj. 1. De Angelis malis intelliguntur hæc Ge-
 nesis 6. verba: *videntes Filii Dei filias hominum,
 quod essent pulchræ, acceperunt sibi uxores ex omni-
 bus quas elegerant: tum quod plures ex codicibus
 Septuaginta interpretum, loco Filii Dei, legant An-
 geli: tum etiam quod in libro Enoch, quem Judas
 Apostolus in sua Epistola Canonica laudavit, ii Filii
 Dei vocentur Angeli: tum denique quod plures è
 Patribus ita senserint.*

Resp. Nomine *Filii Dei* in laudato textu intelli-
 guntur Fili Seth, nimirum propter animum in pie-
 tate antea constantem, & per *filias hominum* intel-
 liguntur filix, quæ ex Caina progenie flagitiis cor-
 rupta prodierant. Nec obstant codices in objectione
 laudati: ii enim eo in capite non sunt sinceri. Non
 obstat quoque liber Enoch: scilicet Judas Apostolus
 non eo in capite, sed in altero quod profert, librum
 illum, alioquin apocryphum, probat. Nec obstant
 etiam aliqui Patres: iis enim major aliorum pars
 contradixit.

Obj. 2. In Concilio Nicæno II. definitum fuit An-
 gelos pingi posse: *Quoniam* (ait in Actione 5. lau-
 datæ Synodi Joannes Thessalonicensis) *circumscripti
 sunt, ergo, &c.*

Resp. Concilium quoad unum caput, nempe quoad
 illud quo asserabatur Angelos pingi posse, probasse
 Joannis dictum: sed non quoad aliud: scilicet quoad
 rationem qua idem Joannes dictum suum confirma-
 rat. *Quoniam circumscripti sunt.*

Obj. 3. Angeli sub sensibili specie hominibus visi
 sunt: ergo, &c.

Resp. Dist. ant. Et illa species erat aliena, conc. ant. & erat propria, nego ant. Angeli nimirum illi hominibus sub humana specie apparuerunt; & sæpe etiam sub illa specie Dei nomine locuti sunt, ut (inquiunt plures ex Græcis Patribus) homines ad fidem Incarnationis disposerent.

3. Q. Ante Concilium Lateranense IV. eratne de fide Catholica, quod Angeli sint substantiæ cujuslibet corporis expertes?

R. Non erat, tum quia unanimis non erat ea de re Patrum doctrina; tum etiam quia ipse etiam Augustinus libro 2. de Trinitate cap. 7. ætherea corpora Angelis, (sed dubitanter) tribuit; tum etiam quia Bernardus libro 5. de consideratione cap. 4. inter opiniones rejicit quæstionem de Angelorum corpore: Unde (inquit) *si quis inter opinabilia magis id ponendum esse censuerit, non contendo.*

Cum Lateranense Concilium IV. ex professo quæstionem de Angelorum corpore non tractaverit. Eius censet, eam ad fidem Catholicam non pertinere: licet (ait) temerarium sit Angelis corpus adscribere. Unum enim (addit) propositum erat Concilio, damnare nimirum Albigenes, qui sicut antea Manichæi, contendebant Deum non esse substantiarum omnium autorem.

4. Q. Angeli differuntne specie?

R. 1. Quæstio de qua agitur ad fidem non pertinet: *Quid inter se differant* (inquit Augustinus in libro ad Orosium contra Priscillianistas) *nescio, nec sanè ignorantia periclitari me puto.*

R. Probabilior est sententia quæ docet, Angelos omnes ejusdem esse speciei; tum quod Basiliius libro 9. contra Eunomium scribat eos non magis a se differre, quam stella ab alia stella differt; tum etiam quod Cyrillus Alexandrinus libro 2. in Joannem, expressè afferat *eiusdem omnes esse speciei.*

Obi:

Obj. 1. Differentia inter Angelos petitur ex eorum forma : non enim , cum sint corporis expertes , peti potest à materia : sed differentia quæ petitur ex forma , est specifica : ideo enim homo differt à bruto , quod penes formam , quæ est anima rationalis , ab eo differat.

R. Angelorum differentia à se invicem , nec ex forma , nec ex materia petitur , sed ex qualitatibus accidentalibus , aut ex eorum individuatione : unde Michael à Raphaelè physicè non differt , nisi quod idem non sit cum illo individuum.

Obj. 2. Angeli non possunt differre solum numero , seu individuo : quia non est in eis principium Individuationis , seu multiplicationis intra eandem speciem : nempe principium individuationis , seu multiplicationis intra eandem speciem , est materia sigillata (ut Thomistæ quidem loquuntur) seu affecta quantitate.

R. Nego quod principium multiplicationis sit sola materia quæ sigillata sit quantitate : est enim præterea Dei voluntas , quæ similem essendi & existendi modum pluribus intra eandem speciem entibus communicare potest pro libito : hinc fit ut si dux animæ rationales existerent post propriorum corporum annihilationem , solo individuo , non verò specie differrent.

5. Q. Quinam est author Angelicæ substantiæ ?

R. Deus solus : qui (ut ait Concilium Lateranense IV.) simul ab initio temporis utramque de nihilo condidit creaturam , spiritualem , & corporalem , Angelicam videlicet & mundanam.

Obj. Moyse nullam in Genesi facit mentionem de Angelorum creatione , licet expressè recenscat aliarum omnium rerum factam à Deo productionem : ergo , &c.

R. 1. Conc. ant. nego conseq. Idem enim Moyse recensuit rerum visibilium creationem , ut Judæis

eriperetur idolatriæ periculum: Judæi enim propendebant in cultum rerum, quæ sub sensus cadunt, non autem ad cultum earum, quæ cum spirituales sint, sensus fugiunt: unde cum à Deo vero defecerunt, nusquam aliud in Scripturis coluisse leguntur, quàm quod visibile esset: in eoque Gentilium inter quos vixerunt in Ægypto, mores imitati sunt.

R. Moysen non obscure innuisse, Angelos à Deo fuisse creatos: nempe iis locis ubi eorum meminit, de iis non loquitur, nisi tamquam de ministris ac nuntiis Dei illius, cui Geneseos cap. 1. rerum omnium productionem adscripserat.

6. Q. Quo tempore creati fuerunt Angeli?

R. Creati non fuerunt ante visibile hoc Universum: idque colligitur 1. ex his Geneseos verbis: *In principio* (hoc est, ut Augustinus interpretatur, ante omnia) *creavit Deus Cælum & terram*: igitur ante cælum & terram nulla existeret creatura. Colligitur 2. ex his aliis, Exodi 10. *Sex diebus fecit Deus cælum & terram, & omnia quæ in eis sunt*: igitur ante sex illos dies nihil existeret ex iis, quæ sunt in cælo, aut in terra; ac proinde nec ipsi etiam Angeli, qui in cælis sunt.

7. Q. Propositio qua affirmatur Angelos ante hoc Universum creatos non fuisse, estne propositio quæ ad fidem Catholicam pertineat?

R. Non pertinet. Nam 1. unanimis ea de re non fuit Patrum traditio: *Ad primum ergo dicendum* (inquit S. Thomas 1. part. q. 61. art. 4.) *quod Hieronymus loquatur secundum sententiam Doctorum Graecorum, qui omnes hoc concorditer sentiunt, quod Angeli sunt ante mundum corporeum creati*. 2. Nulli ex iis Patribus qui ante Concilium Lateranense IV. floruerunt, quæstionem de qua agitur, ad fidem Catholicam retulerunt: imò expressè (ut patet ex Augustino lib. unico de Genesi ad litteram cap. 3.) inter opiniones dubias collocarunt. 3. Post

Con-

Concilium Lateranense IV. hæc habet S. Thomas 1. part. q. 61. art. 3. in corp. *Non est igitur probabile, quod Deus creaturam Angelicam seorsim antè omnes alias creaturas creaverit: quamvis contrarium non sit reputandum erroneum.* 4. Estius hæc habet de sensu Concilii Lateranensis in quo asseritur, Deum simul ab initio temporis utramque de nihilo condidisse creaturam: *Verùm laudati Patres id non proposuerunt tamquam fidei articulum, sed tantùm tamquam probabiliorem opinionem.*

8. Q. Quo in statu creati fuerunt Angeli?

R. Creati sunt 1. beati beatitudine naturali, quæ scilicet omnem miseriam excluderet: *Diabolus & Angeli ejus* (inquit Augustinus in libro de corrept. & grat. cap. 10.) *beati erant antequam caderent.* Creati sunt. 2. in statu gratiæ sanctificantis: *Quia* (ut ait Augustinus libro 12. de Civit. Dei) *sine bona voluntate* (quæ quidem non aliud est, quàm charitas) *nunquam sanctos Angelos fuisse credendum est.* 3. Primo suæ creationis instanti acceperunt gratiam actualem, non qua perseverarent, seu quæ ipsos ad perseverandum determinaret, sed qua perseverare poterant, hoc est, qua ad perseverandum uti poterant. *Si autem* (inquit Augustinus in libro de corrept. & gratia cap. 1.) *hoc adiutorium Angelo vel homini, cum primùm facti sunt, defuisset, non utique sua culpa cecidissent.*

Obj. Angeli sancti, dum adhuc erant in via, non erant certi, quod Deus eis daturus esset donum quo indigebant ad perseverandum, & quod acceperunt postea: ergo tunc immunes non erant à qualibet miseria: nimirùm incertitudo de perseverantia finali non levis est miseria.

R. Antecedens est de non supponente: nempe supponit SS. Angelos indiguisse ad actu perseverandum dono aliquo, quod eos ad perseverandum determinaret, quod falsum est: ipsis enim satis erat liberum

arbitrium cum auxilio veniali, & cum solo eo auxilio cuius determinatio subiacebat eorum voluntati, re ipsa perseverarunt, ut passim Augustinus docet in libris de correptione & gratia, de prædestinatione Sanctorum, & de dono perseverantiæ.

Obj. 2. Augustinus asserit, Deum in Angelis ostendere voluisse quid sine Dei gratia posset liberum creaturæ innocentis arbitrium: *Credimus* (ait in libro de correptione & gratia cap. 10.) *Deum sic ordinasse Angelorum & hominum voluntatem, ut in ea prius ostenderet, quid posset eorum liberum arbitrium, deinde quid posset suæ gratiæ beneficium, iustitiæque iudicium*: ergo gratia actualis S. Angelis data non fuit statim post eorum creationem.

R. Dist. ant. Quid absque gratia per se efficaci posset Angelorum arbitrium, conc. ant. absque gratia ex se non efficaci, nego ant. *Tale quippe erat* (ait Augustinus lib. de correptione & gratia cap. 11.) *adjutorium, quod defereret cum vellet, & in quo permaneret si vellet, non quo fieret ut vellet.*

§. I I.

De Angelorum proprietatibus.

1. Quest. Quænam sunt Angelorum proprietates?
R. Cognitio, Amor, Locus, Motus, Locutio, Missio.

2. Q. Quænam sunt res quas Angeli naturaliter cognoscunt?

R. Cognoscunt res omnes necessarias, quæ sunt ordinis naturalis: cum iis enim proportionem habent, & aliunde perfectè norunt modos omnes, qui cum causis necessariam habent connexionem.

3. Q. Angeli cognoscuntne naturaliter occultas cordium cogitationes, & futura libera?

R. Non cognoscant, saltem certò, Earum enim

rerum cognitio tamquam Deo soli proprius character in Scripturis laudatur: *Ego Dominus* (ait Deus ipse Jeremiæ 17.) *scrutans cor, & probans renes.* Apud Isaiam cap. 14. hæc habentur: *Annuntiate quæ ventura sunt in futurum, & sciemus, quia Dii estis vos.*

4. Q. Estne Amor in Angelis?

R. Est: scilicet se habet Amor in creatura rationali, sicut pondus in corpore: *Amor meus* (inquit Augustinus) *pondus meum: ed feror, quocumque feror.* ergo sicut in quolibet corpore est pondus; ita & in qualibet libera voluntate est amor. Qui autem amor in Angelis dominatur, est amor in Deum, cum sit amor rectè ordinatus; & aliunde ordo postulet, ut Deus præ creaturis diligatur.

5. Q. Amor Dei ut authoris naturæ fuitne naturalis in Angelis viatoribus?

R. Naturalis fuit ex parte objecti: hoc est, habuit objectum quod non erat, eo saltem in capite, ordinis supernaturalis: non fuit verò naturalis quoad principium, quia elicitus non fuit sine illo gratiæ auxilio, quod S. Augustinus vocat adiutorium *sine quo.*

6. Q. Angelorum amor estne naturaliter immutabilis, hoc est Angelus potestne mutare voluntatem?

R. Potest: Nam 1. rationes propter quas Angelus eligit aliquod objectum, quod poterat non eligere, remanent in intellectu, etiam eius electione facta; ergo eum movere possunt ad non amandum idem objectum, quemadmodum eum ante electionem ad ipsum non eligendum determinare poterant. 2. Patres, cum agunt de dæmonum voluntate perseverante in peccati amore, ejusmodi amorem eorum naturæ à Deo desertæ tribuunt; cum verò agunt de SS. constante virtutis amore, eum quoque non adscribunt immutabili ex natura eorum voluntati, sed divini auxilii viribus efficacissimis. *Ut magna* (inquit

quit Augustinus in libro de corrept. & gratia cap. 10.) *per Spiritum sanctum data abundantia charitatis Dei, cadere ulterius omnino non possent, & hoc de se certissime nossent.*

7. Q. Angeli suntne in loco?

R. Sunt, quia in eo operantur. Triplex est autem Angelorum locus: nonnulli sunt in inferis, alii in cœlo, alii verd in aere: juxta illud Apostoli ad Ephesios 2. *Secundum principem potestatis aeris huius.*

8. Q. Quomodo Angeli sunt in loco?

R. Non sunt *circumscriptive*: quia, cum non habeant corpora, non respondent quantitati, seu extensioni spatii in quo existunt: sed sunt *definitive*: ita enim aliquo in loco existunt, ut eorum substantia non sit alibi.

9. Q. Quenam est forma, per quam Angeli sunt in loco?

R. Non est eorum essentia: eorum nimirum essentia, est per se indifferens ad existendum alicubi: unde abstrahit ab omni loco. Dicendum est igitur probabiliorē esse sententiam Doctoris Angelici contendētis Angelos *formaliter* constitui in loco per operationem ad extrā. Ratio est quia Spiritus (ut diximus agentes de Dei immensitate) non per aliam formam sunt in loco, quā per contactum loci: ille autem contactus non est contactus quantitatis, cum Angeli sint illius expertes: ergo est contactus virtutis; ac proinde actionis ad extrā. Hincque sequitur Angelum non esse *formaliter* in eo loco, ubi nihil extrinsecum operatur.

10. Q. Angeli moventurne localiter?

R. Moventur: nempè Scripturæ tribuunt eis ascensum ad cœlos, & ex eis descensum: ascensus autem & descensus præbent ideam motus localis, per quem tamen variis partibus spatii non respondeant, ut dictum est superius.

11. Q. Angeli colloquanturne inter se?

R. Cole

R. Colluquantur juxta illud Isaïæ 6. *Seraphim clamabant alter ad alterum*. Præterea sanctam quamdam societatem inter se invicem efficiunt; societas autem non est, nisi per mutuam idearum manifestationem: quæ quidem oritur ex eo quodd Deus, ad nutum Angeli, illius ideam aperiat ei ad quem ab Angelo dirigitur.

12. Q. Angelis convenit ne aliqua Missio?

R. Convenit: quia ex Dei imperio aliquos effectus ad extrâ producunt: unde Exodi. 33. sic Deus Moyfi loquitur: *Mittam præcursores tuos, Angelum*. Mittuntur verd ex omnibus Ordinibus & Hierarchiis juxta illud Apostoli ad Hebræos 1. *Nonne omnes sunt administratorii Spiritus in ministerium missi, propter eos qui hereditatem capiunt salutis*.

13. Q. Quilibet homo habetne Angelum custodem?

R. 1. Quilibet fidelis habet. In illud enim de parvulis Matthæi 18. *Angeli eorum semper vident faciem Patris mei, qui in cælis est*, Chrysostomus sic loquitur: *Hic manifestum est, quia omnes sancti Angelos habeant*. Hæc etiam Basiliius scribit in Psalm. 48. *Cuilibet fidelium est Angelus assistens*. Articulus tamen ille ad fidem Catholicam non pertinet: quia nullibi expressè definitus fuit ab Ecclesia. Id autem non impedit, quin temeritatis notam incurrat in qui eundem articulum negare ausus sit: quia (inquit Eitius) Scripturæ valde consentaneus est, & Patrum sententiis maximè celebratus.

R. 2. Probabilis est opinio, quæ cuilibet homini etiam infideli custodem Angelum adscribit. Nam ita censet Hieronymus in Matthæi caput 8. *Magna (inquit) dignatio animarum, ut unaquaque habeat ab ortu suæ nativitatis, in custodiam sui, Angelum deputatum*. 2. Idem innuit Bernardus lib. 5. de Considerat. cap. 4. *Putamus (ait) Angelos dici, qui singulis hominibus dati creduntur*. Reprobis ta-

men

men hominibus propter ipsos præcisè, non datur Angelus custos, sed præcipuè propter electos, quibus reproborum opera ad hujus vitæ sustentationem necessaria sunt: *Propter eos* (inquit Apostolus) *quibus hereditatem capiunt salutis.*

R. 3. Non est improbable cuique Regno, Provinciæ, imò & Civitati deputatum esse Angelum custodem. Nam 1. Danielis 10. fit mentio Angeli qui præerat Regno Persarum, & alterius qui præerat Regno Græcorum. 2. Theodoretus quæstione tertia in Genesim sic loquitur: *Cuique genti Angelum præesse, affirmat Scriptura.*

14. Q. Quilibet homo habetne Angelum malum, a quo, aut ad peccatum provocetur, aut a quo in naturæ, fortunæque rebus detrimentum nonnumquam patiatur?

R. Non habet: nam 1. reprobi suæ concupiscentiæ pondere libenter dæmoni serviunt, nec opus est, ut adsit semper Diabolus qui ad peccatum eos provocet. 2. Omnes dæmones maximè proclives sunt, ut electis noceant: frustra igitur deputatus fuisset cui id commissum esset officii. 3. Licet Origenes, Cassianus, & post illos authores Magister Sententiarum, cuique homini Angelum malum assistere docuerint; alii tamen Patres contrarium asseruere.

15. Q. Angeli sancti merueruntne aliquid?

R. Meruerunt augmentum gratiæ sanctificantis, & præterea vitam æternam: *Angeli sancti* (inquit Augustinus in libro de correptione & gratia cap. 12.) *cadentibus aliis per liberum arbitrium, per idem liberum arbitrium* (adjutum auxilio versatili) *steterunt ipsi, & hujus mansionis debitam mercedem recipere meruerunt, tantam scilicet beatitudinis plenitudinem, qua eis certissimum sit, semper se in illa mansuros.*

16. Q. Ignorantia mentis, & passio cordis fueruntne

runtne

suntne origo primi peccati Angelorum?

R. Non fuerunt, quia locum non habuerunt in Angelis ante peccatum: sunt enim miseriæ quæ nonnisi peccatoribus inflictæ sunt: cum sub Deo iusto (ait Augustinus) nemo sit miser, nisi mereatur. Dicendum est igitur, Angelorum voluntatem fuisse unicam peccati in quod lapsi sunt, originem, juxta illud Augustini: *Cadentibus aliis per liberorum arbitrium, &c.*

17. Q. Quodnam est in specie primum Angelorum peccatum?

R. Superbia: siquidem 1. in ipsa (ait Spiritus Sanctus Tobie 4.) *initium sumpsit omnis perditio*. 2. Primum Angelorum peccatum fuit inordinatus amor propriæ excellentiæ: hæc enim (ait Angelus nequam Isaie 14. sub figura Regis Babyloniorum) *Ascendam in cælum & ero similis Altissimo*. Atqui inordinatus amor propriæ excellentiæ est superbia: ergo, &c.

18. Q. Quinam sunt Angelorum effectus externi?

R. 1. Nonnumquam in corporibus assumptis hominibus apparent. 2. Applicando activa passivis dæmones (Augustino teste lib. 15. de Civit. Dei cap. 23.) possunt producere animalia, quæ sine generatione strictè sumpta, ex aliis corporibus nascuntur, ut sunt ranæ, muscæ, mures, vermes. 3. Si à Deo non impediuntur, possunt hominum sensibus illudere, excitare tempestates in aere, nocere fructibus: hincque colligitur, quàm piè se gerat Ecclesia, cum adhibitis precibus, aerem, flumina, terræ fructus benedicit. Diaboli tamen patrare non possunt vera miracula, quia Deus permittere non potest, ut vera miracula fiant in erroris alicujus confirmationem.

Obj. 1. Exod. 7. Malefici Pharaonis verterunt virgas suas in dracones, & aquam in sanguinem eduxeruntque, sicut Moyses, ranas ex fluviiis.

R. I.

R. 1. Mutationes illæ non fuerunt reales, sed apparentes tantum, nimirum dæmones tunc arte sua hominum sensibus illuserunt. Ita docet Tertullianus lib. de anima cap. 17. R. 2. Dato quod illæ mutationes fuerint veræ ac reales, ut docet Augustinus quæstione 21. in Exodum, non superarunt naturales dæmonis vires: quia (ut scribit idem August. lib. 3. de Trinitate cap. 83.) passivis applicando activa, Diabolus potest corpora quædam immutare, quæ per generationem strictè sumptam, non producantur.

Obj. 2. Ex capite 46. Ecclesiastici, Samuel per Pythonissæ incantationes, Sauli Regi, post mortem apparuit & locutus est: ergo, &c.

R. Ea Samuelis suscitatio fuit apparens tantum, non autem vera. Ita docet Augustinus libro 2. ad Simplicianum cap. 3. Præterea dici potest cum eodem Augustino illud miraculum opera Diaboli patratum non fuisse, sed potius una Dei virtute: idque factum est in pœnam sceleris, cujus Saul Pythonissam adeundo, reum se constituit.

19. Q. Quot sunt Angelorum Ordines?

R. Novem, scilicet sunt Seraphini, Cherubini, Archangeli, Angeli, Principatus, Virtutes, Potestates Throni, & Dominationes. Septem meminit Paulus in suis Epistolis, quibus conjungendi sunt Seraphini, & Cherubini, quos Isaias, & Daniel recensent.

20. Q. Quot sunt Hierarchiæ Angelorum?

R. Tres à Dionysio recensentur in libro de cœlesti Hierarchia cap. 6. In primam Hierarchiam refert Seraphinos, Cherubinos, Thronos: In alteram, Dominationes, Virtutes, Potestates: in tertiam denique, Principatus, Archangelos, Angelos.

21. Q. Quid Dionysius Hierarchiæ nomine intellexit?

R. Non aliud quàm certum Angelorum numerum, qui sibi invicem, ac uni tamquam principi in ordine ad cœlestes actiones subordinantur; hoc est, sibi

sibi invicem in scientia , potestate & actione subi-
ciuntur .

C A P U T I I I .

De primo Homine .

Nota. I N Adamo qui hominum primus est , per-
pendi possunt illius creatio , vires quas ac-
cepit à creatore , & tandem peccatum cujus per in-
obedientiam factus est reus.

1. Q. Quenam sunt hominis partes ?

R. Corpus & anima : utriusque nimirum Scriptur-
a meminit Geneseos cap. 2.

2. Q. Cur Deus ex limo effinxit primi hominis
corpus ?

R. Ut (inquit Augustinus lib. 2. de Genesi ad lit-
teram , cap. 7.) hominis immortalitas non naturæ ,
sed gratiæ tribueretur .

3. Q. Cur Scriptura loquens de homine , dicit ,
Deum formasse illius corpus ex limo , animam verò
inspirasse in faciem ejus.

R. Ut (ait Augustinus lib. 7. de Genesi ad litte-
ram , cap. 18.) doceremur corpus ex præsupposita
materia eductum fuisse , animam verò ex nihilo
fuisse creatam .

4. Q. Quandonam Eva , quæ prima est mulier ,
producta fuit ?

R. Immediate post Adami formationem Eva pro-
ducta fuit : *Masculum* (inquit Moyfes Genesis 1.)
& *feminam fecit illos* . Nec obstat , quòd Geneseos
2. mulieris formatio postea recenseatur : quæ enim
ibi de Eva dicuntur , sunt explicatio eorum quæ ge-
neratim tantum capite 1. jam dicta fuerant .

5. Q. Ex qua materia formatum fuit Evæ cor-
pus ?

R. Factum fuit 1. de vixio suo Adamo : 2. de viro
dici

Dormiente: 3. de latere viri: 4. de costa ejus. 5. pro costa ex Adami corpore detracta, substituta fuit caro. Ex nimirum circumstantiæ recensentur Genesis 2. easque explicat Augustinus libro 12. de Civitate Dei cap. 33. necnon tractatu 9. in Ioannem, ubi sic loquitur: Dormit Adam ut fiat Eva; moritur Christus, ut fiat Ecclesia. Dormienti Ada fit Eva de latere; mortuo Christo lancea percutitur latus, ut profluant Sacramenta, quibus formetur Ecclesia.

6. Q. Adamus, & Eva ubinam creati sunt?

R. Extrà Paradisum voluptatis; sed in eum non multò post translati sunt, Genesis 2. cum ut illum colerent *per agriculturam* (inquit Augustinus lib. 8. de Genesi ad litteram cap. 10.) *non laboriosam, sed delitiosam*: tum etiam, ut illum custodirent *sibi ipsi*, (ait idem S. Doctor) *ne aliquid admitterent, quare inde mererentur expelli*. Si quis verò quærat in qua Orbis Regione constitutus esset, Paradisus voluptatis, respondendum erit illud Augustini libro 8. de Genesi ad litteram cap. 8. *Melius est dubitare de occultis, quam litigare de incertis.*

7. Q. Adamus creatusne fuit in statu gratiæ sanctificantis?

R. Creatus fuit: *Erat* (inquit Augustinus) *simul condens naturam, & largiens gratiam*. Confirmatur ex Scriptura quæ sic loquitur Eccle. c. 7. *Fecit Deus hominem rectum*, hincque sic ratiocinatur Augustinus libro 4. de Civitate Dei cap. 11. *Ac per hoc voluntatis bona: non enim rectus esset, bonam non habens voluntatem: bona igitur voluntas est opus Dei: quid verò sit bona voluntas, idem S. Doctor aperit in libro de gratia Christi cap. 1. Quasi verò aliud sit bona voluntas, quam charitas, quam Scriptura nobis esse clamat ex Deo.*

8. Q. Quænam fuerunt dotes intellectus Adam innocentis?

R. Naturalis rerum omnium scientia ei à Deo infusa

fusa fuit : tum quòd Adamus rebus nomen conveniens imposuerit ; tum quòd constitutus fuerit princeps , qui rebus omnibus præsideret .

9. Q. Error habuitne locum in Adamo innocente ?

R. Non habuit : quia error est miseria , ac proinde peccati est pœna : unde Augustinus in lib. 3. de libero arbitrio cap. 18. meritò sic loquitur : *Approbare falsa pro veris , ut erret incitus , non est naturæ instituti hominis , sed pœna damnati.*

Obj. 1. Prima mulier adhuc innocens , decepta fuit : *Serpens* (inquit ipsa , Genes. cap. 3.) *decepit me , & comedi* : ergo , &c.

R. Nego ant. scilicet (Augustino teste libro 12. de Genesi ad litteram cap. 3.) errorem illum præcesserat non quidem peccatum operis , sed cordis , internæ nimirum elationis .

Obj. 2. Adam ideo de fructu vetito comedit : quia credidit his Serpentis verbis : *Eritis sicut dii scientes bonum & malum* : ergo , &c.

R. Nego ant. Nam 1. *Adam* (ait Apostolus 1. ad Tim. 2.) *non est seductus ; mulier autem seducta est* . 2. Adam nec Serpenti , nec Evæ credidit , sed (ut ait Augustinus in libro 14. de Civitate Dei) sola sociali necessitudine , uxoris adhæsit desiderio .

10. Q. Quenam fuerunt dotes voluntatis hominis innocentis ?

R. Primò , in ea locum non habuerunt passiones quæ respiciunt malum pœnæ : timor nimirum , & dolor : *Quid enim* (ait Augustinus libro 14. de Civitate Dei . cap. 10.) *timere poterant primi homines in tantorum affluentia bonorum , ubi nec mors metuebatur , nec ulla mala valetudo , nec dolor : quandoquidem nihil inerat , quod carnem , animumve hominis feliciter viventis offendere ?* Aliæ verò passiones quæ sunt ad bonum , amor scilicet & gaudium , desiderium boni absentis , sed habendi suo

tempore, inerat hominis innocentis voluntati: sed ita tamen, ut rationem nec praevenirent, nec perturbarent.

10. Q. Aliquis concupiscentiæ, hoc est, propensionis ad malum, motus habuitne locum in primis parentibus innocentibus?

R. Non habuit locum: tum quia ille motus esse non potuisset aut sine peccato, aut sine bello: tum etiam quia id olim contra Pelagianos Ecclesia Catholica definiit: tum denique quod Concilium Tridentinum sess. 5. can. 5. expressè declaraverit concupiscentiam ex peccato esse, & ad peccatum inclinare.

11. Q. Quænam fuerunt dotes corporis hominis innocentis?

R. 1. Immortalitas: mors enim est pœna peccati. *Per unum hominem* (ait Apostolus ad Romanos 5.) *peccatum in hunc mundum intravit, & per peccatum mors*. Hinc meritò Palæstina Synodus damnavit hanc Pelagii propositionem: *Adam mortalem factum, qui sive peccaret, sive non peccaret moriturus esset*.

Obj. 1. Augustinus in libro 1. de peccatorum meritis cap. 3. scribit, Adamum ante peccatum fuisse mortalem: ergo, &c.

R. Dist. ant. fuisse mortalem; hoc est mori potuisse conc. ant. mori debuisse, nego ant. *Poterat mori* (ait Augustinus libro 1. contra Julianum operis imperfecti) *poterat namque peccare*: unde inter hominem innocentem, & hominem reum, discrimen est quod ille poterat mori, hic verò mori debeat; discrimen ab homine beato, quod beatus etiam nec possit mori: *Prima immortalitas* (ait Augustinus libro de corrept. & gratia cap. 12.) *erat posse non mori*: Navissima, beatorum, erit multò major non posse mori.

Obj. 2. Consequisset tandem hominis innocentis

corpus : ergo tandem defecisset .

R. Nego ant. & conseq. Aderat nimirum cibus in arbore vitæ , per quem Adamus corpus proprium in juventutis flore ac robore conservaturus fuisset: *Habebat* (inquit Augustinus in libro 1. de peccatorum meritis) *quantum existimo , & de lignorum fructibus resurrectionem contra deflectionem , & de ligno vitæ stabilitatem contra vetustatem.*

12. Q. Si primi parentes in innocentia stetissent, genuissentne liberos ?

R. Genuissent : sed sine libidine ; quia actus conjugalis libido , cum usum rationis præveniat , eumque tunc penitus absorbeat , magna est miseria , ac proinde ante peccatum locum non habuit.

13. Q. Adamus innocens potuitne peccare ?

R. Potuit , cum (Scriptura teste) reipsa peccaverit : nec mirum , cum enim eductus fuisset ex nihilo , in nihilum per peccatum relabi poterat ; possent & ob eandem rationem beati , nisi id in eis Dei singulare beneficium impediret : juxta illud Augustini libro 3. contra Maximinum cap. 12. *Cuiusque creatura rationali præstatur , ut peccare non possit , non est hoc naturæ propriæ , sed Dei gratiæ.*

15. Q. Cur Deus per suam gratiam primum hominem non reddidit impeccabilem ?

R. Quod docuerit , ut homo mereretur impeccabilitatem tanquam meritorum suorum præmium : nec par fuit ut tempora prævenirentur , seu , ut quod pro plenissima beatitudine servabatur , homini concederetur in prima sui institutione.

16. Q. Cur , homo talis factus non est , qui licet peccare posset reipsa tamen & actu , peccare nollet ?

R. Id factum est , quod auxilium , **QUO** , ægræ tantum ac infirmæ naturæ non autem sanæ ac integræ conveniret : seu naturæ innocenti & sanæ satis erat auxilium **SINE QUO** poterat non peccare , nec opus erat ei auxilio quo reipsa peccare nollet. Ita ratioci-

natur Augustinus in libro de correptione & gratia cap. 12.

17. Q. Cur Deus primum hominem fecit, quem sciebat peccaturum?

R. Augustinus libro 11. de Genesi ad litteram cap. 4. id refert ad inscrutabilia Dei judicia. Dicit tamen potest præterea, Dei præscientiam non debuisse obscurare illius tùm sapientiam, tùm bonitatem quæ in Verbi incarnatione maxime commendatæ sunt.

18. Q. Quodnam in specie fuit primum Adami & Evæ peccatum?

R. Superbia: independentiâ nimirum, si foret possibilis: unde Augustinus in Psalmum 118. sic loquitur: *Primi homines per serpentem decepti, & dejecti non fuissent, nisi plusquam acceperant, habere, & plusquam facti fuerant, esse voluissent.*

Obj. Augustinus lib. 2. de Genesi ad litteram cap. 2. docet, inordinatum uxoris amorem, præcessisse Adami inobedientiâ; ergo & quodlibet aliud peccatum.

R. Augustinus loquitur de inobedientiâ externa, non autem de interna: *Nisi autem* (ait idem sanctus Doctor libro 15. de Civit. Dei cap. 13.) *ad sibi placendum averteretur à superiori immutabili bono, non Dei mandato, uxoris præponeret voluntatem.*

19. Q. Quibus gradibus Eva cecidit?

R. 1. In Eva præcessit suggestio serpentis: *Eritis sicut Dii, scientes bonum & malum.* 2. Eva serpentis promissionem voluit animo, ad eamque sponte delata est. 3. Appetiit id in quo præter ordinem reatum, sibi complacuerat, similitudinem nimirum cum Deo, si foret possibilis. 4. Eam mentis elationem subsequuta est deceptio: verum enim id credidit quod serpens promiserat, scil. se, si fructum vetitum ederet, fore sui juris. Ita enim Augustinus libro 14. de Genesi ad lit. cap. 30. expressè docet. 5.

Mu-

Mulier consideravit lignum scientiæ boni & mali, viditque bonum ad escam, & decorum aspectu. 5. Porrexerit Adamo fructum de quo gustaverat.

20. Q. Quibus gradibus Adamus cecidit?

R. 1. Ab Eva audiit serpentis promissum: *Eritis sicut Dii, scientes bonum & malum.* 2. Appetiit cum Deo similitudinem, saltem conditionatè, si nimirum foret possibilis. 3. Licet non crederet (sicut mulier crediderat) se per esum vetiti fructus, tantum bonum consecuturum esse; ex eo tamen degustavit, ne contristaret uxorem, ratus suam inobedientiam non fore mortalem, si solo studio indulgendæ uxori suæ Dei præceptum infringeret. Ita ratiocinatur Augustinus lib. 14. de Civit. Dei cap. 11. Nonnulli alii Patres contendunt, Adamum in iis omnibus fuisse seductum, in quibus Eva seducta fuerat: Apostolum verò in eo sensu dicere, eum non fuisse seductum, quodd aut primus, aut à serpente seductus non fuerit.

21. Q. Adami peccatum fuitne gravissimum?

R. Fuit. Idque patet 1. ex fine quem appetiit, seu ut esset sui juris & omnino independens. 2. Ex præcepti facilitate 3. Ex bono ex quo per peccatum ex-cidit. 4. Ex gravitate supplicii, quo Deus in Adami peccatum animadvertit. 5. Ex Dei contemptu qui in ea transgressione reperitur. Ita Augustinus libro 14. de Civit. Dei cap. 15.

22. Q. Quænam sunt pœnæ peccati in quod Adamus innocens incidit?

R. Prima, fuit carnis adversus spiritum concupiscentia. 2. Fuga & elongatio a Deo: 3. Servitus sub peccato: 4. Impotentia operandi bonum supernaturale, nisi intellectus cæcitati, & voluntatis infirmitati gratia Christi medeatur: 5. Ejectio à beatitudine ad hujus vitæ misérias: 6. Mors utraque, prima scilicet & secunda. Prima mors (ait Augustinus animam nolentem pellit ex corpore: secunda

verò mors, animam nolentem tenet in corpore; scilicet damnati mortem invocabunt, & mors ab eis fugiet.

P A R S Q U I N T A

De Deo Incarnato.

Nota. **D**Ei Incarnati nomine intelligitur Compositum quod resultat ex unione naturæ divinæ cum humana, in persona Verbi: illud verò Compositum vocatur Christus, Actio per quam illa unio facta fuit, dicitur *Incarnatio*, quia Dei incarnati mysterium, per carnem manifestum fuit. In eo verò mysterio perpendi possunt Possibilitas, Existentia, Necessitas, Motivum, Essentia, & tandem Terminus, qui ex eodem mysterio resultat.

C A P U T P R I M U M.

De Possibilitate Incarnationis.

1. *Quæst.* **P**ossibilitas Incarnationis potestne ratione naturali contra Gentiles demonstrari?

R. Non potest: id enim nec à priori, nec à posteriori potest fieri, scilicet Incarnatio nec causam, nec effectum habet in rebus naturalibus, quibus demonstrari possit.

2. *Q.* Gentiles possuntne demonstrare Incarnationem esse impossibilem?

R. Non possunt: quia probare non possunt Incarnationem involvere contradictionem aliquam.

Obj. 1. Impossibile est, ut Deus mutetur: id tamen

men foret possibile, si Incarnatio esset possibilis: Deus enim aliquid de novo possit acquirere, humanam nimirum naturam, & realem novam denominationem, scilicet ex non homine, realiter denominaretur homo.

R. Ad 1. Dist. ant. Deus posset aliquid de novo acquirere per sui communicationem, Verbi nimirum personæ, quam humanæ naturæ communicaret conc. ant. Per rei alicujus receptionem in se tanquam in subjecto, nego ant. Ad 2. dist. pariter ant. Deus ex non unito, fieret unitus per formam quæ reciperetur in termino unionis, scilicet in humana natura, conc. ant. per formam quæ in Deo tanquam in subjecto reciperetur, nego ant.

Obj. 2. Natura humana non potest propria subsistentia spoliari; quia subsistentia est realiter idem cum humana natura: ergo nec potest uniri personæ Verbi: quia res eadem non potest duplicem habere subsistentiam, seu personam.

R. Dist. ant. Subsistentia est idem cum humana natura sumpta prout dicit negationem communicabilitatis; hoc est reduplicativè prout est incommunicabilis, seu prout est sui juris, conc. ant. cum natura humana in se & absolutè sumpta, nego ant. At natura humana non uniretur Verbo prout dicit negationem communicationis, hoc est, prout esset sui juris: siquidem per suam cum Verbo unionem desineret esse proprii juris, & inciperet esse juris ipsiusmet Verbi: cum enim duæ res uniuntur (ut patet in corpore & anima) inferior sit juris causæ superioris: ab eo nimirum & movetur, & regitur, & dignitatem accipit. Vide quæ dicentur inferius de persona Christi.

Obj. 3. Supposita possibilitate Incarnationis, Deus posset esse mortalis simul & immortalis; una numero persona posset diversas operationes habere: sed hæc implicant contradictionem: ergo, &c.

R. Dist. min. Sed hæc implicent contradictionem, si considerentur sub eodem respectu, conc. min. si sub diverso, nego min. Deus foret immortalis sub ratione naturæ divinæ, & mortalis ratione humanæ naturæ, cui se conjungeret. Dist. pariter aliam minoris partem: una persona quæ non existit in duabus naturis, non potest habere operationes specie diversas, conc. min. quæ existeret in duabus naturis, nego min.

Obj. 4. Si incarnatio foret possibilis, Deus conciperetur in potentia ad unionem cum natura humana: sed id implicat, cum Deus sit ætus purissimus; hoc est, ætus expers cujuslibet potentiae.

R. Dist. min. Deus expers est cujuslibet potentiae passivæ, quia non potest aliquid in se tanquam in subiecto recipere, conc. min. potentiae activæ; hoc est, potentiae aut agendi aut supplendi effectum aliqujus causæ, nego min. In Incarnatione Deus nihil recipit, sed tantum supplet effectum humanæ subsistentiæ, in quantum eam reddit alteri causæ incommunicabilem, efficiendo ut sit juris Verbi divini.

Obj. 5. Incarnatio superat captum creatæ mentis; ergo non est possibilis.

R. Conc. ant. nego conseq. Scilicet ipsa ratione floceur, Deum, cum sit infinitæ virtutis, multò plura posse, quàm mens creata, ut pote finita, comprehendere valeat.

3. Q. Mens creata potestne, seclusa revelatione, suspicari Incarnationem esse possibilem?

R. Non potest: quia incarnatio est omnino supernaturalis, sive secundum substantiam, sive secundum modum consideretur: cum nihil Incarnatione sive secundum substantiam, sive secundum modum accepta majus excogitari possit.

Obj. 1. Angelus comprehendit humanam naturam: ergo potest cognoscere modos omnes quibus subsistere potest, ac proinde & modum existendi per Verbi personam.

Resp.

Resp. Dist. conseq. Modos omnes naturales, conc. conseq. supernaturales nego conseq. Ad id enim necesse esset, ut Angelus ipsam divinam omnipotentiam comprehenderet; hoc est, ut conciperet modos omnes possibiles, quibus Deus erga creaturam sese gerere potest.

Obj. 2. Angelus potest naturaliter cognoscere id omne quod non involuit contradictionem: ergo & possibilitatem Incarnationis.

Resp. Dist. ant. Si sit ordinis naturalis, conc. ant. si supernaturalis, nego ant. At Incarnatio est hujus, non autem alterius generis.

Obj. 3. Angelus potest naturaliter cognoscere; prius posse existere sine posteriori: ergo potest naturaliter cognoscere naturam humanam posse existere sine propria subsistentia, cum hæc illa posterior sit.

Resp. 1. Dist. ant. Si posterius non sit ita arde conjunctum cum priori, ut subsistentia creata est conjuncta cum humana natura, conc. ant. si sit ita arde conjunctum, nego ant. 2. Dato ant. nego conseq. quia Angelus non posset, etiam in ea suppositione, suspicari Deum posse se ita deprimere, ut suppleat subsistentiæ creatæ effectum, cum id Deus non potuerit, quin (ut ait Apostolus) seipsum exinanierit.

Obj. 4. Ab Angelo naturaliter solvi possunt argumenta, quæ moveri possunt contra possibilitatem Incarnationis: ergo naturaliter potest saltem suspicari eam esse possibilem.

Resp. Dist. ant. Si Incarnatio prius venerit in Angeli mentem, conc. ant. si non venerit, nego ant. At in eam venire non potest, nisi per revelationem.

Obj. 5. Incarnatio est evidenter credibilis: ergo naturaliter cognosci potest illius possibilitas.

Resp. Conc. ant. nego conseq. Ratio est, quia evidentiā credibilitatis petitur ex argumentis, quæ demonstrant esse revelatam: possibilitas è contra ex causis illius intrinsecis. Illa, seu argumenta quæ demon-

monstrant Incarnationem esse à Deo revelatam, patent omnium oculis; istæ verò, seu mysterii causæ intrinsecæ, cum sint omnino supernaturales, latent, seclusa revelatione, quamlibet creatam mentem.

C A P U T I I.

De Existentia Incarnationis.

1. *Quæst.* **E**Xistentia Incarnationis potestne contra Gentiles demonstrari? hoc est, potestne demonstrari, Verbum reverà carnem induisse?

R. Potest: tum quia demonstrari potest vera miracula fuisse patrata ad confirmandam existentiam Incarnationis, ea nimirum quæ in libris novi Testamenti continentur, quorum librorum auctoritatem divinam demonstrant Theologi, agentes de auctoritate Canonitorum librorum: tum quia fides de Incarnationis mysterio, licet multas in specie, hoc est, apparentes contradictiones involvat, totum intra paucos annos sola Imperitorum & rusticorum hominum (ut erant Apostoli) prædicatione totum Orbem subjugavit.

2. *Q.* Existentia Incarnationis potestne contra Judæos demonstrari?

R. Potest: scilicet adversus illos demonstrari potest Messiam in lege promissum venisse, ac proinde Deum actu fuisse incarnatum: Messias enim (ut supponitur ex dicendis) est Deus incarnatus.

3. *Q.* Existentia Incarnationis potestne demonstrari ex prophetia Jacob, quæ Genesis capite 49. legitur?

R. Potest: Nimirum in illa prophetia dicitur quidd venturus sit Messias, ubi sceptrum desierit esse in Juda: *Non auferetur sceptrum de Juda, donec veniat qui mittendus est, & ipse erit expectatio gentium*; atqui jamdiu sceptrum, seu principatus, seu regis.

regimen politicum desiit esse in Juda, sive quoad actum, sive quoad ius, tum ratione præscriptionis, tum quodd, eversa per Titum Jerosolyma, nulla servata sit Tribuum distinctio, nec servari potuerit, cum tabulæ in quas relata erat genealogiarum accurata distinctio, unâ cum Templo concrematae fuerint.

Obj. Nimis probat argumentum quod pro adventu Messiae jam completo, petitur ex prophetia Jacob Genesis 49. Scilicet probat. 1. Messiam jam venisse tempore Captivitatis Babylonicae: tunc enim Sceptrum desiit in Juda: probat 2. saltem post Captivitatem Babylonicam Messiam debuisse venire: ab eo siquidem tempore ad Herodem usque Assamonæ, qui erant ex Tribu Levi, utpote Summi Sacerdotes, præfuerunt politico Judæorum regimini: ergo, &c.

Respond. Nonnulli, per Prophetæ verba, *de Juda*, non intelligi Tribum Juda, prout ab aliis distinguitur; sed per synecdochen, totam intelligi Judaicam gentem: ita ut sensus sit, venturum esse Messiam circa illud tempus quo regimen gentis ad extraneos transferetur: hincque colligunt nasci debuisse Christum Herodis tempore, qui erat alienigena. Addunt aut spatium 70. annorum quibus Babylonica Captivitas perduravit, exiguum esse tempus, quod proinde numerari non debeat; aut stante etiam Captivitate, Judæos Judæi, ex concessione Regum Babyloniorum, præfuisse, illique dixisse ius, ut ex Susannæ historia aperte demonstratur.

Respondent alii, per hoc prophetiæ verbum, *Sceptrum*, non intelligi actuale regimen, sed ius ad illud divina ordinatione contra quam non valet humana præscriptio, Tribui Juda concessum: quod quidem ius perduravit donec acta publica, in quibus distinctio Tribuum & familiarum accuratè servabatur, in excidio Jerosolimitano tum Templi exustione combusta sunt. Addunt, verba hæc, *donec veniat qui mittendus est*, non significare tunc tantum venturum

rum esse Messiam, cum Tribus Juda suo ad regimen jure exciderit, sed significare venturum eum esse circa illud tempus, quo Tribus Juda suo jure spoliari debebit.

4. Q. Existentia Incarnationis potestne demonstrari ex nono capite prophetiæ Danielis?

R. Potest: siquidem demonstrari potest ultimam ex septuaginta hebdomadibus, intra quas Daniel prædixit venturum esse Messiam, reverà elapsam esse; quia contingerunt ea omnia, quæ Propheta prædixerat ventura esse post elapsam hebdomadam ultimam: nempe & urbs Jerosolymitana, & Templum diruta sunt à Vespasiano & Tito Romanis Imperatoribus, sacrificia quoque defuerunt omnino, cum ex legis præscripto in uno Templo quod Jerosolymis erectum erat, ea liceret offerre: *In dimidio hebdomadis (sunt prophetiæ verba) deficiet hostia & sacrificium; & erit in Templo abominatio desolationis, & usque ad consummationem & finem perseverabit desolatio.*

Obj. 1. Dici non potest an Danielis hebdomadæ sint hebdomadæ mensium, an annorum, an jubileorum, an sæculorum, an decenniorum. 2. Dici quoque non potest quandonam hebdomadæ illæ, seu sub quo Persarum rege, cæperint: volunt enim aliqui ducere eas initium à Cyro, alii à Dario; nonnulli ab Artaxerse Longimano: alii denique ab Artaxerse Memorioso: ergo ex prophetia Danielis certò colligi non potest venisse Messiam.

Resp. Dato antecedente (quod tamen falsum est) nego conseq. Difficultates enim quæ in antecedente recensentur, impertinentes sunt ad quæstionem hanc: an Messias reipsa venerit; nempe certum est ultimam ex hebdomadis, de quibus Propheta loquitur, & intra quas prædixerat venturum esse Messiam, reverà & actu elapsam fuisse.

5. Q. Messias qui venit, estne Jesus Nazarenus?

R. Est; tum quia Prophetiæ quæ erant de Messia,

in Jesu Nazareno, & non alio completæ sunt omnes; tum etiam quia Jesus Nazarenus certis ac evidentibus miraculis comprobavit se esse (ut dixerat) Messiam illum quem Prophetæ venturum prædicarant.

6. Q. Incarnatio Verbi debuitne fieri statim post Adami lapsum?

R. Non debuit: qui par fuit ut homines per præcedentia oracula disponderentur ad fidem mysterii, quod est creditu difficillimum: par quoque fuit ut homines multo tempore suam ad bonum agendum imbecillitatem experirentur: indeque cogerentur expectare Messiam à quo vires ad operandum bonum acciperent.

7. Q. Incarnatio peractane fuit convenienti tempore?

R. Peracta fuit: scilicet eo tempore quo Verbum unitum est carni, expletæ erant Prophetiæ quæ Messias adventum prænuntiabant. Nimirum 1. sexagesima nona hebdomada postquam Messias (ex Danielis cap. 9.) nasciturus erat, expleta erat omnino, cum Christus in lucem prodiiit. 2. Jam ab aliquot annis ablatum fuerat sceptrum à Tribu Juda, aut saltem imminabat tempus, circa quod Tribus Juda spolianda erat dato sibi divinitus ad sceptrum jure. 3. Romanum Imperium, hoc est, quartum illud regnum quod ex Danielis 3. cap. tria priora, Caldaicum nempe, Persicum, & Græcum, domare debebat ac conterere, & cui regnum Messias, ex eodem Propheta, immediatè succedere debebat, aut saltem intra quod Messias ex eodem Propheta nasciturus erat, jam à multis annis eminebat in Orbe, cum Verbum caro factum est: ergo Incarnatio convenienti tempore peracta fuit.

8. Q. Angeli sancti cognoveruntne existentiam Incarnationis; hoc est, cognoveruntne ante Christi mortem peractum fuisse Incarnationis mysterium?

R. Cognoverunt. Nam 1. Gabriel Archangelus illud

illud Mariæ nuntiavit Luc. 1. *Eccè concipies & paries filium.* 2. Pastores ipsum docti sunt ab Angelis. 3. Evangelia fidem faciunt, sanctos Angelos Christo dum viveret, sæpius ministrasse.

9. Q. Angeli apostatæ cognoveruntne certò ante Christi mortem, peractum fuisse mysterium Incarnationis?

R. Non cognoverunt certò. Nam 1. non cognoverunt Christum ex Virgine natum fuisse: idèd enim, ne id scirent, Christus ex desponsata nasci voluit. 2. Si id scivissent, nusquam authores fuissent Judæis, ut Jesum agerent in crucem: quippe ex Prophetarum oraculis noverant, se per Mesiæ mortem spoliandos esse suo in homines imperio.

Obj. Ex Evangeliiis constat 1. Jesum Nazarenum à Diabolis sæpè vocatum fuisse Dei Filium. Constat. 2. Diabolos non semel à Christo prohibitos fuisse, ne illum palàm confiterentur. 3. De Diabolis hæc habentur Lucæ 1. *Sciebant ipsum esse Christum:* ergo cognoverunt peractum Incarnationis mysterium.

Resp. Conc. ant. dist. conseq. Cognoverunt cognitione dubia, conc. conseq. cognitione certà, nego conf. Scilicet erant argumenta quibus in eam suspicionem adducerentur: unde meritò sic Hieronymus allatos ex Evangelio textus loquitur: *Demonos suspicari magis Filium Dei, quàm nosse intelligendi sunt.*

C A P U T III.

De Necessitate Incarnationis.

Nota. **N**ecessitas duplex est, stricta nimirum & lata. Prima dicitur de eo quod aliter esse non potest: altera autem de eo quod non convenit aliter esse, quamvis simpliciter loquendo, aliter esse possit. Necessitas stricta subdividitur in absolutam, quæ

quæ nimirum est independens à quacumque suppositione, seu conditione; & in hypotheticam, quæ præsupponit aliquam conditionem.

Q. Incarnatio fuitne simpliciter & absolutè necessaria?

R. Non fuit; quia Verbum potuit non incarnari; Deus enim, cum ex se sit perfectè beatus, est prorsus liber ac indifferens circa opera quæ sunt ad extrinsecum, ut est Incarnatio.

Obj. 1. Deus sibi vult necessariò bonum perfectissimum; ergo & Incarnationem.

R. Dist. ant. bonum intrinsecum, ut sunt attributa divina, conc. ant. extrinsecum, nego ant. illius, non autem illius generis est Incarnatio; quia ad Dei beatitudinem nihil omninò confert.

Obj. 2. Ex Augustino libro 1. contra Adversarium legis & Prophet. capite 14. Deus vult necessariò bonum, etiam extrinsecum, quod melius est; ergo & incarnationem; cum melior sit, quam non Incarnatio.

R. Dist. ant. melius bonum, hoc est, quod malitia & imprudentia vacuum sit, conc. ant. melius alio sensu, nego ant. Augustinus eo loco arguit Manichæos, qui contendebant unum esse Deum, qui maiorum author esset; alterum verò, bonorum.

Obj. 3. Patres Concilii Francofordientis sic loquuntur: *Credimus Deum omnia velle, quæ meliora sunt*; ergo, &c.

R. Dist. ant. quæ meliora sunt comparative; hoc est, aptiora ad finem, quem Deus sibi proponit, conc. ant. quæ meliora sunt absolutè, nego ant.

Q. Incarnatio fuitne absolutè necessaria, saltem supposito peccato?

R. Non fuit; quia Scriptura non necessitati, sed charitati, etiam supposito peccato, Incarnationem ad scribit; Sic Deus (inquit Joannis 4.) *dilexit Mundum, ut Filium suum Unigenitum daret.*

Obj. Si supposito peccato, Deus non fuisset incarnatus;

hiatus ; aut ars Diaboli qui hominem rapuerat , prævaluisset arti divinæ , per quam homo ad beatitudinem conditus fuerat ; aut peccatum remansisset impunitum : sed hæc absurda sunt , ergo , &c.

R. Nego ant. In perpetua nimirum hominis rei damnatione eluxisset Dei iustitia ; & in condonatione peccati minimè per pœnas castigati misericordia commendata fuisset .

3. Q. Incarnatio fuitne simpliciter necessaria ex suppositione decreti liberandi homines per imperfectam redemptionem ?

R. Non fuit : quia in ea suppositione , mera creatura potuisset imperfectè pro peccato satisfacere , nimirum per actus elicitos ex gratiæ auxilio , quod quidem Deus illi gratuitè concessisset : neque enim ad imperfectam satisfactionem requiritur æqualitas inter personam satisfaciendam & personam læsam .

Obj. Patres non semel asserunt , uno Dei incarnati sanguine hominem redimi potuisse , ergo , &c.

R. Dist. ant. Supposito decreto de redemptione per satisfactionem perfectam , conc. ant. per imperfectam , nego ant.

4. Q. Incarnatio fuitne absolutè necessaria ex suppositione decreti de hominis redemptione per condignam ac perfectam satisfactionem ?

R. Fuit qui ad perfectam & condignam satisfactionem requiritur , ut inter personam læsam & personam satisfaciendam sit æqualitas perfecta : quemadmodum enim gravitas offensæ petitur ex dignitate personæ læsæ , ita & meritum satisfactionis desumitur ex dignitate personæ satisfaciendæ : atqui si in Incarnatione non fuisset æqualitas inter personam satisfaciendam & personam læsam : nimirum Persona læsa est Deus ipse infinitæ sanctitatis , & aliundè quæcumque creatura , semper est finitæ sanctitatis : ergo necessaria fuit satisfactio per Deum in
carna-

Incarnatum; solus enim Deus Deo æqualis est.

Obj. 1. Malitia peccati non est infinita: ergo creatura simplex potest pro ea satisfacere. Probat^{ur} ant. Si esset infinita, id oriretur ex eo quodd læderet personam infinitam: atqui illa ratio nulla est; alioquin enim infinita esset peccati venialis malitia; quod est absurdum.

Resp. Ad 1. dato & non concessio antecedente, nego conseq. quia etiamsi malitia peccati supponatur finita, tam gravis tamen est in peccato mortali, ut creaturæ simplicis satisfactio ei minimè possit æquari, quia ad satisfactionem condignam & æqualem satis non est, debitum, quod phylicè æquale sit, reddere; sed præterea requiritur proportio inter personam satisfaciendam & personam læsam; neque enim rusticus, quantumcumque se deprimat, potest condignè satisfacere pro alapa quam Principi impigillet.

Obj. 2. Homo iustus adjutus gratia posset vitam æternam de condigno mereri: ergo potest quoque condignè satisfacere.

Resp. Conc. ant. nego conseq. quia ad meritum non attenditur dignitas personæ, modò per gratiam habitualement sanctificata sit, sed solum illius opus; si enim rustico & nobili præmium proponatur, non minùs rustico, quàm nobili debebitur, si præscriptum opus adimpleverit; è contra in satisfactione præter proportionem operis cum injuria illata, requiritur proportio personæ satisfaciendæ cum persona læsa.

Obj. 3. Homo iustus condignè satisfacit pro pœna temporali debita peccato jam quoad culpam dimisso; ergo satisfacere quoque potest pro illata Deo injuria.

Resp. Conc. ant. nego conseq., quia satisfactio pro pœna temporali, in hoc rerum statu fit præsertim ex Christi meritis: è contra satisfactio in casu de

quo est quæstio, fieret independenter à meritis personæ infinitæ.

5. Q. Incarnatio fuitne necessaria necessitate latè sumpta, hoc est, necessitate quæ dicitur necessitas Conventientiæ?

R. Fuit; quia maximè conveniens fuit, ut homo redimeretur per perfectam iustitiam: at res ita evenit per Incarnationem; nimirum satisfactio quæ a Christo fuit exhibita, propter dignitatem infinitam satisfacientis, æqualis est injuriæ quæ per Adami peccatum illata fuerat infinitæ personæ.

Obj. Redemptio quæ per meram peccati condonationem facta fuisset, magis commendasset Dei misericordiam, quàm quæ facta fuit per iustitiam: ergo, &c.

R. Dist. ant. magis commendasset Dei misericordiam in Christi humanitatem, conc. ant. in reliquum humanum genus, nego ant. Scilicet Deus in Christum sæviendo, maxime sese misericordem & liberalem erga homines præbuit: Sic enim (ait Scriptura Joap. 4.) *Deus dilexit Mundum, ut Filium suum Unigenitum daret.*

6. Q. Præcipua Dei attributa commendantur in Verbi Incarnatione?

R. Commendantur, Et quidem 1. Dei charitas qui proprio suo Filio non pepercit, sed pro nobis tradidit illum, 2. Sapientia: quia Deus contraria contrariis curavit, maximam scilicet superbiam, Unigeniti sui exinanitione, 3. Omnipotentia: quia eadem vis ad refingendum opus requiritur, quæ ad illud primò faciendum adhibita fuit: ergo cum in hominis creatione maximè enituerit Dei potentia, ita & in ejus redemptione. 4. Iustitia: par pari nimirum redditum est infinitæ dignitatis pretium pro injuria infinitæ malitiæ, Iustitia enituit per incarnationem non solum Dei respectu, sed etiam respectu Diaboli, scilicet Diabolus per Incarnationem

nem

nem & satisfactionem Verbi meritò excidit jure, quod per peccatum in hominem acquisierat; tum quia victus est in carne quam in Adamo vicerat; tum quia manus per Judæos inferens Christo innocenti, transiit limites datæ sibi in solum hominem reum potestatis: *Per injustitiam plus petendi* (ait Leo Magnus serm. 2. in Nativitate Domini) *totius debiti summa vacuatur.*

Obj. 1. Diabolus æquum jus non habebat in hominem reum: ergo superatus non fuit ex justitia: justitia nimirum non habet locum, nisi eorum respectu qui jus justum habent in rem qua spoliantur.

Resp. Nego ant. licet enim jus Dæmonis in hominem lapsum iniuste comparatum fuerit, jus tamen æquum erat. Ita docet Augustinus in libro 3. de libero Arbitrio cap. 10. ubi scribit Dæmonem jure æquissimo, totum sibi genus humanum vindicasse: Ita etiam Bernardus Epist. 190. ubi sic loquitur: *Sciendum est, quod omnes Doctores nostri post Apostolos, in hoc conveniunt, quod Diabolus dominium & potestatem habebat super hominem, & juste eum possidebat, ideo scilicet, quod homo ex libertate arbitrii, quam habebat, spontè Diabolo consensit.*

Obj. 2. Furto jus æquum non acquiritur, 2. Creatura seipsam, cum essentialiter Dei sit, alteri tradere non potuit, ergo, &c.

Resp. Ad 1. Dist. ant. per furtum jus æquum non acquiritur, invito rei quæ rapitur, domino, conc. ant. consentiente rei domino, nego ant. Deus in prænam defectionis, hominem lapsum Diaboli domino dimisit. Ad 2. Dist. ant. creatura seipsam tradere non potuit, Deo contradicente, & permittente, nego ant.

CAPUT IV.

De Motivo Incarnationis.

Nota. **M**otivum est id quod operantem movet ad agendum: duobus verò modis operans ad agendum movetur, vel clientum meritis, vel fine, quem sibi proponit.

1. *Q.* Humanitas Christi meruitne suam cum Verbo unionem?

R. Non meruit: quia humanitas Christi ne brevissimo quidem instanti extitit ante suam cum Verbo unionem; at operans non meretur antequam aliquo modo existat.

Obj. Psalmus 44. unionem Verbi cum humana natura refundit in ejusdem humanitatis charitatem: *Dilexisti iustitiam & odisti iniquitatem, propterea unxit te Deus, Deus tuus oleo lætitiæ præ consoribus tuis; ergo, &c.*

Resp. 1. Plures Patres eam oleo lætitiæ unctionem explicarunt de resurrectionis gloria, quam Deus humanitate Christi rependit tanquam prætorum meritorum mercedem. 2. Patres alii qui textum illum de Incarnatione interpretati sunt, præpositionem *propterea* sumpserunt pro causa finali, non autem pro causa meritoria: unde hunc Psalmum sensum adscripsere: *Dilexisti iustitiam, nec spiru: ad hoc enim te Deus tuus unxerat; hoc est, cum Verbo unierat.*

2. *Q.* Veteres Patriarchæ meruerunte Incarnationem sumptam secundum substantiam?

R. Non meruerunt: quia Incarnatio Verbi, post hominis lapsum, cuilibet hominum merito præsupponitur: nullum enim in homine lapso potest unquam esse meritum, nisi ex fide Incarnationis aut futuræ, aut jam peractæ.

Obj.

Obj. Patriarchæ veteres crediderunt se posse mereri, meriti saltem impetrationis, Incarnationem, eam enim enixè petierunt: *Mitte* (inquiunt in Scripturis) *quem missurus es.*

R. Dist. ant. eam petierunt quoad accelerationem temporis, conc. ant. quoad substantiam nego antecedens.

2. Q. Patriarchæ merueruntne Incarnationem non quidem secundum substantiam, sed secundum hanc circumstantiam, quod Christus ex eorum gente nasceretur?

R. Non meruerunt: quia Christus præsupponi debuit ut futurus, ad hoc ut Patriarchæ ex fide in eum quidquam mereri possent: at Christus ut futurus, præsupponitur futurus ex his aut illis parentibus determinatè, ergo, &c.

Obj. Geneseos 22. Deus Messiam Abrahamo promittit in remunerationem obedientiæ, quam illi exhibuerat: *Quia obedisti voci meæ, benedicentur in semine tuo omnes gentes.*

R. Dist. ant. Deus Messiam Abrahamo improprie promittit, conc. ant. promittit proprie, nego ant. hoc est, Abrahamus sua obedientia meruit, ut Deus suum de Messia ex illius semine nascituro decretum confirmaret.

4. Q. Beata Virgo meruitne aliquo modo, ut esset Dei mater?

R. Nullo modo meruit: quia jam futura erat Dei mater, antequam concipiatur quidquam mereri potuisse: scilicet mereri non potuit; nisi ex meritis Christi futuri, ac proinde de matre nascituri.

Obj. Ecclesia canit, quod Beata Virgo Dominum omnium portare meruerit: ergo, &c.

R. Dist. ant. quod meruerit metaphoricè, conc. ant. proprie, nego ant. Sensus est quod Beata Virgo, quantum creatura potest, idonea facta est, ut Dei mater esset.

5. Q. Estne de fide, quod Incarnatio facta sit ad liberandum hominem?

R. Est: id enim expresse asseritur in Scripturis: *Venit* (inquit Christus ipse Matthæi 18.) *Filius hominis salvare quod perierat.*

Obj. Christus non liberavit homines, in eis enim magna remanet ad malum propensio: ergo ad eos liberandos non venit.

R. Dist. ant. quantum ad radicem ex qua peccata nascuntur, conc. ant. concupiscentia enim in homine ad extremum usque agonem remanet; ita tamen, ut cum auxilio gratiæ superari possit; non liberavit quantum ad peccati culpam, nego ant.

6. Q. Si homo non peccasset, verbum fuissetne incarnatum?

R. Non fuisset incarnatum. Nam 1. nullibi aut Scriptura, aut Traditio asserunt, quod Verbum fuisset incarnatum, si homo non peccasset: ergo id gratis asseritur à Scotistis. 2. Contrarium, implicite saltem, affirmat Scriptura: nempe quoties de motivo Incarnationis loquitur, non aliud assignat, quam peccatum delendum: unde Christum exhibet semper aut tanquam Legislatorem, aut Pastorem qui ovem errantem quaerit, aut tanquam medicum qui consuluerit hominum saluti. 3. Eadem Scriptura ex eo Dei in homines charitatem commendat, quod propter eos incarnatus sit: *Propter nimiam charitatem suam qua dilexit nos, convivificavit nos in Christo Jesu*, Ephes. 2. at plurimum minuitur illa Dei in homines charitas, si asseratur, quod venturus fuisset, etiamsi propter nos non venisset. 4. Patres expresse docent, Christum, homine non peccante, non fuisse venturum: *Si* (inquit Irenæus lib. 15. adversus hæretes, cap. 4.) *non haberet caro salvâri, nequaquam Verbum Dei caro factum esset.* Sic etiam loquitur Aug. serm. 6. de verbis Apostoli: *Nulla causa fuit veniendæ Christo Domino, nisi peccatores salvos facere.* Sic etiam

Leo

Leo Magnus serm. 3. de Pentec. *Si enim homo in sua natura honore mansisset: Creator mundi creatura non fieret.*

Q. Textus Scripturæ & Patrum in quibus asseritur, quod Christus, homine non peccante, non fuisset venturus, possuntne explicari de solo adventu in carne passibili, ut Scotistæ fingunt?

R. Non possunt 1. quia Patres numquam asseruerunt Christum, homine non peccante, venturum fuisse in carne impassibili, ut Scotistæ docent. 2. Si ita explicari possent ii textus, falsò Patres absolutè asseruissent Christum, homine non peccante, non esse venturum: quando enim sunt duo motiva æquè præcipua, absolutè dici non potest, rem non esse futuram, si propter unum, licet non propter aliud, futura sit.

Obj. 1. Deus voluit Messiae futuritionem, antequàm decerneret hominis futuritionem: juxta illud de Christo, Proverbiorum 8. *Dominus possedit me in initio viarum suarum, antequàm quidquam faceret à principio: ergo, &c.*

Resp. Ea Proverbiorum verba intelligi de Christo, non ut homo est, sed ut est Verbum Patris. 2. Intelligi quoque posse de Christo, ut homo est, sed in ea suppositione dicendum erit, voces istas, *antequam quidquam faceret*, intelligi de rebus quæ ad hominis salutem, non autem ad naturam pertinent: hoc est Deus Christi futuritionem decrevit, antequàm de hominis lapsi reparatione, quæ est veluti secunda creatio, quidquam decerneret.

Obj. 2. Christus in Epistola ad Coloss. cap. 1. dicitur *Primogenitus omnis creaturæ*: ergo fuit futurus ante omnem creaturam.

Resp. 1. Dist. ant. prout est Deus, conc. ant. nempe addit Apostolus: *Quoniam in ipso condita sunt universa*: quæ quidem verba idem significant, ac ista alia Joannis cap. 1. *Omnia per ipsum, Verbum, facta sunt.*

Resp. 2. Dicitur, etiam ut est homo, primogenitus dignitate, conc. ant. futuritione, nego ant. 3. Est primogenitus futuritione in iis quæ pertinent ad hominis naturam, nego ant. Unde Paulus [subiicit: *Qui eripuit nos de potestate tenebrarum, & transtulit in regnum Filii dilectionis suæ, in quo habemus redemptionem per sanguinem ejus, remissionem peccatorum.*

Obj. 3. Christi futuritio decreta fuit, antequam decerneretur, quodd ex semine David nasceretur: *Qui* (inquit Apostolus ad Rom.) *factus est ei ex semine David secundum carnem, qui prædestinatus est Filius Dei in virtute secundum spiritum sanctificationis*: at si Christi futuritio decreta fuit, antequam decerneretur, quodd ex semine David nasceretur, decreta fuit independenter à futuritione peccati: ergo, &c.

Resp. Ad 1. nego ant. *Ad 2.* dici 1. potest cum Patribus Græcis, vocem illam *Prædestinatus*, idem esse ac *manifestatus*: unde unus sensus erit, Christi divinitatem fuisse in virtute resurrectionis manifestatam. Dici potest 2. vocem *Prædestinatus*, sumi pro prædestinatione propriè sumptæ; in ea verò suppositione pronomen *Qui*, intelligitur de Christo prout homo est: sic enim acceptus, ab æterno prædestinatus fuit ad divinam filiationem per futuram cum Verbo unionem.

Obj. 4. Apostolus in Epistola ad Hebræos, asserit Deum per Christum fecisse sæcula: *Per quem fecit & sæcula*: ergo futurus fuit ante sæcula. Nec dici potest eum textum intelligi de Christo, ut Verbum est, siquidem intelligi debet de Filio, per quem Apostolus pauld ante dixerat, Deum novissimè nobis locutum fuisse: ergo, &c.

Resp. Apostolum in Epistola ad Hebræos loqui de Christo, modò ut Deus est, modò verò ut homo: Mirum igitur non est, quod dicat Deum nobis novis-

vissimè locutum fuisse in Filio carne vestito, & quod per eundem Filium, sed carne non vestitum, sæcula fecerit.

Obj. 5. Christus ex Apostolo, est hominum & Angelorum caput: sed caput morale futurum est ante illius membra: ergo & Christus futurus fuit ante Adamum & Angelos: ac proinde, Adamo non peccante, venturus fuisset.

R. Dist. maj. Christus est Angelorum caput dignitate, conc. maj. influxu, nego maj. Hoc est, gratia nec Adamo innocenti, nec Angelis data est ex meritis Christi futuri: ac proinde ex Apostoli loco non colligitur, quod ab æterno futurus fuerit ante Adami innocentis & Angelorum futuritionem.

Obj. 6. Christus adumbratus est in nuptiis Adami innocentis cum Eva: juxta illud Apostoli ad Ephesios 5. *Sacramentum hoc (matrimonium) magnum est, ego autem dico in Christo & in Ecclesia: ergo futurus fuit ante Adami lapsum.*

R. Conc. ant. nego conseq. quia cum Adamus inivit cum Eva matrimonium, jam tunc prævisum erat eorum peccatum, & Christus jam erat futurus. Mirum igitur non est, quod illius unio cum Ecclesia, quæ ex hominibus lapsis, tanquam membris constat, Adami nuptiis adumbrata fuerit.

Obj. 7. Ex Tertulliano in lib. de resurrectione carnis, corpus Christi fuit exemplar ad quod exacta est formatio corporis Adami: *Quodcumque enim limus exprimebatur Christus cogitabatur homo futurus, quod & limus.* Sed exemplar est ante id quod ad illud exigitur: ergo, &c.

R. Dist. maj. Corpus Christi jam prædefiniti ex prævisione peccati futuri, fuit exemplar corporis Adami, conc. ant. Corpus Christi non prædefiniti ex prævisione peccati futuri, nego maj. Tertullianus eo in loco carnem hominis quam Marcion contra quem agit deprimebat, commendare voluit ex eo quod

quod ad Christi, sed post peccati prævisionem jam prædefiniti, carnem exacta ac formata fuerit.

Obj. 8. Summum bonum est perfectissimo modo sui communicativum: ergo & per unionem hypostaticam cum humana natura: cum non sit alius nobilior ac perfectior unionis modus.

R. Dist. ant. Summum bonum est perfectissimo modo sui communicativum, *ad intra* seu per generationem Verbi, & productionem Spiritus sancti, conc. ant. *ad extra*, nego ant. quia Deus est perfectus & beatus independentem ab operationibus *ad extra*: ac proinde ab ipsa etiam Incarnatione.

Obj. 9. Si redemptio generis humani esset adæquatum motivum Incarnationis, sequeretur, nobilius, Christum scilicet, unicè ordinatum fuisse ad ignobilius, hominem nimirum redimendum; sed hoc est absurdum: is enim qui agit ordinatè, nobilius ad ignobilius referre non debet.

R. Dist. maj. Sequeretur, nobilius ordinatum fuisse ad ignobilius tamquam ad finem *Cui*, conc. maj. tamquam ad finem *Cujus gratia*, nego maj. Incarnatio fuit quidem ordinata ad ignobilius, humani nimirum generis salutem, tamquam ad finem *Cui*, sicut medicus ad ægrotum, non autem tamquam ad finem *Cujus gratia*, quia non fuit ultimus finis, quem Deus in Incarnatione sibi proposuit; imò verò medium, quo sibi gloriam extrinsecam compararet: ita tamen, ut eo medio gloriam hujusmodi sibi non fuisset comparaturus, si homo non peccasset.

8. Q. Christus venitne tum propter peccatum originale, tum propter actualia?

R. Venit: juxta illud primæ Joannis 1. *Sanguis Jesu Christi emundat nos ab omni peccato*: nec non juxta illud Matthæi cap. 1. *Ipse salvum faciet populum suum à peccatis eorum*. Præcipuè tamen venit propter peccatum originale, quia totum humanum genus infecit,

CAPUT V:

De Essentia Incarnationis :

Nota. **E**ssentia Incarnationis posita est (ut dictum fuit superius) in actione per quam natura divina & humana unitæ sunt in una Verbi persona. Hic igitur dicendum est, de persona quæ humanam naturam assumpsit: 1. de natura quæ fuit assumpta: 3. de unione quæ fuit utriusque vinculum.

§. I.

De Persona assumente.

1. *Quæst.* **S**ola Verbi persona assumpsitne humanam naturam?

R. Sola assumpsit: tum quia de Verbo tantum, non autem de cæteris personis dicitur, quod carnem induerit: *Verbum caro factum est* Joan. 1.: tum quia damnati sunt olim Patropassiani, seu Sabelliani, qui cum non distinguerent realiter Patrem a Filio, cogebantur fateri Patrem fuisse Incarnatum, & passum.

Obj. 1. Incarnatio est opus ad extrâ: ergo communis est singulis personis Sanctissimæ Trinitatis: siquidem opera ad extrâ toti Trinitati communia sunt.

R. Ad 1. conc. ant. nego conseq. ad 2. dist. ant. opera ad extrâ quæ oriuntur ex divinis personis tamquam causa efficiente, sunt communia toti Trinitati, conc. ant. quæ oriuntur à personis tamquam a principio relativo, nego ant. Hoc, non autem illo modo, Incarnatio oritur a Filio: oritur enim a Filio reduplicativè ut Filius est, ac proinde non potest esse communis toti Trinitati.

Obj.

Obj. 2. Ex S. Cyrillo, natura divina dicitur incarnata: ergo singulæ personæ humanam naturam assumpserunt; natura nimirum singulis personis communis est.

R. Dist. ant. Natura divina dicitur incarnata ratione alterius, hoc est ratione personæ Verbi, quæ sola supplet vices subsistentiæ humanitatis, conc. ant. ratione sui præcisè, nego ant. quia natura divina per se non est terminus humanitatis; hoc est præcisè ut natura est, non supplet vices humanitatis.

2. Q. Tres personæ potueruntne simul eandem naturam assumere?

R. Potuerunt: quia non est potior ratio de una tantum persona, quam de tribus: hoc est, non minus tres simul potuerunt supplere subsistentiam creatam humanitatis, quam una tantum.

Obj. 1. Unus & idem effectus non potest pendere a pluribus causis totalibus: quia essent totales & non totales; admitterent enim aliarum consortium: ergo, &c.

R. Nego ant. neque enim una causa desinit esse totalis, cum admittit aliarum consortium, si ipsa totum effectum producat: at reverà totum producerent in casu de quo agitur, singulæ personæ Sanctissimæ Trinitatis.

Obj. 2. Una persona non potuit assumere humanitatem propria subsistentia iam terminatam: ergo nec terminatam subsistentia alicujus personæ divinæ.

R. Conc. ant. nego consequ. quia natura quæ propriam habet subsistentiam est sui juris: ac proinde non potest fieri alterius: alioquin desineret esse proprii juris. E contra verò natura terminata per subsistentiam alienam non est sui juris; & consequenter nihil impedit, quin sub alio titulo fiat iterum juris alterius personæ.

Obj. 3. De natura humana quæ tribus divinis subsisten-

ſiſtentiis ſubſiſteret, dici poſſet, quòd eſſet ſimul Pater, Filius, & Spiritus ſanctus: at id dici non poteſt, cum dici non poſſit, quòd Pater ſit Filius.

R. ſp. Ad 1. conc. maj. nego min. ad 2. nego paritatem; quia hæc propoſitio, *Pater eſt Filius*, facit hunc ſenſum: perſona Filii eſt perſona Patris; iſta è contrà: *Natura humana eſt ſimul Pater, Filius, & Spiritus Sanctus*, facit hunc ſenſum: Humana natura ſimul terminatur tribus ſubſiſtentiis, Patris nimirum, Filii, & Spiritus ſancti.

Obj. 4. Dici non poteſt unam naturam humanam eſſe tres homines: ergo nec dici poteſt quòd tres habere poſſit ſubſiſtentiis.

R. ſp. Nego ant. quia ut dicantur tres homines, ſatis eſt ut ſit triplex perſona: quia denominatio multiplicationis ſumitur ex multiplicatione ſuppoſiti, quòd a natura diſtinguatur: hinc S. Thomas colligit, quòd ſi una perſona aſſumeret duas naturas, non diceretur duplex homo, ſed unus tantum.

§. I I.

De Natura aſſumpta.

1. *Quæſt.* Quælibet natura potuitne aſſumi à Verbo?

R. Potuit: quia quælibet natura poteſt ſpoliari propria ſubſiſtentia, & terminari ſubſiſtentia divina: unde Corpus Chriſti mortuum in ſepulchro carens propria ſubſiſtentia, terminatum fuit per Verbi ſubſiſtentiam.

2. *Q.* Quam naturam Verbum aſſumpſit?

R. Humanam tantum, juxtà illud Apoſtoli Heb. 2. *Non Angelos, ſed ſemen Abrabæ apprehendit*. Præterea eam tantum aſſumpſit, quam ſanavit: at non aliam ſanavit, quàm humanam. Venit enim Filius hominis ſalvum facere quod perierat.

Obj.

Obj. Origenes docuit, Christum aliquando pro Diabolis passurum esse, eosque morte sua redempturum. Id testatur Hieronymus in Epistola ad Avitum.

Resp. Origenem, si ita sensit, turpiter errasse, nec non & in multis aliis capitibus; unde nullius est ponderis argumentum ex illius autoritate desumptum.

3. Q. Cur Verbum Incarnatum noluit Angelos apostatas redimere?

R. In hoc suam erga nos homines charitatem Deus commendavit. Præterea (ut ait Augustinus tractatu 110. in Joannem) Diabolus author fuit peccati, homo verò ejusdem Diaboli fuit imitator tantum.

4. Q. Fuitne conveniens, ut Verbum solam humanam naturam assumeret?

R. Fuit. Scilicet par fuit, ut Diabolus in eadem natura vinceretur, quam ipse vicerat. Par fuit, ut natura quæ peccaverat, cum Verbo hypostaticè conjuncta sanaretur.

5. Q. Natura a Verbo assumpta habuitne propriam existentiam?

R. Habuit: quia natura quæ non habuisset existentiam, non fuisset ens verum & reale; illud enim differt a nihilo, quodd nihilum non habeat existentiam. Præterea Cyrillus in 1. Orat. adversus Nestorium, docet existentiam carnalem humanitatis Christi initium accepisse in sinu Virginis: *Nec (ait) existentia carnalis initium viam alteram (quàm generationem, & nativitatem) habere possit*: atqui Verbum assumpsit id totum quod in Virgine initium habuit: ergo, &c.

Obj. Sophronius in Epistola Synodica quæ probata est in Sexta generali Synodo, sic de Christi humanitate loquitur: *In ipso enim (Verbo) & non per se ipsam existentiam habuit*. S. Joannes Damascenus lib.

11b.3. cap.12. docet carnem Christi extantiam in ipso Verbo habere : ergo, &c.

R. Ad 1. Dist. ant. Natura humana non per se ipsam, hoc est, ante suam unionem cum Verbo, non habuit existentiam, conc. ant. Non per se ipsam, hoc est unita Verbo non habuit propriam existentiam, nego ant. Hæc enim verba præcedunt ea, quæ nobis objecta sunt : *Simul enim caro, simul Dei Verbi caro*, Ad 2. dist. etiam ant. Caro Christi extantiam sibi propriam habuit in Verbo, conc. ant. non sibi propriam. nego ant. Nec enim Damascenus eo loci aliud voluit, quam quod Ecclesia contra Nestorium, hoc est, naturam humanam ne momento quidem extitisse ante suam cum Verbo unionem : unde ibidem hæc habet Damascenus : *Assumptione carnis, hujus extantiam, & deificationem a Deo Verbo eodem momento fuisse.*

6. Q. Verbum assumpsitne personam humanam?

R. Non assumpsit : quia si assumpsisset, humana persona cum divina post unionem remansisset, cum ea quæ Verbum semel assumpsit, numquam dimiserit; atque non remansit : alioquin enim duæ essent in Christo personæ etiam post unionem : quod tamen Ecclesia in Nestorio damnavit, juxta illud Concilii Calchedonensis, actione 5. ubi definitur : *Utriusque naturæ proprietates salvas manere, & in unam personam, atque unam hypostasim concurrere.* Præterea si duæ in Christo forent personæ, admitti non posset idiomatum communicatio; hoc est, dici non posset hominem esse Filium Dei, & vicissim Filium Dei esse hominem : non enim idiomatum communicatio alio principio nititur, quam quod una sit in Christo persona, in qua duæ naturæ subsistunt.

Obj. 1. Verbum assumpsit humanam substantiam : ergo & subsistentiam : ista enim est de conceptu alterius ; nempe substantia definitur : *Ens per se subsistens* :

R. Conc.

R. Conc. ant. nego conseq. ad cujus probationem, dist. ant. Substantia definitur ens per se subsistens in exigentia, conc. ant. actu, nego ant. Hinc licet humanitas Christi exigit per se subsistere, (in quo quidem capite differt ab accidente, quod exigit subsistere in alio tamquam in subiecto cui inhaereat) actu tamen per se non subsistit, sed in Verbo tantum per cujus subsistentiam unice subsistit.

Obj. 2. Natura est manca, & imperfecta, si propriam subsistentiam non habeat: atqui Verbum mancā, & imperfectā naturam non assumpsit: ergo, &c.

R. Dist. maj. Est manca, & imperfecta accidentaliter, conc. maj. substantialiter, nego maj. siquidem subsistere per se actu, est accidentale substantiae; exigere verò per se subsistere, est illi essentiale, & in hoc differt ab accidente, quod quidem essentialiter exigit esse in alio.

Obj. 3. Subsistentia & individuum sunt unum & idem: ergo cum Verbum assumpserit individuum humanæ naturæ, assumpsit & illius subsistentiam.

R. Nego ant. quia individuum, prout individuum, non aliud est, quam aliquid singulare; nempe sic acceptum opponitur communi: at id omne quod est singulare, non est persona, quia singulare excludit tantum id quod est commune multis, persona verò excludit præterea conjunctionem cum ente superiore a quo pendeat, & cujus juris propriè sit: quod quidem dici non potest de natura humana, quam Verbum assumpsit: nempe per sui cum Verbo unionem desit esse proprii juris, & facta est juris alieni, Verbi nimirum.

7. Q. Verbum potuitne humanam personam assumere?

R. Non potuit: quia in ea suppositione humana natura proprii juris esset; utpote habens personam propriam; & simul non esset, utpote per hypostasim

postasim divinam facta juris alieni.

8. Q. Verbum assumpsitne verum corpus, an verò phantasticum tantum?

R. Assumpsit verum. Nam 1. Scripturæ verum Corpus Christo tribuunt: *Corpus meum* (inquit ipse apud Isaiam cap. 50.) *dedi percutientibus*. Ad Hebræos 2. *Quia ergo pueri communicaverunt carni & sanguini, et ipse similiter participavit eisdem*. Joannis 8. Christus se ipsum dicit verum hominem: *Quæritis me interficere, hominem qui veritatem locutus sum vobis*. Christus post resurrectionem suam Corpus discipulis palpandum obtulit. Matthæus cap. 1. Christi genealogiam describit. 2. Ecclesia damnavit Cerdonem, Marcionem, Manichæum, quod contenderent, Christi Corpus fuisse phantasticum tantum & apparens, non autem verum & reale. 3. sequeretur, Christum, nec verè natum, nec verè passum fuisse, nec verè resurrexisse: quæ quidem singula & Scripturæ & Patribus, & sensibus contraria sunt.

Obj. 1. Apostolus ad Philippenſes cap. 2. sic de Christo loquitur: *In similitudinem hominum factus, et habitu inventus ut homo*: Sed qui in similitudinem tantum hominis factus est, non assumpsit veram carnem: ergo, &c.

Resp. Dist. maj. in similitudinem quoad statum in quo sunt homines, seu quoad statum peccati, conc. maj. Scilicet (ut ait Apostolus ad Rom. 8.) *Misit Deus Filium suum in similitudinem carnis peccati*. Quoad substantiam, nego ant. est enim verus homo.

Obj. 2. Apostolus secundæ ad Corinth. 5. hæc habet: *Et si cognovimus secundum carnem Christum, sed nunc jam non novimus*. Hoc est, licet olim putaverimus Christum habuisse verum corpus, nunc doctiores facti, id non credimus: ergo, &c.

Resp. Dist. ant. Sed nunc jam non novimus se-

R

cun-

cundum carnem, hoc est, non multi facimus carnalem quorundam consanguinitatem cum Christo, conc. ant. non novimus veram in eo carnem, nego ant. Laudatur igitur ex Apostolo sententia is est sensus: & si cognovimus secundum carnem Christum, hoc est, licet olim plaris fecerimus gentilem & consanguineum esse Christi secundum carnem; nunc jam non novimus, id est, non multi id facimus, nec censem in hujusmodi re gloriandum esse. Hincque patet Paulum ed loci carpere pseudo-Apostolos qui (ut constat ex ejus Epistolis) eo in primis gloriabantur, quod Christo carne & sanguine conjuncti essent.

9. Q. Verbum assumpsitne corpus terrenum, an vero caeleste?

R. Terrenum assumpsit: Nam 1. Christus dicitur Filius hominis: 2. Matthæi 1. dicitur natus non in Maria, sed de Maria: De qua natus est Jesus. 3. Genitus est ex semine David. 4. Idem demonstrat Christi genealogia quæ refertur Matthæi cap. 1.

Obj. Apostolus 1. ad Corinth. 15. sic Christum opponit Adamo: *Primus homo de terra terrenus: secundus homo de caelo caelestis*: ergo, &c.

Resp. Dist. ant. Secundus homo post resurrectionem, de caelo caelestis, conc. ant. ante resurrectionem, nego ant. Apostolus ed loci opponit Christi Corpus quod resurrexit, Adami corpori post peccatum; asseritque quodd, cum istud mortale fuerit ac passibile, illud è contrà jam sit immortale & impassibile.

10. Q. Christi Corpus fuitne corpus corruptibile?

R. Fuit ante resurrectionem: nimirum 1. Verbum assumpsit omnes, uno excepto peccato, humanae vitae miseriae. 2. Christus in suo corpore vere passus est. 3. Ex Apostolo, *Crucifixus est ex infirmitate*.

Obj. 1. Psalmo 15. sic Christus Deum Patrem a I-

loquitur: *Non dabis sanctum tuum videre corruptionem*: ergo David prædixit Christi carnem fore incorruptibilem.

Resp. Dist. consequ. Post mortem & in tumulo positam conc. ant. ante mortem, & extrâ tumulum, nego ant. Hoc, seu immunitatem à putredine, (inquit Fulgentius) *non eiusdem carnis incorruptibilitas, sed resurrectionis celeritas fecit.*

Obj. 2. Dionysius Alexandrinus in Epistola quam conscripsit adversus Paulum Samosatenum, illum tamquam hæreticum arguit, quod diceret Christi sanguinem esse corruptibilem, ergo, &c.

Resp. Dist. ant. Post resurrectionem, conc. ant. nempe loquebatur de sanguine, qui in calice post consecrationem continetur, ante resurrectionem, nego ant.

Obj. 3. Christus non ex necessitate, sed ex potestate mortuus est: ergo illius caro non erat corruptibilis.

Resp. Dist. ant. ex potestate quæ inesset Verbo, conc. ant. quæ inesset carni, nego ant. *Principatus enim in Verbo erat* (inquit Augustinus in tractatu 47. in Joannem) *ibi potestas erat, quando poneret animam, & quando sumeret.*

II. Q. Corpus assumptum à Verbo fuitne sanctum, hoc est, genitum ex puella, quæ partum cum virginitate conjunxerit?

R. Fuit. Id enim prædictum fuerat apud Isaiam cap. 7. *Ecce virgo concipiet, & pariet Filium, et vocabitur nomen ejus Emmanuel.* Varias ad illum locum Judæorum responsiones vide Institutionum nostrarum tom. 4. confutatas. Id verò quod antea prædictum fuerat, revera postea accidisse testatur Matth. cap. 1. *Antequam convenirent, inventa est in utero habens de Spiritu sancto.* Idem asseritur Lucæ 1. Hincque factum est, ut omnia fidei Symbola quæ ab Ecclesiæ incunabulis huc usque edita sunt, articu-

Ium expresse tradant, quod Christus de Maria Virgine prodierit.

Obj. Paulus ad Galatas 4. Sic de Christo loquitur: *Misit Deum Filium suum factum ex muliere*: atqui *mulier* est nomen feminæ corruptæ: ergo, &c.

Respondet Tertullianus de virginibus velandis cap. 4. vocem *Mulier*, significare sexum, non vel conditionem, aut qualitatem sexus: seu, nomen esse quod sumitur pro *femina*, sive sit virgo, sive non sit; id autem probat ex eo quod Eva statim à sua creatione, & antequam à viro cognita fuisset, mulier appellata sit?

12. Q. Corpus Christi floruitne venustate formæ?

R. Non floruit: par enim non fuit ut externa pulchritudine mortales ad se alliceret: Ut quid se Christus eo commendasset, quod cuique homini despectui esse debet: Incarnatio est Verbi exinanitio: par igitur fuit ut Christus omnem, quæ ex ore pendet, humanam gloriam abdicaret.

Obj. 1. Hæc Psalm. 41. habentur de Christo: *Speciosus forma præ Filiis hominum, diffusa est gratia in labiis tuis*: ergo, &c.

Resp. Dist. ant. *speciosus forma interna*, conc. ant. *externa*, nego ant. *Hinc autem* (ait Chrysostomus in illum locum) *speciosus forma præ Filiis hominum*, significant gratiam, sapientiam, doctrinam.

Obj. 2. Hieronymus in Epistola ad Principiam, asserit nonnihil sidereum emicuisse in Christi vultu: ergo, &c.

Resp. Nonnihil sidereum emicuisse in Christi vultu, *aliquando*: cum scilicet discipulos ad se attraxit, cum terrefecit milites, cum quæstuarios ejecit è templo, conc. ant. emicuisse passim & ordinariè, nego ant.

13. Q. Corpus Christi fuitne exterius deforme?

R. Non fuit. Nam 1. oris deformitas nusquam à Ju-

Judæis carnalibus exprobrata fuit Christo: 2. Quem admodum Christus eleganti forma non debuit hominum oculos ad se convertere: ita nec deformi abalienare; scilicet decuit ut eo in capite aurea mediocritas servaretur.

Obj. Isaïæ cap. 44. Hæc de Christo leguntur: *Non est species ei neque decor: & vidimus eum et non erat aspectus, et desideravimus eum*; ergo, &c.

R. Isaïas loquitur de Christo pendente in patibulo, non autem ante passionem: *Despectus erat & ignobilis*, (inquit Hieronymus in caput 43. Isaïæ) *quando pendebat in cruce, & factus pro nobis maledictum, peccata nostra portabat, et loquebatur Patri: Deus, Deus meus, quare me dereliquisti?*

14. Q. Verbum assumpsitne hominis animam?

R. Assumpsit; Nam 1. Joannis 10. sic loquitur: *Ego pono animam meam, in passionem, ut iterum sumam eam, in resurrectione* 2. Damnati sunt Ariani, quod vellent Verbum esse in Christo animæ loco, ut ipsimet Verbo passionem & mortem adscriberent. 3. Verbum id assumpsit quod sanavit: *Cavendum est* (inquit Augustinus in libro de fide & operibus cap. 4.) *ne cum crediderit aliquid nostrum non pertinere ad istam susceptionem, non pertineat ad salutem*. 4. Christus est verus homo: ergo præcipuam hominis partem, seu animam rationalem habuit.

Obj. S. Joannes cap. 1. de Incarnatione loquens, solius corporis meminit: *Verbum* (inquit) *caro factum est*: ergo, &c.

R. Nego conseq. S. Joannes quippe per Synecdochen locutus est, hoc est, partem pro toto sumpsit eoque tropo usus est, ut Dei in nos charitatem magis commendaret.

15. Q. Verbum assumpsitne cum hominis anima humanum intellectum?

R. 3

R. Af-

R. Assumpsit: intellectus enim est necessaria animæ humanæ proprietas & perfectio: at Verbum assumpsit animam cum proprietatibus & perfectionibus necessariis; alioquin enim mancā & imperfectā animā assumpsisset: quod est absurdum.

16. R. Verbum assumpsitne humanam voluntatem?

R. Assumpsit. Nam 1. Christus ipse suam humanam voluntatem à Patris, ac proinde Verbi, voluntate distinxit: *Non mea* (inquit Lucæ 12.) *sed tua voluntas fiat*. 2. Monothelitæ in sexta generali Synodo tamquam hæretici damnati sunt, quod unam (Verbi nimirum) in Christo voluntatem fuisse contenderent. 3. Imperfecta alioquin & manca fuisset anima quam Verbum assumpsit.

17. Q. In Christo fuitne una tantum, an verò duplex operatio, divina nimirum & humana?

R. Non una in Christo, sed duplex fuit operatio. Nam 1. duplex in eo fuit natura: at quælibet natura propriam sibi operationem habet. 2. Patres adversus Eutychem, etiam post unionem in Christo duplicem naturam remanuisse probarunt ex duplici operatione, humana nimirum & divina. 3. Nonnullæ fuerunt in Christo operationes, quæ divinæ voluntati tribui non possunt: eæ nimirum omnes quibus corpus est occasio, ut tristari, sitire, esurire; nonnullæ etiam quæ tribui non possunt humanæ voluntati, ut sunt excitatio & mortuus, aliaque miracula quæ Christus patravit. Ob id in sexta generali Synodo damnati sunt Monothelitæ, quod unam tantum in Christo operationem admitterent.

Obj. 1. Unum tantum fuit suppositum in Christo Verbi nimirum: ergo & unica tantum operatio; scilicet divina.

R. Nego consequ. Ratio est, quia licet unitas aut mul-

multiplicitas operantis sumatur ex unitate aut multiplicate suppositi; unitas tamen, aut multiplicitas operationis ex eo non petuntur, sed ex unitate aut multiplicitate naturæ, quia à natura sunt formæ per quas agens operatur.

Obj. 2. Causa principalis & instrumentalis eadem est & unica operatio: sed humanitas Christi fuit respectu Verbi, causa instrumentalis: ergo una tantum fuit operatio Christi.

R. 1. Dist. maj. Si causa principalis & instrumentalis ejusdem sint naturæ, conc. maj. propter eam enim rationem motus qui imprimitur cerebro & manui ad pingendum; est una & eadem actio seu operatio: si sint diversæ naturæ, nego maj. ob id nimirum actio per quam ignis comburit subiectum, non est eadem actio per quam applicatur subiecto.

R. 2. Dist. min. Humanitas Christi fuit causa instrumentalis Verbi ad operandam hominis salutem, conc. min. Ad actus libi proprios, nego min. Ita S. Thomas 3. part. q. 19. art. 1.

Obj. 3. Cyrillus Alexandrinus lib. 4. in Evangelium Joannis, hæc habet de suscitatione à mortuis filię principis Synanogæ: *Eam nempe omnipotenti suo jussu ut Deus, & rursus tactu carnis vivificando, unam & congenitam per hæc ambo ostendit operationem*: ergo in Christo una tantum fuit operatio.

R. Dist. conseq. Ergo una tantum fuit operatio in patrandis miraculis, conc. conseq. in functionibus naturæ humanæ propriis, ut sunt velle & intelligere, nego conseq. In hoc ultimo capite, non autem in illo, posita fuit Monothelitarum hæresis.

18. R. Quotuplicis generis operationes fuerunt in Christo?

R. Triplicis. Nonnullæ enim fuerunt divinæ, aliæ humanæ, aliæ denique mixtæ. Primæ sunt eæ quæ emanarunt à Christo ut Deus est, ut sunt rerum creatio & conservatio. Secundæ, sunt eæ quæ

naturæ humanæ propriæ sunt, ut bibere, flere, velle, intelligere. Tertiæ tandem sunt eæ in quibus egit utraque natura, ut cum Christus suo contactu curabat ægrotos; in ea nimirum curatione natura divina agebat per suam omnipotentiam, & natura humana per suum contactum. Ita Cyrillus Alexandrinus in Epistola ad Acacium Melitinensem Episcopum.

19. Q. Quibus nominibus appellatæ sunt à Patribus *Mixtæ* Christi operationes?

R. A Patribus Græcis vocatæ sunt *Theandricæ*, à Latinis verò *Deiviriles*.

20. Q. In quo errarunt Monothelitæ circa operationem Theandricam, aut Deivirilem?

R. In eo quod docuerint operationem Theandricam, aut Deivirilem, unam tantum esse non multiplicem: hoc est, non esse mixtam ex divina & humana, sed esse merè divinam, seu, solam Verbi voluntatem; ita ut nullo modo hominis voluntas in eam influeret.

Obj. Omnes Christi operationes fuerunt Theandricæ; nam omnes emanarunt ab eadem persona; ergo, &c.

R. Ad 1. Nego ant. Ad 2. dist. ant. Emanarunt ab eadem persona tamquam conferente dignitatem conc. ant. tamquam causa efficiente, nego ant. Igitur illæ tantum operationes dicuntur Theandricæ, quæ emanarunt à natura divina, & à natura humana tamquam illarum causis efficientibus.

21. Q. Verbus assumpsitne corpus defectibus toti speciei communibus obnoxium?

R. Assumpsit. Hincque colligitur, quod Christi corpus reverà corruptibile fuerit, obnoxium motibus qui sunt doloris occasio, eique alterationi ac dissolutioni quæ mortem pariunt.

22. Q. Defectus corporei assumpti à Christo fueruntne necessarii?

R. Non

R. Non fuerunt quoad assumptionem ; Verbum enim potuerat assumere corpus illis defectibus non obnoxium , Non fuerunt quoque necessarii quoad actus : humanitas enim Verbo conjuncta poterat impedire , ne actus illi , famis v. g. aut doloris orirentur ; sed fuerunt necessarii spectata sola naturali conditione humanitatis assumptæ .

Obj. Hilarius libro 10. de Trinitate , docet istibus quidem laceratum fuisse Christi corpus , inde tamen animam nihil doloris sensitse : scilicet animam Christi comparat cum aqua , cum igne , cum aere , quæ telo aliquo pervaduntur : ergo quemadmodum in eo casu nec aqua , nec ignis , nec aer , aliquid doloris sentiunt ; ita nec anima Christi ad corporis cui unita erat , divisionem , aliquem dolorem percepit .

Resp. 1. Dist. conseq. Ita nec anima Christi ad corporis divisionem , aliquid percepit dolorem , eo modo quo nos percipimus , conc. conseq. siquidem nos impedire non possumus , ne ad divisionem corporis anima dolorem percipiat : alio modo , nego conseq. quia Christus poterat impedire , ne anima ad sui corporis divisionem , aliquid doloris pateretur .

Resp. 2. Dist. ant. Hilarius negat dolorem habuisse locum in Christo , prout Verbum est , conc. ant. prout homo , nego ant. Ratio solutionis petitur ex scopo quem Hilarius ed loci sibi proponit . Intendit autem solvere argumentum Arianorum , qui ex eo quod fames , sitis , dolor , extiterint in Christo , concludebant Verbum non esse Deum : asseriebant nimirum in Christo non fuisse animam , sed Verbum vices illius supplevisse .

23. Q. Christus assumpsitne naturales ac innocentes animæ passiones ?

R. Assumpsit. Scilicet in anima Christi locum habuerunt motus illi , qui naturaliter oriuntur ex aliquo

cujus

cujus objecti apprehensione . Sic Christus dolorem ad sui corporis divisionem sensit : sic etiam ex apprehensione crucis & mortis, cœpit (ait Lucas) contristari & mœstus esse ; sic pariter fuit ira : *Circumspiciens eos* (Marci 3.) *cum ira* : & ita de cæteris ac similibus motibus .

Obj. 1. Hieronymus in caput 26. Matthæi scribit , Christum nullas passiones expertum fuisse , sed tantum *propassiones* , id est externam passionum similitudinem : ergo , &c.

Resp. Dist. ant. Christum non expertum fuisse passiones nostris quoad modum similes , conc. ant. neque enim Christus motus aliquot invitatus sensit : nostris similes quoad substantiam , nego ant.

Obj. 2. Hilarius in libro 10. de Trinitate , à Christo timorem mortis quatuor argumentis removet . 1. Quodd ipse Christus ab Apostolis omnem mortis timorem abegerit . 2. Quodd Christus non fuerit infirmior iis martyribus , quibus mors in votis fuit . 3. Quodd mori , aut non mori in illius esset potestate . 4. Quodd ipse cæteris (militibus nimirum à quibus comprehensus est) timorem incusserit : ergo , &c.

Resp. Dist. ant. Timorem mortis qui fuerit involuntarius , ut in nobis , conc. ant. qui fuerit voluntarius , seu quem poterat (quod nos non possumus) cohibere , nego ant. Præterea dici potest , Hilarium loqui de Christo , ut Verbum est : agebat enim (ut supra dictum est) adversus Arianos ; non autem de Christo , ut homo est .

Obj. 3. Huminitas Christi à primo suæ conceptionis instanti fuit beata : fruita est enim visione Dei intuitiva : ergo non potuit tristitiæ passionem percipere .

Resp. Nego conseq. quia Deus , ex œconomia & dispensatione , impediit quoad caput de quo agitur , effectum beatitudinis qua Christus secundum essentiam sumpta fruitus est semper .

24. Q. Ignorantia fuitne in Christo, prout est homo?

R. Non fuit, quia ex Apostolo, fuit in eo plenitudo omnis scientiæ.

Obj. 1. Apostolus primæ ad Corinth. 5. scribit; Christum non novisse peccatum. 2. De Christo infante sic Isaias cap. 4. loquitur: *Antequam sciat puer vocare patrem suum, & matrem suam, auferetur fortitudo Damasci* 3. De Christo dicitur quoddam nonnumquam miratus sit: sed admiratio ignorantiam arguit: ergo, &c.

Resp. Ad 1. Apostolum loqui de cognitione experimentalis, non autem de cognitione simpliciter sumpta. Ad 2. Eadem est adhibenda responsio. Ad 3. Dist. ant. In Christo fuit admiratio metaphorice sumpta, quia os composuit ad modum mirantis, conc. ant. Admiratio propriè sumpta, quæ nimium nascitur ex aliquo novo, & insolito, nego ant. Alia argumenta vidē iis locis ubi diximus de Christi divinitate.

25. Q. Peccatum fuitne in Christo?

R. Non fuit juxta illud ad Hebræos cap. 4. *Tentatum per omnia pro similitudine absque peccato: nec non & juxta illud ejusdem Epist. cap. 3. Talis enim decebat ut nobis esset Pontifex, Sanctus, Innocens, impollutus, segregatus à peccatoribus*. Præterea si Christus peccasset, indignisset Redemptore: quod dictu impium est.

Obj. 1. Psalmo 21. Sic David in Christi persona loquitur: *Longè à salute mea verba delictorum meorum* 2. Apostolus secundæ ad Corinth. 5. hæc scribit: *Eum qui non novit peccatum, pro nobis peccatum fecit*: ergo, &c.

Resp. ad 1. Christum aliena delicta vocasse propria, quoddam propter ea sese Deo Patri fidejussorem exhibuerit.

Resp. Ad 2. Peccatum ed loci sumi pro victimâ pecca-

peccati : idque juxta scripturæ morem , quæ sacrificia , peccati nomine nonnumquam appellat : *Peccata populi mei comedent. Osee 4.*

26. Q. Humanitas Christi potuitne peccare ? aut fuitne impeccabilis ?

R. Non potuit peccare . Nam 1. id expressè asserit Augustinus *in cuius non tantum divinitate* (inquit lib. 2. de peccatorum meritis cap. 13.) *sed nec in anima , nec in carne ullum potuit esse peccatum .* 2. Potentia peccandi tribui posset Verbo tamquam principio *quod* : nempe denominationes tribuuntur supposito tamquam principio *quod* , quemadmodum illi , propter unionem cum humana natura , mors , fames , sitis , dolor tribuuntur : sed id impium est : ergo , &c.

Obj. 2. in Christo fuit principium peccati , hoc est voluntas humana ex nihiloeducta : quidquid enim eductum est ex nihilo , est defestile : ergo , &c. .

Resp. Dist. ant. Principium impeditum tum ex visione beatifica , tum ex unionem hypostatica , conc. ant. principium non impeditum , nego ant.

Obj. 2. Mors non minùs Deo repugnat , quàm peccatum : non enim Deus minùs est vivens per essentiam , quàm sanctus per essentiam : atqui mors non repugnat Deo , prout in humana natura subsistenti : ergo nec potentia peccandi .

Resp. nego maj. Ratio disparitatis est , quia mors est malum pœnæ , cujus Deus potest esse author : peccatum verò est malum culpæ , cujus Deus nec directè , nec indirectè potest author esse : cum peccatum sit aliquid essentialiter inordinatum ; ac proinde peccatum magis repugnat sanctitati per essentiam , quàm mors repugnet vitæ per essentiam in aliena natura subsistenti .

27 Q. Unde orta est in Christo impotentia peccandi ?

R. Orta est 1. ex visione beatifica qua humanitas Chri-

Christi fruita est à primo suæ concceptionis instanti : nimirum visio beatifica tollit indifferentiam iudicii, hoc est, efficit ne intellectus objectum legi contrarium apprehendat tamquam habens boni speciem, ac proinde efficit ne voluntas illud objectum amare possit ; non enim voluntas ferri potest in objectum in quo intellectus nullam boni speciem apprehendere valet. Præterea eadem visio beatifica includit summam charitatis plenitudinem, quæ ita movet ac rapit voluntatem, ut voluntas non possit non amare Deum. Orta est 2. ex unione hypostatica: ita enim docuerunt Patres: *Nisi Christus esset Deus Verbum* (inquit Dionysius Alexandrinus in sua contra Pålulum Samosatenum Epistola) *non poterat à peccato immunis esse*. Cyrillus Alexandrinus libro 6. in Joannem, agens de his Christi Verbis: *Quis ex vobis arguet me de peccato*, seu, querens causam cur Christus peccare non potuerit, causam illam refert in unionem hypostaticam: *Quod* (inquit) *prorsus firmiterqueat, ut in peccatum incidat, qui ex Deo prodiit Deus verus*. Hæc etiam habet Hilarius libro 10. de Trinitate: *Non est in vitiosa hominis infirmitate, quia Christus est*. Idem docet Augustinus in libro de corrept. & gratia cap. 12. *Cum* (ait) *istâ susceptio, talis esset, ut natura hominis à Deo ita suscepta, nullum in se motum malæ voluntatis admitteret* et.

Obj. Persona Verbi nihil prorsus immutavit in potentiis humanæ naturæ: ergo, cum humanitas Christi (seclusa unione) peccare potuerit, ita & cum unione hypostatica.

R. Dist. ant. Nihil immutavit physicè, conc. ant. moraliter, nego ant. Nimirum persona Verbi, humanitati conjuncta, exigit ut Deus ita regat, moveat, ac determinet humanam Christi voluntatem, ut à bono deflectere non possit: unde licet non sit causa proximè efficiens, quatenus est persona, im-

pec-

peccabilitatis humanæ naturæ in Christo, est tamen radix quæ exigit illam Impeccabilitatem.

§. I I I.

De Unione.

Nota. IN Unione quæ inter personam Verbi, & humanam naturam intercedit, perpendi possunt Essentia, Proprietates, & Consequentia: de iis igitur est hic specialiter agendum.

De Essentia Unionis.

1. *Quæst.* UNio Verbi cum humanitate estne idem cum productione humanitatis Christi?

R. Non est idem: quia unio illa supponit, in prioritate naturæ, humanitatem jam productam: vinculum enim duorum supponit duo jam producta, ut patet in unione, quæ corpus cum anima conjungit.

Obj. 1. Humanitas Christi ipsa unione, seu assumptione creata fuit: *Natura nostra* (inquit Leo Magnus Epist. 11.) *non sic assumpta est, ut prius creata, postea assumeretur, sed ut ipsa assumptione crearetur: ergo, &c.*

R. Ad 1. Nego ant. Ad 2. dist. ant. Ut prius prioritate temporis (quod volebat Nestorius) creata, postea assumeretur, conc. ant. Prius prioritate naturæ, nego ant.

Obj. 2. Creatio humanitatis Christi, & ejus Unio cum Verbo, eundem habuerunt terminum, substantiam nimirum divinam: ergo sunt unum & idem.

Resp. Nego ant. Creatio enim habuit pro termino existentiam, quæ (ut superius dictum est) a substantia in Christo distinguitur: existentia enim abstrahit a termino, qui aut in se, aut in alio subsistat.

2. Q. Unio Verbi cum humanitate estne modus realiter ab extremis distinctus?

R. Non est: nam vel ille modus esset quid creatum, vel increatum. Si primum non redderet humanam naturam cum Verbo proportionatam; nec posset in Verbo recipi. Si secundum non magis posset in humanitate recipi, quam ipsa increata subsistentia Verbi.

Obj. 1. Humanitas Christi mutata fuit per suam cum Verbo unionem: ergo aliquid intrinsecum recepit, illud autem non aliud est quàm modus ab extremis distinctus: ergo, &c.

Resp. Humanitas intrinsecè mutata est per immediatam receptionem subsistentiæ Verbi, ac proinde non fuit modus necessarius ad efficiendum eam intrinsecam humanitatis mutationem.

Obj. 2. Humanitas unita Verbo est aliquid reale de novo positum in rerum natura: ergo est aliquid ab extremis distinctum.

Resp. Nego consequ. illud enim de novo positum, est ipsamet Verbi subsistentia, prout per se & immediatè humanitati conjungitur: quia sic conjuncta reddit humanitatem alteri supposito incommunicabilem, eamque in ratione naturæ subsistentis constituit.

3. Q. Estne aliquod discrimen inter Unionem, Unionem, Incarnationem, Assumptionem, & Terminationem?

R. Differunt. Nam 1. Unio est vinculum extrema conjungens; Unio vero est actio ex qua unio resultat tamquam terminus. 2. Incarnatio effectivè sumpta, est idem cum Unionem, accepta vero; formaliter, est idem cum Unionem. 3. Assumptio, quæ est quasi ad se, seu, ad esse proprium sumptio, differt ab Incarnationem, quod Incarnatio in suo primario conceptu dicat relationem ad humanam naturam; Assumptio vero relationem humanæ natu-

re ad Verbum. Tandem 4. Terminatio est effectus formalis subsistentiæ Verbi: ex illa enim subsistentia resultat terminatio, seu incommunicabilitas humanæ naturæ. Hinc verò patet unionem esse communem singulis personis Sanctissimæ Trinitatis, Unionem e contra, propriam esse Verbo ut Verbum est, sicut Assumptio & Terminatio.

4. Q. In quo positivè consistit Unio hypostatica Verbi cum humanitate?

R. In sola communicatione esse divini facta humanitati. Scilicet posita illa sola communicatione, intelligitur, quomodo natura humana non sit persona humana, sed divina: siquidem ratio propriæ personæ posita est in eo quodd natura aliqua sit juris proprii, non alieni; quodd se ipsam regat, ac gubernet: atqui per realem communicationem esse divini reè intelligitur, quomodo natura humana non sit juris proprii, sed alieni; quomodo a se ipsa regi ac gubernari non possit. Nempè quoties natura inferior accedit ad superiorem, tunc inferior desinit esse juris proprii; natura inferior regitur, ac gubernatur à superiore. Id videre est in corpore humano respectu animæ rationalis: nam idè corpus hominis non est persona, quæ sit distincta a persona animæ, quodd per modum naturæ inferioris accedat ad animam quæ est natura superior; quodd non a se ipso, sed ab anima moveatur ac gubernetur, animæque tribuantur omnia quæ fiunt a corpore. Ita ratiocinatur Cyrillus Alexandrinus in Scholiis pag. 782. Ita etiam Augustinus tractatu 19. in Joannem.

De proprietatibus unionis.

1. Quest. **U**nio Verbi cum humana natura estne physica ac substantialis an verò moralis tantùm?

R. Nestorius anno 418. ad Episcopatum Constantinopolitanum eveetus, docuit unionem de qua est quæstio, esse moralem tantùm, non autem physicam & substantialem.

Ex eo autem principio collegit 1. Verbum non alia secundùm speciem ratione, licet diversa secundùm gradum, humanitatem inhabitasse, quàm ea, quàm homines iustos cum aliis Sanctissimæ Trinitatis personis inhabitare.

Collegit 2. duplicem esse in Christo personam, inhabitatam quidem, seu humanam; & inhabitantem, seu divinam.

Collegit 3. Mariam Virginem non esse *Theotocon*, sed tantum *Christotocon*, id est, non *Deiparam*, sed *Christiparam*; quod nempè non Deum genuerit, sed merum hominem, qui sua eximia virtute postea meruerit tam singularem authoritatis & gratiæ conjunctionem, ut Deus appellatus sit.

Collegit 4. admitti non debere realem ac veram idiomatum communicationem; seu contendit veras non esse propositiones in quibus personæ Verbi tribuantur, quæ humanæ naturæ conveniunt; aut eas in quibus, quæ personæ Verbi propria sunt humanæ naturæ adscribuntur: proindeque hæc propositiones, *Deus mortuus est. Homo est immortalis: Deus est bimestris, aut trimestris. Homo est æternus*, impias esse censuit.

2. Q. Quibus argumentis demonstrari potest unionem Verbi cum humana natura, esse non moralem tantùm, sed physicam, & substantialem?

R. Iis omnibus quibus in tractatu de Trinitate

demonstratum fuit Christum esse physicè verè, ac substantialiter Deum, eique latriæ cultum deberi qui soli Deo exhiberi potest. Non enim Christus potest esse physicè, verè ac substantialiter Deus, si inter Verbum & humanitatem non alia sit, quam moralis unio. Utitur illo argumento Cyrillus in Epistola ad Cœlestinum Papam: *Atqui (ait) quomodo non magis oportuit illud pro certo habere, cum omnes per terrarum orbem sparsi orthodoxi Episcopi, & Laici Christum Deum, Virginem verò qua illum genuit Deiparam esse confiteantur?*

3. Q. Unio Verbi cum humanitate fuitne Universalis?

R. Fuit Universalis, quia Verbum non mancā & imperfectā, sed totā, ac integram humanitatem vel mediātē, vel immediātē assumpsit.

4. Q. Quænam humanæ naturæ partes immediātē assumptæ fuerunt a Verbo?

R. Corpus, Anima, potentiæ animæ, intellectus scilicet & voluntas. Ratio est, quia omnes illæ partes sunt essentielles humanitati, aut ex essentia humanitatis proximè & necessariò sequuntur.

5. Q. Verbum assumpsitne immediātē sanguinem?

R. Assumpsit immediātē, quia sanguis est pars integrans corporis: ita ut corpus non sit integrum sine sanguine. Et sanè 1. Levitici 17. *Anima (animæ) in sanguine est.* 2. Medium est quo anima omnes vitales operationes exercet: 3. connexionem habet necessariā cum corpore, ea nimirum de causa Concilium Tridentinum Sess. 3. cap. 3. definiit Christi sanguinem esse *per concomitantiam* sub speciebus panis consecrati, & vicissim corpus sub speciebus vini: 4. Verbum eo modo sanguinem assumpsit quo carnem, *Quia (ait Apostolus ad Hebræos 2.) pueri communicaverit carni & sanguini; & ipse similiter participavit eisdem.* 5. Christi sanguis per se, & solū ratione corporis in quo continetur,

pre-

pretii est infiniti : *In quo* (ait Apostolus ad Eph. 1.) *habemus redemptionem per sanguinem ejus* : unde Clemens VI. in Extrav. *Unigenitus*, asserit unam sanguinis Christi guttulam fuisse sufficiens redemptionis nostræ pretium.

6. Q. Verbum assumpsitne *immediatè* partes quæ ad corporis ornatum pertinent ?

R. Probabile est eas partes *immediatè* a Verbo fuisse assumptas, eo quod ad meliorem corporis statum pertineant, ut videre est in capillis, unguibus, & aliis hujusmodi. Jam verò quod spectat ad sudores, lacrymas, aliasque escrementitias partes, dicendum est, eas non pertinere aut ad ornatum, aut ad meliorem corporis statum, ac proinde *immediatè* cum Verbo unitæ non fuerunt, unde non alium cultum quàm relativum (si quæ in terris supersunt) merentur.

7. Q. Unio Verbi cum humanitate fuitne indissolubilis ?

R. Fuit. Nam (ut docent Scholastici post sanctum Joannem Damascenum) *Quod semel Verbum assumpsit, numquam dimisit*. Hinc dicitur in Symbolis, quod Dei Filius ad inferos descenderit, quod anima Verbo unita remanserit, hinc etiam dicitur, quod *idem* Dei Filius sepultus fuerit, quia Verbum remansit unitum corpori quod jacuit in sepulchro.

Obj. In terris remanserunt, & nunc etiam servantur guttulæ sanguinis in lancea, in sudario, in corona spinea : & tamen cum illis guttulis Verbum non remansit unitum.

R. Axioma Theologicum quod mox laudatum est, intelligi de iis tantum partibus, quæ cum Christi corpore in resurrectione iterum conjungendæ erant, non autem de aliis.

8. Q. Verbum in triduo mortis remansitne unitum sanguini, qui ex Christi corpore in passione fusus est ?

R. Quæstio illa ad fidem non pertinet: scilicet Pius Papa II. difficultatem illam inter Dominicanos & Franciscanos circa annum 1462. motam sic solvit, ut utrisque prohibuerit, ne ob id sibi invicem aliquam Theologicam notam inurerent;

De consequentibus unionem.

1. *Quæst.* **E**X unionem substantiali Verbi cum humana natura sequiturne in Christo naturarum confusio?

R. Eutyches circa medium sæculum quintum Constantinopoli Abbas, docuit ante unionem duas fuisse in Christo naturas realiter distinctas, sed post unionem unam tantum coaluisse ex intima utriusque compmixtione. Non alia ratione existimavit propugnari posse definitionem Concilii Ephesini I. quod quidem contra Nestorium definierat, unam tantum esse in Christo personam. Addidit tam intimam fuisse utriusque naturæ unionem, ut divina absorpserit humanam.

2. *Q.* Potestne demonstrari duplicem in Christo naturam, etiam post unionem, remansisse?

R. Potest. Nam 1. in Christo esse divinam naturam demonstratur iis omnibus argumentis, quibus in Tractatu de Trinitate probavimus Christum esse Deum. 2. Esse pariter humanam naturam demonstratur iis rationibus, quibus superius ostensum est, non phantasticum, sed verum corpus humanum in Christo fuisse, necnon animam rationalem, easque facultates quæ ex ipsa naturaliter sequuntur, intellectum scil. & voluntatem. 3. Utramque naturam, post unionem, in Christo remansisse, demonstrant hæc Apostoli verba ad Rom. 1. *De Filio suo qui factus est & ex semine David secundum carnem, qui predestinatus est Filius Dei in virtute*. 4. Huc referri debent ea Scripturæ loca, quæ docent, Christum esse
simul

simul Deum & hominem . Tandem si humana natura in Christo post unionem non remanserit ; dici non potest quòd Christus verè passus sit , quòd verè sit mortuus , quòd verè fuerit sepultus : scilicet ex propositiones veritatem non habent in Verbo , nisi in quantum in natura humana realiter subsistit.

Obj. 1. Ex Cyrillo in Epistola 1. ad Successum, *Post unionem una est Verbi Dei Incarnata natura : ergo, &c.*

Resp. 1. Eo loci nominæ *natura* intelligitur *hypothesis*, seu *persona*. Cyrillus enim agebat contra Nestorium qui duas personas admittebat in Christo.

Resp. 2. Dist. ant. Verbi Dei Incarnata natura, una est unitate suppositi, conc. ant. Unitate substantiæ, nego ant.

Obj. 1. Cyrillus in Epistola 1. ad Successum docet, duas naturas post unionem *sola mentis consideratione distinguere* : ergo, &c.

Resp. Dist. ant. Sola mentis consideratione distinguere *quoad separationem*, conc. ant. *quoad entitatem & substantiam* nego ant. scilicet in exemplum distinctionis de qua agit, Cyrillus profert unionem animæ cum corpore, quæ licet distincta sint, non sunt tamen separata.

Obj. 3. Augustinus in Epistola ad Volusianum scribit, Christum esse *mixturam Dei, & hominis* : ergo una tantum in eo est natura, quæ ex illa mixtione resultaverit.

Resp. Nego conseq. quia ea mixtio facta non est per mutationem unius naturæ in aliam, sed tantum per unionem ; ratione cujus unionis homo quoque dici potest mixtura corporis & animæ.

Obj. 4. Justinus in Apologia secunda scribit, Verbum factum fuisse carnem eo modo quo panis in Eucharistia fit Christi corpus : ergo per conversionem unius naturæ in aliam : cum panis in Eucharistia verè convertatur in Christi corpus.

Resp. Dist. ant. Eo modo secundum aliquid; conc. ant. secundum omnia, nego ant. In eo valet allata a Justino comparatio, quod sicut Verbum per Incarnationem *realiter* factum est caro: ita panis in Eucharistia fit *realiter* Corpus Christi per conversionem.

3. Q. Ex unione substantiali Verbi cum humana natura sequiturne Idiomatum communicatio?

R. Sequitur. Nam. 1. quemadmodum unio corporis cum anima efficit ut inter corpus & animam admittatur idiomatum communicatio: ita & idem præstat unio Verbi cum humana natura; est enim ex S. Cyrillo, & ex S. Augustino, similis unioni quæ inter corpus & animam reperitur. 2. Scriptura docet, Deum suo sanguine sibi Ecclesiam acquisivisse; Deum animam pro nobis posuisse; Filium hominis de cælo descendisse. 3. Concilium Ephelinum I. damnavit Nestorium, quod eam, de qua agitur, Idiomatum communicationem nollet admittere; contendens eam habere locum inter ea quæ physice sunt unita, non autem inter ea quæ moraliter tantum conjuncta sunt, ut putabat Verbum cum homine unitum fuisse.

Obj. Felix Papa III. damnavit hanc propositionem: *Unus de Trinitate passus est*: quæ tamen est vera, si admittenda sit idiomatum communicatio: ergo, &c.

Resp. Dist. ant. Damnavit in sensu Eutychianorum, qui negantes humanam naturam in Christo remansisse, passionem ipsimet Verbo adscribebant, conc. ant. In sensu obvio, seu quem verba præ se ferunt, hoc est, in quantum significat unam Trinitatis personam in carne passam fuisse, nego ant. Scilicet Joannes Papa II. in Epistola ad Avitum, docet Catholicæ regulæ consentaneum esse, sive dicatur, *Unum de Trinitate passum esse*; sive, *Unam de Trinitate personam passam esse*.

Cum

Cum verò postea Monachi Scythæ contenderent, sine additione hujus propositionis, definitionem Synodi Calchedonenſis adverſus Eutychem, eſſe mancam ac imperfeclam, Hormiſdas Papa in Epistoſta ad Poſſeſſorem, eandem, in ſenſu illorum Monachorum, propoſitionem damnavit.

4 Q. Communicatio idiomatum in Chriſto eſtne realis, an verò metaphorica tantum?

R. Eſt realis: damnatus eſt enim Neſtorius, quòd vellet eam communicationem eſſe tantum metaphoricam.

5 Q. Quibus principiis nititur idiomatum communicatio.

R. Nititur 1. Unitate hypotheſis quæ in Chriſto reperitur. Nititur 2. altero principio quod ſequitur ex hypotheſis unitate: nimirum humanitas ratione unionis hypotheſtica, facta eſt humanitas propria Verbi. Nititur 3. immutatione naturæ in alteram naturam.

6 Q. Ex unionem ſubſtantiali Verbi cum humanitate ſequiturne perſonam Chriſti eſſe compoſitam?

R. Sequitur 1. quia ex illa unionem ſequitur perſonam Chriſti ſubſiſtere phyſicè & realiter in duabus naturis. 2. Patres Quintæ Synodi generalis dicunt, Chriſti *unam eſſe ſubſiſtentiam compoſitam*. Eodem modo loquuntur Patres Sextæ generalis Synodi: *Unam ejus* (inquiunt Aët. 11.) *ſubſiſtentiam compoſitam dicimus*. 3. Se habet perſona in Chriſto, ſicut truncus cui duæ arboris ſpecies inſertæ ſunt, ergo quemadmodum truncus ille rectè dicitur compoſitus; ita & perſona Chriſti in qua duæ naturæ ſubſiſtunt. 4. Id in quo duo extrema uniuntur, dicitur compoſitum: ſed duo extrema uniuntur in perſona Chriſti, humana nimirum & divina natura: ergo, &c.

Obj. 1. In ſuppoſitione de qua agitur, natura divina & natura humana eſſent partes, quæ conſtituerent

personam Christi, quod est falsum: nam alioquin sequeretur personam Christi, esse perfectiorem natura divina: quia totum est perfectius parte: ergo, &c.

R. Nego ant. Se habent enim per modum termini tantum: unde numerum faciunt, non partes: *Christus una persona est gemina substantia* (inquit Augustinus libro 3. contra Maximinum cap. 11.) *Quia Deus & homo est: nec tamen Deus, pars hujus persona dici potest.*

Obj. 2. Componentia etiam per modum numeri sunt priora composito, quod ex eis resultat: atque natura divina non est prior persona Christi; ergo persona Christi non est composita.

R. Nego min. Ratio est, quia persona Christi non est persona Verbi simpliciter & absolute sumpta, sed est persona Verbi reduplicative prout terminat humanam naturam: at natura divina est prior persona Verbi reduplicative prout terminante naturam humanam.

Obj. 3. Admitti non debent istae propositiones: *Persona Verbi est composita*: ergo nec ista alia, *persona Christi est composita*, siquidem persona Christi est idem cum persona Verbi.

R. Conc. ant. nego conseq. Ratio disparitatis est, quia in ista propositione, *Persona Verbi est composita*: nomen hoc, *persona*, absolute ac simpliciter sumitur: è contrà in hac alia, *persona Christi*, &c. vox *persona* sumitur (ut loquitur Concilium Calchedonense) prout in *duabus naturis* existens: ac proinde est in Christo, non autem in se, ac simpliciter, composita.

Obj. 4. Hæc propositio: *Due nature, divinitas & humanitas sunt unus Christus*, non est vera: scilicet in Concilio Constantiensi Sess. 15. cum aliis Joannis Hus articulis damnata fuit: ergo nec ista *Persona Christi est composita*, est vera.

Resp.

De Deo Incarnato : 281

Resp. 1. Nego ant. ad cujus probationem distig. ant. Damna est in sensu Joannis Hus qui post Vvicle-
sum eam sumebat in sensu diviso, conc. ant. in se, & ab-
solutè sumpta, seu in sensu composito, nego ant. Hæ-
retica est quatenus facit sensum divisum, hoc est
prout significat, divinitatem & humanitatem divi-
sim sumptas, esse unum Christum; sana est è contra
& vera, prout significat divinitatem & humanita-
tem in hypostaticè conjunctas, esse unum Christum. Ita
non pauci Theologi ratiocinantur.

* *Resp. 2.* Concesso antecedente, nego conseq. Ra-
tio est, quia Christus est aliquid aliud præter divi-
nitatem & humanitatem: est enim præterea divini-
tas & humanitas prout in persona Verbi subsisten-
tes, juxta illud Augustini tractatu 78. in Joannem:
*Agnoscamus geminam substantiam Christi, divinam
scilicet, qua aequalis est Patri; humanam verò, qua
major est Pater: utrumque autem simul, non duo, sed
unus est Christus.*

C A P U T VI:

De Termino Incarnationis:

Nota. **T**erminus Incarnationis est id, quod re-
sultat ex Incarnatione: id autem quod
ex ea resultat est compositum illud quod Christus
vocatur, quodque constat ex duabus naturis in una
Verbi persona subsistentibus. In Christo autem per-
pendi possunt, Scientia, Sanctitas, Libertas, Meri-
tum, Subjectio, Adoptio, Prædestinatio, Digni-
tas Capitis, Sacerdotis, Regis, Redemptoris, Me-
diatoris, Oratio ab eo facta, & tandem Adoratio
ipsi debita,

De Scientia Christi.

1. *Quæst.* **F**uitne in Christo scientia creata?

R. Fuit: quia natura humana in Christo fuit natura perfecta, ac proinde natura quæ omnibus naturalibus dotibus prædita fuerit.

2. *Q.* Quotuplex fuit in Christo scientia creata?

R. Triplex, Infusa, Beata, & Acquisita.

3. *Q.* Quomodo ex Scientiæ species definiuntur?

R. Scientia infusa, est ea quæ humanitati Christi indita fuit divinitus, absque ullo humanitatis actu. Beata, definitur ea quam humanitas Christi habuit ex vi intuitivæ Dei visionis. Acquisita tandem est ea quam humanitas Christi propriis actibus comparavit.

4. *Q.* Quo argumento probari potest fuisse in humanitate Christi scientiam infusam?

R. Probari potest ex eo quodd illius humanitas statim instructa fuerit donis omnibus; fuit enim perfecta humanitas: at inter ea dona est scientia, non quidem acquisita, cum fuerit in humanitate Christi à primo suæ conceptionis instanti: ergo fuit ipsi à Deo infusa.

5. *Q.* Quibus argumentis probari potest, scientiam Beatam in Christo fuisse?

R. Probari potest ex eo quodd humanitas Christi frustra sit intuitiva Dei visione: ergo habuit scientiam Beatam, quæ est ejusdem visionis effectus.

6. *Q.* Potestne demonstrari humanitatem Christi à primo suæ conceptionis instanti fruitam esse visione Dei intuitiva?

R. Potest. Nam 1. sic ipse Christus loquitur Joannis 3. *Si dixero, quoniam non novi eum* (Patrem

trem) ero similis vobis mendax, sed scio eum, & sermonem ejus servo. Scire & nosse Patrem, est eum intuitivè videre: qui enim intuitivè non videt, credit, nec novit, nec scit: atqui Christus ut homo erat, sciebat Patrem, est is qui dicebat: *sermonem ejus servo*: sed qui servabat sermonem Patris, seu qui obediebat præceptis Patris, erat Christus ut homo est; ergo, &c. Idem docet Augustinus in libro de Octoginta tribus quæstionibus, quæstione 15. ubi scribit, quodd inter Christum & nos illud sit discrimen, quodd cum ille Deum ante mortem intuitivè viderit: nos è contrà non sumus eum nisi post mortem visuri. 3. Idem docet Eusebius Cæsariensis in libro 10. de Demonstratione Evangelica. 4. Idem fuit semper Catholicorum omnium sensus: hincque concluditur Ecclesiam caput illud habere ex Apostolorum traditione: unde erronea foret sententia qua contrarium assereretur.

7. Q. Quo argumento probari potest scientiam *Acquisitam*, fuisse in humanitate Christi?

R. Ilto. Christo sæpius elicuit ætus intellectus circa res, quæ sunt ordinis naturalis; multa quoque per actionem sensuum expertus est: ergo rerum illarum habuit scientiam *acquisitam*: de ea intelligi possunt hæc verba Lucæ 2. *Et Jesus proficiebat sapientia & ætate, & gratia apud Deum & homines.*

8. Q. Quodnam fuit objectum scientiæ *Infusæ* Christo? hoc est quænam sunt res, quas humanitas Christi cognovit per scientiam *infusam*?

R. Cognovit res omnes necessarias, species omnium entium existentium, artes omnes, cunctas cujuscumque generis disciplinas: scilicet rerum illarum cognitio confert ad humanitatis assumptæ perfectionem.

9. Q. Quænam sunt, quæ humanitas Christi cognovit per scientiam *Beatam*?

R. Exi-

R. Existentia omnia, in quacumque temporis differentia concipiantur: quia beati in Deo quem vident, cognoscunt ea omnia quæ ad illorum statum pertinent: at cognitio omnium existentium ad Christi statum pertinet: scilicet à Patre constitutus est rerum omnium Dominus, Angelorum & hominum iudex.

Obj. Humanitas Christi non cognovit tempus quo futura est extrema iudicii dies: *De die autem illa vel hora* (inquit ipse Marci 13.) *nemo scit, neque Angeli in celo, nèque Filius hominis, nisi Pater*: ergo Christus per scientiam beatam non cognovit omnia existentia in quacumque differentia temporis, quamvis ad illius statum, ut tempus extremæ iudicii diei, pertinerent.

Resp. Dist. ant. Non cognovit, improprie ac metaphoricè loquendo, conc. ant. proprie & non metaphoricè loquendo, nego ant. Humanitas Christi (metaphoricè loquendo) dicitur nescivisse tempus extremæ iudicii diei, eo quodd Apostolos non fecerit illius scientes: unde sententiæ ex Marco laudatæ is est sensus: *Nemo scit, neque Filius hominis, sed Eà scientia quæ aliis communicari debeat*, nec enim quidquam à Filio manifestari debuit Apostolis, præter id quod Filius manifestandum à Patre didicerat.

Nec inde sequitur quodd (ut volunt nonnulli Scriptores) Christus ea loquendi ratione usus est restrictione mentali. Siquidem Apostoli iam sæpius observaverant, Christum sæpius adhibuisse similem metaphoricum loquendi modum: unde facile supplebant id quod in sententia de qua agitur subintelligebatur. Nempè Joannis 15. in his Christi vocibus: *Vos autem dixi amicos, quia omnia quacumque audiivi à Patre meo*, suppleverant vocem, *Manifestanda*. In his aliis de Spiritu Santo cap. 16. *Quacumque audietur loquetur*, suppleverant quoque

vocem Manifestandam: ita ut sic eam Christi sententiam intellexerint; *Quocumque manifesta audit, loquitur.*

§. II.

De Sanctitate Christi.

1. *Quest.* **F**uitne in humanitate Christi vera Sanctitas?

R. Fuit: juxta illud Lucæ 1. *Quod nascetur ex te sanctum, vocabitur Filius Dei.*

2. *Q.* Quotuplex fuit Sanctitas in humanitate Christi?

R. Duplex, Substantialis nimirum, & Accidental.

3. *Q.* Unde oriebatur Substantialis Sanctitas humanitatis Christi?

R. Ex substantiali, seu hypostatica illius unionem cum persona Verbi: Nam 1. per eam unionem Christus factus fuit Filius Dei: 2. Per eandem unionem uncta fuit substantialiter humanitas Christi: at unctio in Scripturis pro Sanctitate sumitur; juxta illud Augustini in cap. 2. Epist. 2. Joannis: *Unctio invisibilis, Spiritus sanctus: Unctio invisibilis caritas illa est, qua in quocumque fuerit, tamquam radix illi erit, quamvis ardente sole ardescere non potest.*

4. *Q.* Unde oriebatur accidentalis Sanctitas humanitatis Christi?

R. Ex caritate habituali illi infusa in primo suæ conceptionis instanti, & ex caritate actuali qua semper & sine interruptione in Deum movebatur. Ea verò caritas dicitur Sanctitas accidentalis, quia distincta erat realiter tum à persona Verbi, tum ab humanitate, in qua tamquam in subiecto recepta erat.

Obj. 1. Sanctitas accidentalis reddit subiectum in quo est, Filium adoptivum; at id Christo etiam ut ho-

homo est, non convenit: ergo, &c.

R. Dist. mai. Si subiectum in quo recipitur, sit capax filiationis adoptivæ, conc. ant. si non sit illius capax, ut reverà capax non est Christus etiam ut homo est, quia nimirum est Filius naturalis, nego ant.

Obj. 2. Sanctitas accidentalis emīnenter continetur in substantiali, quam Christus habet: ergo post unionem hypostaticam est inutilis.

R. Conc. ant. nego conseq. Quia confert ut humanitas Christi compleatur ad agendum modo conaturali, per principium nimirum sibi ad actus supernaturales proportionatum.

Obj. 3. Sanctitas accidentalis non est infinita: ergo inutilis fuit in Christo ad exhibendam Patri satisfactionem infinitam.

R. Conc. ant. nego conseq. Quia infinitum Christi meritum non petitur ex Sanctitate accidentali in se sumpta, sed prout est in operante qui propter unionem hypostaticam cum Verbo, dignitatis est infinitæ.

5. Q. De qua Sanctitate, Substantiali, an Accidentali, debet intelligi plenitudo gratiæ, quæ (dicente Scriptura) reperitur in Christo?

R. Intelligitur de utraque: & quidem 1. de substantiali, quæ cum sit idem cum persona Verbi humanitatem sanctificante, est omnino infinita: 2. de accidentali: quæ quidem idem plenitudo gratiæ dicitur, quod totam expleat humanitatis capacitatem.

6. Q. Plenitudo Sanctitatis & gratiæ fuitne necessarium in Christo?

R. Fuit: & quidem 1. quia Christus est naturalis Dei Filius: 2. quia caput est totius Sanctitatis quæ in fidelibus, qui sunt illius membra, reperitur: 3. quia Sacerdos est & mediator: *Talis enim* (ait Apostolus ad Hebræos 7.) *decebat ut nobis esset Pontifex, sanctus, innocens, impollutus, segregatus*

tus à peccatoribus, & excelsior cælis factus, qui non habet necessitatem quotidie, quemadmodum Sacerdotes, pro suis delictis hostias offerre, deinde pro populi.

§. III.

De Libertate Christi:

1. *Quest.* **L**ibertas fuitne in humanitate Christi? **R.** Fuit: 1. quia libertas est naturalis perfectio humanitatis: 2. Libertas requiritur ad merendum & ad satisfaciendum: quod quidem præstitit humanitas Christi.

2. *Q.* Quotuplex fuit libertas in humanitate Christi?

R. Duplex. Libertas nimirum *voluntatis*, & *libertas arbitrii*. Prima, est ea per quam humanitas Christi quædam voluit, quæ tamen non poterat non velle. Altera est, per quam quædam voluit, quæ poterat non velle.

3. *Q.* Libertas quæ dicitur *arbitrii* fuitne in humanitate Christi ad Deum amandum?

R. Non fuit: quia non potuit non amare Deum: non potuit autem non amare Deum, quia in privatione aut negatione amoris Dei, intellectus Christi non apprehendit aliquod bonum, etiam apparens: voluntas vero non potest ferri in objectum in quo intellectus non apprehendit aliquod bonum, saltem apparens.

Obj. Humanitas Christi meruit per actus charitatis in Deum: ergo illorum respectu fuit libera libertate arbitrii.

R. Dist. ant. Meruit per actus charitatis in Deum prout ad creaturas terminatos, conc. ant. prout ad ipsum Deum terminatos, nego ant. charitas in Deum fuit quidem in humanitate Christi principium

pium meriti : sed per eam non meruit, nisi in quantum charitatis actus ad hominum salutem retulit, aut in quantum fuit principium quod eum movit ad exercitium aliarum à charitate virtutum: istas enim non autem illam pro libito omittere potuit ; quia non sunt ultimus finis, sed tantum media ad finem: libertas verò arbitrii non versatur circa finem ultimum, sed tantum circa media quæ sunt ad finem : unde à S. Thoma definitur : *Electio mediorum servato ordine finis.*

4. Q. Humanitas Christi fuitne libera libertate arbitrii circa mortem sibi à Patre absolutè præceptam ?

R. Fuit : quia mors non est finis ultimus, sed medium ad ultimum finem : at libertas arbitrii reperitur in omnibus, quæ sunt ad finem . Ita passim Thomistæ respondent .

Obj. Humanitas Christi non potuit non subire mortem sibi à Patre absolutè præceptam ; ergo circa eam non fuit libera libertate arbitrii. Probat. ant. Si Christus potuisset non subire mortem, potuisset non obedire præcepto Patris, at non potuit non obedire, alioquin peccare potuisset ; quia omissio mortis præceptæ est peccatum : ergo, &c.

Respondent Thomistæ ad 1. nego ant. ad 2. dist. maj. Si potuisset non subire mortem in sensu composito, potuisset non obedire præcepto Patris, conc. maj. Si tantum in sensu diviso, nego maj. Humanitas Christi non potuit, propter rationem allatam, non subire mortem in sensu composito; hoc est, non subire mortem reduplicativè ut præceptam; sed potuit eam non subire sumptam in se, & considerata seorsim à præcepto; quia privatio mortis in se, & absolutè sumptæ, hoc est, sine respectu ad præceptum Patris, non est malum culpæ, ac proinde nec peccatum : satis est verò ad libertatem arbitrii, ut res in se considerata, possit omitti & non omitti:
non

non enim requiritur ut possit omitti considerata prout subest præcepto divino, quia sic sumpta, est malum culpæ: at ad libertatem, etiam arbitrii, non requiritur potestas faciendi malum culpæ; hoc enim tantum est essentiale libertati quod sit *electio mediorum, servato* (ut fuscè dicemus in tractatu de actibus humanis) *ordine finis*. Ita Massouliéus, Gonetus, & alii Thomistæ ratiocinantur.

§. IV.

De merito Christi.

1. *Quæst.* **E**stne de fide quod humanitas Christi meruerit?

R. Est. Nam 1. meruit nostram redemptionem; juxta illud Petri epist. 1. cap. 1. *Mementote, quod non corruptibilibus auro vel argento redempti estis de vana vestra conversatione, sed pretioso sanguine agni immaculati*. 2. In humanitate Christi fuerunt omnes conditiones ad merendum requisitæ; nimirum sanctitas, libertas arbitrii, status viæ, & promissio ex parte Dei, acceptandi ætus Christi in ordine ad præmium, juxta illud Isaïæ 53. *Si posuerit pro peccato animam suam, videbit semen longævum, & voluntas Domini in manu ejus, dirigetur. Pro eo quod laboravit anima ejus, videbit, & saturabitur*.

2. Q. Quo tempore humanitas Christi mereri cœpit?

R. A primo suæ conceptionis instanti: quia per ætum perfectissimæ charitatis obtulit sese Deo Patri hostiam pro generis humani redemptione, juxta illud Apostoli ad Hebræos cap. 10. *Ingrediens mundum dicit: hostiam & oblationem noluisti: corpus autem aptasti mihi: holocaustomata pro peccato non tibi placuerunt. Tunc dixi: ecce venio: in capite libri scriptum est de me: ut faciam Deus voluntatem tuam*.

3. Q. Humanitas Christi mereturne jam in cœlis?

R. Non meretur : quia , ex ordinatione divina , in merente requiritur status viatoris , qui jam in Christo in cœlis existente non reperitur : est enim in cœlis comprehensor tantum , cum è contrà in terris fuerit simul comprehensor , & viator .

4. Q. Per quos in specie actus meruit humanitas Christi ?

R. Per omnes actus circa quos humanitas Christi fuit libera libertate arbitrii : non autem per eos circa quos fuit libera tantum libertate voluntatis.

5. Q. Humanitas Christi meruitne sibi primam actualem gratiam ?

R. Non meruit : quia prima gratia actualis est principium meriti : principium autem meriti non cadit sub merito .

Obj. Gratia substantialis , sive unio hypostatica fuit in Christo primum principium meriti : gratia verò actualis secundarium tantum : ergo Christus potuit ratione unionis hypostaticæ mereri sibi primam gratiam actualem.

Resp. Dist. ant. Unio hypostatica fuit primum principium *dignitatis* meriti , conc. ant. *causalitatis* meriti , nego ant. Quamvis enim unio hypostatica contulerit dignitatem meritis Christi , & exegerit ut gratia actualis conferretur humanitati Christi : non fuit tamen causa efficiens meriti , sed gratia actualis quæ physicè humanitas ad actus supernaturales determinata fuit .

6. Q. Humanitas meruitne sui glorificationem , & sui nominis exaltationem ?

R. Meruit utrumque : & quidem 1. sui glorificationem : eam enim petiit Joannis 17. *Pater clarifica Filium tuum* : in quæ verba sic loquitur Angustinus tractatu 104. in Joannem : *Ut Christus resurrectione glorificaretur , prius humiliatus est passione . Humilitas , claritatis est meritum ; claritas , humilitatis est premium .*

7. Q. Hu-

7. Q. Humanitas Christi meruitne nobis salutem, & ea omnia quæ ad salutem conferunt?

R. Meruit: Concilium enim Tridentinum Sess. 6. definiit 1. Christum nobis gratiam sanctificantem meruisse. Definiit 2. justum ex Christi meritis mereri sibi augmentum gratiæ: Definiit 3. Christum meruisse nobis prærequisitas ad justificationem dispositiones: ad ea omnia referri debent hæc Apostoli verba ad Ephesios 1. *Qui benedixit nos in omni benedictione spirituali, in cœlestibus in Christo Jesu.*

8. Q. Humanitas Christi meruitne nobis bona temporalia?

R. Non meruit, nisi ad salutem ordinentur: aperte nimirum Christus in Evangelio profitetur, regnum sibi à Patre datum, non esse de hoc Mundo.

9. Q. Humanitas Christi meruitne Angelis, & Adamo innocenti gratiam quam habuerunt?

R. Non meruit: quia Christus non fuit futurus, nisi post prævisum peccatum originale. Præterea, ex Apostolo, primæ ad Corinth. 5. non nisi pro mortuis, hoc est, lapsis mortuus est: *Si unus (inquit) pro omnibus mortuus est: ergo omnes mortui sunt.*

Obj. Ex Apostolo ad Coloss. cap. 1. Deus instauravit omnia in Christo quæ in cœlis & in terra sunt: ergo Christus Angelis gratiam meruit.

Resp. Dist. ant. Instauravit omnia, substituendo homines Angelorum ruinæ, conc. ant. Moriendo pro Angelis, nego ant. Ex ipsa hominum redemptione (inquit Augustinus Enchiridii cap. 16.) *Ruina illius Angelicæ detrimenta reparantur.*

§. V.

De Subjectione Christi:

1. Q. 1^a. **H**umanitas Christi fuitne in se serva Dei Patris?

T 2

R. Fuit

R. Fuit utpote creata : unde hæc ait Apostolos ad Philippenſes 1. *Formam ſervi accipiens*.

2. Q. Chriſtus poteſtne abſolutè , ac ſine hoc addito , *prout eſt homo* , dici ſervus Patris ?

R. Non poteſt dici : quia ſervitus ſine addito adſcripta concreto , cadit in perſonam : at Chriſtus ſecundùm perſonam non eſt ſervus Patris ; cùm è contrà ſit Filius ejus naturalis , ac proinde independens à Patre .

3. Q. Chriſtus cum hoc addito , *prout homo* , poteſtne dici ſervus Patris ?

R. Circà eam quæſtionem duplex eſt Scholaſticorum ſententia . Prima , quæ eſt Sylvii & plurium aliorum , docet , hanc propoſitionem , *Chriſtus prout eſt homo , eſt ſervus Patris* , eſſe , rigorosè loquendo , veram . Altera , quæ eſt Thomæſtini noſtri & plurium aliorum , negat eamdem propoſitionem eſſe in rigore veram .

4. Q. Quænam ex illis duabus opinionibus conſormior eſt Scripturæ & Patribus ?

R. Ea , quæ docet Chriſtum , *etiam prout homo eſt* , non poſſe dici ſervum Patris .

5. Q. Poteſtne ex Scriptura probari Chriſtum non poſſe dici ſervum Patris , etiam cum hoc addito , *prout eſt homo* ?

R. Poteſt . Et quidem 1. Chriſtus nuſquàm in Evangelio ſeipſum dixit Patris ſervum . 2. Apoſtoli Chriſtum vocarunt quidem Dominum ſuum , ſed nuſquàm ſervum Patris . 3. Chriſtum è contrà Apoſtoli iis qui ſervi eſſent oppoſuerunt : *Moyſes quidem tamquam ſamulus* (inquit Paulus in Epistoſta ad Hebræos cap. 3.) *ſidelis fuit in tota domo ejus : Chriſtus autem , tamquam Filius in domo ſua* . Inde verò , ſeu quidd Chriſtus non fuerit ſervus , hanc Apoſtolus elicit concluſionem : *Amplioris enim gloria iſte præ Moyſe dignus eſt habitus* .

6. Q. Poteſtne ex Traditione probari Chriſtum etiam

etiam cum hoc addito : *prout est homo* dici non posse servum Patris ?

R. Dionysius Alexandrinus in Epistola ad Paulum Samosatenum, expresse negat, Christum *qui natura Dominus erat, fuisse natura servum*. Objicit sibi hunc Apostoli textum : *Formam servi accipiens* : sed respondet formam in eo loco non significare naturam intrinsecam servi, sed apparentem tantum : *Neque verò (ait) forma servi servus est : ut si famulum suum herus jubeat, pellem ovium induere*.

Theodoretus ad calcem secundi Dialogi, Apollinario vertit crimini, quod Christum vocasset servum ; quod quidem (inquit) nullus nostrum antea ausus erat dicere.

Hadrianus Papa I. in Epistola ad Episcopos Hispaniæ damnat Felicem, & Elipandum, quod Christum ausi fuissent vocare servum.

Concilium Francofordiense, ut probet contra Felicem & Elipandum in Hispaniis Episcopos, Christum non esse Filium adoptivum, utitur hoc principio : quod Christus nec sit nec dici possit servus : *Si Deus verus est (inquit in Epistola Synodica) qui de Virgine natus est ; quomodo potest tunc adoptivus esse vel servus ? Deus enim nequaquam audent confiteri servum, vel adoptivum*.

Hincque patet verum non esse commentarium eorum qui, ut vim argumenti declinent, respondent, Concilium Francofordiense rejicere servi nomen, non quidem (ajunt absolute,) sed tantum, prout ex adoptione a Felice & Elipando colligebatur.

Præterea si Concilium existimasset Christum posse aliquo sensu, seu cum additione, *prout est homo*, dici servum Patris, non negasset simpliciter, absolute, & cum terminis indefinitis, eum nec esse, nec dici posse servum Patris, sed restrictionem ad

hibuisset, ne termini indefiniti, quibus utitur, universaliter acciperentur.

Obj. 1. Isaïæ cap. 42. hæc habentur: *Ecce servus meus, suscipiam eum*: sed illa verba intelliguntur de Christo, ut patet ex Matthæi cap. 12., ergo, &c.

R. Dist. maj. Vocatur servus metaphoricè, hoc est, prout servi officia exhibuit, conc. maj. Propriè & non metaphoricè, nego maj. Ita Concilium Francofordiense locum illum exponit.

Obj. 2. Psalter Regius sic Christum loquentem inducit: *O Domine, ego servus tuus, & Filius ancillæ tuæ*, ergo, &c.

R. Dist. ant. Inducit loquentem in persona aliena, hoc est, prout ratione officiorum quibus perfunctus est, in Israele, aut in Davide, aut in Prophetis, adumbratus fuit, conc. ant. In persona propria, nego ant. Ita respondet Hadrianus Papa in Epistola ad Hispaniarum Episcopos.

Obj. 3. Apostolus scribit, Verbum accepisse formam servi: ergo &c.

R. Dist. ant. Secundum apparentiam & officia, conc. ant. Secundum realitatem & conditionem, nego ant. Ita Concilium Francofordiense.

Obj. 4. Christus prout homo, fuit dependens & creatus: ergo & servus.

R. Conc. ant. nego consequ. Siquidem ut quis sit servus realitèr & secundum conditionem, satis non est quod habeat naturam dependentem, sed præterea requiritur quod in eo sit persona dependens, quæ quidem non fuit in Christo: cum in eo alia non sit persona, quam persona Verbi. Ita expressè respondet Concilium Francofordiense.

Obj. 5. Christus fuit obediens Patri; tenebatur præceptis legis naturalis: ergo fuit servus.

R. Conc. ant. nego consequ. Quamvis enim Filius obediat Patri, quamvis teneatur illius præcepta

pta servare , quamvis servilia ei exhibeat officia ; non ob id tamen vocari potest servus. Ita Concilium Francofordiense , solvens illud argumentum à Felice & Elipando obj. sum.

Obj. 6. Christus prout est homo , Patrem adoravit , & nunc etiam adorat patriæ cultu : *Nos adoramus* (ait Christus ipse) *quod scimus* : ergo fuit , & est servus.

Resp. 1. Dist. ant. Adoravit dignè Deo , juxtà illud Apostoli ad Hebr. cap. 5. *Exauditus est* (à Patre) *pro sua reverentia* , conc. ant. Non dignè Deo ; ut sit à servis, nego ant.

Resp. 2. Conc. ant. nego conseq. Quia licèt adoratio sit officium servi , nihilominus exhibentem non constituit servum . Ita ratiocinatur Tertullianus in libro de carne Christi.

Obj. 7. Plures Patres Christum vocarunt servum ; scilicet Arianis contra Verbi divinitatem obliſcipientibus Prophetarum oracula , in quibus Christus vocatur servus , responderunt ea intelligi debere non prout *Verbum est* , sed prout *est homo* : ergo , &c.

Resp. Dist. ant. Responderunt ea de Christo homine intelligi debere metaphoricè , conc. ant. propriè , nego ant. Ita argumentum illud solvit Hadrianus Papa in Epistola ad Episcopos Hispanos.

Obj. 8. Christus ipse prout homo , Deum Patrem vocat Dominum suum : sed qui Dominum habet , servus est ; ergo , &c.

Resp. Dist. maj. Vocat Dominum suum secundum officia servilia , quæ Patri exhibuit , conc. ant. secundum conditionem , nego ant. *Denominativè igitur* (ait S. Joannes Damascenus in libro de fide orthodoxa , cap. 2.) *dicitur servus , non quòd ipse sanè hoc existat , sed quòd propter nos formam servi accepit , & servus nobiscum vocatus est.*

De Adoptione Christi.

1. *Quæst.* **C**hristus potestne dici Filius adoptivus cum exclusione filiationis naturalis?

R. Non potest : quia Concilium Ephesinum I. damnavit Nestorium, quoddam filiationem naturalem ac substantialem quæ oritur ex unione hypostatica naturæ humanæ in persona Verbi, à Christo excluderet.

2. *Q.* Christus potestne dici absolutè & sine hoc addito *prout est homo*, Filius adoptivus?

R. Non potest : quia filiatio simpliciter & sine addito sumpta, cadit in personam: at Christi personæ, cum sit persona Verbi, adoptiva filiatio tribui non potest.

3. *Q.* Christus potestne dici filius adoptivus cum hac additione *prout est homo*?

R. Non potest. Si enim Christus non possit dici servus, etiam cum additione, *prout est homo*; à fortiori non potest dici Filius adoptivus.

4. *Q.* Potestne demonstrari ex Scriptura Christum, etiam cum additione, *prout est homo*, non posse dici Filium adoptivum?

R. Potest. Siquidem Scriptura Christum etiam, *prout est homo* vocat Dei Filium: *Qui* (inquit Apostolus ad Rom. 8.) *proprio filio suo non pepercit, sed pro nobis omnibus tradidit illum*: nimirum secundum humanitatem traditus est: *Quia* (ait Adrianus Papa) *non est traditus secundum divinitatem, sed secundum id quod homo erat.*

Joannis cap. 3. sic de Christo Joannes Baptista loquitur: *Non enim ad mensuram dat Deus Spiritum, Pater diligit Filium, & omnia dedit ei in manus eius: eo in loco Christus dicitur Filius etiam, prout est homo.*

homo: neque enim Pater illi *prout Deus est*, dedit omnia in manus. Confirmatur ex eo quod post laudata verba, hæc subiiciantur: *Quem enim misit Deus, verba Dei loquitur*: non enim ut Deus locutus est, sed *prout est homo*.

Licet Christus Deum sæpè in oratione vocaverit Patrem, nusquam tamen dixit patrem *Nostrum*; ergo etiam *prout est homo*, non potest dici Filius adoptivus: alioquin enim, cum oraret *ut homo*, dixisset aliquando Patrem *Nostrum*: communem scilicet & eodem modo cum aliis hominibus, *prout homo est*, Patrem habuisset.

5. Q. Potestne demonstrari ex Patribus Christum etiam *prout est homo*, nec esse, nec dici posse Filium adoptivum Patris?

R. Potest. Hilarius ex his Pauli verbis ad Rom. 12. *Qui proprio Filio suo non pepercit*, expresse concludit, Christum, etiam *ut est homo* (nam ea sententia de eo sic considerato intelligitur) concludit inquam, Christum non posse dici adoptivum: sic enim loquitur: *Numquidnam etiam nunc adoptionis in eo erit nuncupatio, in quo proprietatis est nomen?*

S. Ildephonsus in libro de Virginitate S. Mariæ; colligit Christum non esse Filium adoptivum, ex eo quod sit cæterorum adoptator: *Ideo non est adoptivus Filius, sed adoptator (ut ita dicam) cæterorum*. Idem antea docuerat Augustinus tractatu 2. in Joannem in illud capitis primi, *Quotquot autem receperunt eum, dedit eis potestatem Filios Dei fieri*.

6. Q. Potestne rationibus demonstrari Christum, etiam *prout est homo*, nec esse nec dici posse Filium adoptivum?

R. Potest. Nam 1. Christus etiam, *prout est homo*, jus habet ad hæreditatem, cum sit cum Verbo unitus. 2. Non est extraneus Filius, sed proprius 3. Filii nomen propriè convenit personæ: non autem naturæ. 4. Ille, qui adoptivus est, non physice & sub-

substantialiter conjungitur cum adoptione, sed moraliter tantum, scilicet per affectum & legem: atqui Christus, etiam *prout est homo*, non solum per affectum & legem, sed etiam physicè & substantialiter cum Deo conjungitur, sicut anima cum corpore cui unita est: ergo, &c.

7. Q. Debeturne alicujus censuræ theologicæ nota doctrinæ qua assereretur, Christum dici posse, *prout est homo*, Filium adoptivum Patris?

R. Debetur. Nam 1. est *temeraria*: cum nec Scriptura, nec Patres unquam Christum dixerint adoptivum: 2. *erronea*: quia, ex unanimi ferè theologorum consensu, Scripturæ & Patribus adversatur: 3. Videtur quod ab Ecclesia damnata fuerit *ut hæretica*: quia proscripta est ab Hadriano Papa I. & à Concilio Francofordiensi in sensu Felicis & Elipandi.

Et sanè Felix, & Elipandus non eam propugnarunt cum exclusione filiationis naturalis: tum quia veram & realem inter Verbi personam, & hominis naturam admiserunt idiomatum communicationem, ut apertè patet ex fidei confessione, quam ante Concilium Francofordiense miserunt ad Carolum Magnum: tum quia unam tantum in Christo personam admiserunt: *homo interior* (inquiunt in sua fidei confessione) *in unâ eademque Dei, & hominis persona deglomeratus*: tum denique quia Hadrianus Papa & Concilium Francofordiense adversus Felicem & Elipandum disputantes, nusquam argumentis probarunt unionem substantialem Verbi cum humana natura, sed eam supposuerunt tamquam principium, ex quo necessariò sequeretur Christum nec esse, nec dici posse adoptivum Dei Filium.

Præterea Felix & Elipandus non simpliciter & absolutè propugnarunt Christum, & esse & dici posse Filium adoptivum sed cum additione, *prout est homo*. Nam 1. Concilium Francofordiense in Epistola
ad

ad Hispaniarum Episcopos sic Felicis doctrinam exponit: *Quam adoptionem ad Christi voluit transferre humanitatem.* 2. Elipandus in fidei confessione ad idem Concilium missa sic loquitur: *Filius adoptivus humanitate, & non adoptivus divinitate, Mundum redemit.* 3. Idem de iis Episcopis asserunt, Jonas Aurelianensis in libro 1. de cultu imaginum, Ammonius lib. 5. de gestis Francorum, cap. 83. Ado Viennensis in Chronico ad annum 793. & ante eos omnes Hadrianus Papa I. in Epistola ad Episcopos Hispaniæ.

Obj. 1. Irenæus in lib. 3. adversus hæreses cap. 21. scribit, *Dei Verbum adoptionem percepisse: ergo, &c.*

R. Dist. ant. Et illa verba, *adoptionem percepisse*, non referuntur ad Christum, conc. ant. Et ad Christum referuntur, nego ant. Sensus enim Irenæi est, quodd (ut ipse ibidem loquitur) *homo immixtus sibi Verbo Dei, ut adoptionem percipiens, sit Filius Dei.*

Obj. 2. Marius Victorinus libro 1. contra Candidum Arianum, docet, Christum *quadam adoptione* esse Filium *secundum carnem*: ergo Marius Victorinus censuit Christum esse Filium adoptivum, *prout est homo.*

R. Conc. ant. dist. conf. Adoptione improprie dicta: quia nimirum humanitas Christi nullo modo meruit suam cum Verbo unionem, conc. conseq. Adoptione proprie dicta, nego conseq. Quia Marius Victorinus non dicit Christum esse Filium adoptivum secundum carnem adoptione vera, sed *quadam adoptione.*

Obj. 3. Hilarius in libro 2. de Trinitate post medium, scribit, carnem à Verbo adoptatam fuisse: *ita potestatis (inquit) dignitas non amittitur, dum garnis humilitas adoptatur: ergo, &c.*

R. 1. Mendum irreplisse in Hilarii textum: nam loco

loco hujus vōcis, *Adoptatur*, legendum est, *Adoratur*. Id enim innuunt hæc verba quæ præcedunt ea, de quibus est quæstio: *Panni sordent, Deus adoratur; ita potestatis dignitas non amittitur, dum carnis humilitas adoratur.*

R. 2. Dist. ant. Dum carnis humilitas adoptatur *improprie* (quodd nimirum unionem hypostaticam non meruerit) conc. ant. *Proprie*, nego ant.

Obj. 4. S. Idelphonsus antè Felicis & Elipandi tempora, sic legebat in missa de cœna Domini: *Qui per adoptivi hominis passionem, dum suo indulset corpori, &c.* In Missa de Ascensione sic quoque legebat: *Hodie Salvator noster post adoptionem carnis, sedem repetivit Deitatis: ergo, &c.*

R. Dato antecedente, quod tamen nonnulli falsum esse contendunt, nego consequ. Scilicet eum de quo agitur Missæ textum nusquam probavit, imò rejecit Ecclesia Catholica. Ita Patres Concilii Francofordiensis in Epistola Synodica respondent. Addi potest Idelphonsum, ut superius ostensum est, nequaquam sensisse Christum dici posse Filium adoptivum: licet in Missa (ut fertur) legerit, & licet non correxerit quod in Missæ Canonem Toletanum per errorem aliquorum antea irreperat.

Obj. 5. Christus, prout est homo, non est Filius naturalis; sic enim consideratus, à Deo Patre genitus non est, sed creatus: ergo est Filius adoptivus.

R. Ad 1. nego ant. Ad 2. dist. ant. A Deo Patre genitus non est, & est homo Verbo hypostaticè conjunctus, conc. ant. & non est homo hypostaticè conjunctus Verbo, nego ant. Ad filiationem, etiam naturalem, non requiritur humanitatis productio à Deo Patre per veram generationem, sed satis est ejusdem humanitatis hypostatica conjunctio cum Verbo: quia ut quis sit filius naturalis, satis est, ut ejus persona per veram generationem à Deo Patre producta sit.

Obj.

Obj. 6. In Christo est forma, ex qua necessario sequitur adoptio, gratia nimirum habitualis: ergo prout homo, dici potest Filius adoptivus.

Resp. Dist. ant. ex qua sequitur adoptio, si subjectum sit illius capax, conc. ant. si non sit capax, nego ant. Christus, etiam ut homo, propter unionem hypostaticam cum Verbo, nusquam fuit capax adoptionis: ac proinde mirum non est quod gratia habitualis illum in eo effectum minime produxerit.

§. VII.

De Prædestinatione Christi:

1. Quæst. Christus potestne verè dici prædestinatus?

R. Potest: quia ab æterno decretum fuit, ut Christus esset in tempore.

2. Q. Quid in Christo est subjectum prædestinationis?

R. Duplex est; persona nimirum Verbi & illius humanitas: scilicet utraque ab æterno præordinata fuit ad aliquid: persona quidem Verbi, ut in tempore subsisteret in humana natura; & humanitas, ut in tempore cum persona Verbi hypostaticè conjungeretur.

3. Q. Potestne ex Scriptura probari Christi personam ab æterno prædestinatam fuisse?

R. Potest: sic enim loquitur Apostolus ad Rom.
1. De Filio suo, qui factus est ei (Deo) ex semine David secundum carnem, qui prædestinatus est Filius Dei in virtute secundum spiritum sanctificationis ex resurrectione mortuorum Jesu Christi Domini nostri. Aliter tamen locus ille potest exponi, nempe in Græco textu, loco vocis *prædestinatus*: legitur *declaratus*, ita ut secundum Græcum textum, is sit Apostolica sententiæ sensus: idem ille qui factus est

ex semine David secundum carnem (quem proinde constat verum hominem fuisse) etiam declaratus est, & certissimis argumentis comprobatus, esse Filius Dei. Ea autem argumenta sunt 1. *Ex virtute*, hoc est, per miracula: 2. *Secundum spiritum sanctificationis*, id est, per Spiritum Sanctum, quem in se credentibus, per evidentia signa multipliciter impertitus est: 3. *Ex resurrectione mortuorum*, sive a mortuis: seipsum enim (ut vivens prædixerit) à mortuis suscitavit.

5. Q. Quinam est terminus prædestinationis Christi? hoc est ad quid Christus, *ut est Deus*, & *prout est homo*, prædestinatus est?

R. Christus, *ut Deus est*, prædestinatus fuit ut in tempore subsisteret in humanitate; neque enim ab æterno in humanitate subsistit. Christus verò, *prout est homo*, prædestinatus fuit tum ad veram Dei filiationem, tum etiam ad visionem beatificam. Et quidem 1. ad veram Dei filiationem: scilicet Christus prædestinatus fuit *prout est homo*, ad unionem hypostaticam cum Verbo, ex qua necessarîo sequitur, quod Christus etiam prout est homo, sit naturalis & verus Dei Filius: 2. Ad visionem beatificam, quia vitio beatifica sequitur (ut superius ostensum est) ex vera & naturali Dei filiatione.

Obj. In hac propositione: *Christus prædestinatus est ad visionem beatificam*: vox *Christus* supponitur pro persona: atqui persona Christi prædestinata non fuit ad visionem beatificam: prædestinatio nimirum locum non habet, nisi iis quæ in tempore incipiunt: at persona Christi non cœpit in tempore frui visione beatifica: ergo, &c.

Resp. Ad 1. conc. maj. nego min. Ad 2. dist. min. persona Christi prout non subsistens in humana natura, non cœpit in tempore frui visione beatifica conc. min. prout in ea subsistens, nego min.

6. Q. Potestne dici quod Christus *prout Verbum*,

præ-

prædestinatus sit ut esset in tempore Filius Dei?

R. Potest: quia in tempore cœpit esse in humana natura Filius Dei.

Obj. Subjectum prædestinationis debet esse prius termino prædestinationis: sic prius est Petrum existere, quam illum ad dignitatem aliquam prædestinari: sed Christus *prout est Verbum*, non est prior filiatione divina: ergo dici non potest quod Christus *prout Verbum est*, prædestinatus sit ut esset in tempore Filius Dei.

R. Dist. min. Christus *prout est Verbum*, non est prior filiatione divina in se & absolute sumpta, conc. min. Nempe Verbum est ab æterno Dei Filius non est prior filiatione divina in humana natura, nego min. Solutio patet ex dictis superius.

7. Q. Potestne dici quod humanitas sit prædestinata ad filiationem divinam?

R. Dici non potest: quia humanitas præcisè ut humanitas dicit naturam humanam: at filiatio divina cadere non potest in humanam Christi naturam, sed tantum in personam.

Obj. 1. Christus, *prout est homo*, dici potest prædestinatus ad filiationem divinam: ergo etiam & natura humana Christi.

R. Conc. ant. nego conseq. Ratio disparitatis est, quia hoc nomen, *homo*, est nomen concretum, ac proinde nomen quod naturam & personam significat: è contra vero *humanitas*, *natura humana* sunt nomina abstracta, quæ non includunt personam.

Obj. 2. Dici potest quod humana natura Christi sit prædestinata ad unionem hypostaticam, ut patet ex Aug. Enchiridii cap. 40. ergo dici quoque potest, humanitatem, naturam humanam Christi, prædestinatam fuisse ad filiationem divinam.

R. Conc. ant. nego conseq. quia unio cadit in naturam; est enim illius subjectum: è contra verò filia-

filiatio non cadit nisi in personam. Ita ratiocinatur sanctus Thomas 3.p.q.24.art.1.in corp.

8. Q. Prædestinatio Christi estne exemplar prædestinationis hominum?

R. Est: quia sicut humana natura gratuitò, hoc est sine ullis præcedentibus meritis ab æterno prædestinata fuit ad gratiam unionis, & ad visionem beatificam: ità homines gratuitò, & sine ulla meritorum prævisione prædestinati fuerunt ab æterno ad gratiam & ad gloriam. Sic Augustinus in libro de prædestinatione Sanctorum cap.15.ratiocinatur.

9. Q. Prædestinatio Christi estne causa meritoria prædestinationis hominum tum ad gratiam, tum ad gloriam?

R. Est, nulla enim (ut Concilium Tridentinum sess.6. c.6. definiit) nobis beneficia, quæ ad salutem pertinent, aut in tempore conferuntur, aut præparata sunt ab æterno, nisi ex intuitu meritorum Christi.

10. Q. Quinam fuit ab æterno, secundum nostrum concipiendi modum, ordo prioris & posterioris inter prædestinationem Christi, & prædestinationem nostram?

R. Iste. Primò Deus ab æterno statuit permittere Adami, ac proinde & illius posterorum lapsum. 2. Decrevit, nonnullos indeterminatè ex perditionis massa liberare. 3. Prædestinavit Christum. 4. Ex prævisis Christi meritis; hoc est, intuitu prævisorum meritorum Christi jam in intentione divina futuri, hos & illos in specie homines ad gloriam primùm, utpote finem, ac postea ad gratiam elegit.

Inde verò concluditur, quod licèt in Deo fuerit voluntas nonnullos indeterminatè homines salvandi, antequam Christi futuritio decerneretur, ac proinde antequam illius merita præviderentur; non fuit tamen voluntas aliquos in particulari eligendi aut ad gratiam, aut ad gloriam, independenter à prævisis Christi futuri meritis. Ita sensisse videtur sanctus Thomas 3.par. q.24. art.4.

§. VIII.

*De dignitate Capitis, Regis & Judicis
in Christo.*

1. *Quest.* **C**hristus estne Caput hominum?
R. Est: quia & dignior est hominibus;
 & in eos aut actu, aut potestate influit.

2. *Q.* Christus estne caput Ecclesiæ?

R. Est: *Et ipsum* (ait Apostolus ad Ephesios 1. *de-*
dit caput super omnem Ecclesiam. Nec mirum: si-
 cut enim caput influit in membra, ita & Christus in
 Ecclesiam: cum nullus ne levis quidem motus gra-
 tiæ sit in fidelibus, qui à Christo non oriatur.

3. *Q.* Quid Christus ut Caput, influit in justos
 qui viva sunt illius membra? quid in fideles qui
 sunt in statu peccati mortalis? quid in infideles qui
 nihil unquam audire potuerunt de Evangelio, de
 eoque nihil audient unquam?

R. Justis vitam spiritualem quæ in charitate po-
 sita est tribuit: fidelibus qui sunt in statu peccati
 mortalis largitur fidem & spem, nec non auxilia qui-
 bus ad conversionem moventur: infidelibus qui ali-
 quando convertendi sunt, fidem non infundit qui-
 dem actu, sed infusus est aliquando: unde licet
 quamdiù infideles sunt, cum Christo conjuncti non
 sint, sunt tamen cum eo conjuncti in potentia quæ
 aliquando reducetur ad actum. Infideles vero qui
 nunquam habituri sunt fidem, sunt cum eo con-
 juncti potentia, quæ ad actum nusquam reducetur:
Quintò (ait S. Thomas 3. par. qu. 8. art. 3.) *eorum*
(Christus est caput) qui in potentia sunt sibi uniti,
quæ nunquam reducetur ad actum; sicut homines in
hoc mundo viventes, qui non sunt predestinati, qui ta-
men ex hoc seculo recedentes, totaliter desinunt esse
membra Christi, qui jam nec sunt in potentia, ut Chri-
sto uniantur.

V.

4. Q.

4. Q. Per quam gratiam Christus in ratione Capitis constituitur?

R. Per gratiam seu per sanctitatem quam Deus in ejus humanitate cum Verbo hypostaticè conjuncta jugiter operatur: per illam nimirum sanctitatem prout est in natura conjuncta Verbo, Christus nobis promeritus est dona omnia, quæ ad salutem ordinantur.

5. Q. Christus estne Caput Ecclesiæ prout est homo?

R. Est: sub ea enim ratione quandam habet cum corpore visibili, ut est Ecclesiæ, proportionem: ita tamen est caput Ecclesiæ prout est homo: ut homo non in abstracto, seu prout præcisus à persona Verbi concipiatur: quia sic in abstracto consideratus infinitam illam sanctitatem non haberet, quæ Ecclesiæ Capiti necessaria est: scilicet Christi sanctitas non est infinita; nisi in quantum est in natura, quæ Verbo hypostaticè conjuncta est.

6. Q. Christus, dum in humanis egit, fuitne verè ac propriè Rex?

R. Fuit: nempe interrogatus à Pilato, an Rex esset: *Ergo Rex es tu?* respondit se Regem esse; *Tu dicis quia Rex sum ego.* Joan. c. 18.

7. Q. Christus fuitne Rex solum ut Deus, an verè etiam ut homo?

R. Rex fuit, etiam ut homo; *Ego autem* (ait ipse Psalm. 2. quem Paulus de Christo homine interpretatus est) *constitutus sum Rex ab eo super Sion montem sanctum ejus.*

8. Q. Christi, prout est homo, regnum fuitne temporale?

R. Non fuit. Nam id ipse Pilato respondens asseruit, *Regnum meum non est de hoc Mundo.* Joan. c. 18.

Obj. Deus Pater Christo, etiam ut est homo, gentes pro hæreditate pollicitus est: *Postula à me* (inquit Psalm. 2.) *& dabo tibi gentes hæreditatem tuam;* ergo, &c.

Resp.

Resp. Dist. ant. Hæreditatem spiritualement, conc. ant. terrenam nego ant. *Quid est enim* (ait Augustinus in laudati Psalmi verba) *eius regnum, nisi credentes in eum?*

9. Q. In quo positum est spirituale Christi regnum?

R. Positum est in institutione, administratione, dispensatione rerum omnium quæ ad hominum salutem ordinantur. Unde Christus potuit 1. Sacramenta instituere. 2. creare Magistratus Ecclesiasticos. 3. condere leges. 4. omnes omninò homines ad suarum legum obervationem adstringere.

10. Q. Christus estne Judex vivorum & mortuorum?

R. Est. *Hic est* (ait Scriptura, Actorum 12.) *qui constitutus à Deo Judex vivorum & mortuorum.*

11. Q. Christus estne Judex vivorum & mortuorum, etiam prout est homo?

R. Est. *Potestatem* (verba sunt Evangelii, Joannis 5.) *dedit ei judicium facere, quia Filius hominis est.* Hinc est quòd Matthæi 24. visibilis futuri judicii apparatus & forma describantur.

§. I X.

De Sacerdotio Christi.

1. *Quæst.* Christus estne verè ac propriè Sacerdos?

R. Fuit, & nunc est verè Sacerdos. Nam 1. Apostolus in Epistola ad Hebræos c. 5. hæc Psalmi 109. verba: *Tu es Sacerdos in æternum secundum ordinem Melchisedech*, de Christo dicta fuisset contendit. 2. Christus seipsum olim pro nobis obtulit in cruce, & cruento quidem modo; nunc autem incruento, tum in cælis, tum in Eucharistia.

2. Q. Christus este Sacerdos, prout est Verbum

an prout est homo : an verò prout est & Verbum & homo ?

R. Non est Sacerdos 1. prout est Verbum tantum : quia Christus sub ea ratione non est inferior Patri , nec eum potest orare , nec ei offerre sacrificium ; quæ tamen tria ad Sacerdotium requiruntur . 2. Non est Sacerdos prout homo tantum ; hoc est , prout est homo præcisus ab unione cum Verbo : quia sic consideratus , illius oratio , illius oblatio , pretii non sunt infiniti : quod tamen necessarium fuit , ut condigna satisfactio exhiberetur Deo Patri .

Dicendum est igitur Christum fuisse Sacerdotem , prout est homo hypostaticè cum Verbo conjunctus . Nempe quoddam prout homo fuerit Sacerdos , aperte docetur ab Apostolo : *Omnis Pontifex* (inquit ad Hebræos 5.) *ex hominibus assumptus , pro hominibus constituitur in iis quæ sunt ad Deum , ut offerat dona , & sacrificia pro peccatis .* Jam verò quoddam fuerit Sacerdos , prout homo hypostaticè cum Verbo conjunctus patet ex eo , quoddam sic consideratus , oblatum ab eo sacrificium fuerit infinite dignatis : Si quis ergo (inquit Cyrillus adversus Nestorium) *Pontificem & Apostolum nostrum , alium dixerit esse factum , præterquam ipsum Dei Verbum , quando factum est caro , & secundum nos homo . . . anathema sit .*

3. Quando nam Christus cœpit esse Sacerdos ?

R. In primo instanti quo humanitas illius concepta est in utero Mariæ ; quia eodem instanti humanitas uncta fuit à Verbo per unionem hypostaticam ; in ea autem unctione positum est Christi Sacerdotium .

4. Q. Christi Sacerdotium estne perpetuum ? hoc est , perdurabitne semper ?

R. Est : cum quia stabit in æternum unio hypostatica humanitatis cum Verbo ; in qua quidem unionem posita est essentia Sacerdotii Christi ; juxta illud Augustini in Psalmum 26. *Unctus est ille Rex & Sacerdos .*

Obj.

Obj. Post extremum Iudicii diem, Sacerdotium Christi erit inutile: neque enim tunc erunt peccata, quæ expiati debeant: ergo perpetuum non est Christi Sacerdotium.

R. Nego ant. nimirum electi post extremam Iudicii diem indigebunt Sacrificio, non quidem ut expiantur eorum peccata, sed ut ipsi cum Christo consummentur, hoc est, ut Christus & electi in perfectum Sacrificium Deo Patri offerantur: tunc enim (Apostolo teste epist. ad Ephes. c. 5.) seipsum Ecclesie caput, & Ecclesiam non habentem maculam, neque rugam Deo Patri in perpetuum offeret Sacrificium.

5. *Q.* Quinam sunt effectus Sacerdotii Christi?

R. Unus, integra nimirum peccatorum expiatio: eo enim peccata tum quoad culpam, tum quoad pœnam delentur: quoad culpam quidem, juxta illud ad Hebræos 9. *Sanguis Christi emundabit conscientiam nostram ab operibus mortuis*: quoad pœnam verò; quia Christus seipsum offerens, aequale peccato pretium obtulit æterno Patri.

6. *Q.* Quodnam, quoad integram peccatorum expiationem, est discrimen inter Sacerdotium Christi & Sacerdotium Aaronicum?

R. Duplex est discriminem. Nam 1. Aaronicum Sacerdotium non erat perpetuum in hominibus qui eo semel inaugurati fuerant; in Christo è contrà perpetuum est: *Et alii quidem* (inquit Apostolus ad Hebræos 7.) *plures facti sunt Sacerdotes, inhiere quod morte prohiberentur permanere*: Hic autem, eo quod maneat in æternum, sempiternum habet Sacerdotium; unde & *solvere in perpetuum potest accedentes per semetipsum ad Deum, semper vivens ad interpellandum pro nobis*. 2. Hostiæ quæ ab Aaronicis Sacerdotibus offerebantur, non expiabant peccata, unde pro eisdem peccatis pro quibus jam oblata fuerant; singulis annis offerebantur: *Et omnis quidem Sacerdos* (ait Apostolus ad Hebræos 10.)

præsto est quotidie ministrans, & easdem sæpe offerens hostias, quæ nunquam possunt auferre peccata: è contra, hostia quam Christus obtulit in cruce, ita vim habuit delendi peccata, ut iterum ad eum finem offerri non debeat: Neque (ait Paulus ad Hebræos 9.) ut sæpe offerat semetipsum, quemadmodum Pontifex intrat in Sancta per singulos annos in sanguine alieno: alioquin oportebat eum frequenter pati ab origine Mundi: nunc autem semel in consummatione sæculorum, ad destitutionem peccati, per hostiam suam apparuit.

Obj. Christi humanitas unita Verbo quotidie in Eucharistia offertur in Sacrificium; in cœlis quoque Christus singulis momentis seipsum hostiam viventem offert Deo Patri: Ut (inquit Apost. ad Heb. 9.) appareat nunc vultui Dei pro nobis: ergo à Mosaicis sacrificiis non differt Sacrificium Christi, quod illa iterari deberent, istud verò non debeat iterari.

R. Nego conseq. Ratio est 1. quia licet in Sacrificiis Mosaicis, singulis annis eadem in specie hostia pro peccatis offerretur, non offerrebatur tamen eadẽ numero: è contra Sacerdotes in Eucharistia, Christus in cœlis eandem numerum offerunt hostiam quæ in cruce oblata fuit. 2. Sacrificia Mosaica quæ uno anno offerebantur, licet eadem essent in specie, non erant tamen eadem numero cum iis, quæ anno superiore oblata fuerant: è contra Sacrificium quod à Christianis offertur in Eucharistia idem non in specie tantum, sed & numero est Sacrificium quod Christus obtulit in cruce: in eo enim eadem in individuo est hostia, quæ oblata fuit in cruce, idem Sacerdos qui eam obtulit in cruce, juxta illud Augustini in lib. 12. de Civitate Dei cap. 20. Sacerdos ipse Christus. offerens, ipse & oblatio: cujus rei Sacramentum quotidianum esse voluit Ecclesia Sacrificium. 3. Mosaica sacrificia singulis annis iterabantur, ut priorum dese.

defectui & inefficaciæ suppleretur: è contra oblatio Christi in Eucharistia non iteratur, ut insufficientiæ aut defectui sacrificii crucis in cruce oblatis suppleatur, sed tantum ut infinita virtus sacrificii crucis fidelibus applicetur: unde non aliud quàm Crucis sacrificium fideles offerunt in Eucharistia: idem quippe est sacrificium, sola (ait Concilium Tridentinum) offerendi ratione diversum.

8. Q. Christus estne Sacerdos secundum ordinem Melchisedech?

R. Est: Illud enim Psalmi 109. *Tu es Sacerdos in æternum secundum ordinem Melchisedech*: Apostolus in Epist. ad Hebræos cap. 7. interpretatur de Christo: *Contestatur enim*, ait, *quoniam tu es Sacerdos in æternum secundum ordinem Melchisedech*.

9. Q. Quenam sunt in quibus Sacerdotium Melchisedecis adumbravit Christi sacerdotium?

R. Multa sunt. Nam 1. sicut Melchisedech panem & vinum obtulit; ita & Christus suum corpus & suam sanguinem sub speciebus panis, & vini obtulit in Eucharistia.

2. Sicut Melchisedech non ex successione (quemadmodum Aaronici Sacerdotes) suum habuit Sacerdotium, ita nec Christus: per extraordinariam nimirum missionem illud à Deo immediatè consecutus est: *Hic enim Melchisedech* (ait Apostolus ad Hebræos 7.) *sine patre, sine matre, sine genealogia, neque initium dierum, neque finem vitæ habens, assimilatus autem Filio Dei, manet Sacerdos in æternum*.

3. Quemadmodum Sacerdotium Melchisedecis præstantius fuit Levitico (id enim mysterii tunc adumbratum fuit, cum Melchisedech ab Abrahamo in cujus lumbis erant Levitæ omnes, decimas accepit) ita Christi Sacerdotium longè præstantius est Aaronico: *Intuemini autem* (inquit Apostolus ad Hebræos 7.) *quantus sit hic, cui & decimas dedit de*

præcipuis Abraham Patriarcha . Et quidem de filiis Levi sacerdotium accipientes , mandatum habent decimas sumere à populo secundum legem , id est , à fratribus suis ; quanquam & ipsi exirent de lumbis Abraham . Cujus autem generatio non annumeratur in eis , decimas sumpsit ab Abraham , & hunc , qui habebat repromissiones , benedixit . Sine autem ulla contradictione , quod minus est , à meliore benedicatur .

4- Ided præter Aaronicum sacerdotium fuit aliud , scilicet sacerdotium Melchisedecis , quodd illud esset imperfectum ; ita necesse fuit ut aliud sacerdotium secundum ordinem Melchisedech , Christi nimirum , appareret : Si ergo (ait Apostolus ad Hebræos 7.) consummatio per sacerdotium Leviticum erat , quid adhuc necessarium fuit secundum ordinem Melchisedech , alium surgere Sacerdotem , & non secundum ordinem Aaron dici ?

§. X.

De Oratione Christi.

1. *Quest.* **C**hristus dum in terris esset , oravitne ?
R. Oravit , juxta illud Lucæ 6. *Exiit in montem orare , & erat pernoctans in oratione Dei :* necnon & juxta illud Apostoli ad Hebræos 5. *Qui in diebus carnis suæ preces supplicationesque ad eum , qui possit illum saluum facere à morte , cum clamore valido & lacrymis offerens , exauditus est pro sua reverentia .*

2. *Q.* Christus , jam nunc in cælis existens , oratne pro nobis ?

R. Orat , juxta illud Apostoli ad Hebræos 7. *Semper per vivos , ad interpellandum pro nobis .*

Obj.

Obj. Christus oratione quam fudit, dum in terris ageret, sacrificio quod obtulit in cruce, meruit omnia quæ ad hominum salutem conferre possunt, juxta illud Apostoli ad Hebræos 10. *Unà enim oblatione, consummavit in sempiternum sanctificatos.* Ergo inutilis esset oratio quam nunc in cælis pro nobis funderet.

Resp. Conc. ant. dist. consequ. Inutilis esset oratio ad merendum aliquid de novo, conc. ant. ad applicationem meritorum, quæ dum in terris esset, comparavit, nego ant.

3. Q. Christus oravitne in terris, & oratne nunc in cælis, prout Verbum est, an verò prout homo?

R. Nec oravit olim, nec etiam jam orat præcisè prout est Verbum Patris: sic enim consideratus habet in se omnem operandi ad extrà virtutem. Dicendum est igitur orasse eum quondam, & nunc orare, prout est homo: sic enim consideratus, non habet (ut docet sanctus Thomas) voluntatem, quæ per se operativa sit ejus quod desiderat.

4. Q. Christus oravitne pro se dum in terris ageret?

R. Oravit: scilicet corporis sui naturalis resurrectionem petiit, juxta illud Apostoli ad Hebræos.

5. *Qui in diebus carnis sue preces supplicationesque ad eum, qui possit illum salvum facere à morte, cum clamore valido, & lacrymis offerens, exauditus est pro sua reverentia.* Petiit quoque divinæ suæ missionis externam confirmationem, juxta illud Joannis 17. *Pater, clarifica filium tuum, ut filius tuus clarificet te.*

5. Q. Oratio Christi fuitne exaudita?

R. Fuit, juxta illud ipsiusmet Christi, Joannis 27. *Sciebam, quia semper me audis*, id autem sanctus Thomas 3. part. q. 22. art. 4. hocce argumento probat: *Secundum autem voluntatem rationis, Christus nihil*

nihil aliud voluit, nisi quod scivit Deum velle. Et ideo omnis absoluta voluntas Christi, etiam humana, fuit impleta, quia fuit Deo conformis: & per consequens omnis ejus creatio fuit exaudita.

Obj. 1. Christus non obtinuit dispensationem à Calice Passionis, quam tamen petiit Matthæi 26. ergo, &c.

Resp. Christum non absolute, sed conditionate tantum petiisse dispensationem à calice Passionis: si nimirum id Deo Patri placeret: *Verum* (inquit) *non mea sed tua voluntas fiat*. Jam vero si quis roget cur Christus oraverit sub conditione quam sciebat nullam ponendam esse, dicendum erit cum sancto Thoma, eum sic se gessisse, tum ut demonstraret naturalem non moriendi voluntatem, quam tamen impleri ratio absolute & efficaciter noluit: tum etiam ut manifestum faceret quantum acerbus esset calix quem pro hominum salute bibiturus erat: tum ut eos ad amorem pro tanto beneficio rependendum, excitaret.

Obj. 2. Christus Lucæ 13. petiit ut peccatum suis crucifixoribus dimitteretur: *Jesus dicebat, Pater, dimitte illis*, non tamen omnibus dimissum est: ergo, &c.

R. Illud argumentum sanctus Thomas 3. p. q. 22. art. 4. hisce verbis solvit: *Ad secundum dicendum quod Dominus non oravit* (petendo auxilium efficax) *pro omnibus crucifixoribus, neque etiam* (petendo singulare donum perseverantiæ) *pro omnibus qui erant credituri in eum, sed pro his solum, qui erant predestinati, ut per ipsum vitam consequerentur eternam,*

§. XI.

De Redemptione per Christum.

1. *Quaest.* **C**hristus estne redemptor hominum?
R. Est, juxta illud ad Romanos 3.
Justificati gratis per gratiam ipsius, per redemptionem
quæ est in Christo Jesu. Unde Electi sic Apoc. 5. Chri-
stum alloquuntur: Redemisti nos, Deus, in sanguine
tuo, &c.

2. *Q.* Christus estne mortuus solum pro hominibus ad regnum cœleste prædestinatis?

R. Non est mortuus pro solis prædestinatis: constat enim, reprobis qui baptizati sunt, fructum aliquem mortis Christi, justificationem nimirum, collatum fuisse.

Obj. Christus pro solis suis ovibus mortuus est? *Animam meam* (inquit ipse) *pono pro ovibus meis.* At ovium nomine soli prædestinati intelliguntur; nempe subjicit Christus: *Ego vitam æternam do eis, & non peribunt in æternum, & non rapiet eas quisquam de manu mea: ergo, &c.*

Resp. Dist. maj. quantum ad integram liberationem, quæ includit vocationem, justificationem, & singulare donum perseverantiæ usque in finem, pro solis Electis mortuus est, conc. maj. quantum ad imperfectam liberationem, quæ aut aliquas gratias actuales, aut justificationem complectitur, sed non singulare perseverantiæ donum, nego maj.

3. *Q.* Christus estne mortuus pro salute dumtaxat prædestinatorum?

R. Christus non est mortuus pro salute dumtaxat prædestinatorum. 1. Id patet ex damnatione quintæ Jansenii propositionis, quæ infra describetur. 2. Ille mortuus non est pro salute dumtaxat prædestinatorum, ex cujus meritis Deus Pater largitur homini-

minibus iustis, etiam reprobis, auxilia aſualia, ut perseverare possint usque in finem, ac proinde æternam consequi salutem: Atqui Deus Pater hominibus iustis, etiam reprobis largitur ex Christi meritis auxilia aſualia, per quæ perseverare possint usque in finem, ac proinde æternam consequi salutem, ut in nostro Tractatu de gratia dicemus. Scilicet Christus a Patre petiit illorum auxiliorum collationem, & hujusmodi auxilia, tùm ex natura sua, tùm ex Dei Patris intentione, tùm ex Christi voluntate ad salutem æternam ordinantur: ergo Christus non est mortuus *pro salute* eorum dumtaxat, qui sunt è numero prædestinatorum.

4. Q. Christus estne mortuus pro omnibus hominibus?

R. Mortuus est pro omnibus omninò hominibus. Id nimirum expressè in Scripturis asseritur: *Unus enim Deus* (ait Apostolus 1. ad Tim. 2.) *unus & mediator Dei & hominum homo Christus Jesus, qui dedit redemptionem semetipsum pro omnibus.* Primæ Joannis, hæc etiam habentur: *Et ipse est propitiatio pro peccatis nostris, non pro nostris autem tantum, sed etiam pro totius mundi.*

5. Q. Quo sensu Christus pro omnibus hominibus mortuus est?

R. Duplici in sensu Christus mortuus est pro omnibus omninò hominibus. Et quidem 1. quoad virtutem pretii, quod obtulit Patri, scilicet Christi sanguis, per se & in ratione pretii (cùm propter suam cum Verbo unionem dignitatis sit infinitæ) satis fuit ad omnium omninò hominum redemptionem: 2. quoad præparationem (& ut loquuntur Thomistæ) quoad oblationem auxiliorum quæ ad salutem sufficiant. Scilicet cùm Christus, sicut & Pater per voluntatem antecedentem verè sincereque voluerit omnium in individuo hominum salutem, pro omnibus meritis est præparationem auxiliorum, qui-

quibus singuli in individuo homines æternam salutem adipisci possint.

6. Q. Christus estne mortuus *aqualiter* pro omnibus in individuo hominibus?

R. Non est *aqualiter* mortuus pro omnibus in individuo hominibus; nimirum pro Electis dumtaxat, a Patre petit singulare perseverantiæ donum; hoc est auxilium efficax per quod Electi ad finem usque perseverent: pro reprobis petiit aut aliorum a singulari perseverantiæ actualis dono auxiliorum collationem, aut eorum saltem præparationem.

7. Q. Merita mortis Christi quæ (ut dictum est) oblata sunt pro omnibus in individuo hominibus, communicantur ne actu & de facto omnibus in individuo hominibus?

Respondet Concilium Tridentinum hisce verbis sessione 6. *Verum etsi ille pro omnibus mortuus est, non omnes tamen meritis ejus beneficium recipiunt, sed ii tantum quibus meritum passionis illius communicatur.*

8. Q. Christus per passionem suam & mortem redemitne homines propriè, & non metaphoricè tantum?

R. Circa eam quæstionem est impius error Socinianorum, qui contendunt, Christum metaphoricè tantum homines per passionem redemisse: eo nimirum sensu, quod (inquiunt) Christus admirabili patientiæ exemplo, veritatis viam, quam verbo prædicaverat, confirmaverit. Unde inferunt, Deum ex mera misericordia & absque ullo respectu ad Christi passionem, tanquam ad pretium sibi oblatum, pœnam peccato debitam iis remittere, qui credunt in eum qui justificat impium. Illi Socinianorum impietati contraria est Catholicorum doctrina, qui prædicant & credunt Christum, propriè loquendo, homines a pœnis, alioquin infligendis, redemisse; idque patebit ex responsionibus quæ traden-

dentur ad subsequencia *Quæstia*, quibus docebitur quantum hoc in capite Ecclesia Christi discrepet a Synagoga Socini.

9. Q. Quot conditiones requiruntur ad redemptionem propriè dictam?

R. Tres requiruntur; scilicet requiritur 1. ut Deus Pater pœnas peccato debitas, in Filium suum incarnatum conjecerit. 2. Ut Filius incarnatus pœnas hujusmodi in seipsum susceperit, eo fine ut iis homines liberaret. 3. Ut pœnæ peccatis alioquin debitæ, mutatæ fuerint in eas, quas Christus voluntariè, ex Patristamen mandato, in se suscepit.

10. Q. Potestne ex Scriptura probari, Patrem æternum pœnas peccato debitas in Filium suum incarnatum conjecisse?

R. Potest; scilicet Isaia cap. 53. hæc habentur: *Posuit Dominus in eo (Christo) iniquitatem omnium nostrum. Quo autem modo Deus Pater in Filio iniquitatem omnium nostrum posuerit, ibidem hisce verbis exprimitur: Ipse autem vulneratus est propter iniquitates nostras; attritus est propter scelera nostra.*

Hæc etiam ait Apostolus ad Rom. 4. *Qui traditus est propter delicta nostra. A Patre verò traditum illum esse in mortem ibidem asseritur: Qui etiam proprio Filio suo non pepercit, sed pro nobis omnibus tradidit illum.*

Idem Apostolus 2. ad Corinth. 5. scribit Christum a Deo Patre factum fuisse hostiam pro peccato: *Eum (inquit) qui non noverat peccatum, pro nobis peccatum fecit.*

11. Q. Potestne ex Scripturis probari, Christum pœnas peccato alioquin infligendas, in seipso suscepisse, ut eis perferendis hominem liberaret?

R. Potest. Paulus enim ad Hebræos 2. docet, Christum pro nobis mortem gustasse. Joannis cap. 11. Idem Christus prænuntiatur moriturus pro tota gente

gente. Secundæ ad Corinth. 5. *Unus pro omnibus mortuus est*: Unde sic arguitur: ille pœnas, peccato alioquin infligendas, in seipso suscepit, eo fine ut iisdem pœnis homines reos liberaret, qui pro hominibus mortuus est; scilicet pro hominibus moriendo, seipsum eorum loco subrogavit atqui Christus, &c. ergo, &c.

12. Q. Potestne ex Scripturis probari pœnas, peccato alioquin infligendas, revera mutatas fuisse in eas, quas Christus in seipso pro nobis suscepit?

R. Potest. Nam Scripturæ docent, Christum morte sua avertisse à nobis pœnas, quibus alioquin castigandi eramus; eum placasse Patrem in nos iuste iratum: *Et ipse est* (1. Joannis 3.) *propitiatio pro peccatis nostris, non pro nostris tantum, sed etiam pro totius Mundi*. Ejusdem Epistolæ cap. 4. Christus obmissus dicitur ut esset placamen pro peccatis: *Misit Filium suum propitiationem pro peccatis nostris*. Ad Ephesios 1. à Christo per ejus sanguinem redempti dicimur: *In quo habemus redemptionem per sanguinem ejus, remissionem peccatorum*.

Ex iis autem locis sic argumentum conficitur? Pœnæ nobis propter peccatum infligendæ, mutatæ sunt in id quod fuit placamen, seu propitiatio pro peccatis nostris; in id per quod Deo reconciliati sumus; in id quo redempti fuimus: atqui pœnæ, quas Christus in se suscepit; hoc est, mors illius & passio fuerunt placamen, seu propitiatio pro peccatis nostris; per illius mortem, per illius sanguinem Deo reconciliati sumus; per eandem mortem, per eundem sanguinem redempti sumus à peccato: ergo pœnæ, alioquin peccatis nostris infligendæ, in eas mutatæ sunt, quas Christus in seipso pro nobis suscepit.

13. Q. Potestne ex Traditione probari, Christum propriè, & non metaphoricè tantum homines redemisse?

R. Po-

R. Potest. Justinus martyr ad Diognetum hæc scribit : *Proprium ipse Filium , pretium redemptionis nostræ pro nobis dedit . O dulcem permutationem .* Cyprianus : *Orabat (ait in Epistola 8.) ille pro nobis , cum peccator ipse non esset , sed nostra peccata portaret .* Hæc etiam Ambrosius in libro de Joseph Patriarcha , cap. 14. *Unus exsolvit quod ab omnibus debebatur .* Hæc etiam Augustinus in libro 13. de Trinitate cap. 14. *Pergit inde ad passionem , ut pro debitoribus nobis , quod ipse non debebat , exsolveret .*

Ex iis autem locis sic arguitur . Ii docuerunt , Christum *proprie* hominem redemisse , qui asseruerunt , Christum Deo Patri obtulisse pretium redemptionis nostræ ; qui asseruerunt pœnam nobis debitam in illud pretium mutatam fuisse ; exsolvisse eum pœnas quæ nobis debebantur ; passum eum fuisse , ut ipse peccata nostra portaret : atqui id Patres asseruerunt unanimi consensu : ergo , &c.

Obj. 1. Dici non potest , quis sit is ex cuius jure & ira Christus reum hominem redemerit : non enim est Deus ipse ; cum sit pars læsa , & creditor : scilicet redemptio non fit ex parte læsa nec ex creditore : quia pars læsa & creditor jus non habent exigendi pœnam , sed tantum restitutionem : ergo , &c.

Resp. Is ex cuius jure & ira Christus reum hominem redemit , esse Deum ipsum : non quidem tamquam partem læsam , aut tamquam creditorem , sed prout est supremus rerum omnium Dominus : sub ea nimirum ratione consideratus , jus habet exigendi pœnam ab eo qui legem infregerit .

Obj. 2. Dici non potest cuius specie , sit actus quo pœna homini reo debita , commutata fuit in eam , quam Christus in se suscepit : ergo , &c.

Resp. Est actus jurisdictionis ; scilicet à Deo ipso qui superior est , facta fuit illa commutatio .

Obj. 3. Scripturæ loca in quibus Christus dicitur pro nobis mortuus , hostia , placamen , propitiatio ,
expo-

exponenda sunt metaphoricè : quia ad litteram sum :
ptz, approbant factum quod est contra æquitatem-
scilicet injustum est, Christum, alioquin summè in-
nocentem, rei & fontis loco castigari : ergo. &c.

R. Dist. ant. Injustum est innocentem rei loco
castigari, si ipse ex summa in reum caritate, & ex
ardenti in Dei gloriam zelo non se liberè subji-
ciat rei loco, conc. ant. Si ipse illius loco ex sum-
ma in reum caritate & ex ardenti in Dei gloriam
zelo, rei loco liberè se ipsum, ut Christus, subiciat,
nego ant.

Obj. 4. In locis scripturæ, in quibus Christus di-
citur *pro nobis* mortuus, fuisse *pro nobis* propitiatio,
hostia, & alia hujusmodi, præpositio *pro* sumitur
pro utili : ita ut sensus sit, Christi mortem ad con-
firmandam veritatem, & ad patientiæ exemplum
contulisse : ergo, &c.

R. Nego ant. Nam 1. alioquin dici posset, Apos-
tolos, & Martyres *pro nobis* mortuos esse ; quod
tamen Paulus ipse negat 1. ad Corint. 1. *Numquid
Paulus crucifixus est pro vobis ?* 2. In Caiphæ Pro-
phetia præpositio *pro* necessariò sumitur pro subro-
gatione in alterius locum : *Nec cogitatis, quia expe-
dit vobis, ut unus moriatur homo pro populo, & non
tota gens pereat.* 3. Petrus primæ Epist. cap. 3. per
præpositionem *pro* subrogationem in alterius locum
apertè distinguit à patientiæ exemplo, quod Chris-
tus sua morte nobis præbuit : *Christus (inquit) passus
est pro nobis, vobis relinquens exemplum ut sequamini
vestigia ejus.*

§. XII.

De satisfactione à Christo exhibita,

Quæst. **C**hristi passio habetne rationem satisfac-
tionis propriè dictæ ?

X

R. Hæc,

R. Habet. Nempè satisfactio propriè dicta, tria complectitur : pœnæ impositionem à superiore ; ejusdem pœnæ voluntariam susceptionem in inferiore ; & tandem pœnæ, reo alioquin infligendæ, commutationem in pœnam, quam inferior, ex mandato superioris, in se ipso liberè suscepit : atqui &c. ergo, &c.

2. Q. Satisfactio exhibita à Christo, fuitne ex rigore justitiæ ?

R. Circa eam quæstionem duæ sunt scholasticorum sententiæ : prima, quæ est negativa, à Scoto propugnatur in 3. dist. 19. altera, quæ est affirmativa, à S. Thoma defenditur.

3. Q. Quot sunt conditiones requisitæ ut aliqua satisfactio sit ex rigore justitiæ ?

R. Quinque. Nam 1. debet esse ad alterum. 2. actus quo exhibetur, debet esse liber. 3. res quæ per satisfactionem redditur, debet esse æquivalens debiti. 4. debet esse ex bonis, quæ satisfaciendi propriæ sint, seu ex bonis in quæ satisfaciens verum dominium habeat ; oportet 5. ut sit ex bonis aliàs indebitis, id est, non debet esse ex bonis quæ alio *justitiæ* titulo creditori debeantur. Potest addi 6. conditio, scilicet. Neceffe est, ut creditor acceptare teneatur satisfactionem quam debitor exhibuerit.

4. Q. Christi satisfactio fuitne ad alterum ?

R. Fuit. Quia exhibita fuit à Verbo in humana natura subsistente : ac Verbum sub eo respectu distinguitur non tantum à personis Patris, & Spiritus Sancti, sed etiam à se ipso prout in divina tantum natura subsistit.

Obj. Satisfactio quæ à filio exhibetur Patri, non est propriè ad alterum, quia Pater & Filius unam tantum, saltem moraliter, personam constituent, ut jura ferunt : ergo, &c.

R. Dist. ant. Si non habeant diversa dominia. conc. ant. Si habeant, nego ant. Verbum prout subsistens

sistens in humana natura habet dominium distinctum & diversum à dominio quod habet, prout in divina natura subsistens; unde satisfactio Christi exhibita non tantum Patri & Spiritui Sancto, sed ipsi etiam Verbo, est proprie ad alterum.

5. Q. Actus quo Christus satisfactionem exhibuit, fuitne liber?

R. Fuit. Nimirum Christus liberè mortuus est, ut probavimus superius agentes de Christi libertate.

6. Q. Pretium, quod per Christi satisfactionem persolutum est, fuitne æquivalens & æquale debito, per homines erga Deum contracto?

R. Fuit: quia mors Christi, propter humanæ naturæ cum Verbo unionem, meriti fuit, in genere moris, infiniti: quia majus vel minus meritum operis petitur ex merito personæ operantis.

Obj. Quando effectus producitur à duabus causis, quarum una est finita, & altera infinita, est simpliciter finitus, ut patet ex visione beatifica: sed Christi satisfactio emanavit ab illis causis, persona nimirum Verbi, quæ est infinita; & humanitate quæ est finita, ergo, &c.

R. Dist. ant. Si ambæ causæ sint causæ physicæ, ut in visione beatifica, Deus & creatura, conc. ant. Si una sit causa physica, ut natura humana, & alia moralis, ut est Christi satisfactio, persona Verbi, nego ant.

7. Q. Satisfactio quam Christus exhibuit, fuitne ex propriis Christi bonis?

R. Fuit: quia exhibita est per actus humanitati proprios, de iis enim humana Christi natura pro libito, servato tamen ordine finis, disponere potuit: hoc est, potuit eos impendere ad actus virtutum alios ab actibus iustitiæ.

Obj. Actus humanæ naturæ, utpote creatæ erant sub Dei dominio; ergo non erant sub dominio humanitatis,

R. Dist. ant. Erant sub Dei dominio universali ; sicut res omnes creatæ , conc. ant. Sub dominio singulari , nego ant. Illud autem , ab illo non tollitur : scilicet operantis libertas per universale Dei dominium non tollitur .

8. Q. Actus per quos humana natura verbo conjuncta satisfecit , erantne , titulis aliis à titulo justitiæ , Deo debiti ?

R. Erant , titulo nimirum obedientiæ , religionis , charitatis , & gratitudinis .

Obj. Si illi actus , titulis aliis à titulo justitiæ , Deo debiti erant , nonnihil ex rigorosæ satisfactionis iustitia detraxerunt : ergo , &c.

R. Nego ant. Quia cum illi actus essent à principio hypostaticè conjuncto cum persona Verbi , valoris fuerunt infiniti : ac proinde perfectè explere potuerunt omnes omninò titulos , cujuscumque speciei supponantur . Præterea multiplicatio titulorum non multiplicat debitum ; sic qui debet centum aureos , & eos solvit creditori egenti , per unam eorum solutionem , & titulum justitiæ & titulum charitatis explet perfectè .

9. Q. Deus potuitne non acceptare exhibitam à Christo satisfactionem ?

R. Non potuit : quia exigit infinita Filii dignitas ut semper à Patre exaudiatur , juxta illud ad Hebræos 5. *Exaudiens est pro sua reverentia* .

Obj. 1. Deus Pater acceptavit satisfactionem à Christo exhibitam ; tantum propter pactum de ea acceptanda ; quod liberè inter ipsum & Christum sancitum fuerat : ergo poterat eam non acceptare ; potuit enim pactum illud non ferire .

R. Nego ant. Non enim tantum propter illud pactum acceptata fuit , sed præterea propter ipsiusmet satisfactionis intrinsecam dignitatem : unde , secluso etiam eo pacto , Deus Pater , Christi satisfactionem acceptasset .

Obj. 2.

Obj. 2. Exhibita per Christum satisfactio, fuit ex gratia & liberalitate personæ offensæ, ex unione nimirum hypostatica quæ humanitati nullo modo debebatur: ergo, &c.

Resp. Dist: ant. Fuit ex gratia præsuppositivè, hoc est, satisfactioni exhibitæ ab humanitate, præsupposita fuit unio hypostatica, conc. ant. Fuit formaliter ex gratia, hoc est, fuit pars quæ opera satisfactoria componeret, nego ant. At gratia quæ tantum præsuppositivè se habet ad opus satisfactorium, non opponitur rigori iustitiæ, ut patet in debitore, qui creditorem solvit per pecuniam, quam sua industria lucratus est ex auro, quod ab eodem creditore mutuatus fuerat.

§. XIII.

De Christi Mediatione?

1. *Quæst.* Quid intelligitur Mediatoris nomine?

R. Mediator est is qui inter aliquos dissidentes, aut saltem minimè conjunctos, medium se interponit, ut eos aut redigat in concordiam, vel novo fœdere jungat.

2. *Q.* Christus estne Mediator Deum inter & hominem?

R. Est. Id enim expressè asseritur ab Apostolo primæ ad Tim. 2. *Unus (inquit) & Mediator Dei & hominum, homo Christus Jesus.*

3. *Q.* Quot modis Christus est inter Deum & hominem Mediator?

R. Pluribus modis: per substantiam nimirum & operationem. Et quidem 1. per *substantiam*, quia Deus & homo in Christo substantialiter ununtur. 2. Per *operationem*, quia Mediator est per discretionem & iudicium; à Deo enim constitutus est iudex & arbiter ineundæ pacis, si Deus primùm

ignolceret, & homo permaneret in fide, quæ per dilectionem operatur. 2. per modum *internuntii*, scilicet Christus sanctitas à Deo leges hominibus nuntiavit, unde Malachiæ 3. dicitur *Angelus testamenti*, 4. per *orationem & supplicationem*: (unde ait Apostolus) *semper vivens ad interpellandum pro nobis* Hebr. 6. 5. per *solutionem & satisfactionem*: scilicet *propitiatio est pro peccatis nostris*. 1. Joann. 2.

5. Q. Christus estne Mediator prout est Deus, an verò, prout est homo?

R. Est Mediator prout homo, qui tamen cum Verbo substantialiter conjunctus sit, Primò Mediator est prout homo, juxta illud Apostoli primæ ad Tim. 2. *Unus Deus, unus & Mediator Dei & hominum homo Christus Jesus*. 2. Homo ille, Mediator est in quantum Deo conjunctus; nempe Scriptura illi sub ea ratione considerato adscribit Ecclesiæ acquisitionem: *In quo vos posuit Spiritus Sanctus regere Ecclesiam Dei, quam acquisivit sanguine suo*. 3. non alia ratione potest Mediatoris partes explere, orationem nimirum, satisfactionem, & alia hujusmodi, quæ ad pacem nostram cum Deo stabiliendam conferunt.

6. Q. Christus estne ita Deum inter & homines Mediator, ut excludat mediationem Sanctorum unà cum ipso in cœlis regnantium?

R. Non excludit; quia Sanctorum Mediatio non est (ut est Mediatio Christi) primaria mediatio, sed secundaria tantum; scilicet apud Deum causam non agunt nostram, nisi ex meritis mortis quam Christus passus est; nisi in virtute gratiarum quibus ex Christi meritis donati sunt; non orant, nisi in ejus nomine; non aliud offerunt Deo, quam Christum ipsum, aut illius dona.

Obj. Apostolus primæ ad Timoth. 2. scribit, Christum esse *solum* inter Deum & homines Mediatorem; *Unus Deus, unus & Mediator Dei & hominum*

*num homo Christus Jesus : sed qui solus est Mediator ,
excludit alios : ergo , &c.*

Resp. Dist. maj. Mediatorem *primarium* , qui scilicet pro nobis mortuus est , qui pro nobis satisfecit , qui nos dato pretio redemit , qui causa est meritoria omnium gratiarum , qui propria & non aliena merita obtulit Deo , conc. maj. Mediatorem *secundarium* , nego maj. Non alia ratione Sancti , qui una cum Christo regnant in cœlis , sunt nostri apud Deum Mediatores , quàm ii qui adhuc in terris militant ; quàm pastores qui pro suis ovibus orant : quemadmodùm ergo Christi Mediatio non excludit Mediationem Sanctorum in terris degentium , nec pastorum pro ovibus orationem : ita nec Mediationem Sanctorum qui cum eodem Christo regnant in cœlis.

7. Q. Quid fides Catholica docet de Sanctorum , qui in cœlis regnant , erga nos officiis ?

R. Docet 1. eos suas orationes pro nobis offerre : 2. bonum ac utile esse eos invocare : *Mandat sanctæ Synodus (ait concilium Tridentinum Sess. 25.) omnibus Episcopis , & cæteris docendi munus curamque sustinentibus , ut fideles diligenter instruant , docentes eos , Sanctos , una cum Christo regnantes orationes suas pro hominibus Deo offerre , bonum atque utile esse suppliciter eos invocare , & ob beneficia impetranda à Deo per Filium ejus Jesum Christum Dominum nostrum , qui solus noster Redemptor & Salvator est , ad eorum orationes , opem , auxiliumque confugere .*

Obj. Sancti qui regnant in cœlis , non noverunt preces quas homines viatores ad eos dirigunt . ergo pro hominibus viatoribus non orant.

R. 1. Dato antecedente , licèt falsum sit , nego conseq. Dici enim potest sanctos in cœlis orare pro iis , qui eorum invocant auxilium , quamvis in specie non cognoscant à quibus invocentur , sicut nos

hic in terris orare solemus pro iis omnibus, qui se commendant orationibus nostris, quamvis nesciamus quoniam ii sint in specie.

R. 2. Nego aut. Quia (ut diximus agentes de intuitiva Dei visione) Deus revelat Sanctis, ea omnia que ad eos specialiter pertinent.

§. XIV.

De Adoratione Christo debita.

1. *Quest.* Quid est Adoratio?

R. Est cultus enti alicui propter supernaturalem ac eminentem ejus excellentiam exhibitus.

2. *Q.* Quotuplex est Adoratio?

R. Triplex, Latriæ, Dulciæ, & Hyperdulciæ. Prima, definitur, *Cultus ob divinam & infinitam excellentiam exhibitus*: altera, *cultus enti exhibitus propter excellentiam creatam, sed pluribus communem*: tertia, *cultus alicui exhibitus propter excellentiam creatam, sed eximiam, & ipsi propriam*.

3. *Q.* Adoratio Latriæ, debeturne Christo?

R. Debetur: quia debetur enti quod (ut Christus) est verè ac substantialiter Deus.

4. *Q.* Potestne dici, demonstrato Christo, quod huic homini adoratio debeat?

R. Potest: quia vox illa *homo*, cum sit nomen concretum, non significat naturam humanam solam, sed etiam personam: ea verò quæ personæ propria sunt, humanæ naturæ per communicationem idiomatum tribuuntur: propter eam enim rationem dicitur, quod hic homo (demonstrato Christo) sit Deus.

5. *Q.* Adoratio latriæ debeturne Christo, etiam prout est homo?

R. Triplex est ea de re Scholasticorum opinio:
Ale.

Alexander de Hales docet, humanitatem Christi sic consideratam, coli quidem debere cultu latriæ; sed qui relativus sit, hoc est, qui ultimò ad divinitatem terminetur, sicut cultus qui exhibetur imaginibus Christi. Scotus fatetur quidem, absolutum latriæ cultum deberi humanitati Salvatoris, sed addit deberi & ipsi alium cultum, qui hyperdulæ dicitur, propter eximias dotes ac virtutes quibus excellit. S. Thomas è contrà contendit Christo etiam prout est homo, non posse exhiberi alium à latriæ cultum.

6. Q. Potestne probari latriæ cultum deberi Christo, etiam prout est homo?

R. Potest. Scilicet Christo sub eo respectu considerato sub quo mundum ingreditur, debetur latriæ cultus, juxta illud Apostoli ad Hebræos cap. 2. *Et cum iterum introducit primogenitum in orbem terræ, dicit: & adorent eum omnes Angeli Dei*: atqui Christus, prout est homo, mundum ingreditur: ergo, &c.

7. Q. Idem potestne probari ex sanctis Patribus?

R. Potest: Athanasius in Epistola ad Adelphium, vetat ne is qui Christum adorat, duplicem adorationis terminum sibi proponat, Verbum nimirum & humanitatem: jubet ut utrumque conjunctim, hoc est una adoratione colatur: *Neque (ait) corpus ejusmodi per se dividentes, per Verbum adoramus: neque Verbum adorare volentes, ipsum longè à carne disjungimus*. Epiphanius in Ancorato docet, humanitatem esse veluti vestem Dei Verbi; hincque concludit unica cum Verbo adoratione coli eam debere, quemadmodum unico ac eodem honore & regem, & purpuram qua indutus est, colimus; ita & Verbum & humanitatem ab eo assumptam. Ambrosius in libro 3. de Spiritu sancto cap. 12. Augustinus in Psal. 98. in his Psalmsi verbis. *Adorate scabellum pedum ejus*, nomine, *scabelli*, intelligunt humanitatem Christi, ajuntque, eam sine impietate

tate adorari. Idem expresse docet S. Joannes Damascenus libro 3. de fide orthodoxa cap. 8. *Quem* (inquit) *adoramus unica adoratione cum ejus immaculata carne.*

8. Q. Potestne probari ex Conciliis, Christi humanitati patriæ cultum deberi?

R. Potest. Ephesinum I. Concilium probavit Cyrilli Anathematismos duodecim adversus Nestorium; at Anathematismo 8. Cyrillus expresse docet, hominem assumptum & Dei Verbum unà & eadem adoratione coli debere: *Et non unà potius adoratione Emmanuelem honorat, unamque illi glorificationem attribuit, quatenus Verbum Caro factum est, anathema sit.* Concilium generale V. eodem modo loquitur: *Si quis (ait) non unà adoratione Deum Verbum Incarnatum cum ejus carne adorat, juxta quod sancta Dei Ecclesia ab initio traditum est, anathema sit.*

9. Q. Potestne probari ratione, absolutum patriæ cultum deberi humanitati Christi.

R. Potest. Nempè honor qui primò & per se respicit personam, secundariò & ex consequenti respicit ea omnia, quæ in illa persona existunt: sed, &c. ergo, &c.

Obj. Humanitas Christi non est Deus: ergo illi non debetur adoratio patriæ.

Resp. Dist. conf. Ergo illi primò & per se non debetur adoratio patriæ, conc. consequ. Secundariò & ex consequenti, nego consequ. Solutio patet ex dictis.

10. Q. Potestne dici quodd humanitas Christi, solum per accidens adoretur patriæ cultu?

R. Dici potest si per has voces, *per accidens*, idem intelligatur ac per has alias *secundariò & ex consequenti*: E contrà dici non potest, si per easdem voces, *per accidens*, intelligatur adorationem deberi humanitati Christi, quia sequitur (ut volebat Nestorius) ex accidentali unione cum Verbo.

11. Q. Adoratio hyperdulæ potestne tribui Christo, ratione excellentiæ creata, quæ in ejus humanitate reperitur?

R. Non potest. Nam 1. inde sequeretur humanitatem & Verbum in Christo, posse duplici adoratione coli, quod tamen fieri non posse, Cyrillus negat. 2. Nullus è SS. Patribus meminit hyperdulæ, quæ Christi humanitati exhiberi possit: 3. quando res cui per se cultus minor debetur, est conjuncta alteri cui debetur cultus præstantior, minor ille cultus non exhibetur, sed solus præstantior, lic qui Rex est & Comes simul, non honoratur officiis, quæ soli Comiti exhibenda sunt.

12. Q. Debeturne Sanctis una cum Christo in cælo regnantibus aliqua adorationis species, seu quod idem est, aliquis religiosus cultus?

R. Debetur: non minùs enim illis, quàm quibusdam hominibus, adhuc in terra degentibus, exhibendus est honor propter excellentiam, quæ, ut in Ecclesiasticis pastoribus & multis hominibus maxime piis, ad religionem spectet.

13. Q. Cultus qui sanctis debetur estne latriæ cultus?

R. Non est: *Quis enim* (ait Hieronymus adversus Vigilantium) *aliquando martyres adoravit? quis hominem putavit Deum?*

14. Q. Quomodo vocatur cultus religiosus qui Sanctis exhibendus est?

R. Is qui Sanctis exhibetur, vocatur cultus *dulæ*: qui verò Virgini Deiparæ, vocatur cultus *hyperdulæ*.

15. Q. Debeturne cultus aliquis Sanctorum reliquis.

R. Debetur: quendam enim quæ ad religionem spectet, dignitatem compararunt ex eo, quod vera fuerint Christi membra, & templum Spiritus sancti, ab ipso ad æternam vitam suscitanda, & glorificanda.

Praxim qua cultus religiosus reliquiis exhibetur, quarto sæculo Vigilantius, sicut & decimo sexto Lutherani & Calvinistæ damnaverunt; sed eum Vigilantium, argumento ex consensu totius orbis petito, hisce verbis confutat Hieronymus: *Malè ergo facit Romanus Episcopus, qui super mortuorum hominum Petri & Pauli, secundum nos ossa veneranda, secundum te, vilem pulvisculum, offert Domino Sacrificium, & tumulus eorum Christi arbitratur altaria. Et non solum unius urbis, sed etiam totius orbis errant Episcopi, qui cauponem Vigilantium contemnentes, ingrediuntur Basilicas Martyrum.*

16. Q. Cultus aliquis religiosus debeturne imaginibus sacris?

R. Debetur: nam 1. id post Nicenam II. Synodum Tridentina definiit Sessione 25. ubi hæc habentur: *Eisque (de sacris imaginibus loquitur) debitum honorem & venerationem impertiendam.* 2. Quando Iconomachi bellum indixere sacris imaginibus, omnes ubique Christiani eas in templis habebant, eisque quendam religiosum cultum exhibebant. 3. Imperatoris imagini, quod Imperatorem repræsentet, cultus civilis exhibetur, ergo religiosus exhiberi debet imaginibus, quæ rem sacram repræsentant.

Obj. 1. Cultus exhibitus sacris imaginibus videtur idem esse cum eo quod Gentiles, Deorum suorum simulacris exhibebant: ergo, &c.

Resp. Nego ant. Scilicet Gentiles credebant, simulacra sua Deos esse veros, juxta illud Sapientiæ 13. *Appellarunt Deos opera manuum hominum:* aut saltem putabant, Deos suos, saltem per virtutem aliquam, inesse simulacris, quibus thus adolebant: at neutrum de imaginibus quas colunt, credunt Catholici: hoc est, nec credunt imagines esse Deos, nec aliquam eis inesse virtutem, propter quam cultum mereantur: *Non quod credatur* (inquit Concilium

Tri-

Tridentinum Sess. 25.) *inesse aliqua in eis divinitas, vel virtus propter quam sint colenda, vel quod ab eis sit aliquid petendum, vel quod fiducia in imaginibus sit figenda, sicuti olim fiebat à Gentibus, quæ in idolis spem suam collocabant.*

Obj. 2. Exodi cap. 20. omnium omninò rerum per se extantium, seu alteri per modum ornamentum non adhærentium, sculptura & pictura prohibentur: ergo & a fortiori imaginum, sive sculptarum, sive pictarum cultus.

R. Circa prohibitionem de qua agitur, triplex est Theologorum sententia.

Prima, asserit Deum in antiqua lege non prohibuisse omnium prorsùs imaginum usum, sed earum dumtaxat, quæ ad falsum aliquod Numen representandum fierent, quæque, propriè loquendo, Idola vocantur.

Altera, docet Judæis prohibitum fuisse, non tantùm inanum Deorum, (ut vult prima sententia) sed etiam Dei veri imaginem effingere, aliarum vero rerum imagines quæ ad patriæ adorationem non effingerentur, Judæis non fuisse prohibitas.

Tertia, contendit prohibitum fuisse Judæis aliquarum rerum, cujuscumque speciei supponantur, imagines sculpere aut pingere: *Non facies tibi sculptile* (inquit Scriptura Exodi 20.) *neque omnem similitudinem, quæ est in calo desuper, & quæ in terra deorsum, neque eorum quæ sunt in aquis & sub terra.* Eam praxim Judæos ad litteram servasse, docent Philo Judæus in libro de Decalogo, & Josephus libro 17. Antiquitatum.

Verùm quæstionis illius solutio non est necessaria, ut solvatur argumentum quod nobis obiectum est: nempe, dato antecedente, nego consequ. Ratio est quia præceptum de non effingendis aliquarum rerum imaginibus, erat præceptum merè ceremoniale, & idèd latum, quod Judæi ad Deorum inanum cul-

tura

tum essent maximè propensi : at præcepta merè ceremonialia per Evangelii promulgationem abrogata fuerunt.

Obj. iterum 1. Gregorius Magnus in suis ad Serenum Episcopum Massiliensem Epistolis , docet nullum planè cultum sacris imaginibus exhiberi debere . 2. Libri Carolini damnant Nicænam II. Synodum , quod cultum imaginibus afferuisset . 3. Concilium Francofordiense eandem Nicænam II. Synodum ob eandem rationem proscripsit . 4. Idem factum est a Concilio Parisiensi , quod anno 825. celebratum est : ergo , &c.

R. Ad 1. Gregorius Magnus non alium imaginibus negavit cultum , quàm qui etiam in Nova lege primo Decalogi mandato prohibetur : at cultus qui primo mandati Decalogo in Nova lege prohibetur , est cultus latriæ absolutus . Confirmatur ex eo , quòd Gregorius probet , ut ante imagines populi fideles procumbant , eaque exterius faciant , quæ honorifici & religiosi cultus sunt argumenta . . .

R. Ad secundum , tertium , & quartum argumentum , libros qui Carolini dicuntur , Concilium Francofordiense , & Concilium Parisiense , per errorem facti , non autem ex errore juris damnaſſe Nicænam II. Synodum : scilicet illorum Conciliorum Patres censuerant Nicænam Synodum Latriæ cultum Sanctorum Imaginibus detulisse . *Vt* (inquit Patres Concilii Francofordiensis , Nicænæ II. Synodi referentes definitionem) *qui imaginibus Sanctorum : ita ut Deificæ Trinitati , servitium aut adorationem non impenderent , anathema judicarentur .*

Ratio verò cur Francofordiensi Concilio ita visum fuerit , petitur , ex eo quod Nicænæ Synodo adscripserit opinionem Constantini Episcopi , qui cum tuam in Synodo Nicæna sententiam dixerat , usus fuit .